





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2549/A/2








Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2549/A/2





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2549/A/2



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2549/A/2




V<sup>3</sup> 2549<sup>13</sup>A/2

A.XVIII.O.I

40 721







CL. GALENI

PERGAMENI DE

RATIONE CV-

RANDI

AD

GLAVCONEM

LIBRI II.

MARTINO Acakia Catalaunenfi

Doct. medico interprete.

COMMENTARII EIVSDEM

*in eisdem libros.*



Lugduni, apud Godefridum & Mar-  
cellum Beringos, fratres,

M. D. XLVII.



# MARTINVS

ACAKIA LE-  
CTORI.

\*



EDICINA scientiarū  
omnium nobilissima, anti-  
quissimāque, magna caligi-  
ne sepulta, ac obruta, iā stu-  
diosorum quorundam dili-  
gētia, & industria enitescit.

Numerosissima enim studen-  
tium pars, hanc artem ad quæstum trahere nos-  
lens, temporis compēdia sequi maluit, quam lon-  
giori tempore artis pulchritudinē querere. Itaq;  
a primis disciplinis, malē etiam intellectis, proti-  
nus, non ad artis medicæ principia, sed ad finem  
trāsīt. Artem enim prius exercere, quam intelli-  
gere uoluit alieno periculo. Auicēnam igitur me-  
dicæ artis principem fecit, primāsque illi tribuit:  
Hippocratem uerò ac Galenum, duo medicinæ  
lumina, magno artis dispēdio, ē medicorum thea-  
tro explosit. Illum, quòd cōtracte, pressēque, proim-  
dēque, obscure: hūc uerò, quòd late, sed confuse rem-  
medicam tractasse diceretur: Auicennam uerò,  
quòd artem, ut autumat, & breuiter, & lucu-  
lente tradidisset, sequi maluit: quem tamen con-  
stat chaos quoddam, ac indigestam molem po-  
tius quàm ordinatam doctrinam condidisse. Om-

nia



VS  
3  
omnia enim cum omnibus, sine ordine, sine uia ac  
ratione miscuit: uastumq; opus effecit, infinitis  
propemodum erroribus refertum, humano gene-  
ri perniciosissimis. Quot enim hominum milia  
una Auicennae, aliorumque Arabum de sangui-  
nis missione ex opposito latere in pleuritide, aliis-  
que internis corporis inflammationibus opi-  
nio iugulauit? hoc tamen Auicennae sectatores in-  
telligere non possunt, adeo huic opinioni inuete-  
rata Arabis autoritas ceruicofos istos ac mar-  
moreos addixit. Exprimi enim non potest, quam  
caeca confidentiae, quam perditae audaciae eiusmo-  
di homines hanc artem sedent, literarum omnium  
prorsus expertes. Nullos enim non suscipiunt cu-  
randos, inani pollicitatione miserè uulgo impo-  
nentes: omnesque tam qui curari possunt morbo-  
sos, quam qui curationem non admittunt, ex aequo  
(nisi quos fata seruant) enecant. Quisquis igitur  
ad hanc disciplinam studium suum colloca-  
turus est, educatum ac uersatum in liberalibus  
ac bonis disciplinis esse oportet. Deinde optimos  
praeceptores uel audiat, si fieri omnino potest, uel  
certe legat. Itaque Galenum, medicorum solum  
huius artis praecepta facile, luculentè, ac absolu-  
tè docentem, imitandum esse suadeo, non autem  
Arabum doctrinam obscuram, mutilam ac man-  
cam, erroribusque scatentem. Longè enim plus  
commodi uel ex hac Galeni ad Glauconem cu-  
randi ratione, quam ex uniuersa Arabum do-  
ctrina



<sup>a</sup>  
Etrina te aſecuturum, ſi quidem diligenter hęc  
euolueris, ac intellexeris, confidenter adfirmo.  
Quam nos è Græco in Latinū uertimus, ac enar-  
rauius, quā potuimus diligentiffimè: ſed  
quā feliciter id aſecuti ſimus, tuum eſto iudic-  
cium. Quod ſi tibi boni conſultum eſſe intellexe-  
ro, quas meditor lucubrationes reliquas, in u-  
ſum tuum edam. Vale.



CL. GALENI

PERGAMENI DE

RATIONE CV-

RANDI

AD

GLAVCONEM

LIBRI II.

\*

MARTINO ACAKIA

INTERPRETE ET

COMMENTA-

TORE.

\*



V O'D non com-  
munem solum o-  
mnium hominu  
naturam, ô Glau-  
co, sed & cuiusq;  
propriam, nosse  
medicus debeat,  
& ab Hippocrate  
olim recte tradi-

tum est, & à nobis in ipsis artis operibus,  
ut nosti, studiosè observatum. Fieri tamè  
nō potest, ut propria cuiusq;, perinde atq;  
cōmunis, scribatur: sed opposito se habent  
ordine scripta & opera: cū in alijs plerisq;,  
tum

4 3

tum



tum maxime in his quæ nunc docere statui-  
mus.

**N**ATVRAM tum ingenitam, tum asciti-  
tiam temperiem uocare solent: nostræ  
enim generationis initio, ex utriusq; maris &  
femine genitura, crasin, id est temperamentum  
nanciscimur, quam nos proprie naturam à na-  
scendo dicimus: quemadmodum Græci eandem  
φύσιν, ἀπὸ τῆς φύσεως appellant. hæc si mutata sit,  
seu in melius, seu deterius, citra tamē actionū of-  
fensionem, ascititia dici poterit. Quod si tantus  
ab æqualitate sit mutationis recessus, ut corpo-  
ris functiones lædantur, eā neq; simpliciter natu-  
rā, neq; aduētitiā, sed morbū dicemus. Cōmunis  
itaq; omnium hominū natura est, quæ intra certos  
limites calidi & frigidi, humidi & sicci cohibe-  
tur: quos ultra citraq; nequit cōsistere. Neq; enim  
quamlibet frigida, calida, humida, aut sicca esse  
potest, sed intra certos elementorū fines, ut dixi,  
coercita, si modo duratura est, ad quorum mē-  
diocritatem, quo propius accesserit, eo tempera-  
tior euadet: contrā intemperatior, quō longius  
abscesserit. Cum igitur in hominis mistura, ele-  
menta nunc propius ad æqualitatem accedant,  
nunc uero longius recedāt, sitq; aliud alio poten-  
tius, sit ut non una sit hominis natura, sed quot  
modis ea contemperantur, totidem naturas esse  
oporteat. Atqui in mistione calor frigiditatem,  
aut frigiditas calorem, & siccitas humiditatem,  
aut hu-



aut humiditas siccitatē, aliquando uero duo ex his altera duo superant: nōnunquam omnia propius ad aequalitatem accedunt. Nouem igitur erunt hominis naturae: simplices quatuor: calida, frigida, humida & sicca: totidem ex his compositae: calida & humida, calida & sicca, frigida & humida, frigida & sicca, & praeter has una temperata. Illarū porro quaeq; cōmunis est, sed minus quā quae totā naturae ambit latitudinē. Temperata uero quaedā summa est ac consummata, ut scribit Galenus, quae cogitatione uerius quā re ipsa cōsistit: nisi forte tēporis momēto duret: eaq; ratione maioris & minoris diuidua nō est. Quaedā uero ab huius absolutiōe, perfectioneq; paululum deflectit: habetq; latitudinem, quemadmodum & reliquae octo: quo liquet innumeras esse priuatas particularēsq; hominis naturas: quarum quamque Galenus propriam cuiusque appellat. Cognoscere igitur communem omnium hominum naturam, nihil aliud est, quā in illo amplo elementorum ambitu, eam contineri nosse, & quatenus ex elementis ad humanum temperamentum probe mistis, constituta sit. Minus cōmunē uero dignoscere, est eam intelligere, nō solum ex elemētis constare, uerū ex corū uel aequalitate uel inaequalitate, non qualibet, sed quae in latitudine humane temperaturae comprehensa sit: hoc est quatenus aut temperata, aut calida, aut frigida, aut humida, aut sicca, aut ex his mi



exta sit. Particularem uero, hoc est cuiusque propriam nosse, est eam intelligere non modo calidam, frigidam, humidam, aut siccam esse, sed in hoc, uel illo qualitatis excessu consistere: particularésq; quasdam proprietates habere, seu natiuas seu consuetudine comparatas. Cæterum priuata nature præ multitudine, uarietate, uel perpetua mutatione sub artē cogi non possunt. Nam propemodum infinita sunt, perpetuoque mutantur. Ad hæc, quantum unaquæq; à iusto temperamento recedat, ad amussim deprehendi non potest: nihilominus id coniectura assequi eniten- dum est. Fieri enim nō potest, ut quis recte curet, nisi is non modo communem, sed & propriam, priuatamq; cognoscat. Siquidem aliæ nature alia remedia efflagitant. Coniectura igitur, quoniam demonstratione nō licet, quantus sit à mediocritate recessus, diligenter disquirendum est. Porro autem nō quemadmodum communis, ita priuata doceri potest: sed aliter docemus, aliter opera tractamus. Ab uniuersalibus enim docentes auspicamur, & ad particularia deuenimus: curationem uero à particularibus, & contrariò quo inuenta sunt, ordine molimur. uerbi gratia, cum febrem docere uolumus, eam in toto genere contemplamur, eius naturam perscrutantes per theoremata & principia artis: cognitam in suas differentias dispescimus, nempe in putrem, diarriam, & hecticam. Rursus putrē & hecticam diuidimus



diuidimus, deinceps procedendo, dum ad particulares & indiuiduas deuentum sit. Postea earum causas omnes, usq; ad ultimas uestigamus. Curamus uero nō à febre auspiciati, sed ab hac, nimirum biliosa, qua Achilles laborat: quæ quia præsentem causam habet, nempe putredinem, huic prius quàm illi intendimus: quoniam rursus ob meatuum constipationem fit putredo, ad constipationē consilium nostrū dirigimus. Igitur quod docendo inuentum est ultimum, id operando uides esse primum. Quocirca opposito se habent ordine scripta, & opera.

EFFLAGITASTI enim, ut tibi uniuersalē medēdi uiam ac rationē, quasi summatim describerē: hæc autē qualitate, quā titateque remedij cuiusque, & utendi modo, ac occasione, quæ horum omnium cognitu difficilima longe est, perficitur. Circa quam, nempe admodum præcipitem, ut alicubi autor nobis bonorum omnium Hippocrates docet, plerunque medicos nō uulgares modo, sed & certe optimos, falli uides. Quinetiam recta assequi coniectura medicamenti quantitatem, pro uirium ratione corpori accommodandam difficile esse, idem uir scripsit.

Vniuersalis medendi uia ac ratio, quam methodum Græci uocant, ex principio aliquo ad singula peragenda ordine perducit: docēdo quid  
 4 5 primum



primum, quid secundum, quid tertium, & reliqua deinceps: & quid cū quo, & quid sine quo curationem efflagitet: & qua ratione ei perfici possit. Primum enim curari debet id quod magis urget, aut sine quo aliud curari non potest: Magis urget, quod maius periculum, si negligatur, adlaturum est: Periculum autem adfert affectus magnitudo, siue is morbus, siue causa, siue symptoma sit: Affectus magnitudinem sua substantia prodit, atq; à naturali statu recessus: præterea & partis affectæ conditio. Nonnulli enim affectus toto genere mali sunt, ut syncope, animi deliquia, atque id genus alia, quæ vires assatim demoliuntur. Nonnulli uero ex se quidem periculosi non sunt, sed si increuerint, multūq; à naturali statu recesserint, periculo nō uacant. Cuiusmodi sunt quædam febres, quæ errore uel medici uel egroti ad tantum excessum deueniunt, ut hominem iugulent. Ad eundem modum partes aliæ alijs maius periculum minantur, ubi affectum alioqui mitem conceperint. Principia enim uirtutum, stomachus, & aliæ corpori necessariae partes, affici uel mediocriter non possunt, sine magna totius corporis iactura. Ab his igitur curationem auspicari oportet. Exemplum habes in hoc priore libro de febre assidua cum stomachi affectu, syncope, animi deliquijs, & alijs id genus symptomatis. Aliud sine alio curari non potest, ut effectus sine causa. Putris febris, exempli



exempli gratia, curari nō potest nisi abacta eius  
 causa: nempe humorum putredine: nec putredo,  
 nisi deleta obstructione. Igitur ubi nihil aliud  
 urget in id genus affectibus, curationis ordo à  
 causis petendus est. Quemadmodum ubi compli-  
 cati sint affectus, ab eo auspicari curationem o-  
 portet, sine quo reliqui curationem non admit-  
 tunt. Proponatur, gratia melioris intelligentiæ,  
 ulcus cauum in crure præter naturā calido: quo-  
 niam autem per hāc hypothesin affectus multi-  
 plex est, nempe ulcus, cauitas, & intēperies par-  
 tis calida, uidendum est ex quo principio ad sin-  
 gulorum curationem procedēdum sit: & cui pri-  
 mo consulendum, cui secūdo, & tertio: quod nos  
 methodus ad hunc modum docebit: Vlcus, quia  
 solutio continuitatis est in carne, uniri postulat:  
 cauitas, carne repleri: crus præter naturam cali-  
 dum, refrigerari, per primum illud principium,  
 Contrariorum contraria sunt remedia. Et quo-  
 niam ulcus probe uniri non potest, nisi commiso-  
 sis eius labris, ceterum committi non possunt, ni-  
 si ei quæ perijt caro uicaria regignatur: quod cū  
 naturæ sit opus, ea nisi integra, incolumisq; sit,  
 hoc munus rite obire non poterit. Ex hypothesi  
 autem crus præter naturam incaluit, proinde  
 eius natura imbecilla est, & ad procreandam  
 carnem inepta: quare nisi reductum sit ad suam  
 naturalem constitutionem, similem deperdita  
 carnem generare non poterit. Primū igitur crus  
 ad



ad naturā reuocabimus, deinde ulcus carne implebimus, postremo solutam uniemus continuitatem. Vniuersalem hanc curandi rationem cōstare Galenus ait, ex remediorum qualitate, quantitate, utendi modo, adhibendi opportunitate. Remediorum qualitas ab actione quam edit, à parte cui precipue dicatur, & ab affectu cui medetur, sibi nomen adoptat. Actionem edunt primæ qualitates, nempe caliditas, frigiditas, humiditas & siccitas, ex hisq; natae, ut quæ emolliunt, indurant, laxant, tendunt: quæq; substantiæ concrementum consequuntur: cuiusmodi sunt quæ tenuant, incidunt, & incraissant, & meatus infarciunt, emplasticas uocant: quem admodum & quæ ex ambabus ijs nascuntur, ut astringens, densans, repellens, aperiens, digerens, detergens, & alia id genus, de quibus fusiſſime Galenus in libris de Simplicium medicamentorum facultatibus disputauit. A totius substantiæ similitudine uis purgatoria manat, quæ humores è corpore trahit, alia alios. Sortiuntur etiam appellationem huiusmodi qualitates ab affectu, & affecta parte, quibus medentur: ut bechica, id est tuſſicularis, quæ tuſſi: stomachica, hepatica, quæ stomacho & iecori cōueniunt. Qualitates primas adhibendas esse ostendunt affectus quidem contrariā, ut calidus frigidā, frigidus calidam, & alij pari modo. Temperatura uero similem, calida quidem calidam, frigida frigida



dam, humida humidam, & sicca sicca. Ad eun-  
dem modum alie qualitates, tum quæ ex primis  
nascuntur, tum quæ ex substantiæ crassamento,  
tum ex utrisq; ortum habet, contrarijs affectibus  
& similibus temperaturis adhibetur: ut emollitæ  
præter naturam substantiæ, quæ indurât: raræ, quæ  
densant: & reliquæ pari modo. Sola vitiosi hu-  
moris cõditio purgatoriâ vim præscribit, ut bilis  
quæ bilem trahat: pituita, quæ pituitam. Quemad-  
modum quæ à loco & eius affectu nomen acce-  
pit, tum loci ipsius, tum morbi natura, quam ad-  
hiberi oporteat, ostendit. Venter enim, stomachus,  
& iecur, medicamenta efflagitant, quæ robur ser-  
uare possint: cuiusmodi est absinthium. Quod au-  
tem tum morbus tum affecta pars peculiare quod-  
dam remedium desiderent, id fit vel occasione su-  
pradictarum qualitatum, vel quod non antè me-  
dicamenti vis suo fungitur munere, quam à na-  
tura excitata sit. Nam quæ partium crassitie pol-  
lent, viscosæq; sunt, motu pigra existunt, ideo pri-  
mis partibus hærent, in quibus nativum expe-  
ta calorem, vim suam exerunt. Tenuia vero cele-  
riter in longinquas partes perueniunt, antequam  
in actum, ut dicitur, reducantur: ubi vim suam  
exercent, ut cantharides in vesica: hinc fit ut alia  
iecori, alia lienî, alia alijs partibus confes-  
rant. Sic nonnullarum partium ut iecoris &  
ventris robur seruare debet, scilicet uniuersum  
corpori necessarium. Ideo leniter astringentibus,  
hoc



hoc est quæ naturæ partis robur tueantur desin-  
derant: cuiusmodi est absinthium. Pari modo nō  
nulli morbi peculiaribus remediis iuuari credun-  
tur, ut comitiales pæonia, nō autē occulta, ac deli-  
tescente ui, sed quatenus humores hunc morbum  
efficientes extenuat, ac digerit. Quantitas  
non solum molem, & mensuram, uerum etiam  
facultatis ordinem, ac gradum & numerum ad-  
hibendorum medicamentorum continet: hæc o-  
mnia definiunt magnitudo affectus, propria cor-  
poris natura, uirium robur, partis conditio. Af-  
fectus nomine intelliguntur morbus, eius causa,  
& symptomata. Magnitudo sub se cōtumaciam  
affectus continet: etiam si alioqui exiguus sit. Igi-  
tur affectus magnus, non solum medicamenti co-  
piam, sed & uehementiam postulat: exiguus mi-  
norem modum, & uim remissiorem: atq; ut ses-  
mel dicam, equali medicamentorum excessu,  
contrarius naturæ excessus abigendus est. Nam  
quemadmodum medicamenti facultas, tum mo-  
le minor, tum uiribus ignauior, ad mediocritas-  
tem, quod excessit, non reducit, sic maior uehe-  
mentiorq; oppositum excessum inuehit: tantum  
quidem, quantum ipsa naturæ excessum supera-  
bat. Neq; enim alia ratione calidum, & frigi-  
dum medicamentū dicimus, quàm quòd calfacit  
& refrigerat: sic & mediocriter calidum, quod  
modice calfacit: & in primo, secundo, tertio, quar-  
tōne excessu calidū, & frigidum, quod hoc aut  
illo



illo excessu corpus calfacit, ac refrigerat. Vbi igitur uehementer immutandum corpus est, uehementer immutantibus est opus: ubi modice, ijs quæ modice immutet: ubi in secundo, tertio, quarto ordine, medicamenta, quæ similiter afficiant adhibenda sunt. Pari modo in alijs qualitibus facitandum est, ut aperientibus, & detergentibus. Sic par pondus, & mensura in pari morbi magnitudine adhiberi debet: itaq; remedij quantitas quam maxime fieri potest, affectus magnitudini respondeat. Pertinacia affectus medicamenti quantitatem uariat: si quidem is facile solui possit, parcius ac rarius offerendum esse comonstrat: sin agre ac pertinaciter, liberalius & frequentius. Quemadmodum & uires si ualida sunt, largius & frequentius admittunt: sin imbecille, parcius. Corporum propriæ priuatæq; nature ut uariæ ac differentes sunt, ita uarium medicamenti modum postulant. Sunt enim quibus id in alimentum uertitur, si deuoretur: ijsq; liberalius ac uehemētius sumunt. Alij contra à quouis facile leduntur, sic ut interdum solo eius olfactu ad uomitum prouocetur: atq; ijs parcius, ac blādus adhibendum est. Cōditio partis sentiēdi præstatiā ac hebetudinē, crassamentum, officium, formationē, situm, ac societatem cum alijs partibus, cōplectitur. Acutus enim sensus uehemēs ac copiosum medicamentum respuit, quod obtusus, hebesq; admittit. Quæadmodum rara, mollis, & laxa materia mitius:



tius, densa, dura ac compacta, ualentius recipit: sic partes principes, & quæ uniuerso corpori officium suum præstant, quales sunt uentriculus, iecur, cor, & cerebrum, blandius, ac parcius. Contra obscuræ, ignobiles, & quæ munus publicum non habent, acrius & liberalius ferunt, ut postea fusius docebitur. Formatio quoque partis eandem habet rationem. Siquidem partes quæ tam intra se quam extra uias habent faciles ac patentes, mitius ac parcius: quæ uero meatibus carent aut angustas uias habent, uberius & acrius efflagitat, uti posteriore libro dicetur. Situs, & societas partium, medicamenti & uim & molem uariant. Nam quæ in superficie constitutæ sunt, & quæ societatem cum uentriculo & intestinis habent, paucum ac mite: quæ uero longe à uis purgatorijs distant, largum ac uehemens exigunt.

Vt educti medicamenti modum ac rationem ostendunt, humoris natura, uia per quam humor ipse educitur, locus cui remedium adhibetur, & medicamenti uehementia, morbi que conditio. Nam si humor uacuandus in nobilem partem uergat, hunc retrahere, uel deriuare expedit in locum convenientem: qualia sunt intestina, uesica, uterus, cutis uniuersa, palatum, nares: & per conuenientem uiam, hoc est rectum tramitem, ac per directum, ad locum affectum. Sin in ignobile, & per commodam uiam, sine dâ natura est, modo par sit humori uacuando. Sin minus, inuanda. Quod si residet humor in aliqua corpo



ris parte, isq; quantitate magis quàm qualita-  
 te delinquat, educi sanguinis missione debet. Sin  
 qualitate, & ad excretionem paratus sit, pro-  
 prius educere per idonea, ut dictū est, loca oportet:  
 qui si crassus ac lentus sit, prius extenuari  
 incidiq; postulat: postea, ut modo docui, uacuari  
 idoneis medicamentis. Sin farta uia est detergi,  
 astricta laxari debet: postea humor uacuari.  
 At si neq; stricta, neq; obstructa sit, aut alio quo-  
 us modo impedita, quominus per eam humor  
 fluat, si quæ de humore modo dicebamus, con-  
 sentiant, protinus hunc uacuare oportet. Ceter-  
 rum, si affectus magnitudo uehementissimum  
 remedium efflagitat, non continuo id adhiben-  
 dum est, sed remissius primum, deinde paulatim  
 in auctis eius uiribus, tantisper dum morbi  
 magnitudinem æquet, offerendum. Non enim  
 subitas uehementesq; mutationes natura susti-  
 net, præsertim iam morbo imbecillior reddita.  
 Ad eundem modum, ubi corpus larga euacua-  
 tione eget, sed per imbecillitatem, aut aliam oc-  
 casionem, hanc semel ferre non potest, ea in mul-  
 tis est partienda, ut in cacochymia. Locus uerò,  
 cui adhibetur remedium, medicamento for-  
 mam potius, quàm ministrandi modum docet:  
 siquidem alia ano, alia utero, alia oculis medi-  
 camenti forma adhibenda est. Occasionem  
 Græci κατὰ χρόνον uocant, id est temporis partem, in  
 se habentem rei alicuius idoneam faciendi, aut  
 non



nō faciendi opportunitatem. Curādi autē naupē  
Hippocrates ὀξύ, id est, celerem esse ac prācipi-  
tem ait, celeriterq; transcurrentem, ob perpetuum  
substantiæ corporis fluorem, ut Galenus inter-  
pretatur, scilicet alterantibus causis, tum inter-  
nis, tum extrinsecus incidentibus obnoxie. Mor-  
bus enim, ut alias causas taceam, maxime cor-  
pus immutat, atq; eò reddit imbecillius, quo ues-  
hementior est. Quò uero grauius affligit, eò cele-  
rius exigit remediū. unde sit, ut celeris sit exhi-  
bēdi remediū opportunitas. Remediorum autem  
opportuna tempora, in genere quidē, ex præsens-  
tia eorū, quæ remedia efflagitant, & eius absen-  
tia, quod potest exhibitionē impedire, desumun-  
tur, ut autor est Galenus. Remedia efflagitant  
morbis, eius causæ, & symptomata. Nullo enim  
tempore hæc auxilijs non egent. Nam quicquid  
in corpore præter naturam est, quocunq; morbi  
tempore, siue principio statim, siue incremento,  
siue statu, siue declinatione, sui ablationem indi-  
cat. At non omnia omni morbi tempore oppor-  
tuna sunt auxilia: sed alia in principio, alia in-  
cremento, alia statu, alia declinatione confe-  
runt. Vacuatio enim, etsi hanc febris, uerbi  
gratia, ex humorum putredine perpetuo effla-  
gitet, non tamen omni tempore commode ad-  
hiberi potest: sed tantum, cum uirium robur id  
permittit: hoc est, ut dicebamus, absentia eius,  
quod prohibere adhibitionē potest: hoc autē est

uir



uirium imbecillitas. Itaq; à tempore morbi uires,  
à uiribus occasio adhibendi remedij petitur: his  
si adiunctus sit motus, uel humoris, uel naturæ,  
uel utriusq; , maxime remedia offerre licebit.  
Ostensum autem est, omnem præter naturā affe-  
ctum, semper sui ablationē efflagitare: præsensq;  
uirium robur, id est, uirium imbecillitatis absen-  
tiam, remedium admittere. Valent autem uires  
magna ex parte, & per initia horum morborū,  
& declinationes. Igitur per ea tempora licet re-  
media adhibere. Per initia quidem sanguinis  
missionē, aut purgationē, si materia turget, aut  
ad excretionem alioqui parata sit: in declinatio-  
ne uero maxime purgare licet, cum tunc & hu-  
mor concoctus, excerniq; idoneus sit, & natura  
morbo superior ad expulsionem moueatur. Eo-  
dem modo per accessionum particularium prin-  
cipia prouocare uomitum licet, in declinatione  
uero inferiorem uentrem mouere, aut sudores e-  
licere, naturæ motum imitantes. Particulatim  
uero remediorum tempora, tum ex antè comme-  
moratis, tum ex alijs, quæ omnino scribi non pos-  
sunt, petuntur. Cum enim non omnes morbi æ-  
qualia habeant tempora, nec eadem symptoma-  
ta, remedium aut impediencia, aut accelerantia,  
atq; agrotorum diuersæ sint particulares natu-  
ræ, propemodumq; infinitæ, ut ostensum est: a-  
liaq; id genus inueniantur, quæ adhibendi reme-  
dij occasionem uariant, quod temporis momen-  
tum.



tum omnibus idoneum præscribi poterit? Non est igitur facile singulis sua tempora inuenire. Itaq; medicos uel doctissimos, circa hanc occasionē subinde hallucinari contingit. Quod uero nec promptum sit idoneam medicamenti quantitatem pro uirium ratione adhibere, uel ex eo constat, quod exacte corporis uires, ac medicamentorum facultates metiri non possumus: sed coniectura tantum, quam non omnes probe assequi ualent.

C V M igitur ad rectam curationem plurimum conferre tum occasio, tum quantitas remediorum constet, sint autem hæc singulis ægrotis propria, nihil uero quod proprium sit uerbis explicari possit: hac ratione, quod commune est scribere cogimur, tametsi id usu sit secundum.

Non solum adhibendorum remediorum occasio, & quantitas, ad rectam curationem conferunt: uerum etiam qualitas & utendi modus, ut proxime declaratum est. Ea uero omnia singulis ægrotis propria peculiariaq; insunt: neq; enim eadem medicamenti quantitas, neq; qualitas omnibus conuenire potest, nec eodem morbi tempore adhiberi, nec omnibus eodem modo ministrari: insuper particulares nature innumere sunt, ut docuimus, morbi quoq; particulares innumeri: unusquisque uero tum morbus, tum ægrotus proprium efflagitet remedium: quot



quot natura, & morbi sunt particulares, totis-  
dem remedia particularia esse oportet: nempe  
infinita; proindeq; ineffabilia. hac igitur cū pro-  
pria unicuiq; insint, propria autem uerbis ex-  
plicari non possint, quæ communia sunt, sub ar-  
temq; cogi possunt, scribere tentat Galenus: non  
autem propria, quæ explicari non possunt. Quod  
itaq; commune est scribit, licet in exercenda ar-  
te secundum locum obtineat.

PLERVNQVE enim ægrotos quos-  
dam inuisimus, quibuscum antea, dum sa-  
ni essent, uersati non fuimus: proinde quæ  
colorem, quam corporis habitudinem,  
quem natium calorem, arteriarumque  
pulsum antè habuerint, ignoramus: quæ  
stantè perspecta nobis fuissent, morbi u-  
tiq; magnitudinem probe iudicare potuis-  
semus. Cuiusque enim morbi magnitu-  
do tanta est, quantum à naturali statu re-  
cedit. Quantum uero recedat, solus is no-  
uit, qui naturalem habitum ad amussim  
tenuerit. Quod cum in illis ipsis ignore-  
mus, ne omnino hæsitamus, ad id quod  
commune est, confugimus. Nam in hoc  
artis peritus imperito plus nonnihil po-  
test. Quid uero plus? Hippocrates qui-  
dem omnium quos nouimus, id primus  
literis mandauit. Qui autem post hunc  
fuerunt, eiusq; scripta intellectu conse-  
b ; quuti



quuti sunt, fufius sunt interpretati. inter quos fuit Mnefitheus Athenienfis, uir cum in omnibus alijs, quæ ad artem pertinent non mediocriter eruditus, tum in exercenda arte, quantum uia ac ratione licet, nulli peritia fecundus.

Obiter hoc loco figna enumerat, quibus natura cuiusque depræhendi poffit: quæ quoniam paulopoft plenius tractabuntur, nunc explicanda non funt: interim tamen monebimus eorum cognitionem, ad rectam curationem effe perneceffarium: quædo morbi magnitudo fine his minime haberi poteft: fiquidem ea tanta eft, quantus eft à naturali ftatu reffus: quem nos non à mediocritate, fed à propria cuiusque natura, metimur. Huius rei intelligende gratia, fingamus Achillem naturæ effe calidiorẽ duobus numeris fupra æquale temperamentum, Hectorem uero temperatum: utrunque tertiana laborare, quæ excedat, exempli gratia, utriusque natiuum temperamentum tribus numeris: dico parem in utroque exceffum præter naturam effe, nempe calorem tribus numeris excedentem: Achillem Hectore nihilominus calidiorẽ effe. Nam cum ex hypothefi, ille duobus numeris calidior fit natura, hic temperatus, uterque æquali exceffu præter naturam laboret: Achilles quidem à mediocritate quinque numeris, Hector uero tribus folum excedet. Quod fi ab hac totidem nu-

mer



meris præter naturam Hector recederet, grauius quàm ille laboraret, ut qui à suo temperamento longius abscederet. Itaque necessaria est priuata cuiusq; nature ad magnitudinem morbi habendam, cognitio. Signa igitur morbosæ cum salubribus conferre oportet: æstimareq; quàm illa sint ab his mutata: hoc est, quantum color, calor, pulsus, corporis habitudo præsens, à pristina recedat: tum sic ad ueram curationem accedere facile poteris. Si uero incognita sit propria egrotantis natura, proindeq; à natiuo statu recessus, ad commune confugiendum est. quod si non exactam magnitudinis morbi notitiam, saltem artificiosam coniecturam attulerit. Communia uero sunt, egrotantis ætas, temperatura, regio, tempus, morbi species, uictus ratio, & alia id genus, quæ suo loco docebuntur.

HIC Mnesitheus à primis summisque generibus auspicatus, ea in alia item genera, species & differentias, secunda esse censuit. Hæc denuo in alia similiter: quæ rursus eodem modo distribuerentur, dum ad aliquam talem descendemus speciem, quæ diuisa in unum numero ac indiuiduum defineret. Mihi uero satis est tibi sententiam meam breuibus explicuisse. Nam ridiculus forem, si te tua docerem, tanquam ea pridem ex Platon



tone non didiceris. De hac re igitur meminimus, non ut te diuidendi rationem doceremus, sed quòd ad ea, quæ pòst dicètur, omnia, non inutilem fore speraremus: quòdque aliter tibi causas, ob quas medicorum plurimos passim errare contingit, efflagitanti non alia uia melius indicare possemus. Etenim quicquid tum in aliis sectis, tum à multis medicis in morborum curationibus delinquitur, primam id maximamq; causam habet, uitiosam diuisionem. Quidam enim in primis, summisq; generibus statim subsistunt, solis indicationibus, quæ ab illis desumuntur, contenti. Quidam quadam tenus diuidendo processerunt, sed ad diuisionis metam non peruenerunt, multi autem perperam diuiserunt.

Quàm necessaria sit diuidendi ratio ad curationem, qualisq; esse debeat, & quæ in ea uitia committantur, ostendit. Sub diuisionis nomine Partitio, & Resolutio continentur. Genus autem proprie in suas species, ac differentias diuiditur: totum in suas partes distribuitur: effectus uero in suas causas, & cause in suos effectus: finis quoq; in sua media resoluitur. Genus igitur diuidi debet in proximas semper species, ac differentias: quæ rursus in propina quas eodem modo distribuuntur, rursusque in alias,



alias, dum ad eam peruentum sit speciem, quæ  
amplius diuisionem non recipit. uerbi gratia.  
Morbus alius simplicium partium, quas simila-  
res uocant, alius instrumentalium est, alius us-  
trarumq; communis. Rursus simplicium par-  
tium morbus alius calidus, alius frigidus, alius  
humidus, alius siccus, alius ex his mixtus: qui in  
alios postea morbos non diuiduntur nisi ratione  
maioris & minoris differentes. Eodem modo re-  
liquæ morbi differentie secari possunt, ut ex Ga-  
leni libris de Differentiis morborum constat. Ef-  
fectus uero in suas semper proximas causas, ut  
febrem in putredinem, hanc in prohibitam trā-  
spirationem, quam in meatuum cōstipationem,  
rursus hanc in obstructionem, & astrictionem  
resoluimus. Et obstructionem in humorum tum  
abundantiam, tum crassitudinem, tum lento-  
rem: Astrictionem in causas euidentes, ut in fri-  
gus, & aquas aluminosas: Crassitudinem, &  
lentorem in antecedentem uictus rationem: Et  
causæ in suos effectus: ut meatuum cōstipatio  
in putredinem, putredo in febrem. Sic finem in  
sua media resoluimus. Exemplum in septimo  
τὸ πρῶτον τὰ πρῶτα ab Aristotele exprimitur,  
ad hunc modum: Fit autem sanum ita cogitan-  
te medico: Quoniam sanitas est tale quid, neces-  
se est, si sanum futurum sit, ut hoc adsit, nempe  
aqualitas: & si hoc, caliditas: si uero calidita-  
tem adesse oporteat, opus est frictione. Po-



est enim morbum esse frigidum. Partimur autem totum, ac compositum in suas partes: ut corpus in caput, thoracem, uentrem, manus, pedes &c. Medicina in scientiam salubrium, morbosorum & neutrorum: alia sunt differentia diuisionis, ut *πολυσύνου* in sua significata: & subiecta in sua accidentia: hanc uocat Cicero enumerationem, ubi singula quae rei alicui insunt, enumerantur. ut si quis Francisci Galliarum regis, huius nominis primi, dotes recenseret: eas primum, in animi, & corporis uirtutes distribueret. Rursus animi, in liberalitatem, equitatem, clementiam: Corporis, in pulchritudinem, & robur, sed haec ad rhetoras magis spectant. Vbi uero in opposita accidentia subiectum diuiditur, rationem habet uerae diuisionis: ut corporis humor alius calidus, alius frigidus, alius humidus, alius siccus. Contra diuiditur accidens in subiecta, ut morbus alius simplicium partium, alius instrumentum, alius utrarumque. Diuidendi formas iguorant, qui plura quam par sit diuidendo attingunt: necessaria omittunt, qui generum specierumque ordinem luxant. Plura attingunt, qui accidentia quaedam quae necessaria ad rem propositam non sunt, in diuisionem adferunt: ueluti cum febrem diuidunt in rubram cum alijs differentijs. Necessaria omittunt, ubi aliquod intermedium genus uel species omittitur. Luxatur ordo, cum superius inferiori subiicitur: hoc est, magis commune,



*munne, minus communi. Quòd autem diuidenda ratio ad curationum inuentionem sit necessaria, ex sequentibus patebit.*

AT quisquis omnia, & quæ secundum, & præter naturam sunt, ad hanc uiam, ac rationem reuocarit: & ex omnibus ijs quæ per diuisionem inuenta sunt, integras desumpserit indicationes: solus is, quantum per humanas uires licet, medendo non errauerit: notos quidem alijs melius, ignotos uero, quàm fieri poterit maxime secundum illos curauerit. Si quis enim probe distinxerit primū ætatum, deinde temperaturarum differentias, & uires, multaque id genus, quæ homini insunt, cuiusmodi est color, calor, corporis habitudo, arteriarum motus, consuetudo, studia, & animi mores, quibus addiderit maris & fœminæ discrimen, & quæ ad regiones, anni tempora, & alias ambientis nos aëris constitutiones, ad propriam ægrotantis naturam propè accedet. Verum alia quidem horū omnium in libris de Pulsibus, alia uero in libris de Temperamentis disputata sunt: quemadmodum & quæ præter naturam sunt uniuerſa, ut inter se formis ac generibus differant, in libris de Affectibus à nobis definita sunt.

*Secundum naturam sunt, sanitas, uires, sanitatis*



tatis tum cause, tum effectus. Præter naturam  
uero, morbus, morbi tum cause, tum symptoma  
ta. Sanitas simplicium quidem ac primarum  
partiū, ex calidi, frigidi, humidi, & sicci symme  
tria: instrumentalium uero, ex commoda magni  
tudine, numero, forma, & situ consistit. Quoni  
am autem nouem, ut diximus, modis elementa  
miscentur, nouem erunt symmetrie, id est tempe  
raturæ: totidemq; primarum partium sanitates.  
Rursus quoniam instrumentorum fabrica ex  
quatuor absoluitur, nempe magnitudine, nu  
mero, forma, & positione, quatuor erūt eorum  
sanitatis differentie: quæ si omnia instrumento  
adsint, summa erit instrumenti sanitas, quate  
nus instrumentum est. Nam eius simplices par  
tes intemperantia laborare possunt, & earum  
fabrica inculcata esse. Si uero absoluta sit tam  
primarum partium temperies, quam instrumen  
torum commoderatio: & absoluta omnino erit  
sanitas. Sin utraq; deflectat ab hac perfectione,  
citra tamen actionum lesionem, sanitas quidem  
erit, sed eò imperfectior, quò à iusto modo magis  
recedet. Cæterum forma, partis figuram, cavitatem,  
asperitatem & leuitatem complectitur. Fi  
gura, curuitatem, rectitudinem, planiciem, &  
similia corporis instrumentis commoda: Cautas  
uero, raritatem, densitatem, obstructionem. Vires au  
tē sunt, animalis, uitalis, naturalis. Animalis, sen  
silis, motrix, princeps. Princeps imaginatio, intel  
lectus.



lectus, memoria. Causæ, quæ sanitatem seruant  
sunt, admonenda, efficienda, foris incidentia, &  
educenda, quæ in libris de Sanitate tuenda Ga  
lenus fusissime tractauit. Rite enim ministrata  
sanitatem tuentur: proinde ad res secundum na  
turam referuntur. Contrà improbe adhibita  
morbos pariunt: ideo ad res præter naturam re  
ducuntur. Effectus sanitatis, actio proba, & ex  
crementa, qualitatésque secundum naturam.  
Actiones totidem sunt, quot uirtutes: ut sentien  
di, mouendi, & reliquæ qualitates, quæ sensibus  
deprehenduntur, calor & humiditas tactu: co  
lor, uisu: uox, & sonus, auditu. Excrementa, quæ  
tota substantia, quantitate, & qualitate secun  
dum naturam se habent. Res præter naturam,  
sunt morbus, eius causæ, & symptomata: quo  
rum diuisio amplissime in Galeni libris de diffe  
rentiis, & causis morborum & symptomatum  
monstrata est. Igitur indicatio à rebus secun  
dum naturam desumpta, prima & communis  
sine custodiam sanitatis, & eius tum causas  
tum effectuum, quæ aderant incipiente  
morbo, conmonstrat, ita, ut per morbum muta  
ri non debeant, etiam si à mediocritate deflexe  
rint. Itaque biliose nature egrotanti danda  
sunt, quæ hanc conseruent, & reliquis pari mo  
do, à quibus particulares sumuntur indicatio  
nes: eo ordine semper procedendo, quo diuisa fue  
runt. Absoluta, gratia exempli, sanitas primariè  
partium



partium causas efflagitat, quæ se tueantur moderatissimas, calida calidas, frigida frigidas, & reliquæ similiter temperaturis, ex quibus natæ sunt, gradu & ordine respondentes. A rebus uero præter naturam sumitur indicatio: prima quidem & generalissima, quæ morbum, eius causas, ac symptomata abigenda esse docet. Particulares uero à particularibus morbis, quo ordine inuenti per diuisionem fuerunt. Quoniam igitur morbus alius intemperantia est simplicium partium, alius instrumentorum incommoderatio, alius unitatis solutio: intemperantia quidem ad temperamentum reduci postulat: incommoderatio ad commodationem: & continuitatis solutio ad unitatem. Rursus intemperantia alia calida, alia frigida, alia humida, alia sicca est: calida refrigerari, frigida calefieri, humida siccari, & sicca humectari cupit. Ad eundem modum & reliqui particulares morbi, symptomata, et causæ: semper procedendo ad indicationum inuentionem, quo ordine inuentæ per diuisionem ea fuerunt. Ex quo liquet, diuidendi rationem ad morborum curationem esse perneceßariam: siquidem diuisionis eorum curandorum omnes suggerit indicationes. itaque si quis hanc probe norit, medicando non errabit, quantum per humanas uires licet. uerum cognitos quidem melius quam incognitos: quanquam & hos probe curabit. Ad propria uero cuiusque naturæ cognitionem prope accedet,



accedet, quisquis apte distinxerit ætatum & temperaturarum differentias, vires, colorem, calorem, corporis habitudinem, arteriarum pulsum, consuetudinem, vitæ genus, animi mores, sexum, anni tempora, regiones, & alias ambientis nos aëris constitutiones. Hæc enim, qualis cuiusque sit natura, ostendunt. Siquidem aliæ ætates alias habent naturas. pueri enim humidi sunt, adolescentes temperati, iuvenes calidi & sicci, senes frigidi & sicci. Sic temperaturæ aliæ calidæ, aliæ frigidæ, aliæ humidæ, aliæ siccæ, aliæ ex his mixtæ, aliæ uero temperatæ: quarum quæque certis notis deprehenditur: quæ ex Galeni Parua arte discendæ sunt. Vires per se quidem non apparent, sed à suis produntur actionibus: animalis quidem à mouendo, sentiendo, apprehendendo, intelligendo, & memorando: vitalis ab arteriarum pulsatione: naturalis à concoctione: quam rursus excrementa patefaciunt. Color quoque corporis naturam testatur. Similis enim efflorescit euntis humoribus, ut autor est Galenus. Itaque ater atram bilem, flavus flauam, albus pituitam, rubicundus sanguinem abundare in corpore significat: qui humores cuiusque propriam naturam perspectam reddunt. Calor etiam naturam illustrat: si quidem mitis est, naturam temperatam: si acrior, biliosam esse significat. Quemadmodum corporis habitudo carnosâ, calidam & humidam: pinguis, frigidam



& humidam : extenuata aridam , & qua-  
 drata temperatam. Arteriarum pulsus diffe-  
 retias, & quam quæq; naturam nuntiet, abūde  
 Galenus in libris de Pulsibus tradidit, Cōsuetu-  
 do uerò naturæ proprietatē docet. Nam ex longo  
 otio , uictu humido & largo humidior natura  
 euadit: quēadmodū aridior ex labore, uictu sic-  
 co & parco. Vitæ genus, id est ars quam quisque  
 exercet, si magni sit laboris , & calido siccoque  
 loco exerceatur, ut ferraria, calidam siccāque  
 naturam reddit . Contrā, humidam & frigi-  
 dam, si corpus non fatigat , & loco frigido &  
 humido exerceatur. Animi quoque mores, qua-  
 lis cuiusque natura sit, docent : ira enim & fu-  
 ror testes sunt caliditatis: ira uerò uacuitas, fri-  
 giditytis. Regio, temporis constitutio, & ambien-  
 tis nos aëris conditio, qualis quæq; est, talem &  
 reddit, & testatur esse naturam. Sexus uerò na-  
 turæ est index: uir quidem, calidæ & sicce: fœ-  
 mina uerò, frigide & humide.

NVNC uero omnis nostra disputatio  
 de ijs ægrotis erit, quos exacte, antequam  
 morbum contraherent, noueramus: cum  
 quibus tamen & reliquos omnes quo-  
 rum nobis non erat perspecta natura, intel-  
 ligemus . Siquidem difficile non fuerit,  
 ex eo quod perfecte distinctum est , id e-  
 tiam quod tale non sit, inuenire.

Quoniam omnis ars à notioribus ad ignotio-

ra



ra procedit, primū de ijs Galenus disputat agro-  
tis, quorum naturam ad amussim, dum sani es-  
sent, perspectam habueris. Postea de ijs, quorum  
natura prius, quā morbus inuasisset, incogni-  
ta fuit. Facile enim, ut inquit, ex certo, exquisi-  
teq; cognito, quod incognitum est, inuenitur.

IGITUR à febribus, quoniam harum  
curandarum rationē habere cupiebas, au-  
spicemur: primūque de simplicissimis,  
quas Hippocrates ephemeris, id est dia-  
rias uocat, differamus.

Febrem esse Galenus ait natium calorem in-  
igneum uersum. Is autem natiuus duplex est: al-  
ter, quem idē autor nunc aëream, nunc san-  
guineam substantiam, nunc uero spiritum  
uocari scribit, temperatus, non ubique sui si-  
milis: in alijs enim partibus elaboratior, in a-  
lijs minus elaboratus (quemadmodum & san-  
guis) existit: omnium naturæ functionum au-  
tor, proinde in nulla corporis parte non conti-  
netur, in spatijs quidem inanibus plurimus. Is  
pro temporum, ætatum, & uictus ratione, mo-  
do auctior, modo minutior, & modo acrior, mo-  
do mitior existit. Ventres, inquit Hippocrates,  
hyēme calidiores, id est plus continent calidi in-  
nati: quod eo tempore cutis spiracula, caloris ex-  
halationem prohibeant, frigore astricta. Item  
eodem tempore mitior, æstate uero parrior, &  
acrior: pari modo, pueri plus uernaculi caloris,  
eiusq;



eiusque mitioris: iuvenes minus, sed acrioris ha-  
 bent. Sic & qui calido & humido victu us-  
 tuntur, maiorem eius portionem, quam qui sica-  
 co & frigido, obtinent. Alterum calorem Gale-  
 nus virtutum substantiam, aut primum ipsa-  
 rum instrumentum esse scribit: hoc est quatuor  
 elementorum, vel eorum primarum qualitatum  
 temperamentum. Cum enim elementorum  
 substantia miscentur, & eorum qualitates mis-  
 ceri necesse est: nihil ergo refert, an harum, an il-  
 lorum temperaturas, caloris substantiam esse di-  
 xeris: quanquam qualitatum esse, magis probet  
 Galenus. Ex harum igitur symmetria, vires: ex  
 viribus, proba actio nascitur. Cum autem varia  
 sint in corpore partium cōtemperamēta, varia erūt  
 natui huiusmodi caloris differētia: alie enim partes so-  
 lida sunt, alie humores, alie spiritus: quarū cuiq;  
 suus inest calor: qui cū seipso calidior fit, ac uelut  
 ignescit, febrem procreat, in spiritu quidē diariā:  
 in humore uero, si quidem putris sit, putrem: sin  
 putredinis expers, synochum: in solidis autem  
 partibus, hecticam. Solidas nunc intelligo, non  
 solum uere solidas, ex semine genitales conditas,  
 sed quae contra humores distinguuntur, ut Gale-  
 nus docet: hoc est, quae crassiores durioresq; sunt:  
 in quo genere continentur, humor insitus, caro,  
 & uere solida substantia: in qua ueluti basi os-  
 minium aliarum partium, uirtutis substantia con-  
 sistit: id est calor naturalis: quem Galenus natu-  
 ram



ram solidas partes dispensantem ac moderantem ab Hippocrate uocari scribit. Eiusmodi autem partes corpus nostrum cōstituunt: quæ cum igneam suscipiunt caliditatem, ut diuersæ inter se sunt, sic diuersas febrium differētias efficiunt. Quoniam igitur spiritus corporis simplex est, una tātū erit diariarum species: humor uero quia multiplex, multiplicem differentiā constituit. Cōcalfactus enim præter naturam sanguis, synochum: putris uero bilis in uenis quidem, assiduam: in genere uero carnosio tertianam facit. Ad eūdem modum pituita, & bilis atra uarias febrium formas gignunt: ut postea docebimus. Eadem ratione heclicæ tres sunt species. Prima, cum insitum humorem calor præter naturam iam obsedit. Secunda, ubi carnosum genus occupauit, & insitum humorem iam depascit. Tertia, ubi uere solidis partibus inhæsit. Simplicissimas uocat diarias, quia breuissimæ, placidissimæ, mitissimæq; sunt, mimineq; maleficæ cum securitatis indicys sine malis accidentibus: ut plurimum enim diem integrum non excedunt: ob id quod materia, in qua subsistunt, nempe spiritus, facillime discutitur: nec mala accidentia has commitantur: siquidem calor in blando uapore mixtus ac suauis est.

H A E autem ex lassitudine nascuntur, remulencia, ira, mœrore, excandescencia, furoræue, aliisque uehementibus animi



mi curis.

Ex uehementi fatigatione in musculis, neruis, copulis, & articulis, lassitudinis sensus oboritur: testis, ulcerosus, uel inflammatorius, pro humoris affectionem afferentis conditione. Eiusmodi enim partes primo calefiunt, deinde calorem uicinis partibus distribuunt: qui cum ad cor peruenit, febrem perducit. Quinetiam citra lassitudinis sensum, ex ampliori motu febris accenditur. Temulentia quoque febrem gignit: uinum enim, præsertim calidum, si immodice sumatur, ubi à corpore calorem accepit, feruentem uaporem ad cor transmittit: unde febris nascitur. Eandem uim habent gignenda febris cibi calidi. Iracundia etiam, cum sit quasi feruor quidam, ac motus uehemens irascentis facultatis. In mœrore autem reuocati ad suam originem spiritus sese accendunt: In animi uero curis ac cogitationibus in cerebrum feruntur, ubi accensi calorem cordi suggerunt, ac febrim pariunt. At furor, & excandescencia, quæ uehemens ira est, spiritus celeriter intro reuocatos accendit. de his paulo post plura.

IN hoc genere continentur, & quæ à bubone originem ducunt: exceptis ijs, quæ sine manifesto fiunt ulcere. Hæ enim suspicione non uacant: minimeque mites sunt.

Bubones fiunt à delitescente intus causa, ne  
uiscerum



uiscerum inflammationibus, humorum uel malignitate, uel plenitudine, sæpeq; ex pestilenti humore. unde certū est ortas ex his febres, mala suspicione non uacare, præcipue pestilentes: quæ toto genere perniciosæ sunt: quemadmodū & quæ ex uiscerum inflammationibus nascuntur. Ex corporis autem plenitudine, & malo humore, curatu quidem difficiles sunt: sed quàm hæ minus periculosæ. Ex euidentibus causis orti bubones, febres omnino mites omniq; periculo uacantes, pariunt. Euidentes causæ sunt: ulcus, dolor, ictus, & similes, quæ iuxta magnas uel uenas, uel arterias, existunt: ut cruris quidem, si in inguine: manuum uero, si in alis: quemadmodum & capitis, si secundum aures affectus sit.

SE D & peruigilium simplicem febrem sæpe attulit, quemadmodum & algor, nō nunquam & ardor.

Vigiles sensus nūquam otiosi sunt, sed semper agunt: eliciuntq; spiritus, qui accēsi febrem generant: frigus cutim claudit: proinde solitum effluuium cohibet: quod si calidum acreq; sit, febrem gignit: si benignū, plenitudinem. Solis ardor tū inspiratu, tum arteriarum attractu, tum cutis contactu, spiritus accendit. Nam si cutis hunc diutius patiat, inarescit, contrahiturq; ita ut effluuium supprimatur: atque ex accidenti, non aliter quàm frigus, febrem gignat.

OMNES hæ febres solui facillime possunt:



sunt: siquidem ad balneas, aliamq; usitatā uiuendi rationem, ægrotum statim ducere oportet. Itaq; qui multorum sermone celebratam illam diatriton, id est triduanam inediam, in omnibus iis admittunt, febres reddunt sæpe acriores: tametsi etiā alioqui delinquunt. quemadmodum ex ipsis uidere est non paucos, qui quoties ægrotos inuisunt, ita aberrant, ut certe manu factas ægritudines inducant.

*Ephemere, id est diarie, facile, inquit, curantur: quandoquidem subiecta earum materia prompte soluitur: itaq; balneum illis utilissimū est, tum quia consuetum, tum quia morbi reliquijs, & ex morbo relictis affectibus medetur: ut postea dicetur. Post lauationem, ad aliam consuetam uictus rationem, hoc est solita negotia, exercitationes, cibum, & potum relegat: nimirum à febre iam uindicatos. Igitur perperam mirificam illam diatriton, id est triduanā inediam, instituunt nonnulli, ex qua febres longe acriores redduntur: præcipue in naturis biliosis, quæ prompte accenduntur. Quod si longior inedia sit, in hæcticas, ac tandem in torridum marasimum fit transitus: aut in syncopen, si os uentris facile iniurijs patet: ut late docet Galenus libro octauo Methodi medendi. Nec in hac solum transigenda diatrito, sed & in alijs quoq; aberrant plurimi medici: adeo ut manu factos mor-*  
bos



bos inducere uideantur, scilicet methodi medendi expertes: ut mox dicetur. ὡς γὰρ χειρὸς ὄντα ἄρτια ἰγυῶσα δαυερύματα, id est manu factas aegritudines inducunt: manu factas uocat Galenus, non quæ sponte eueniunt, sed medici opera sunt.

H A R V M igitur febrium prompta est curatio, sed diligentiam exigit maiorem dignotio: de qua ante nos nullus, quātum res poscebat, conscripsit. Itaq; mirum non est multos tantū curando hallucinari, quātum à cognitione aberrant. Nonnulli enim casu quodam in graues sæpe morbos inciderunt: uelut temulenti, uel sole exusti, uel refrigerati, uel labore fatigati, uel uigilias passi, uel furore concitati, aut alia quauis occasione, quæ ex se lædere idonea sit, affecti: deinde omnia ob causam quæ antecessit, accidere, neq; aliam subesse affectionem arbitrati, negligentius uictus rationem instituentes, non intellexerunt sese in incurabilem, aut ægre quidem sanabilem morbum, ruere. Ob id igitur adhibenda omnino diligentia est, quemadmodum Hippocrates admonet, ut non solum futura præsentiamus, sed & præterita & præsentia cognoscamus. Etenim quod nunc proponimus, ad eam artis partem attinet: quod & nos, quàm dilucide



lucide poterimus explicabimus. Neq; parui refert, an ægrotum iam lauare confiderēq; , an sibi cauere, ac se tueri iusseris.

Prompte diarias, si quidem cognitæ sint, posse curari, iam diximus, atq; mox dicemus: uerum haud ita facile dignoscuntur. Quum enim omnes hæ magnam inter se cognationem habeant, signaq; , quibus deprehenduntur, parum à salubribus differāt, nō facile eas cognoscas: aut si cognoscas, nō facile distinguas an ab hac an illa causa acceßerint, nisi diligēter, quæ circa ægrotū sunt, tū præterita, tū præsentia, tum futura perpenderis. Quo fit, ut multi curando has febres hallucinentur. Si quis igitur ex temulētia, uel æstu, uel perfrictione, uel lassitudine, uel uigijs, uel furore, aut alia euidenti occasione, febrē contraxerit: isq; cruditate, uel uitio humorum laborans, præterea uel obstructione, uelit omnium curationem ad temulentiam, æstum, aut alias euidentes causas referre: nullā aliā causam subesse, hoc est neq; cruditatem, neque corruptionem humorum, neq; cutis aut uiscerum obstructionem arbitratus, oscitantiusq; uictus rationem instituat, in quod putas periculum prolabetur? nempe in grauißimum, hoc est morbos incurabiles, uel qui facile curationem non admittant. Recte igitur monuit Hippocrates diligentissime omnia, quæ circa ægrotum sunt, præsentia, præterita, & futura disquirere, ut recte, quæ agenda



*da sint, institueremus.*

**A**CCEDENTES igitur ad ægrotū, in primis quæ in ipso sunt præcipua, deinde uero alia contemplari oportet, ne minimum quiddam, si fieri omnino possit, omittentes. Siquidē ut indicationi, quæ à maximis sumitur, magis aut minus credamus, ex aliorum accessione efficitur. Maxima uero signa in febricitantibus omnibus, ex pulsibus & urinis petuntur: quibus alia omnia quæ in facie esse docet Hippocrates, & quæ ab accubatione, & respiratione, quæque ab excrementis tum superiorum tum inferiorum partium sumuntur: atq; etiam, si quod appareat accidens in quacunque corporis parte, aut eius actione (qualia ille sexcenta in sexcentis locis scripsit) addenda sunt: neque ex his ullum oscitanter prætereundum est. Hæc quidem febrium omnium communia sunt. Itaq; in his etiā simplicissimis, de quibus præsens est disputatio, nullum horum relinquendum est.

*Præcipua maximaq; signa sunt, quæ maxime certissimeq; morbum exprimunt. Obscura uero minusq; præcipua, ex se quidem parum hunc ostendunt, sed alijs addita reddunt illustriorem: atq; ea ipsa alios affectus produnt. unum enim idemq; signum, obscurum & illustre esse*

6 s esse



esse potest in diuersis morbis. Siquidem sputum in pleuritide, affectum luculentissime monstrat: in febre uero, obscure: quemadmodum urina febris est certissima nota, pleuritidis uero fallax. igitur febrium (quoniam de his nostra est dissipatio) principes notæ ex earum substantia, partibus quæ præcipue affligitur actione læsa, & excrementis, sumuntur: quemadmodum, & à qualitatibus, quæ necessario consequuntur. Substantia est in genere caloris, ut acris, mordax, &c. Partes quas febris maxime occupat, sunt cor, arterie, & uena. Itaque præcipue in febribus notæ, ex harum partium actione læsa, & excrementis petuntur: hoc est ex pulsibus, & urinis. Aliæ uero notæ quæ non solum, nec semper affectum indicant, tum ex iisdem ducuntur, nempe actionis noxa, & excrementis: tum ex qualitatibus partium, non primo ac præcipue affectarum, sed secundo & comitatu quodam. uerbi gratia, pulmo incalfacto cordi, & arterijs consentiens, naturalem spirationem mutat, ita ut seipso crebrius spiraret: Et iecori uenisque affectis stomachus, uenter, & aliæ partes consentiunt: itaque male suo munere fungente iecore, & uenis, uenter & reliquæ corporis partes improbe concoquent: unde fit, ut excrementa quoque oris, alui, & pulmonis, aliarumque partium, non aliter atque urina cruda appareant. Quod si increascit febris, adeo ut partes modo commemoratæ, hoc est cor, & iecur, imbecill



becilliores reddantur, condoleſcet cerebrum: actionisq; tum ſua, tum partium à ſe prodeuntis notis, non modo affectum, ſed & eius magnitudinem fatebitur. Nam lumen reſugere, uifa ſimulacraq; apparere, peruigilare, delirare, ægre ſpirare, cubare ſupinum, manibus & cruribus extentis, delabi ad pedes: hæc inquam omnia, & alia id genus, quæ Hippocrates ſuſiſſime tractauit, cerebri & partium ab eo oratarum primario actionem leſam eſſe ſignificant: ex accidente uero febrem, eiusque uehementiam. Sic & comites qualitates ſenſiles affectum produnt: ſenſiles dico, quæ ſenſibus percipiuntur, ut uifu rubor, pallor, nigrities tum lingue, tum faciei, tum cutis uniuerſæ: in quo genere continentur & notæ, quas ex facie depræhendi docet idem autor in prognosticis, ad hunc modum, Nares acutæ, oculi concaui, collapſa tempora. Olfactu, odor anhelitus, ructus, excrementorum alui, ſudorum, uaporum, urine, ſputi, aliorumq; corporis recrementorum. Guſtu, nidor, aſcor, ſalſitudo, amaror, & id genus qualitates. Auditu, uox clangoſa, tremula, rauca, aurium tinnitus, inteſtinorum bombi, & alij ſoni. Taſtu, caliditas frigiditas, humiditas ſiccitas, durities mollities, tenſio laxitas, aſperitas leuitas lingue, & cutis aliarumq; corporis partium. His adduntur rigor, horror, pruritus, punſiones, & doloris omnes differentiæ. Adduntur & cauſæ  
exter



externæ, ut uictus ratio, exercitatio tum animi tum corporis, tempus, locus, & præsens aëris conditio, uigilia, animi affectus: & corporis ad morbum suscipiendum pronitas, ut ætas, temperatūra, habitudo: morbi item passim grassantes. Nam si hæc diligentius consyderentur, non modo affectus differentiam, sed & magnitudinem, luculenter ostendunt.

PERSPECTIS autem tum ex pulsibus, tum urinis, febris moribus: pulsibus quidem nullam inflammationis notam, nullamq; omnino in uno arteriæ percussu inæqualitatem habentibus, aut si habeant, prorsus exilem: urinis uero, uel eas quæ secundum naturam habent, omnino imitantibus, uel à naturali statu parum deflectentibus, ad alia, quæ antè commemorauimus omnia, ueniendum est. Cumq; omnia, uelut concentu quodam consonant, iam fidendum est, quærendumq; si lubet, ab ægroto, num qua causa euidentis præcesserit. quod si fateatur æger, expectata prima febris solutione, protinus lauandus est: scilicet eius specie ex solutionis modo certius cognita. Nam tunc arteriarum motus huic omnino, qui in sanis sentitur, respondet. Cum is in nulla alia febre, ad naturalem statum redeat, etiam si temporis spatium inter prioris accessio-

nis



ni finem, & sequentis initium, longum  
fit, uelut in tertianis, & quartanis: in qui-  
bus semper febris uestigium relinquitur.  
In diarijs uero cessante accessione, omnia  
simul signa abolentur: harum tamen plu-  
rimæ in madores soluuntur: nonnullæ in-  
lenes sudores: aut omnino uelut uapor a-  
liquis copiosus ex imo corpore exhalat.  
Sed & urinae eo tempore, longe quàm per  
initia, meliores tibi apparebunt. Neque  
uero si quis cum febre caput, aut partem  
aliam dolor occuparit, is amplius manet.  
Si uero & æger facile morbum ferat, cer-  
tissimum est indicium, quod uelut impres-  
sum quoddam sigillum omnium maxime  
febris mansuetudinem exprimet. Quod  
si, dum lauantur, insolitum frigoris hor-  
rorem, aliamque molestiam non sen-  
tiant: ac deinde post lauationem faci-  
le tolerant, ac bene ferant, cibus offe-  
rendus, uinumque potui dandum est sine  
formidine, quantum res præsens effla-  
gitat.

*Inflammationis, ut non unum est tempus, ue-  
naq; differentia, ac locus unus, sic nec eundem  
pulsus perpetuo, nec ubiq; seruat. Nam si illa  
magna sit, aut principem corporis partem occu-  
pet, pulsus in toto corpore uariat: sin parua, ac  
in parte non insigni, in ea solum mutat, quam  
obse-*



obsederit. Itaq; per initia maiorem, uehementiorem, celerio-rem, ac frequentio-rem reddit. In incremento præter magnitudinem, uehementiam, celeritatem, & frequentiam inauctas, durio-rem ac magis uibratum. In uigore autem omnia hæc manifestiora habet, sed minor in alijs temporibus: non tamen languidior, nisi uires à morbo uictæ, imbecilliores reddantur. In declinatione uero, graciliorem, & durio-rem, præsertim si diuturnior sit, ac in scirrhum mutata inflammatio. Cæterum inflammationum omnium pulsus ferrans communis est. Inæqualitas uero, quam unus arteriæ occursum parit, tum in una eius parte fit, tum in pluribus: in una quidem, cum principio celer, in fine tardus, aut contrà, principio tardus, fine uero celer: uel principio moderatus, fine uero uel celer, uel tardus: idq; uel cum motus interceptione, uel sine hac, aut cum recurrit: recurrit autem, cum sine manifesta quiete, bis digitum ferit: unde & dicroti nomen meruit. Cum enim mouendi instrumentum impeditum non est, & urgenti necessitati facultas obsequitur, magnum necessario pulsum edit sine ulla inæqualitate: sin impeditum est, necessario hæc sequitur. Per febres autem putridas urget necessitas, & quantum potest, obedit facultas: impeditur uero instrumentum, uel obstructione, quæ uias transpirationi præcludit, uel humorum abundantia, quæ facultatem degrauat: unde ipsa  
necessi



necessitati impar redditur, proindeq; aut quiete motus intercipitur, aut continuus quidem manet, sed non paræ celeritatis pro magnitudine causarum motum impredientium. Quod si durum instrumentum sit, ualidamq; facultatem necessitas urgeat, recurreret pulsus. Itaque in diarræis, cum neq; humorum sit abundantia, neq; obstructio, saltem tanta, quæ motum remoretur: neq; tanta arteriæ durities, quam ualida uirtus efflagitante usu non nisi magna ui distendat, nullam talem inuenies inæqualitatem. In diuersis uero arteriæ partibus, inæqualitas uel continua est, cum continenter in arteriæ partibus duabus, uel pluribus fit mutatio, à celeritate in tarditatem uel mediocritatem, uel contrà: aut interrupta est, ut cum primus & tertius & quartus digitus, aut primus, secundus & quartus, aut primus & quartus pulsum sentiunt, reliqui non sentiunt. Atq; hæc inæqualitatis differentia non necessaria febrem consequitur. Urinæ secundum naturam, colore quidem subrube, & substantia mediocres: in quibus quod residet, candidum, leue, ac æquale est. Alia autem signa, quibus febris mores deprehenduntur, ex facie, accubatione, respiratione, & alijs quæ modo exposuimus, ducuntur. Cum igitur pulsus nullam inæqualitatis aut inflammationis notam habet, urinæq; ijs quæ secundum naturam habent similimæ, uel ab his parum deflectunt, aliaq; signa, quæ prius



prius retulimus consentiunt, ita ut omnia consensu quodam consonent, & ad hanc febrem ex primendam conspirent, præcesseritq; aliqua evidens occasio, uelut iracundia, furor, aut id genus alia, certum est eam diariam, non putridam febrem esse. Proinde post primam accessionis solutionem, ægrotum lauandum esse. Primam diariæ accessionem dixit, non quod altera futura sit, sed quadam loquendi proprietate, ueluti cum dicimus, mulierem primo partu interisse, cum non sit rursus paritura. Finita igitur prima accessione statim lauandum præcipit, magna ex parte propter consuetudinem. Nam paulo antè dixit, Omnes hæc febres facillime curari possunt: siquidem ad balneas, aliamq; uictus rationem perducere oportet. quod perinde est ac si diceret, iam omnino sani sunt, proinde ad consuetam uictus rationem relegandi: in qua lauationem contineri constat. Prodest uero & balneum, quia febris materiam, si qua superest, discutit: corpus humectat, & refrigerat. Solutionis modus febris speciem declarat: si quidem hac soluta pulsus sanorum pulsui similis omnino remaneat, omniaq; alia secundum naturam habeant, ac symptomata, si qua sint, unà cum febre euanescent, soluanturq; hæc in halitum, qui sensum effugiat, aut copiosos uapores, uel madores, uel sudores suaves, certissimum est diariæ accessionem fuisse. nam & pulsus naturalis, & uaporis, mado-

ris, ac



ris, ac sudoris suauitas, omnem abesse putredinem dilucide testantur: ut quæ à materia proba ortum habeat: quæ si pauca sit ac tenuis, & ad cutim subiectamq; carnem paulatim feratur, & calor febrilis nondum in totum sit remissus, insensibiliter exhalat. Sin copiosior & crassior materia sit, & uiolenter acta, calorq; remissior, in speciem uaporis, madoris aut sudoris, pro modo antè dictarum causarum magis minusue auctarum erumpit. Contra pulsus præter naturam, & excrementorum acrimonia, putrem ad esse febrem fatentur: in qua neq; sudor, neq; uapor, neq; mador suauitatem ullam habet, sed tetrum odorem, & saporem, mordaxq; calor est. Cæterum nec pulsus in earum intermissione, quantumvis longa sit, ut in quartanis & tertianis, ad naturalem statum redit, propter febris reliquias: fieri enim non potest, ut iuste effluuium acre expiret febre ab obstructione magna ortum habente. In diaria autem, omnia quæ præter naturam sunt in declinatione abolentur: tum propter materiam facile expirabilem, tum quia nihil eius obstructio remoratur: aut si quid est, id admodum exiguum est: & quod à medico in prima accessione deleri possit. Urinæ quoque eo tempore meliores, quam per initia, apparent: quia natura sibi restituta in febris declinatione melius, quam per initia suo munere fungitur. Ad hæc si æger facile malum hoc ferat, certissime,

d            maxi



maximeq; febris mansuetudo declaratur: facile enim fertur morbus, qui malis careat accidentibus: qualia sunt capitis & stomachi, & aliarum partium, uehemens dolor, cibi fastidium, inquietudo, sitis inextinguibilis, & alia id genus symptomata: quibus magis ipsi aegroti minusue cruciantur, pro humorum, & uaporum putredine, & acrimonia: ex qua illa omnia ortum habent. Diaria autem ( quoniam neq; calor acris, neq; mordax uapor, uel succus infestat ) nulla aut blanda accidentia inuehunt: proinde facile feruntur. Quod si dum lauantur, insolitum frigoris horrorem, aliamq; molestiam non sentiunt: sed post lauationem deinceps statim facile tolerant, beneq; ferunt, cibus offerendus, uinumq; intrepide potui dandum est, quantum status praesens efflagitat. Insolitum dixit, quia in tertia balnei parte, frigida conspersi inhorrescunt. Itaq; si in alijs balnei partibus frigus, horror, uel rigor, uel alia molestia sentiatur, ut sensus inaequalitas, certum est acrem, aut putrem humorem, uel uaporem in corpore esse. liquatus enim a balneo humor, delatusq; per membra sentientia frigus, horrorem, uel rigorem, pro acrimonia uehementia, & delationis celeritate, incutit: sensus uero inaequalitatem uapor subcalidus, uel exardens: quem balnei calor suscitauit. In diaria uero, utpote eiusmodi acrimoniae experte, corpus neque friget, neque riget, neque horret. Si igitur,  
dum



dum lauantur neq; frigus, neq; horror, neque rigor, neque ulla alia molestia infestet, perseueretq; corpus facile affectum ferre: cibum offerre, uinumq; potui dare licebit, pro rei presentis necessitate, scilicet pristinae sanitati iam restituto. Nam alij cibum desiderant liberaliorem, uelut qui ex inedia & nimio labore febricitant: alij parciolem, uelut qui ex cutis densitate: ut mox docebitur.

NO Suero, ut nosti, ab egroto sciscitari non sustinentes: causam quæ præcesserit, dicere solemus: quod maximum est argumentum, eum non errare, qui talem sit adeptus facultatem.

Causam quæ ephemeram, id est diariam præcessit, tum egrotus indicare, tum notis quibusdam deprehendere possumus: quam qui inuenire, citra laborantis operam norit, hunc in febris curatione minime hallucinari uerisimile est: quando uti prius dictum est, facilis est eius curatio, difficilis uero cognitio, sed quæ tamen usu, & diligentia haberi possit. In quodam exemplari manu scripto εἰς αὐτὸν legitur pro τριγώνου, quod & nos secuti sumus.

SI uero manentibus adhuc animi motibus, egrotum contempleris, maxime expulsi-  
bus, ut in libris de pulsibus declaratum est, deinde ex aliis dignotio petenda est. Quod si hi sedati fuerint, affectum ue-

d 2 ro re



ro reliquerint, ex pulsibus quidem perturbationum quæ febrem attulerunt, indicium obscurum habebis: sed reliqua sine pulsibus tibi sufficient. in omnibus enim, ut plurimum, urinæ rufæ apparent. His uero, qui ex mœrore laborant, acrimonia potius, quàm caloris abundantia inest: quemadmodum contrà ijs qui ex furore. Sed & corporis macies in his quos mœror, quàm quos cura confecit, manifestior cōspicitur: oculorumq; cavitās & insueta quædam decoloratio: quæ quidem & aliorum, qui quomodocunq; cogitationem exercuerint, communia sunt. Verum ex oculis maxime discernere licet, ex quibus & in sanis quoque animi mores conijcere possis. At in ægrotis per spicua magis tibi signa erunt, si accurate conspiciere queas. Sicilli quidem ab affectis mœrore distinguendi sunt, qui in disciplinis, & speculationibus mentem exercuerunt.

*Animi motus sunt iracundia, furor siue ex candescentia, tristitia, timor, & id genus alij, qui febrem, ut diximus, inferre solent. Quales autem in his sint arteriarum pulsus, quàm breviter poterimus, ex libris de pulsibus Galeni docebimus. Iracundiæ (inquit) pulsus est altus, magnus, uehemens, celer, creber. Tristitiæ, parvus, lang*



languidus, tardus, rarus. Timoris recentis quidem, celer, uibratus, & inordinatus, inaequalisq;. Inueteratus uero similem habet tristitia. Quod sic ostendimus: Pulsus efficiunt facultas, usus, & instrumentum. urgente enim necessitate, obsequente uero facultate, & instrumento non reluctante, arteriam in omnem dimensionem, tantum distendi, quantum usus efflagitat & facultas potest, necesse est: proindeq; urgente calore, magnum pulsum fieri, si tamen distentionem spatium quod arteriam capit, utpote angustius, quam pro dilatationis necessitate, non impedit. Eadem ratione & celerem, ac frequentem. Quod si iustam, ac necessitati facultatiq; debitam, spatij angustia non admittit, altitudine compensabitur, modo ictui cutis cedat. Contra languente facultate, usuq; non admodum interpellante, minimeq; instrumento renitente, paruus erit pulsus, languidus, & rarus, sine inaequalitate. Si uero necessitati impar sit facultas, aut instrumentum contumax, hoc est durum, compressum, tensum, obstructum, uel humorum copia degrauiatum, aut utrunq; celer & inaequalis, atq; etiam, si auctae sint causae, uibratus sit. Igitur cum per irascundiam, & furorem, illatae iniuriae species obijciuntur, spiritus intro tanquam ad arcem tutissimam confugiunt, in qua ab eminente iniuria se tueri uideantur. Postmodum ira ad uindictam nos impellente, spiritus magna ui resum-



ptis uiribus foras resiliunt. Itaq; manente spiritus & sanguinis in corde feruore, assidue calidos uapores suscitante, qui in corpus diffunduntur, sit ut magna caloris abundantia totum corpus occupet, unà cum pulsus magnitudine, tanta quidem, ut eam ambiens arteriam locus excipere non ualeat: proinde altitudine compensatur, frequentia, ac celeritate. In tristitia uero spiritus quidem intrò feruntur, sed non assatim, ibiq; coarctantur, ac uelut suffocantur: nec rursus ut in iracundia, foras sparguntur: sed sese accendunt, ac consumunt: unde temporis progressu humiditas absimitur, & uirtus consopitur, obruitur, desesq; redditur: eam ob rem pulsus fiunt parui, languidi, rari: quia neq; necessitas urget, neq; ualida facultas est. In timore autem recenti, celeriter intrò uelut ad suam scatebram, mouentur sanguis & spiritus, mens quoq; conturbatur. Natura enim còmotà, atq; ut sibi prouideat sollicita, modò huc, modò illuc impellit spiritus: qui motu accenduntur: unde fiunt pulsus celeres, scilicet urgente necessitate. Mens uero concitata, inæquales ac uibratos reddit. In inueterato uero dissipatis spiritibus, uirtuteq; elanguescente, pulsus quales in tristitia esse docuimus, redduntur. Sunt & alia signa, quibus hæc deprehendi possint: de quibus mox dissetetur. Quòd si animi motus sint compositi, ceterum affectum aliquem in corpore reliquerint, alijs signis



gnis sunt dignoscendi: quando sic pulsus obscure illos prodere potest, non enim manent causæ, pulsus uariantes. Alijs ergo notis distinguere oportet, quæ relictum affectum sequantur: sumuntur autem hæ ex urinis, caloris differentia, oculorum & corporis habitudine. Siquidem omnibus id genus febribus, ut plurimum urinae flauæ sunt, ob bilis admixtionem, quam animi perturbationes pepererunt. sanguis enim feruore biliosior redditur: uerum acrior in febre ex mærore, copiosior & suauior ex ira & furore calor est. Mæror enim humorem corporis absumendo, ut dictum est, corpus reddit aridius, proinde calorem acriorem, & parciorem ob materie quæ hūc defert, penuriā: furor uero, copiosum uaporem ex sanguinis feruore excitatū (quod uehiculum est caloris) ad cutē trāsmittit: unde calor & uberior, et blādius sentitur. Sed et corporis macies in his quos mæror quæ cura cōficit manifestior apparet. Græce ita habetur, ἀλλὰ καὶ ἰσχυρὸς τοῦ σώματος ἡ ἀπολαοτὴρ τοῖς λυπηθεῖσι καὶ φροντίσεισι. ὅ, Leonicens, & uertit: nos uerò, quā: ut sit sensus: quod mæstitia febrē attulit, magis emaciātur, quā quibus cura ac cogitatio: quod & sequēs dictio subindicat ad hūc modū: Sicquidē ab affectis mærore distinguendi sunt, qui in disciplinis & speculationibus mētē exercuerūt. ex quibus uerbis palā est discrimen esse inter mæstitie & cure notas. Siquidem ex mærore nascitur macies

d 4



cies luculentior: ex cura, obscurior. Quoniam in  
mœrore intrò ad caloris natiui originem reuo-  
cantur spiritus: ubi facile ob loci caliditatem ac-  
cenduntur ac digeruntur, humorq; in uapores  
dissipatur: unde corpus temporis spatio exicca-  
tur, emaciaturq;: tantum quidem, quantus est af-  
fectus. In curis uero ac cogitationibus, ad caput  
feruntur: in quo minus ob caloris penuriã, quàm  
in interno corpore absumuntur: minus enim ob  
loci frigiditatem inflammantur, & resoluuntur:  
proinde corporis habitum minus exiccant,  
ac extenuant. hinc fit, ut oculorum quoq; caui-  
tas utriq; affectui sit communis: sed in curis &  
cogitationibus, minor, quia spiritus & humo-  
res minus, ut ostendimus, absumuntur: in mœro-  
re uero maior, ob loci caliditatem spiritum &  
humores resoluentem. Insueta quoq; decoloratio  
quædam hos affectus sequitur, scilicet cute ipsa  
natiuo calore destituta. Quemadmodum enim  
solis splendor, quas contingit res, reddit illustrio-  
res: ita natiuus calor coloratiorem reddit cutē:  
quo absente uelut demòrtua apparet: ut in timo-  
re, & longis ægritudinibus. Ex oculis porrò ani-  
mi mores, non solum in ægrotis, sed & in sanis  
deprehendi possunt: uerum in his obscure, in illis  
perspicue magis. siquidem in ægrotis ex animi  
motu insignis affectus remanet: in sanis uero ob-  
scurus, nisi frequenter admodum mens concites-  
tur. Nam sic affectus cum in alijs capitis partis  
bus,



bus, tum maxime in oculis perspicuus relinquitur. Oculi enim non solum cerebro consentiunt, sed & alijs duobus principijs: nempe iecori, & cordi per nervos, uenas, & arterias. hæc enim tria, animæ operum sunt principia. Iecur quidē concupiscentiæ, hoc est ueneris, esculentorum, & poculentorum desiderij: Cor animosæ facultatis, ut iræ, furoris, timoris, tristiæ, uictoriæ, impetrij, honoris, gloriæ, & similia: Cerebrum uero apprehendendi, intelligendi, & memorandi uindatum est: ueritatis, scientiæ disciplinarum, prudentiæ, aliarumq; honestarum rerum appetentiæ. Cæterum animosæ facultatis motus fiunt, obiectis rationali potētia (quæ in cerebro sedem obtinet) iræ, tristiæ, furoris, & aliorū animi affectuum formis: quæ tantum hanc permouent, quàm magnas grauesq; esse duxerit. Has emotiones indicia quædam cum in corpore uniuerso, tum maxime in facie produnt, alia alias. Læti, uerbi gratia, frontem, oculos, totamq; faciem exporrigunt: scilicet effusis in eas partes spiritibus, eiusq; cutem tendētib. Mæsti easdem partes in rugas contrahunt, demittuntq;: quasi intro recurrentes spiritus sequantur. Excandescentibus uero tota facies calet, & rubet: oculiq; prominent, ac scintillant: spiritus enim & sanguinis feruor in corde calidos uapores suscitant: qui in corpus uniuersum, maxime autem in oculos feruntur: cum instrumenta sint, quibus hostem per  
d s sequi



sequimur. Ex crebris hisce emotionibus similes animus mores, horumq; notas frons, & facies contrahunt: præcipue uero oculi, quod hi tum uerberrimum recipiunt spiritum, ut quem in uident functiones absument, tum duobus principijs, nempe cerebro obiectam emotionis speciem apprehendenti, & cordi emotionem excitanti consentiunt. Nervi enim per quos fit uisio, spiritus capacissimi sunt: & ad ipsos oculos peruenit non exigua arteriarum portio: per quas in animi motibus feratur spiritus. Adde quod in oculis ob calidorem splendoremq;, notæ conspectiores redduntur. Itaq; frons rugosa, tristitiæ ac seueritatis nota est: contra hilaritatis, mansuetudinis, & clementiæ exporrecta. Iracundiam uero oculorum igneus calor, ac scintillans splendor fatetur. Harum quoq; affectionum notæ nativas temperaturas sequuntur: ut si, uerbi gratia, oculi tactu calidi sentiantur, minimeq; excrementosi, perspicue cernant, latiusq; uenas habeant, easdemq; rubras, principia calida siccaq; esse testantur: proinde qui tali temperamento eas partes præditas habent, facile discunt, magna arduaq; appetunt, audaces sunt, animosi, iracundi, furibundi, implacabiles, præcipites.

E O S uero, qui ex peruigilijs febricitant, tum decolorationis differentia ab alijs discriminat (ipsis enim subtumida facies est) tum manifestus oculorum motus.



tus. Vix enim palpebras attollūt: hisq; inest humiditas: nam mœrore & cura affectis, inarescunt. Cæterum cauitas commune omnium accidens est, nempe tristitiæ, uigiliarum, & cogitationis, & studij, non tamen furoris, in quo nec oculorum cauitas, nec decoloratio manifesta conspicitur. Calor quoque uberior est, ex altôque corpore celeriter erumpit: nec pulsus magnitudo perit: quemadmodum in uigilijs, mœstitia, & cogitationibus. A' furore itaque euidentissime hæc distinguuntur: illa uero inter se, quemadmodum antè diximus.

*Decoloratio uigiliarum comes est, & faciei tumor, grauisq; oculorum motus, & palpebrarum humiditas. Vigilia enim, cum concoctionem impediunt, humorum & uaporum crudorum copiam pariunt: calorem natium immiscuunt, corpusq; resoluunt: unde sequitur decoloratio, faciei tumor, palpebrarum humiditas, earumq; mouendarum difficultas. Per uigilias enim cerebrum sensusq; instrumenta assidue exercentur: unde plus facultatis, & spiritus animalis absumunt: quibus tandem resolutis, & in actiones obeundas insumptis, uitales spiritus, antequam integram elaborationem sint experti, assidue alliciunt. In summa, naturam à coquendi munere auocant: quocirca magnam cum in reli-*

*quo*



quo corpore, tum in cerebro cruditatem relin-  
quunt. ceterum fatigatis animalis uirtutis in-  
strumentis, caput imbecillius redditur: unde  
commemorata incommoda sequuntur: nempe  
cruditas, & caloris naturalis imminutio: ex qui-  
bus rursus sequuntur decoloratio, tumor faciei,  
palpebrarum humiditas, earumq; motus graui-  
tas: scilicet resoluta facultate, & uaporis humo-  
risq; copia degrauante. In mœrore & sollicitus-  
dine, inarescunt oculi. Nam mœror reuocatos in-  
trò spiritus absomit, atq; processu temporis hu-  
morem depascitur: uti iam monstratum est: un-  
de non solum caput & oculi resiccantur, sed &  
uniuersa corporis habitudo. Cure uero cerebrũ  
exercent, ac modo antè declarato exiccant, non  
continuo tamen decolorem ac tumidam faciem  
reddunt, reliquaq; uigiliarum accidentia indu-  
cunt: quando præcipua horum causa ad crudita-  
tẽ referenda est, ad uigilias uero cruditas. Quod  
autem ex mœstitia & curis crudum relinquitur  
(nam & cruditatem hæ pariunt) somnus cõ-  
coquit: alioqui enim qualia uigiliæ accidentia in-  
ferrent. Cautas oculorum, commune accidens  
est mœroris, cogitationis, & uigiliarum: quoniã  
hæc oculorum substantiam resoluunt, ut ostens-  
sum est. Hanc uero cautatem per uigilias, tu-  
mor partium oculos ambientium manifestio-  
rem reddit. Sed in furore, neque oculorum caui-  
tas adest, neq; faciei decoloratio: sed magis oculi  
pro



prominere uidentur: scilicet delatis illuc spiritibus ipsos distendentibus. Nam cum oculi instrumenta sint, quibus persequi hostem uelimus, ut modo dicebamus, ad eos spiritus feruntur: unde distenti minus confidunt oculi, sed potius prominent. Hac ratione facies non decoloratur, sed rubet: ut in quam spiritus, & humor confluat: cum quibus & calor è corpore foras emergens non solum illuc, sed ad totam corporis cutem fertur: unde pulsus magnitudo perseverat. In uigilijs uero, mœstitia, & cogitatione deperit elanguescente uirtute, καὶ τῶν ὀφθαλμῶν νίψις δὴλῃ. Leonicens oculorum motus ligati uertit: quem sequuti fuisset, nisi Galenus lib. xx. de Crisibus, diariæ ex uigilijs notas exprimens, eadem uerba referret, sed multitudinis numero, ad hunc modum, καὶ αὐτῶν ὀφθαλμῶν νίψις δὴλῃ. Cum enim paulo antè cura affectos à mœstis decoloratio distinxerit, nunc eadem nota eos, qui ex uigilijs febrem contraxerunt, à mœrore confectis separat: oculorum item motu, ac humiditate. Nam qui peruigilarunt, tumens ac decolorem faciem habent: mœsti uero cum decoloratione maciem. Præterea & manifesto oculorum motu distinguitur. in illis enim humiditate degrauatæ palpebræ uix attolluntur: in his uero, cum humidae non sint, haud ægre mouentur.

QVIBVS autem lassitudo febrem intulit



tulit, aridior, quàm in alia quacunq; diaria, cutis redditur. Quod omnium quidẽ ex lassitudine febricitantium ad accessionis usq; uigorem, est commune: à quo tẽpore plurimis qui quidem immoderate non laborarint, humor aut uapor calidus ex intimo corpore erumpit. Quibusdam uero post uigorẽ, siccitas perseverat: præcipueq; labore uexatis supra modum, aut refrigeratis, aut exustis, unà cum defatigatione. Nec etiam modo eodem habent pulsus in utrisq;. Siquidem immodice fatigati paruos, alij uero magnos obtinent.

*Diximus febrem ex lassitudine fieri, calfas-  
Etis uehementi exercitatione musculis, nervis, co-  
pulis, & articulis: deinde distributo cordi caloz-  
re. Quòd autem sicciorem immodica exercita-  
tio cutim reddat, hoc ideo fit, quòd ea corpus  
exiccat, eiusq; humiditatem exhaurit, eo qui-  
dem magis, quo immoderatio extiterit. proinde  
mediocriter fatigatis, solum ad accessionis usq;  
uigorem siccitas durat: sed statim ab hoc tempo-  
re humor, aut uapor calidus, ex alto corpore ad  
cutem erumpit. Idq; omnibus accidit, nisi qui, ut  
antè est dictum, immodice laborarint. uehemen-  
tius enim exercitatis, etiam post febris uigorem  
perseuerat siccitas: nimirum resolutò uapore, &  
humore, tum motus uehementia, tum corporis  
habitu*



habitu calidiore, horum reliquias in halitum sol-  
uente: quod modice exercitatis non contingit.  
Cæterum, si cum labore solem aut frigus sunt ex-  
perti, cutis quoq; arida per totam accessionem  
manet. Nam his frigus sudorem prohibet, illis ca-  
lor, tum ex sole, tum immodico labore conta-  
ctus, sudoris materiam dissipat. Eadem ratione,  
& qui magnis obstructionibus laborant, minus  
in februm declinationibus sudant. Pulsus quoq;  
in his dissimiles sunt. Supra modum enim exer-  
citati paruos habent ob uirium imbecillitatem:  
& ob urgentem necessitatem celeres: qui autem  
modicos labores subierunt, & quibus nondum  
uires collapsæ sunt, efflagitante scilicet usu, ma-  
gnos obtinent.

FEBRE Suero, quæ ex cutis densitate  
nascuntur (hæc autem densatur, aut frigore,  
aut qualitate affatim stringente: uelut  
in eo, qui se aluminosa lauerit aqua) o-  
mnium solæ astricta sunt affectio. Has ue-  
ro tactu depræhendere licet: quemadmo-  
dum & squalidas, & quæ ex laesitudine, &  
solis ardore, contrahuntur. Neq; enim ea-  
rum densitas, exercitatum tactum fallere  
potest. Cæterum caloris motus expromi-  
tur: quem quidem primo occursum mitem,  
deinde acriorem, si diutius tangendo im-  
moretur: manus sentiet, urinæ tamen ru-  
fæ non apparent: neq; corporis moles cō-  
cidit



cidit: proinde neque oculi caui sunt, neque aridi: uerum in quibusdam humidiores, ac prominentiores, quàm pro naturali constitutione, uiſuntur. Sed nec pulsus, ut in mœrore, cura, uigilijs, aut immodicis exercitationibus, minores sunt.

Cutis densitas est, quæ per totum meatus exiguos obtinet. densitas autem aut frigore fit, aut qualitate affatim astringente: qualis in aluminaſa aqua est. Vbi autẽ affatim dixi, uertit Leoniceus, præter consuetudinem. Nam legiſſe uideatur, ἢ ποιότητος ἔμφυτος ἀνθρώποις, quo modo & in quodam exemplari Græco manuſcripto comperimus: in Aldino uero habetur, ἢ ποιότητος ἔμφυτος ἀνθρώποις, quod nos ſequuti ſumus. Ex hac densitate enata febres omnium ſolæ aſtriſtæ affectio nis nomen merentur: etſi denſari alijs modis cutis poteſt, nempe duris friſtionibus, & laboribus uehementibus, calore ſolis, & aliarum rerum: propoſiti enim duo modi proprie aſtrinſunt: alij uero potius ſiccant, durant & contrahunt, corum modo igni admoti. Has autem febres tactu diſcernere licet: in his enim cutis durior, ac compactior ſentitur. Nam, quod ſtriſtum eſt, durum ac compactum apparet: quod uero laxum, molle. Et calor primo quidem tactu ſuauis, deinde ſi diutius admotam manum contineas, acer apparebit. Nam per aſtriſtæ cutis exiguos  
meatus



meatus halitus paucus exhalat, qui foras calo-  
 rem ferat, proinde mitis sentitur: spatium autem  
 temporis impositam manum magis ac magis cal-  
 facit, ita ut tandem hanc mordcat sensim au-  
 ctus in manu calor. Ruse tamen urinae non ap-  
 parent, id est οὐ μὲν οὐδὲ τὰ οὐρὰ πύρρα. Quid  
 autem πύρρον, id est rufum uocet, in primo ipse  
 de Crisibus docet ad hunc modum, ἰγγυτάτω  
 τῶν φύσιν ἔσιν τὸ πύρρον χρώμα τῷ ξανθῷ: δια-  
 φέρεται ἁπλῶς τῶν, τὸ μὲν λευκότερον εἶναι, τὸ δὲ  
 σκληρότερον. καὶ γὰρ οὐ καὶ ἡ πύρρα χολὴ πο-  
 τὲ μὲν πύρρα φαίνεται μᾶλλον, ποτὲ δὲ ξανθή, πολλ-  
 λάνης δὲ ἄν σοι καὶ ὠχρὰ δόξουσιν εἶναι, λευκότερα  
 μὲν καὶ θολωδέστερα γινόμενα πύρρα, σίμβουσα δὲ  
 καὶ καθαρότερα ξανθή. τὸ γὰρ ὅταν πύρρος ἐλάμ-  
 πορ αὐτῇ ξανθότερον ἀπεργάζεται. ὅσον δὲ ὅτι τὸ  
 πύρρον τοῦ ξαντοῦ λευκότερον, τοσοῦτον ἐμείνου τὸ  
 ὠχρὸν. ὅσον δὲ αὖ πάλιν ἤτις λευκὸν ἔσται τὸ ξαν-  
 θόν τοῦ πύρρου, τοσοῦτον τὸ ξανθὸν τὸ ἐρυθρόν. ὅθεν  
 καὶ ἡτὶς αἰμαῖος χρῶς ποτὲ μὲν ξανθότερα, ποτὲ  
 δὲ ἐρυθρότερα φαίνεται. διὸ καὶ τὸ ποτὲ μὲν ἐρυ-  
 θρὸν ὀνομάζουσι, ποτὲ δὲ ξανθόν. Ex quibus uerbis  
 constat, rufum colorem albiorē esse ac turbulētio-  
 rem, flauum uero puriorem ac splendidiorē, &  
 in quo tanquam igneum quiddam resplendeat,  
 & pallidū rufo albiorē: quo rursus liquet ru-  
 fum medium esse inter flauum & pallidum: fla-  
 uum uero inter rubrum & rufum: sed propter  
 rerum cognationem nomina confunduntur: ita



ut rufum pro flauo, & flauum pro rufo sepe uer-  
setur. Naturalis itaq; urina subrufa, subfla-  
uaq; est: utpote quæ ex concocto humore fiat, quæ  
bilis momentum acceperit. Itaque ubi copiosior  
aut syncerior admixta fuerit, rufior uel flauior  
urina, pro bilis modo ac qualitate, redditur. Cū  
igitur in febre ex cutis densitate, sanguis non fer-  
ueat, neq; gignatur bilis, quæ urinam coloratio-  
rem reddat, quemadmodum in febribus ex ani-  
mi affectibus, uti prius monstratum est, urina ne-  
que flauior, neq; rufior multo apparebit, quàm  
in sanitate: sanis enim alijs magis, alijs minus ru-  
fa apparèt. Siquidem biliosi natura, aut ij qui-  
bus biliosa recrementa male repurgantur, rufas  
emittunt: alij minus rufas. Neq; corporis moles  
concidit: propterea quod cutis densitas, uaporis  
ac humoris resolutionem impedit: unde fit ut o-  
culi neq; caui sint, neq; aridi, sed potius humidio-  
res ac prominentiores quàm pro naturali habi-  
tudine. Sed nec pulsus minores, non paruos sim-  
pliciter, sed minores dicit: ut sit sensus, pulsus in fe-  
bribus ex cutis densitate non sunt minores quàm  
in sanitate: uerum nisi obruta facullas sit, maio-  
res: scilicet usu id efflagitante. Siquidem febrilis  
calor arteriam distendi, excrementum fuligino-  
sum astrictione suppressū cōtrahi cogit: distētio  
ne enim aër externus intrò attrahitur, cōstrictio  
ne uero fuliginosum excrementū foras expellitur:  
hisq; modis febris refrigeratur. In mœrore autē,  
cura,



cura, uigilijs, ac immodicis exercitationibus, minores sunt pulsus, ut prius demonstrauius.

IN diariis uero, quæ ex bubone contrahuntur, pulsus sunt maximi, celeres, ac crebri, calorq; multus, & à uigore statim humor quidam ex alto corpore ad cutem fertur calidus, sed tamen suauis. Eiusmodi enim febres omnium minime acres, mordacesq; sunt: in his facies omnino rubicunda, ac tumidiuscula, subalbidæq; urinae apparent. Communis autem omnibus his est pulsus æqualitas. In harum enim paucis admodum inæqualitas in uno arteriæ percussu conspicitur: sed nec ipsa quidem omnino euident, neq; manifesta. Hactenus de diariarum notis.

Bubones uocant, inquit Galenus, glandulas, quæ in inguinibus, alis, collo, & secus aures intumescunt: quæ si in scirrhum aliquando duruerint, strumæ dicuntur. Fiunt autem bubones, ut iam diximus, uel ab euidete causa, uelut ulceribus, quæ in pede, manu, digitis, alia uicina parte, prope aliquam magnam uel uenam, uel arteriam nascuntur: item ab ictu, casu, & similibus: uel à causa ceca: quales sunt uiscerum inflammationes, abscessus, humoris uel plenitudo uel malignitas: sæpe etiam ex pestilente materia: atq; hi bubones periculosos morbos nuntiant. Qui igitur ex manifesta causa ortum habent, diarias

gignunt



gignunt omni periculo uacantes: quas comitantur pulsus magnitudo, celeritas, ac frequentia, caloris tum abundantia, tum suauitas. Sudor mitis, faciei rubor ac tumor, albicantes urine, & pulsus æqualitas. Pulsus, inquit, maximi sunt, quia urget necessitas, id est febrilis calor, necessitatiq; morem gerit facultas. Hac ratione celeres sunt, & frequentes ob solam necessitatē. Quod autem inæquales non sint, ne in uno quidem arteriæ motu: ideo fit, quod mouendi instrumentum impeditum non est, neq; obstructione, neq; humorum uel uaporum acrimie abundantia, neque compressu, nisi sit admodum ingens inflammatio. Quod si inæqualitas in una arteriæ occursu sit, ea adeo obscura est, ut uix tactu percipi possit. Caloris abundantia, ac suauitatis causæ, prius cum de febre ex iracundia disputaremus, proditæ sunt. Sudor blandus à materia benigna sit. Nihil enim acrimoniæ habent eiusmodi febres, cum solus bubonis calor, non etiam fuscus putris ad cor permeet. Caloris porrò abundantia sequitur faciei tum rubor, tum tumor. Et urine albicant, quia materia quæ urinas coloratiores reddere debebat, ad bubonem translata est: & quia caloris suauitas sanguinem ultra modum non calefecit, unde nec bilem, quæ urine calorem addit, generauit.

O M N E S quidem balneo curandæ sunt. Quod si ex cutis densitate, aut bubonibus



nibus febricitantes in balnei aëre immorari iusseris, haudquaquam lædes. Reliqui uero omnes ab aëre abducendi quàm citissime sunt. At in aqua diutissime uersari, si uelint, permittendum. Cæterum amplius fricandi cum oleo sunt tepente, ac largo, mollibus manibus, maximeq; qui ex fatigatione: post hos qui ex astricta cute, deinde uero qui ex bubone febricitant. Hi autem quàm fieri possit creberrime lauandi sunt, cibandi uero sæpe qui ex lassitudine laborant: sed non qui ex cutis astrictione, aut bubone: horum autem utrique tenuem efflagitant uictum. Fatigatis uero ea comesse, quæ probe cōficiant, imperare oportet, euitata sola cruditate. Quinetiam uini tantum bibere, quantum concoquere possint. Horum autem modum, uti & aliorum omnium, ex uiribus, ætate, natura, temperie, & consuetudine ægroantis, anni tempore, regione, & id genus aliis metiri conuenit. A uino uero, qui ex bubone febrem conceperunt, donec is solutus sit, arcendi sunt. At astricti, uel refrigerati, si quidem affectus lenis sit, ac humorum plenitudo minime adsit, prohiberi à uino non debent. Quòd si uehementius refrigerati sint, aut humorum plenitudine laborent, uini abstinencia confert.



Qui uero ex uigiliis, aut aliquo animi affectu, in febrem inciderunt, ubi se lauerint, humido & boni succi uictu reficiendi sunt. Vinum autem maxime quidem omnibus iis, qui peruigilarint, intrepide dandum est: præterquàm quibus caput dolore afficitur, aut tēpora pullant. Quod & in omnibus aliis obseruandum est. Sed & ira, tristitia, & cura affectis uinum adhibendum est: excandescencia uerò febricitantibus non antè quàm ab eo affectu omnino conquieuerint. Nā prius uino uti tuto non possunt. Perpetuo autem instanti causæ contraria opponenda sunt remedia: labori quidem quies, uigiliis somnus: iræ, tristitiæ, & excandescentiæ, sermones, actiones, spectacula, & rerum narrationes, quæ animo uoluptatem afferāt. Sic & qui cogitatione laborat, ab hac omnino cesset. Et qui ex bubone febrē cōtraxit, hūc ipsum curet: atq; in primis ulc<sup>o</sup>, ex quo ortū bubo habuit. Hæc quidē de diariarū tū signis, tū remediis abūde dicta sint.

*Ostensum prius est uniuersalem medendi rationem constare ex qualitate, quantitateq; remedij cuiusq; utendi modo, & occasione: qualitateq; potissimū ab affectu præscribi, qui perpetuo contrarium efflagitat. Omnis enim excessus, per contrarium excessum sanatur. Cum igitur*



tur febris, intemperantia calida sit, per id quod refrigerat, curatur. Sub affectus nomine intelligo, & causas hunc efficientes, & diatheses seu affectus. Itaq; si febris est, & causa eius desit, solum feбри intendimus. Sin utraq; adsit, hoc est febris, & quæ hanc effecit causa: hæc quidem summouenda est, & illa extinguenda. Quod si affectus quosdam febris, aut eius causa pepererit, nec ipsi negligendi sunt: ut mox dicetur. Ex diariis igitur cum alia coniunctam secum habeat causam: alia sine hac sit ea: cuius causa iã desit, solũ refrigerari, ac humectari desiderat: qualis est, quam ira peperit. Sed quæ cõiuncta habet causã: cuiusmodi est ex bubone, obstructione et densitate cutis, huic primũ succurrendũ est, deinde feбри. Quod si affectus quosdã reliquerint, uerbi gratia, labor substantiæ corporis dissipationem, & siccitatem, his quoque providendum est. Quo fit, ut diariæ febres partim eandem, partim diuersam curãdi rationem habeant. Omnes quidem, inquit Galenus, in primæ accessionis inclinatione, in balneum ducendi sunt: tum pinguis ter fricandi, & uictu boni succi reficiendi. Cur autem omnes lauari debeant, prius diximus. Nõ omnes tamẽ eodem modo, nec eisdem balnei partibus uti debent, nec eadem uictus ratione. Nam qui ex cutis densitate, aut bubonibus febrem cõtraxerunt, utiliter in balnei aëre immorantur: tum quod cutem rarefaciat, tum uaporem è corpore



pore foras eliciat: nec egrotos siccitate ledit, quæ  
admodum eos quibus ex fatigatione, uigilijs,  
animi affectibus, & ingentibus curis febris ac-  
cessit. Nam cum iam ab ijs causis resiccatū cor-  
pus sit, ab aëre balnei arcendi sunt, ne noxam au-  
geant. Igitur in calente aqua diutius uersari pos-  
sunt, ut amissam humiditatem eius madore re-  
sarciant: postea uero in largo, ac tepēte oleo, mol-  
libus manibus fricari debent. Hæc enim frictio  
humectat, laxat, solidas partes emollit: & quæ  
in corporis meatibus detinentur, in uapores di-  
gerit. Quæ cum omnibus diarijs sit communis,  
maxime ijs, quæ ex lassitudine ortum habent, u-  
tilis est: propterea quod non solum partes solidas  
labore resiccatas ac induratas, sed & totū cor-  
pus pariter affectum humectat ac emollit: &  
quod detentum in meatibus est, discutit. Porro  
autem qui ex fatigatione febrem conceperunt,  
cibi & uini tantum permittitur, quantum con-  
coquere possint, semper enim uitanda cruditas  
est. Labore enim dissipata corporis substantia,  
uberiore uictu, & concoctu facili reparanda est.  
Modum autem cibi sumendi metimur uiribus,  
ætate, naturali temperie, & consuetudine egro-  
tātis: præterea anni tempore, regione, & alijs id-  
genus. Nam ualide uires plus, imbecille minus  
concoquere possunt: & qui crescunt (quia pluri-  
mum habent calidi innati) uberiore alimento  
egent. Eadem ratione, quia hyeme uentres sunt  
calidio



calidiores, ideo per id tempus copiosius alimentum dandum est. Consuetudo quoque, nativa temperies, regio, & id genus alia, maiorem minoremue modum requirunt. Tenuiter uero alendi sunt qui ex cutis densitate, & bubone laborant, ut in quibus substantia corporis deperdita non sit. In febre autem ex bubone, non antea uinum dandum est, quam is resolutus sit: non tam quod febre sit inutile, quam quod bubonis curatione remoretur. Auget enim humorum in affectum locum defluxum, prouide & inflammationem: qua ratione & febrem. Sed nec astricti, nec refrigerati, nisi plenitudine laborant, aut uelementer cutis astricta sit, uino abstinere debent. Nam si levis affectus est, & nulla adsit plenitudo, nullam adferet noxam assuetis, si modice bibatur: immo corpus astrictum reserat, & refrigeratum calfacit. Quos uero uigilie, aut animi curæ exercuerunt, lauare primum oportet: deinde humidum, & boni succi uictu reficere: ut à siccitate, quæ ab ijs iniurijs illata est, uindicentur: præterea & uires recreent. Maxime uero ijs, qui perui-gilarint, uinum dandum est, quibus scilicet magna uis spirituum exhausta sit: quos uinum facillime, ac celerrime reparat. Quibus tamen caput dolet, aut tempora pulsant, siue ij uigilarint, siue alia quauis occasione affecti sint, a uino temperare debent: ut quod facile ad caput feratur, secumque humores rapiat: unde eiusmodi affectus

c s augens



augentur. Eodem iure ira, mœrore, & cura afflicti, id ministrari debent. Sed excandescētia febricitantibus ac furore, omnino denegari: ut in quibus maxime spiritus, & sanguis effervēant. In summa autem infestanti causa, cōtraria remedia opponendū sunt: verbi gratia, labori quies, somnus uigilijs, iræ, tristitiæ & excandescētiæ, confabulationes, historiæ, spectacula, rerum narrationes, quæ uoluptatem animo adferant, eiusq; mores componant: timori, quæ securitatem: cogitationibus, remissio, ac ab ijs cessatio: exustioni, refrigeratio: (refrigeratur autē, si syncipiti rosaceum, aut omphacinum oleum infundatur: his quoq; prodest uictus ratio, quæ refrigeret, & humectet) refrigerationi, quæ calfaciant, ut oleum calidum eodem modo administratum. Item cibus calidus, & boni succi. Et quibus bubo hoc malum peperit, in primis ulcus, quod hunc attulit, curandum est, deinde bubo: qua autem ratione id fiat, ex libris Methodi medendi Galeni petendum est: obstructioni, detersio: cuius abigendæ rationem, quoniam hæc & febres putridas committit, cum de ipsis disseremus, docebimus. Hæc igitur nunc abunde dicta sint.

A L I A E uero febres, aut ex inflammatione, aut humoribus accenduntur. Et quæ ex inflammatione ortum habent, inflammatarum partium uelut accidentia quædam



dam sunt, morbusq; ab affecta parte denominationem ferè accipit, ut phrenitis, peripneumonia, pleuritis, & alij id genus: de quibus postea differemus. Quæ uero ex humoribus accenduntur, & eo ipso nomine febres uocantur, & sunt: non autem morborum accidētia, sed ipsæ morbi: quarum alię accidentibus carent, mansuetissimęq; sunt: aliæ uero unà cum accidentibus negotium exhibent. De prioribus quidem, quæ accidentibus carent, nostra erit disputatio: in quibus maxime, si fieri possit, primo statim die febris qualisnam sit cognoscenda est, diuturnane an acuta, intermittens an continens. Quod si die primo id assequi non possis, secundo saltē eius speciem inuenire tentabis. at si nec eo quidē die certi quicquam habueris, tertius certe omnino tibi manifestius quidpiam adferet. Nam paucae admodum febres ad exactam sui cognitionem, quartum diem desiderant. Quibus uero notis febris species depræhendi possit, quàm breuissime fieri poterit tibi explicabo. Nam de his omnibus alibi fusius atq; manifestius disputatum est.

*Putredo sit, cum totius putrescentis corporis substantia, à calido externo ad corruptionē permutatur. Permutat autem alienus calor maxime cor*



me corpora, quæ calida sunt, et humida: hæc quidem, quod facile caliditas natiua humidum cū sicco continere non potest (omnia enim resolutis his elementis putrescunt) illa uero, quod prompte à suo simili afficiantur. Externum calorem non solum ambientis nos aëris, sed & eum qui in corpore sæpenumero præter naturam accenditur, intelligo, rei cui inest alienum, ac incommodum: natiuum uero qui rem, cui inest, tuetur. Seruatur autem hic in animantis corpore, per respirationem quidem, in corde: in reliquo corpore per cordis communicationem, & cutis transpirationem. Siquidem inspiratione, & arteriarum distentione, attrahitur aër, quo refrigeratur: expiratione uero, arteriarumq; contractione, calida fumosaq; recrementa expelluntur, alioquin natiuum calorem dissipatura, & alies num adlatura. Itaq; impedita respiratione, & perspiratione accenditur in corde, & in toto corpore calor, unde & putredo nascitur, quæ est uelut natiuæ caliditatis consumptio, ut Aristoteles docet, recteq; eius causam esse idē autor ait, natiuam frigiditatem humido coniunctam: hoc est caloris natiui defectum, ac consumptionem. quod enim putrescit, propriæ caliditatis indigentiam sustinet, ac defectum: ut idem scribit. Vbi enim calor rei, cui inest, magnitudine non respondet, hanc corrumpi, ac putrescere necesse est: contra, uinere, sanum esse, ac incolumem, & robore uale



ualere, in qua re naturalis caliditas pollet, ut au-  
 tor est Galenus: solus enim is reliqua elementa  
 uincit, miscet, & mista conseruat: qui si pereat  
 rem in ea, ex quibus constat, resolui necesse est.  
 quod nihil aliud est, quam putrescere, si quidem  
 uiolenta corruptio non sit. Ex quo liquet eundem  
 esse apud medicos & philosophos putrefactio-  
 nis modum. Sed quæ putrescunt, ut uaria inter  
 se sunt, sic eorum putredines diuersæ: semper ta-  
 men in omnibus idem putrescendi modus: sed nō  
 omnem putredinem eadem accidentia sequun-  
 tur. Sanguinis enim & aliarum corporis par-  
 tium humidarum & calidarum putredinis, gra-  
 uis odor comes est: ossium uero, aliarumq; par-  
 tium siccarum & frigidarum, nequaquam. Ad  
 eundem modum, lignum, lapidem, ferrum, putre-  
 scētia, nullus: cadauera uero similesq; res, præser-  
 tim calidas & humidas, grauis odor comitatur:  
 omnia tamen, ut dixi, eodem modo putrescunt,  
 nempe dissipando natiuo calore. quocirca male  
 nonnulli fœtore medicam putredinem à philoso-  
 phorū putredine diiungunt: eadem enim utraq;  
 est. Itaque in animantis corpore primū humo-  
 res, deinde adipēs, tandem caro, & reliquæ par-  
 tes solidæ putrescunt: humores quidem, uel in ua-  
 sis, uel extra uasa, atq; hic interdum in parte in-  
 flammatione obsessa, pariuntq; febrem: quam,  
 quia uelut inflammationis accessio est, sympto-  
 ma, non febrem proprie dicimus. Neque uero in-  
 flam



inflammatio hanc accendit, nisi magna sit, & cū  
corde uel uicinitate, uel consensu per arterias pa-  
trem fumum communicare possit: uelut pleuri-  
tis, phrenitis, peripneumonia, & iecoris inflama-  
tio: interdū in genere carnosio, hoc est, in mea-  
tibus & uenulis, per totam carnem dispersis: cū  
ibi solita corporis recrementa, ob cutis astrictio-  
nem detinentur. putrescunt enim, quia non dif-  
flantur: pariuntq; febrem intermittentem. Nam  
resoluto in prima accessione putri humore, re-  
manet uelut focus quidam: in quo uel postero,  
uel alio deinceps die sequēte, rursus putrescit hu-  
mor. qui partim relictus ex priore accessione e-  
rat, partim ex maioribus uasis in minora confu-  
xerat: scilicet ob cutis stipationem detentus sitq;  
noua accessio, serius aut citius, pro humoris con-  
ditione: ut mox dicemus. In uasis uero, aut æqua-  
liter omnibus, uel in magnis, cuiusmodi sunt iec-  
coris, uentris, pulmonis, & quæ inter alas & in-  
guina existunt, continuam febrem accendunt.  
Atq; hæc duo posteriora febris genera, re uera  
& sunt, & uocantur febres: quarum alia sola  
existunt, accidentibusq; carent: proindeq; sunt  
mansueta. Alijs uero alia mala accidunt: quæ  
aut uirtutem laedunt, aut affectionem augent: ut  
uigilia, dolor, immodica uacuatio, & id genus  
alia, de quibus alio loco dicetur. Prius uero de  
ijs sermo habebitur, quæ symptomatis carent. In  
his autem cognoscenda est febris qualisnam sit,  
diut



diuturnane an acuta, intermittens an continēs:  
idq; uel primo die, uel secundo, uel ad summum  
tertio. Cur ita? Vt ratio uictus probe institua-  
tur: alia enim acutis, alia diuturnis morbis de-  
betur: quemadmodum intermittentibus alia, ac  
lia continuis, ut in sequentibus docebitur. Quo-  
modo autem hæ febrium differētiæ cognosci pos-  
sint, tum ex ijs quæ declarata iam sunt, tum ex  
ijs quæ mox dicentur, palam fiet.

Q V A E igitur cum rigore inuadunt,  
non ab re ex earum numero esse, quæ cir-  
cuitu quodam repetunt, duxeris. Tertia-  
næ enim atq; quartanæ, omnino cum ri-  
gore lacescunt. Sed tertianæ sæpe cum ue-  
hementi rigore, primo statim impetu in-  
cipiunt. Quartanam uero, nunquam cum  
uehementi rigore incipere uidimus: sed  
temporis progressu rigori uehementiam  
accedere. Adde, quod plerunq; ab initio  
statim hæc febris non ingruit, sed aliis an-  
tegressis, nimirum erraticis & uagis, quas  
Græci *πλανήτας* uocant, febribus succedit.  
Vix autem citra oris uentriculi iniuriam  
fit quotidiana: quemadmodum nec sine  
lienis uitio quartana: nec tertiana absq; ie-  
coris offensione. Quinetiam, si à uehemē-  
ti rigore febris initium ceperit, tertianam  
magis, quàm aliquam aliam esse iure fate-  
beris. Quod si & alia, quæ deinceps dicen-  
tur,



tur, consentiant: hanc quidem statim primo die tertianam esse certo scies. Sin cū leui rigore incœperit, tum aliæ notæ potius considerandæ sunt: cum nō quotidiana solum, aut quartana, sed & semitertiana, aut alia ex continuarum genere aliqua esse possit. Alia uero indicia ex caloris tū qualitate, tum quantitate, arteriarumque motu, & ex rigoris sensus specie, anni tēpore, regione, aëris conditione, ægrotantis natura, ac ætate, atq; ex iis quæ præcesserunt ac sequuntur, petenda sunt. Nam calor quidem multus, acrisq; esse debet: pulsus uero magni & calidi, uehementes, celeres ac frequentes, omnis inæqualitatis præterquam febrilis, expertes. Rigor uero, uelut cum corpus ab aliquo acuto magis quàm frigido pungitur: cum in quartanis & quotidianis, frigidus rigor sentitur. Anni uero tempus æstiuum sit, quemadmodum & regio calida, & præsens aëris conditio: laborantis quoq; natura calidior ac biliosior sit, ætas adolescentia, præcesseritq; exercitatio magis quàm otium, estus quàm refrigeratio, uictus parcus quàm largus. Vigiliæ quoq; & mœrores, & lassitudines, pertinacesq; curæ, ad id magnum habent momentum. Quod si eo tempore multos tertianis corripi contigerit, maximum



munus eius febris, unā cum iam declaratis argumentum erit. Hęc autem omnia si adfuerint, aut eorum maxima & accommodatissima, uehemensq; sitis, uomitus item biliosus, uel sudor, uel utrunque superueniat, iam tum febris perspicue apparebit. Quod si post hęc à febre conquieuerit æger, hac inquam febre quę ex suo motu omnibus est cognita: relinquatur uero propria febrium in arteriarum motu inæqualitas: æque pro certo hanc esse tertianam pronuntiare possis, ac si tertio iam die accessiōnem uideas rediisse.

Intermittentes febres succi in carnosō genere putrescētes, alij alias generant, dispari intervallo redeuntes: Bilis quidem flaua parit tertianā, id est quę tertio quoq; die repetit: Pituita quotidianam, hoc est quotidie redeuntem: Et atra bilis quartanam, quę quarto quoq; die renouat accessiōnem. Natura enim serius uel tempestiuus, mitius uel uehementius, pro qualitatis quantitatisq; humoris lacescentis cōditione, mouetur: hęc enim lacescitur, humoris aut quātitate degrauiate, aut acrimonia mordente, quam putrescendo contrahit. Cum igitur alius humor alio facilius putrescat, uberiorq; eius in copore modus sit, fit ut accessiōnes alię frequentius, alię tardius redeāt. Bilis enim atra, quoniam frigida est & sicca, proinde putredini minus obnoxia, eaq; pau-

f . ca, so



ca, solum quarto quoq; die naturam mouet. Pituita quia putredinis causam unam habet, nempe humiditatem, & multa est, quotidie: quemadmodum flaua bilis caliditatem, sed quia paucior quam pituita est, tantum alternis diebus. Diximus enim calida & humida, obnoxia esse putredini: sicca uero & frigida, huic reluctari: sic & rigor alius alias febres antecedit: tertiam nam quidem uehemens, qui proprie rigor dicitur: quartanam horror: quotidianam uero solum frigus. Est autem rigor, ut Galenus finit, motus multus, id est numerosas habens motiones: citus, id est cum impetu: & densus, id est breue habens quietis tempus. horror hæc quidem omnia habet, sed remissiora: frigus uero sine ullo motu incute sentitur. Itaq; in rigore totum corpus admodum declaratum concutitur, scilicet luctante cum humore uirtute: in horrore cutis, & musculi cum quadam lassitudine, pigritia, & mouendi difficultate: in frigore nulla concussio, sed tantum, ut dixi, cutis inalgescit. rigorem adferunt sensus præstantia, materia uirtutem proritans, & motionis uehementia. Præstans enim sensus facile noxam sentit: proinde uirtus facile iritatur, ac cogitur ad materie excretionem. Si igitur uirtus ualida sit, uehementer, quantum ex ipsa est, materiam impellit: quæ si ad motum pigra non sit, suaq; caliditate & acrimonia partes, per quas defertur, mordeat: rigorem (id est motum  
ac con



ac concussione[m] totius corporis) multū, densum,  
 & citum procreat. Si uero eiusmodi causæ re-  
 missæ sint, id est sensus hebetior sit, materia mi-  
 nus calida, minusq[ue] acris, & ad motum pigrior,  
 uirtusq[ue] minus robusta, horrorem, id est cutis et  
 musculorum concussione[m] pariet. Sed si obtusus  
 sensus sit, materia uiscosa, & tarda, uirtusq[ue] im-  
 becilla, neq[ue] horrorem neque rigorem gignit, sed  
 tantum frigus. Quod qua ratione fiat, deinceps  
 dicemus. Febrem igitur tertianam exquisitam  
 antecedit rigor: quia caliditas exactiorem red-  
 dit sensum, quemadmodum contrā, frigus conso-  
 pit. Deinde humor uehementer mordet, utpote  
 biliosus & acer, & uirtus robusta est ob sicci-  
 tatem, & duritiem mediocrem. Quotidianam  
 uero nec horror, nec rigor antecedit, sed solū fri-  
 gus: quia humoris frigiditate sensus obtunditur:  
 humore robur fatiscit: & materia, utpote uisco-  
 sa, nec mordet, nec facile mouetur. Quartanas  
 uero & spurias, tū tertianas, tū quotidianas qui-  
 bus bilis admixta sit, & semitertianas antecit  
 horror, mediam scilicet naturā sortitus inter fri-  
 gus & rigorem: quod & eius causæ neq[ue] ut in  
 tertiana ualide sint, neq[ue] ut in quotidiana lan-  
 guida: sed in harum medio constitutæ. Ceterū  
 quartanæ febres uagis febribus ferè succedunt.  
 Nam diuturnitate corporis habitum resiccant,  
 ac humores adurunt: propterea in quibusdam  
 exemplaribus additum in dictione est, *quæ phle-*



γρυα: hoc est, propter pituitam. Phlegma enim  
(ut ipsa uox indicat) non aqueam serosamq; hu-  
miditatem, sed siccam ac retorridam crassamq;  
pituitam significat. Inarescit enim ac crassescit  
hæc febrium lōgitudine, quales erratica uagæq;  
sunt. Vagas ac erraticas uocat Galenus, quæ in  
certo tēpore, ac non eodē modo repetūt. Quod sit  
ob uict<sup>o</sup> rationē, nō rite institutā, aut quia uarij  
in uarijs corporis partibus humores putrescunt.  
Nā hos humores partes quedā citius, quedā tar-  
dius accēdūt: ex quibus alij ad putredinē pronio-  
res, alij minusproni sunt. Vix autē citra uētriculi  
affectū sit quotidiana, propter pituitā, qua abū-  
dare solet: & quartana sine lienis malo, ob atræ-  
bilis copiā: & sine iecoris uitio tertiana, quod in  
eo uiscere flaua bilis cumuletur. Cū igitur à uehe-  
mēti rigore febris initiū sumit, si & alia, quæ de  
inceps docebūtur, signa consentiāt, primo statim  
die eam tertianam esse iudicare poteris. Sin cū  
leui rigore incæperit, qui & aliarum quoq; fe-  
brium communis est, alia signa erunt animad-  
uertenda. Leuis enim rigor interdum tertianas  
antecedit, cum scilicet uirtus debilis, & sensus  
hebes est. Itē quartanas, semitertianas, & alias  
quasdā ex cōtinuarū genere: præterea & nothas  
tum tertianas, tū quotidianas, quibus scilicet ad-  
mixta bilis sit. Est enim semitertiana, ut Hippo-  
crates finit, cōtinua, horrida: cōtinua quidē quo-  
tidiana, cui adiūcta tertiana interpellata sit, cū  
horr



horrore alternis diebus repetēs. Sed et alia quæ-  
 dā ex multis particularibus accessionibus febres  
 procedūt: ita ut prioris finē altera accessio cum  
 horrore præueniat, uocanturq; continuæ, sed ho-  
 monymæ. Alia quoq; permultæ cōtinuæ, & quæ  
 unica finiuntur accessione, à leui rigore, uel fri-  
 gore incipiunt, ob materiæ uel inæqualitatem,  
 uel malignitatem. Sūt & alia febres, quas Hip-  
 ocrates horrificas appellat, quòd per totam fe-  
 re earum accessionem corpus inhorrescat: idq;  
 uel reduplicato febris incremento, uel eo ipso ci-  
 tra reduplicationem inæqualiter crescente. In  
 quibus si longioribus intervallis horror remeat,  
 reduplicatio & dicitur, & fit, maxime in semis-  
 tertianis: sin breuioribus, horrificus, inæqualisq;  
 motus dicitur, ut autor est Galenus. Cum igi-  
 tur leuis rigor tertianam febrem antecedit, ad  
 alias notas confugiendum est, nempe caloris qua-  
 litatem, ac quantitatem, arteriarum motum, aë-  
 ris conditionem, agrotātis naturam, ac ætatem,  
 & alia quæ affectum, & præcesserunt & se-  
 quuntur. Calor quidem acer ac multus esse de-  
 bet: siquidem bilis natura acris est, ac mordax,  
 facileq; ob tenuitatem soluitur in uapores, acris-  
 moniam caloris ad cutem deferentes: unde fit ut  
 non solum acer is, sed multus, sentiatur. Pulsus  
 magni, uehementes, celeres, frequentes, omnis in-  
 æqualitatis expertes, præterquam febrilis. Exē-  
 plar Græcum typis excusum habet, τοὺς δὲ

f 3

σφύρ



σφυγμὸν μεγάλον, καὶ θερμὸν, καὶ σφοδρὸν.  
 sed qua ratione pulsus θερμὸς, id est calidos nos-  
 cet, non uideo, nisi micantis arteriae caliditatem  
 indicare uelit. Magnitudo igitur pulsus & cele-  
 ritas, ad robur arteriae, urgentem necessitatem,  
 & sequax instrumentum referuntur, frequen-  
 tia ad necessitatem, & uehementia ad robur.  
 Nam cum haec febris maxime omnium intermit-  
 tentium refrigerari desideret, hoc melius per na-  
 turam assequi non potuit, quam pulsus magni-  
 tudine. Magna enim distentio multum aëris am-  
 bientis haurit, & magna constructio plurimum  
 recrementi fuliginosi expellit. Celeritas & fre-  
 quentia, pari modo plurimum refrigerant. Ve-  
 hementia instrumenti robur indicat: hinc fit ut nul-  
 la sit praeterquam in una pulsatione inequali-  
 tas, quae necessarie putridas febres consequitur,  
 uti prius ostensum est. Rigor corpus uelut res quae-  
 dam acuta magis quam frigida ob bilis acrimo-  
 niam, in hac febre pungit: in quartana uero &  
 quotidiana, sentitur frigidus, non pungens. Anni  
 tempus aestiuum, & regio, praesensque aëris consti-  
 tutio calida, tum inspirato & attracto per arte-  
 rias aëre calido, tum contactu corpus calfaciunt,  
 proindeque bilem in corpore gignunt. ubi haec er-  
 go praecesserunt, licebit potius tertianam, quam  
 aliam febrem iudicare. Laborantis natura, &  
 aetas calidior, fatentur tertianam: exercitatio,  
 aestus, paucus cibus, uigiliae, mærores, lassitudi-  
 nes,



nes, & uehementes cura uim habent augenda  
 bilis: eam ob rem, si praeceſſerint, magnam tertia  
 na coniecturam adferunt. Quod si eodem tem  
 pore in complures alios eiusmodi febres graſſen  
 tur, certior erit nota. Quando graſſari ſimiles af  
 fectus, ubi praeceſſerint ſimiles cauſa, ſolent: aut  
 quod eodem uictu omnes uſi fuerint, aut idem  
 celum paſſi. Sequuntur tertianam ſitis, ſudor,  
 uomitus. Sitis ſit aut ſolo caliditatis exceſſu, ci  
 tra humoris conſumptionem, ut in hydrope, aut  
 ſolo humiditatis defectu, citra caloris incremen  
 tum, ut in hydrophobia, aut utroq; , ut in febre  
 ardente, & tertiana. In quibus cor primum in  
 caluit, deinde ſua uicinitate cum ore uentris &  
 cum pulmone calorem, & pulmo cum uentricu  
 lo, eiusq; ore, ac tandem cum lingua communi  
 cat: unde ea ariditatem ſepe contrahit, ac aſpe  
 ritatem. Solet tamen plerunq; ſtomachus, & a  
 bile ex corpore in ipſum reſuſa incaleſcere, ſitiq;  
 urgeri, & bilioſa per uomitum reijcere. Quod ſi  
 ad cutem bilis feratur, ſudores mouet: ſi ad inte  
 ſtina, alui fluorem. Ad haec ſi a febre conquieſce  
 rit aeger, hac inquam, quae ſe omnibus, ex ſuo  
 motu prodat: relinquaturq; propria febrium in  
 arteriarum motu inaequalitas: ita pro certo haec  
 tertianam eſſe pronuntiare poteris, ac ſi tertio  
 iam die acceſſio rediſſet. Propriam inaequalita  
 tem pulſus, uocat eam quae in una arteria pulſa  
 tione ſit: de qua, cum abunde ſupra diſputatum  
 f 4 ſit, uo



*fit, nihil nunc differendum est.*

QVARTANA uero (nam & huius notas tibi commemorare oportet) euidētissimum quidem sui indicium præbet, initio statim accessionis, quando ipsi adhuc ægroti rigent. Pulsus enim admodum raros, ac tardos obtinet: sed necessario dum ad uigorem peruenit, uel adhuc etiam increfcit, celeres ac crebros: seruat tamen & tunc natiua eorum tarditas ac raritas, si celeritatem & frequentiam adiectam accessioni consideres. Etenim si quartanæ uigorem cum tertianæ uigore compares, multo celerius ac frequentius in hac arte riæ tibi micare uidebuntur: atq; unius motus in quartana inæqualitas, eius speciem commōstrat: quæ cum omnium communis fit, in hac tamen euidentissime depræhenditur: multo enim concitatus principium motus & finem, quàm medium inuenies. Quod in tertianis non ita habet: in his enim celeritatis excessus, maximeq; in uigore, breuis est. Quinetiam caliditatis notis hæc febres distinguuntur. Tertianarum enim calorem & ardorem ac tantquam feruorem in quartanis haudquam reperies.

*Quartana à bile fit atra, cuius originem posteriori commentario dicemus. Hæc febris per initia*



initia deprahendi potest, etiam dum laborantes  
 rigent: rigorem non uehementem illam totius  
 corporis concussionem intelligit, sed horrorem,  
 & leuem rigorem, quem quartana cum multis  
 alijs febribus habent communem, uti supra de-  
 claratum est. Per hunc igitur rigorem statim ab  
 initio quartana cognosci potest. Pulsus uero ha-  
 bet admodum raros, ac tardos, nisi dum uel in-  
 crescit, uel in uigore est: necessario enim tunc ef-  
 flagitante usu, celeriores, ac crebriores fiunt: sed  
 ita, ut eorum natia tarditas, ac raritas, semper  
 maneat. Rari pulsus dicuntur, cum interpositis  
 longis interuallis arteria pulsat: Tardi cum lon-  
 go tempore paruum spatium percurrit. In omni  
 enim locali motu, causa quaedam agens certo tē-  
 pore aliquid per spatium mouet, à meta ad me-  
 tam contrariam: quòd si reflectatur, quietem in-  
 tercipi neesse est, ut docet Aristoteles: igitur in  
 pulsu, agens causa uirtus est quæ arteriam per  
 spatium mouet, ab eius medio ad circunferen-  
 tiam, dum distenditur, & eandē reflectit à cir-  
 cunferentia ad medium, interposita quiete dum  
 cōtrahitur, idq; certo tempore: ex quibus omnes  
 pulsus differentie sumuntur, ut ex Galeni de Pul-  
 suum differentijs opere discere licet. Cum igitur  
 uirtutem urget neccssitas, & spatium est libe-  
 rum, arteriæq; corpus, quod mouetur, uirtuti as-  
 genti paret, pulsum fieri magnum, celerem, ac fre-  
 quentem neccesse est. Contrà uero accidit, si usus



nō urget, spatium impeditum sit, reluctetur uirtuti arteria. Igitur initio quartanæ, pulsus admodum rari sunt, ac tardi: quod neq; usus, celerē refrigerium ac frequens desyderet, neq; spatium omnino liberum sit, sed humorum uaporumq; copia præpeditum. Nam accessionis principio atra bilis ob frigiditatem non facile accenditur: unde nulla refrigerandi est necessitas, quæ admodū nec in quotidianis, ut mox docebitur. Quum uero accenditur, aut iam accensa est, hoc est dum increfcit aut iam uiget febris, ut celeriter ac frequenter corpus refrigerari necessitas postulat, sic pulsus celeres ac crebros efficit: sed seruata genuina eorum tarditate ac raritate: rariores enim ac tardiores sunt, quàm in tertiana: quia necessitas minus urget. Cæterum inæqualitas, quæ in uno pulsu fit, in quartana luculentior quàm alijs febribus apparet. Cum enim hæc, uti iam monstratum est, fiat urgente necessitate, & obsequente facultate, sed motum interrumpente uel remorante materiæ copia, uel crassitudine, aut instrumenti affectu, hoc est obstructione uel constrictione uel compressione, motus æqualis esse non potest: neq; in tertiana, neque quartana. Cum enim in utraq; ualeat, obsequaturq; facultas per totum morbum, principio quidem nondum sentiens onus, motum suum pro urgente necessitate accelerat: In medio uero, dum id sentit, ea uel omnino subsistit, & quasi respirat,



rat intercipitq; motum, uel nititur quidem, sed onere pressa motum retardat: tandem uero ad finem magna contentione, eorum more qui residuum operis uelut collectis uiribus absolucere nituntur, properat. Itaq; principio & fine celerior est, medio uero tardior pulsus. Sed hæc inæqualitas in quartanis quàm tertianis apertius deprehenditur: nō quòd celerius in illis quàm his principium aut finis sit, sed quòd maior celeritatis et tarditatis inter principium & medium, interq; finem & medium in quartanis quàm tertianis differentia sit: adde quòd in tertianis tota pulsatio celerrima est, proinde breuissimo tempore absoluitur: ergo eius principium, medium, & finis breuissimo tempore fient: quæ autem talia sunt, facile deprehendi non possunt: facile uero, quæ contra. Itaq; breuem celeritatis excessum, id est breuissimo tempore durantem, non paruum esse dixit. quando tertianarum pulsus omnium intermittentium celerrimi sunt: ut prius ostensum est. Vt hæc melius intelligantur, fingamus follem utranq; uiam, nempe accipiendi & reddendi spiritus, angustam habere: sitq; spiritus is crassior, proinde agrius tum attrahatur, tum emittatur. Urgeat uero res, ut celeris fiat perflatio, & qui follem moderatur, ita uiribus polleat, ut probe, quantum ex se est, distēdere & comprimere hūc possit. Cum igitur ex hypothesi urgeat necessitas, ut celeriter folliis flatum accipiat, reddatq;

impe



impediatur autem per uiarum eius angustiam  
(neq; enim per has tantum aëris, præcipue cras-  
si, attrahi ac educi potest, quantum usus efflagi-  
tat) necessitati debita celeritas impediatur: etiã  
si uehementer contendat, qui munus mouendi fol-  
lis suscepit. mouebit igitur tardius quàm res ef-  
flagitat, præsertim in medio, ubi onus maxime  
sentitur: in principio autem, quòd minus id gra-  
uet, celerius: in fine uero, uelut resumptis uiris-  
bus, maiore contentione ad opus cæptum perges  
motum accelerat: quòd si manente reliqua hypo-  
thesi, uterq; spiritus, tum qui intromittitur, tum  
qui redditur, aut paucus, aut tenuis sit, minore  
negotio distendetur, comprimeturq; follis. Ad eũ  
dem modum in arterijs fit: distenduntur enim,  
ac comprimuntur pro rei impellentis necessita-  
te. Si quidem calor urgeat, & fuliginosi effluuij  
copia adsit, has distendi comprimiq; celeriter o-  
portet: nisi quid impediat. in febribus autem, de  
quibus nostra est disputatio, calor præter natu-  
ram urget, facultas quantum potest, obsequitur:  
sed motum tum humores deprauantes, aut alio  
quouis modo impedientes, nimirum uel ob cras-  
sitiem uel multitudinem liberum exitum nõ ha-  
bentes, tum arteriæ affectus remorantur. Affe-  
ctum hic maxime intelligo obstructionem, quæ  
reddendi emittendiq; spiritus debitam necessi-  
tati celeritatem impedit. Præterea humores &  
uapores facultatem impediunt, quo minus ad a-  
ctionem



Etionem expedita sit: mirum itaq; non est, si in ipsius motionis medio tardior pulsus sit, aut etiā interdum prorsus intercipiatur: siq; in quartanis tarditas maior, & inaequalitas, quæ in una sit pulsatione, maior inueniatur. Rursus caliditatis notis, hæc febres distinguuntur. Feruet enim ac deurit in tertianis calor, quod bilis flaua prompte ignescit: in quartanis, quia atra bilis frigida siccaq; est, paulatimq; accenditur, ut testa uel lapis, paucumq; fumum emittit, minor calor sentitur.

H A E C. quidem maxima signa sunt: reliqua uero externa, neque hæc sunt omit-tenda. Quin ægrotantis natura consideranda est, num ad atram bilem magis declinet, & an tēpus anni autumnus sit, præ-sensq; æris constitutio inæqualis. Sic uero & loci, & morborum tum ingruētium natura inspicienda: & num lien intumuerit, febresq; inordinatæ præcesserint, & ætas uigorem excesserit, febrisq; in sudores defierit: in hac enim uomitus bilis expectandus non est: quemadmodum neq; in quotidianis, cum id tertianarum proprium sit.

Signa, uti iam dictum est, alia maxima, præcipuaq; alia minus præcipua. illa rem certissime ostendunt: sumuntur autem à febris substantia, quæ est in genere caloris, cuius differentias prius  
expo



exposuimus: Ab actione lesa, ut est pulsus inaequalitas, celeritas, tarditas, raritas: Ab excrementis, uelut urinis: & à qualitatibus, quæ necessario sequuntur. Alia signa minus præcipua, quæ affectum obscure explicat, sumuntur tum ab ijs quæ in corpore sunt, ut ætate, temperamento, habitudine, & qualitatibus temperaturam consequentibus: tum ab ijs quæ forinsecus incidunt, ut uictus ratione, consuetudine, uitæ instituto, exercitatione tum animi, tum corporis, uigilijs, anni tempore, regione, & præsentis aëris constitutione, morbis item popularibus, atq; hæc externa uocat Galen. Itaq; quartanæ præcipua signa sunt pulsus raritas, tarditas, & luculenta inaequalitas in una pulsatione: calor nec copiosus, nec deurens, qualis in tertianis est, ut paulo antè monstrauius: urina uariæ quidem, sed tamen cruda, ut mox dicetur, hanc febrem testetur. Eius febris signa minus præcipua, inclinans ætas: quæ atram bilem plurimam gignit, temperatura melancholica, quæ hæc abundat: quemadmodum & consuetudo, habitudo corporis ex tenuata, cutis nigra & hirta, naturam arguunt melancholicam: uictus ratio parca & quæ atram bilem gignere idonea sit: uita genus, id est ars quam quisq; exercet, si magni sit laboris, & calido siccoq; loco exerceatur, ut ferraria, atram bilem gignit: quemadmodum labor ingens, & longus, et cura, mærores, & uigilia diuturnæ, autumnus,

&amp;



& aëris constitutio inaequalis, quæ modo calida, modo frigida sit cum siccitate. Hæc enim omnia atram bilem augment. Quod si & quæ uulgo grassantur febres, quartanæ sint, magnam tibi fidem facient: quemadmodum & lien si intumuerit, magnam uim atræ bilis in corpore congestam esse testatur. Febres quoque inordinatæ, id est, ut prius uocauit, uagæ si præcesserint, quartanam esse fatentur, ut quæ diurnitate humores adurant, ut supra dictum est. Hæc quoque febris, si in sudores desierit, quartanæ indicium adfert: etsi tertianæ quoque sudor communis sit, sed in hac copiosior, in illa parcior propter materiæ paucitatem: quæ nihil semiustum post accessionem relinquit, sed uacuatur per sudores: quod in quotidianis minime fit propter materiæ viscositatem. Neque uomitus biliosus in hac, quemadmodum nec in quotidianis, expectandus est: cum sit tertianarum proprium. Nam hæc à bile flaua fiunt, quæ ad stomachum sæpe refunditur: quartana ab atra bile: quotidiana à pituita.

QVOD si pacata febre eius signum adhuc permaneat, & pulsus naturali sit rarior ac tardior, palam est ipsam quartanam esse.

Signa quæ remanent sedata febre, quæ hanc adfuisse testantur, sunt oris & sputi sapor uel acidus, uel insipidus, & gustu ingratus, pulsus inaequalitas. Tamen si eiusmodi febris purâ ex-

quis



quisitamq; intermissionem habere uidetur, ut Galenus autor est lib. II. de Differentiis februm, eò quòd in ea omne id humoris melancholici quod est exustum, euacuatur, atq; discutitur. Sed reuera pura non est: nam paulo antè dixit, in nulla febre præterquam diaria pulsum ad naturalem habitum redire, etiam si inter duas accessiones longum intercedat spatium, ut in tertianis & quartanis. Porro quartanae pulsus post inclinationem rariores sunt, ac tardiores quam naturales: quia eius febris materia natura frigida est, sed febris calore incalfacta, pulsus crebriores & celeriores efficit: abacta uero febre redit ad naturam, corpusq; refrigerat, & pulsus rariores ac tardiores efficit.

QUOTIDIANAM autem his maxime notis depræhendes: Calor necessario humentior est, cum quadam acrimonia: quam non protinus admota manus, sed permanens sentit. Caliditatem enim quadam fumosam cum largo uapore commistam exire putabis: scilicet igni in multa humiditate potius suffocato, quam ipso materiam euincente. Sed & harum pulsus minores sunt, quartanarum pulsibus, quam quartanarum pulsus sint tertianarum. Rursus quotidianarum pulsus tanto sunt tertianarum pulsibus rariores, quanto harum sunt quartanarum pulsus. At in utrisq; eadem est tarditas. Verum hæc febris minor  
rem



rem adfert sitim: hanc itaq; quartana tantum excedit, quantum quartanam tertiana. Atque in tertianis quidem lingua, totumq; corpus aridissimum est, in his uero humidissimum: uomitionesq; pituitosæ, & quicquid per uentrem excernitur, frigidius, humidius, crudius, aquosius, & pituitosius est. Et in hisce febribus, uniuersum corpus crudis humoribus scatet. Siquidē hæ ætatibus, naturis, anni temporibus, & temperaturis humidioribus accidunt. Nūquam enim adolescentem biliosum, ac natura ficcū, hac febre correptum uidimus. Pueri uero, præsertim natu minores, & ex grandioribus, qui pituitosi magis, ac corporis habitudine crassa sunt, uitamq; agūt otiosam, gulæ indulgentes, & ebrietati dediti, crebro balneis, maximeq; à cibo utentes, quotidianis facile corrumpuntur: sed & locus humidior, & tempus hybernum, aërisq; constitutio humidior, hanc maxime febrem inuehunt: quæ si tunc etiā grassetur, præter antè dicta, maximam adferet cognitionem. Verum harum febrium declinationes, uti tertianarum, & quartanarum sudoribus non finiuntur: unde neq; ad manifestam febris remissionem, paucis quibusdam exceptis, perueniunt. Vrinæ autem procedente febre totius morbi

g      tempo



tēpora docēt: initio uero eius speciē ostēdunt. In quotidianis enim aut albæ, uel tennes, uel crassæ, & turbulētē, aut rubræ apparet: In tertianis rufē uel subrufē: In quartanis uero uariæ, sed crudæ omnes. Atq; hæc quidē sunt febriū intermittentiū notē.

Quotidiane calor humidior est ob materiæ ex qua gignitur humiditatem, hoc est pituitæ, cum acrimonia quadam, quam putris fumus parit: hæc quidem acrimoniam protinus manus nō sentit admota, scilicet copioso uapore obrutam: sed quam manu diutius manente, facile percipias. Pulsus quotidianarum sunt omnium intermittentiū minimi. Quotidianarum enim pulsus, quartanarum minores sunt, minores inquā, quā quartanarum pulsus sunt, tertianarum. Tertianarū enim maximi, celerrimi, ac creberrimi sunt. Quartanarum rarissimi. Ceterū quotidianarum rariores quā tertianarum, & frequentiores quā quartanarum. Ex æquo uero tardi sunt in quotidianis & quartanis. Nam calor in tertianis maxime urget, facultas obsequitur, & instrumentum non reluctatur: in quotidianis necessitas non admodum impellit, facultas consopita est, & instrumentū humoris copia impeditum: unde multum uel dilatari, uel cōtrahi non potest. In quartana uero calor quidem non multum urget, quemadmodum nec in quotidiana: facultas uero manet, & minus instru-

ment



mentum impeditur: propterea quòd parcius uapor & humor, quàm in quotidiana, infestet. Ad hæc quotidiana minorem sitim adfert: tertiana uehementem: quartana mediocrem. Nam tertiana corpus calidissimum, & aridissimum reddit: quotidiana frigidũ & humidissimũ: quartana uero siccum quidem, sed minus quàm tertiana calidum. Quemadmodum igitur in tertiana tum per aluum, tum uomitione biliosa uacuat; ita in quotidiana, frigida, humida, cruda, aquosa, & pituitosa. In ea enim corpus crudis humoribus redundat, ut quæ ætatibus, temperaturis, aeris constitutionibus humidioribus, & alijs id genus accidat, quæ pituitã generare solent: in tertiana biliosus exuperat humor, à causis calidioribus & siccioribus genitus. Cæterum quotidiana non desinit in sudores, præsertim ubi pituita cutis & subiectæ carnis meatibus inhaeret. Quæ ratione in manifestam quietem minime desinit. Urinæ autem in intermittentibus febribus humores, qui extra uas putrescunt, raro indicant: quoniam hi ut plurimum per sudores, uel insensiles transpirationes uacuantur. Qui uero in uasis continentur, uitiosi quidem ac putrescere parati, nondum tamen putres, quales quidẽ sint urinæ produnt, tum initio febris, tum toto eius decursu. Initio enim morbi speciem, toto uero morbi processu eius tempora docent. Alia enim tempora aliæ urinæ ostendunt: initia quidem &



dem & incrementa crudiores, statum uero & inclinatonem coctiores. Itaque albæ, tenues, uel crassæ, aut etiam rubræ, ut in quibusdam exemplaribus typis excusis legitur, quotidianarum sunt notæ: Albæ quidē ac tenues ob pituitæ cruditatem, & ingentem uiarum obstructionem apparent: Turbulentæ ac crassæ, cum iam natura concoctionem auspicata est, aut crassa pituita excernitur: Rubræ uero, ubi per imbecillitatem iecoris ac uenarum serum ac rubra sanies unā cum urina emittitur: qualis in hydropse excerni solet. In tertianis autem rufæ aut subrufæ apparent, ob admistam flauam bilem: In quartanis nunc subrufæ, nunc albæ, sed semper tenues ac crudæ. Nam ut bilis atra à diuersis sit humoribus, sic & febres quæ ab hac nascuntur, diuersas esse oportet. quæ enim à flaua bile retorrida fit, cum rigore incipit uehementiore, & flauiores habet urinas, quàm quæ à crasso sanguine deusta.

FEBRES autem assiduas ex eo quidem maxime cognosces, quòd nullum ex ijs signum habeant, quæ debere inesse intermittentibus docuimus: & si intra quatuor & uiginti horas non desinant, quæ si inæquale habuerint incrementum, præter alias notas maiorem temporis diuturnitatem prænuntiant: atq; adeo si & quod proprium est febrium, euident in pulsibus signum



gnum obtineant. At si neq; ordinem, neque æqualitatem, neq; numeros seruent, argumentum erit tum earum magnitudinis, tum quòd ex genere intermittentium non sint. Quòd si tales permaneant, & tertio die accessio maior, aluiq; excrementa, & urinæ omnino crudæ appareāt, non possunt septimo eiusmodi febres iudicari. Si uero dies quartus tertio similis uideatur, & febris uelut langueat, nec facies nec uniuersa corporis habitudo concidat, in longum tempus hoc febris genus protrahi solet. Atque hæc quidem sunt febrium differentia, quæ accidentibus carent.

*Signa alia alijs febribus intermittentibus in sunt: tertianis quidem rigor & sudor, quotidianis frigus, quartanis horror & sudor: quæ si in aliqua febre putri non appareant, hanc continuam esse certum est. quòd si inæquale habuerit incrementum, non modo assiduam esse, sed & fore longam, iudicare poteris. Inæquale incrementum apparet, cum corpus modo calidius, modo frigidius sentitur: quod fit stomacho, uel alia sensibili parte affecta. Nam externæ partes urgente dolore, caloremq; intrò reuocante, frigent: quidam mitigatur, foras calor resilit, calfacitq; externas partes: atq; sic alternatim corpus calefcit ac malgescit. Accidit & ex humorum uarie*



tate in uenis putrescentium, in quibusdam non  
intermittentibus febribus, non simplicibus, sed  
spurijis, testaturq; earum diuturnitatem: tum  
quia ex crudis humoribus, una cum alijs permi-  
stis ortum eiusmodi febres habeant, tum quia na-  
tura paruo tempore multos, uariosq; affectus e-  
uincere non possit, ut Galenus ait. Quod si cum  
hac incrementi inaequalitate pulsus euident sit  
inæqualitas, longitudo febris significatur: ut in  
qua multitudo, ac contumacia humorum natu-  
ram premat. At uero, si neq; ordinem, neq; equa-  
litatem, neque numeros pulsus seruet: non solum  
continuam, sed magnam iudicare licebit. Nam  
tunc uel facultatem oneratam, uel instrumentū  
impeditum, uel uehementer intemperatum esse,  
necesse est: proindeq; febrem magnam. Si autem  
ad tertium usq; diem tales permaneant, in quo  
& accessio maior fiat, urineq; omnino crude  
ac alui excrementa appareant, septimo die iudi-  
cari eiusmodi febres non poterunt. Nam ex hy-  
pothesi cum duos dies eadem mansit febris, ter-  
tio increuit manētib; magnæ cruditatis signis,  
septimo die integra concoctio apparere non po-  
terit: ut inde iudicium eius finiende sumi possit.  
At si quartus dies similis tertio uideatur, & fe-  
bris uelut sepulta languidaq; appareat, neq; fa-  
cies, neq; uniuersa corporis habitudo concidat,  
protrahi in longum tempus eiusmodi febris so-  
let. Cum enim corpus non cōcidat, & febris qua  
si ui



si uicta marcescat, indicium est materiam resolutioni esse contumacem, & causam resolventē, nempe calorem, imbecillam: unde non sine ratione febris erit diuturna.

DE INCIP S uero singularum curatio tradetur: ac primum quidem intermittentium, deinde cōtinentium, ut uocant, febrium. Ex intermittentibus quidem breuissima simul & mansuetissima, tertiana est: longissima uero, sed tuta, quantum in se est, quartana. Quotidiana uero longa est, & periculo non uacat. Itaq; uictus rationem statim ab initio instituemus, uniuersum morbi tempus considerantes. Nā in acutis, & qui ad statum celeriter perueniunt, si tenuiter omnino cibare uelis, haud magnopere lædes. In longioribus uero, nisi per initia liberalius cibaueris, aut unā cum morbo hominem necabis, aut intempestiue uictus ratio mutanda erit: neq; enim accedente statu uberior uictus quā prius, sed contrā, omnium qui per morbum exhiberi debeant tenuissimus in id tempus referuādus est: hoc quidem omnium commune est.

Iure ad febrium curationem procedit, ubi earum non solum speciem, sed & magnitudinem, & longitudinem docuit. Primum igitur ab intermittentium curatione tanquam faciliore, au



spicatur. Quarum, cum aliæ longæ, aliæ breues,  
aliæ tutæ ac sine periculo, aliæ non sine periculo  
sint, alijs alia uiuendi ratio instituenda est. Ter  
tianis enim, quæ & breuissimæ & minime peri  
culosæ sunt, tenuior uictus adhibetur: quia uires  
ad finem usq; durare possunt. Quartanis & quo  
tidianis liberalior, idq; per initia, quando natu  
ra cum morbo minus pugnat, & uires adhuc ro  
bustæ copiosorem cibum concoquere possunt.  
Sed ut ad statum morbus proxime accedit, ita  
cibum maxime circuncidere oportet: eò quidem  
magis, quò propius ad hunc acceditur: id quod  
omnibus febribus est commune. Quoniam autē  
cum celerius ad statum peruenitur, principium  
incrementumq; breuiora sunt, idcirco statim ab  
initio parcius alendi sunt, scilicet natura iam cū  
morbo multum colluctante, quem breui supera  
tura est. Contrà ubi longum principium & in  
crementum est, liberalius alere oportet: cum ui  
res, nisi subueniatur, in tantum tempus durare  
non possint. Tertianas porrò esse acutissimas,  
& celeriter ad statum peruenire dicit: quia bi  
lis, quæ has procreat, facillime accenditur, ac  
alteratur. Easdem mitissimas uocat, non quòd  
grauiter non infestent (urgent enim & caloris  
uehementia, & siti, & id genus alijs symptoma  
tis) sed quia omnino uacant periculo, minimeq;  
malignæ sunt. Quotidianas autem non sine peri  
culo esse scribit, tum quòd longæ sint, tum quòd  
accessio



accessiones longas habeant, easq; quotidianas: tum quod habitum corporis refrigerent, ac calorem nativum extinguant, gignantq; magnum incrementorum in corpore prouentum. Cum enim longas accessiones habeant, easq; omnium minime in integritatem desinentes, naturæ breuissimum tempus relinquunt, in quo concoctioni cōtumacium humorum, ac corpori alendo, resarciendisq; uiribus, uacet. Quartana uero, etsi longissima sunt, quia accessiones breuiores, puriores & longiore intervallo repetentes habent, minus quàm quotidianæ, periculum adferunt. Minus dixi, quia nonnunquam morbos alios hæc temporis diuturnitate pariunt, parentibus deteriores: ut lienis tumores, hydropas, & alia id genus mala.

A D hæc uero, quæ intermittentibus propria sint, considerare oportet: uelut statim in tertianis (neq; enim male ab his aspiciamur) distinguendum in primis est, num exquisita, ac, ut ita dicam, generosa: an minime exquisita, sed uelut spuria sit. Tertianæ enim exquisitæ, septem cum tardissime circuitibus iudicatur, minimeq; periculosa est. Alteram autem non exquisitam, aliquando uidi autumno incipere, & uere desinere: postea, ut par erat, tanto tempore, tum quod ægrotus imperanti medico non magnopere pareret, non nihil etiā

g s delin



delinqueret, tum uero hyemis iniuria male afficeretur, maxime lien intumuit: & hypochondria flatu distenta sunt: tumor quidem decolor cum in facie, tum maxime in cruribus apparuit, adeo ut adolescenti timuerimus, & maioribus uti remediis necessum fuerit. itaq; hæc febris nihil exquiritæ tertianæ simile habet: quare ab initio distingui oportere dico. Nam quantum natura inter se differunt, tantum uictus rationem uariari æquum est. ut autem has optime distinguas, fatis mihi fuerit ea recensere, quæ adolescenti acciderunt: quæ exemplum documentaque tibi futura sint febrium non exquisitæ tertianarum.

*Non solum quæ communia sunt intermittentium, sed & singularum propria consideranda esse docet: quando non omnes tertianæ, aut quartanæ, aut quotidianæ eiusdem naturæ sunt. Aliæ enim ex syncero simpliciq; humore fiunt, ac exquisitæ uocantur: aliæ non ex simplici, sed misto, nothæq; ac spurie dicuntur. Itaq; exquisita simplexq; tertiana est, quæ ex syncera bile ortū habet, septenos circuitus non excedens: inuadens cum rigore, & in sudores desinens, interdum & cum uomitionibus, aut alui deiectionibus biliosis, alternis diebus repetens. Fit autem æstate secundum naturam habente, hoc est calida & sicca, statu temporis & regione huic similibus, & uictus*



uictus ratione biliosa, ac pauca, uigilijs, laboribus, mœroribus, temperatura biliosa, & id genus alijs, quæ bilem generare solent. Quod autem septem circuitus non excedant, iusta ratio est, quando nec humor, ex quo consistunt, crassus est, aut lentus & tenax, ut in quotidianis, & quartanis, imò nec admodum copiosus: proinde facile & cito discutitur. Natura enim maiorem aliorum humorum molem sustinet, ut qui minus iritent: bilis uero, quia acris est, minorem modum patitur, quiq; septem ad summum circuitibus educi e corpore possit. Nam interdum tribus, interdum quatuor, aut quinque accessionibus, pro qualitate quantitæque sua, educitur.

MEDIVM erat anni tēpus inter uergiliarum occasum, & quod hunc antecesserat æquinoctium: in quo adolescentem circa ferè ipsam auroram febris cum horrore corripuerat: quæ neq; in calore, neque in pulsibus, tertianæ similis esse uidebatur. imò nec uomitus biliosus sequutus est, nec multus sudor: postridie uero ad horam circiter tertiam paucus exijt maior, cum quo & febris euauit: sed adeo sensim, ut circa uesperam uix febris expers æger uideretur: nimirum relicto tunc in pulsibus euidentē admodum febris signo. Verum reliqua circa idem tempus, ac per  
totam



totam noctem, facile omnino æger ferebat. Rursus uero circa tertij diei auroram, secunda accessio priori in omnibus, præterquam tempore similis rediit: sequente enim nocte paulo ante lucem, exhalato uapore febris decessit: circa quarti diei auroram, & reliquo toto autumnno, ac hyeme, quo tempore ægrotauit, tum reliqua omnia, tum accessionis & solutionis febris tempus, eadem permanferunt. Adolescens autem annos plus minus octodecim natus erat, aspectu albus, ac pinguis, uitæ deditus otiosiori, priusq; crebris tum crapulis, tum lauationibus usus, ac satiætatibus: proinde cibos improbe concoquebat. Accessit uero & huic pulsus durities, mediocris quidem in primo & secundo die, in tertio uero & quarto, & sequentibus usq; ad septimum, ad tantam peruenit duritiem, ut si quis soli pulsui credidisset, multorum esse mensium egritudinem putasset: ac talis permansit usq; ad uernum æquinoctium: in quo primum mollescere cœpit. Postea rursus quadagesimo die ab hac tertiana prorsus liberatus est, paulatim pulsu emollescente, & accessione decrescente, urinisque probum quod desideret habentibus, quæ prius uehementer crudæ omnes erant. hæc quidem certe max



te maxime cōtraria est exquisitæ tertianæ.

Vergiliæ septem stellæ sunt in Tauri dorso posite: quæ medio uere cum sole oriuntur, Græci Pleiadas dicunt: eadem medio autumno, cum sol est in Scorpio, occidunt: hoc est ab æquinoctio autumnali diebus ferè quinquaginta, ut Galenus docet in commentario primo *περί τριδνικῆς*: est enim Scorpius Tauro, in quo ipsæ sunt, ex aduerso locatus. Proclus tantum sex esse putauit, quòd septima uix conspici possit. Cum igitur sol cum Scorpio oritur, oppositus Taurus occidit cū Pleiadibus. Aequinoctium uero, quod antecedit hunc occasum, est cum sol in primo Libræ gradu existit: quo tempore ex æstate antecedente, relicta in ægroto bilis erat. Præterea ægrotus, adolescens erat, quæ ætas gignendis id genus febribus idonea est: reliquæ uero causæ de quibus mox disseretur, ad procreandam pituitam erant efficaciores. Cœperat igitur adolescens cū horrore, nō rigore febricitare. Nam rigor ex sincera flaua bile, ut dictum est, fit: horror ex atra aut flaua impura. Itaq; horror hic exquisitæ tertianæ non est index, sed spuria, quæ ex admistione pituitæ nascitur. Porro calor exquisitæ tertianæ, maximus acerrimusq; est. Pulsus uero maximus, celerrimus & creberrimus, quales in hac spuria uisi non fuerunt, in qua nec uomitus biliosus secutus est, nec sudor multus: quæ exquisitæ tertianæ peculiaria sunt. Verum postridie hora circiter



citer tertia paucus exhalauit uapor, cum quo et febris discussa est: sed ita remisse, ut circa uesperam nix à febre liberatus esse uideretur: quo ab exquisita tertiana maxime differt, in qua sudor copiosus ad integritatem perducit. In spuria materie lentor non affatim, sed paulatim resoluitur: adeo ut sensum effugiat. Cæterum reliquæ quædam remanserunt: quæ integre febrem decedere non permiserunt. Itaq; mirum non est, si post uaporem à febre liberatus integre eger esse non est uisus: cum adhuc in pulsibus febris euidentis nota, nempe pulsus inæqualitas, ob materie reliquias, remanserit. Reliqua autem febris incommoda facile eger eodem tempore, & per totam noctem, ferebat: scilicet unâ cum febre remissa. Rursus uero circa tertij diei aurorâ redijt accessio, priori omnino, præterquam tempore, similis: sequente enim nocte paulo ante lucem discussus est uapor: febrisq; decessit circa quartij diei auroram. Quod secunda accessio similis omnino priori esset, id est cum similibus calore, horrore, & pulsibus, hoc ideo erat, quod similis omnino materia utramq; accessionem pepererat: uerum diuturnior fuit secunda, quod maior materie copia quæ hanc genuit, computruerat. ferè enim fit, ut prima accessio breuior sit, ut in qua cruda materia egrius accendatur. In reliquis uero materia ad incendiū à prioribus preparatur, atq; ita augeri solent accessiones usq; ad statū. Prima enim  
accessio



accessio circa auroram incæpit: hoc est secundum  
nostram supputationem, circa horam sextam  
matutinam. (Est autem aurora tempus ante so-  
lis ortum, quo cælum splendescere incipit) Et de-  
fuit sequētis diei hora circiter tertia. Itaq; ea ac-  
cessio fuit horarū fere unius & uiginti: secunda  
accessio uiginti quatuor, ut quæ circa diei auro-  
ræ incæperit, & eadē quarti diei aurora desie-  
rit. Adolescens natus erat annos circiter octode-  
cim. Dicebamus modo tempus & ætatem, bilē  
in proposito ægroto generasse: pituitam uero o-  
mnes propemodum alias causas: nempe tempera-  
turam, habitudinem corporis, uictus rationem  
antecedentem. Cum igitur causæ quæ pituitam  
genuerunt, & plures numero, & efficaciores fue-  
rint, mirum non est, si longissima hæc febris fue-  
rit, longissimasq; habuerit accessiones: ut quæ  
ex copia crudorum humorum ortum habuerit:  
quod & pulsus durities planè indicabat, quam  
plenitudo attulit. Quemadmodum enim uesica  
flatu plena, & uter liquore, prementi digito non  
cedunt, durūq; apparent: sic arteria plena, aut  
humore, aut flatu, aut uapore, durum efficit pul-  
sum. Mediocris igitur primo & secundo die du-  
rities apparuit: quia nondum ex humore uapor,  
ac flatus multus excitatus fuerat: à tertio uero  
usq; ad septimum adeo hæc aucta est, ut uideren-  
tur morbus multorū mēsum: id est ut uideren-  
tur arteriæ, ob morbi longitudinem resiccate,

ac in



ac indurata. Perseueravit autem hæc durities usq; ad æquinoctium uernum: scilicet materia quæ arterias implebat, non decrecente. A' uerò no autem æquinoctio usque ad quadragesimum diem sequentem, in quo febris soluta est, emollitus est pulsus, nimirum materia decrecente: unde & accessiones breuiores factæ sunt, & concoctiores urinæ: quæ prius crudæ admodum apparuerant, ob materiæ & copiam & cruditatē.

RELIQVAS uero omnes intermedias quæ permultæ sunt, ex definitis extremis haud difficile inuenies. Si enim, quæ initio commentationis scripsimus, tertianarum signa omnia adfuerint, exquisitam tertianam esse testabuntur: cuius accessio nis tempus, breuissimum quidem omnino quatuor, aut quinq; , aut sex horarum est: longissimum uero, undecim aut duodecim. Atq; etiam harum urinæ tertio aut omnino quarto die, concoctionis indicium ostendunt. His igitur notis absoluta tertiana & spuria dignoscuntur. Ad hunc uero modum, quartana & quotidiana distinguuntur. Cui enim omnia insunt signa, quæ prius in febribus quartanis scripsimus, germana exactaq; quartana est. Sin minus, spuria minimeq; exquisita. Et ex quotidianis legitima quidem est, cui omnia, quæ diximus, insunt: quæ si non adsint, exquisita non



non est. Itaq; febres spuriae non tam longae sunt, quam quartana & quotidiana. Sed quemadmodum tertiana preceps est, sic quartana & quotidiana diuturnae. Haec quidem in his quae circuitu repetunt, consideranda sunt.

Duo tertianae febris extrema constituta sunt: nempe exquisita, & summe spuria. Exquisita quidem breuissima est, breuissimasque habet accessiones. Notha uero huic maxime opposita, longissima est, longissimasque habet accessiones: ut ex ante dictis liquere potest. Inter haec febrium extrema innumerabiles penè notae tertianae posita sunt, sola maioris & minoris ratione discrepantes: quarum quae ad exquisitam magis defleunt, breuiores sunt, breuioresque habent accessiones. Contra uero, quae ad maxime notham propius accedunt, longiores sunt, ac longioribus constant accessionibus. Facile itaque constitutis his terminis, singularium quae in medio collocatae sunt, naturae cognosci poterunt. Porro autem extrema haec definiuntur: tertiana quidem exquisita, dicta iam breuitate, & paucitate accessionum: item caloris acrimonia, & magnitudine, rigore, uomitu bilioso, & sudoribus. Summe uero spuria longitudine & multitudine accessionum, cruditate, & ceteris quae modo declarata sunt. Ad eundem modum quartana & quotidiana, tum generose, tum spuriae suis notis distinctae sunt, ut

h ex an



ex antè dictis uidere est. At quartana & quotidiana suis spuris sunt longiores: quòd quartana ex crasso, quotidiana ex uiscoso humore, utroq; sincero, & qui agre discutiatur, constat. Vtraq; uero spuria admistam habet bilem, quæ quo copiosior est, eo breuiorem reddit febrem, breuiioresq; eius accessiones. Contrarium uero tertianis accidit: nam exquisita breuissima est: notha uero eius, eo quidem longiores sunt, quo ab exquisita magis recedunt. Cum igitur proposita tertiana summe notha ex pauca bile, magna uero pituita ui fiat, longissima est, longissimasq; habet accessiones: ita ut exquisitas quotidianas ferè longitudine æquet. Sed quemadmodum tertiana acta est, ita quartana & quotidiana longa. Tertiana enim exquisita ex humore tenuissimo, & qui facile discutitur, ortum habet. Quartana uero & quotidiana, ut iam diximus, ex crasso & uiscoso humore.

IN alijs uero febribus urinas, alui excrementa, & uniuersam corporis habitudinem, inspicere oportet: calorem quoque, & arteriarum motum. Ad hæc alia quæcunque Hippocrates longaq; experientia contemplanda esse iubent, nempe regiones, anni tempora, aëris constitutiones, ætates, & temperaturas corporum, consuetudines, & antecedentes causas, quæq; unà cum morbis inuadunt, quæq; medio tempore



pore apparent.

Distincta sunt ac determinata febrium intermittantium extrema, longitudine, breuitate, & numero accessionum, rigore, uomitione, & sudoribus: quæ quia assiduis febribus non insunt, aliæ notæ querendæ sunt, quibus exquisitas à spurijs distinguamus: eas autem nobis ostendunt urina, alui excrementa, corporis habitudo, calor, pulsus, regio, anni tempus, aëris constitutio, ægro tantis natura, ætas, consuetudo, & causæ, quæ febrem attulerunt: ut exercitatio, otium, uictus ratio, uigiliæ, somnus, curæ, animi securitas, & id genus alia, quæ uim habent gignendæ febris alia aliam. Ea quoq; quæ unà cum morbo nascuntur, aut in medio apparent: cuiusmodi sunt dolor, uigiliæ, inquietudo, sitis, cibi fastidium, nausea, uomitus, delirium, & alia permulta. Urina, uerbi gratia, & alui excrementa flaua, temperatura biliosa, habitudo corporis extenuata & hirta, ætatis uigor, caloris acrimonia, pulsus maximi, uelocissimi, creberrimi, regio & aëris constitutio calida & sicca, anni tempus, æstas, consuetudo, uitæ genus, quæ bilem gignere idonea sint, cibus item paucus ac biliosus, uigiliæ, curæ pertinaces, delirium & similia febrem assiduam, exquisiteq; biliosam esse & quæ accurate tertianæ proportionem respondeat, indicant. Horum uero contraria contrariam febrem, nempe exquisite pituitosam fatentur. Eodem modo in-

h 2

stam



stam quartanam assiduam ostendunt excrementa nigra, natura corporis melancholica, habitu do supra modum extenuata, nigra, hirta, calor paucus & acriusculus, pulsus rarus, & tardus, regio, & aëris constitutio inequalis, autumnus, inclinans ætas, & alia id genus, quæ in quartana declarauimus. Igitur summe spurie assidue sunt, quæ maxime à legitimis sui generis recedunt: uelut spuria biliosa ab exquisita maxime distat. Inter hæc duo extrema multe biliosæ spurie constitutæ sunt: quemadmodum de tertianis diximus.

OMNIA quidem, ut cuipiam uideri posset, monita sunt, sed reuera haud ita res habet, quando quod maximum horum omnium est, dictu autem breuissimum, nondum explicatum est. Quid uero hoc est? Morbi, & uirium quantitas: res quidē, quæ uerbo uno explicari possit, ad usum maxima est. Neq; enim bene prænoscere poteris, nisi horum cuiusq; quantitate diligenter explorata. Non enim an morbus letalis sit necne, nec quando uel mori, uel à morbo uindicari potius homo debeat, nisi omnium, quæ diximus, quantitatem diligentius contemplatus, in duo redegeris capita, nimirum in morbum ipsum, & laborantis uires, præscire recte poteris. Nam, si uires adeo ualidæ sint, ut morbum euincant, necess



necessario sanitati homo restituetur. Sin-  
 contrà, omnino morietur. Non igitur so-  
 lum cuiusnam sit generis morbus, sed &  
 quantus ipse sit, inspiciendum est. Hoc au-  
 tem non parua eget meditatione atq; pe-  
 ritia, cum propter alia, tum quòd nec scri-  
 bi, nec uerbis explicari ullo modo eorum  
 cuiusq; quantitas potest. Si quid igitur no-  
 strum est, id non tam ex alia re ulla, quàm  
 ex crebra coniiciendæ quantitatis exerci-  
 tatione percipitur, quod ex operibus & di-  
 scere & docere possis. Quæ uero qualita-  
 te distinguuntur, diligenter simul ac dilu-  
 cide, quàm breuissime fieri poterit, scri-  
 bemus.

*Quantitatis morbi appellatione, tum eius lo-  
 gitudinem, tum magnitudinem ac uehementiã,  
 & uirium nomine tum laborantis ipsius robur,  
 tum in debellandum morbum durationem, intel-  
 ligere uidetur, ut ex eius uerbis constat. Nam cū  
 inquit, non enim an morbus letalis sit, nec ne  
 & c. morbi magnitudinem, & uehementiam,  
 & laborantis robur subindicat. Cum uerò ait,  
 nec quando uel mori, uel à morbo uindicari de-  
 beat, morbi longitudinem, & uirium duratio-  
 nem eum dicere perspicuum est. Longitudinem  
 autem morbi uestigare oportet, urina & alio-  
 rum excrementorum cruditate & coctione, fe-  
 bris motu, pulsus & incrementi æqualitate, ac*

h 3      inæqua



inequalitate. Nam si primis statim diebus excrementa cocta appareant, febris celeriter moveatur, pulsus inequalitas magna non sit, nec inaequale incrementum, febris longa esse non poterit. Sin cruda sint excrementa, febris uelut languet, tardeq; moveatur, lenta in ore sit pituita, corpus non concidit, pulsus & incrementi magna sit inequalitas, morbus longus erit. Magnitudinem uero ac uehementiam eius ostendunt, febris mores & symptomatum magnitudo, ac multitudo: qualia sunt, sitis, linguae asperitas, dolor, uigiliae, inquietudo, cibi fastidium, animi deliquium, nausea, & id genus alia: quae si uel omnia uel praecipua adsint, magnam uehementemq; esse febrem planè testatur. Circa hæc igitur diuersari homo debet, si recte morbi quantitatem cognoscere uelit. Robur uero facultatis suis functionibus metiemur: animalis quidem motu, sensu & cogitatione. Nam si æger in latus uel dextrum uel sinistrum cubet, manus, cervicem, & crura paulum reducat, atq; ut semel dicam, ritum sanorum iaceat, respiret, ac dormiat, sentiat ac sapiat, ut per sanitatem solebat, animale uirtutem constare certum est. Sin supinus iaceat manibus, cruribusq; extentis, delabatur ad pedes, peruigilet, lumen refugiat, simulacra uideat, desipiat, imbecillam eandem uim esse constat. Sic pulsus magnus, uehemens, altus, robur uitalis facultatis nuntiat: contra parvus, languidus,



du, inordinatus, uermicularis, formicans, imbecillam. Eodem modo naturalem uim ualere testatur: proba cibi cōcoctio, & superflui excretio: imbecillam uero esse, cruditas, corruptio ac putredo, tum cibi, tum humorum, immodica excretio, aut retentio: in his igitur assidue, diligentēque exerceri debet, quisquis certam quantitatis morbi, & uirium coniecturam, assequi cupit.

EX QVISITAM autem tertianam, ut in qua concitata bilis flaua dominetur, quoad fieri maxime potest, humectare ac refrigerare oportet. Nam contrariorum contraria sunt remedia: quæ quod superat, reprimant: quod autem deest, sarciant. Flauæ autem bilis humor omnium qui in corpore sunt humorum, calidissimus ac siccissimus est: itaq; exinaniendus est: uomitu quidem, si ad uentrem repit: pari modo per aluum, si deorsum fertur. quod & sponte iustis tertianis accidit. Per urinas quoque & sudores exigere oportet: sed cōmode per inferna repurgatur. At molibus clysteribus uenter subducendus est: urinæ uero, potionibus ijs, in quibus maderit apium & anethum, prouocandæ. Et si coctionis notæ apparuerint, iam cum fiducia absinthium dabis: quod alioqui stomacho quem erodens bilis infestat, sum-



mum remedium est: præsertim, si eius co-  
 mæ, quantum usus efflagitat, in aqua mul-  
 sa maceraris. Sed & balnea calida ex aqua  
 potabili prosunt: tum quòd bilis aliquid  
 educunt, tum quòd sua qualitate mirifice  
 iuuant: ea enim huiusmodi omnia hume-  
 ctant, & facultate refrigerant. Marina ue-  
 ro, falsa, nitrosa & sulphurosa plus quidem  
 bilis exigunt, uerum minus quàm ex aqua  
 dulci utilia sunt: præstat uerò nec ea utilia  
 dicere, quando plus sua qualitate lædunt,  
 quàm uacuando prosunt. Equidem noui  
 quendam, qui falso adductus iudicio hisce  
 balneis usus est, ac deinde resiccato corpo-  
 ris habitu, eò uenit exitij, ut tabe interie-  
 rit. Reliqua autem uictus ratio illi bilis ua-  
 cuatione adaugebat. At contraria qualitas  
 qualitati præter naturam excedenti, per-  
 petuo obiicienda est: tanquam id longe  
 cōmodius sit, quàm quouis modo uacua-  
 re: uerum ipse nec hoc nouerat, neq; ex a-  
 liis didicerat. In balneis igitur hoc præci-  
 pue cōsideretur, ut corpus abluatur ac hu-  
 mescat, proinde neq; nitrum, neq; sal, ne-  
 que sinapis inspargenda sunt: id quod fa-  
 ctitare plurimos uidere licet, ægrotos e-  
 necantes. Vbi autem calente oleo pluri-  
 mum perfuderis, in aquam ducere ac pro-  
 luere oportet: & si in ea natare uelint, ijs  
 quan



quantum possunt permittendum est. Qui  
 uero balneis delectantur, neq; si bis die la-  
 uare uelis, peccabis: sed precipue in memo-  
 ria habeto, ut id opportune fiat. Nam si co-  
 ctionis morbi signis apparentibus frequē-  
 tius laueris, non erraueris. A uino uerò,  
 antequam morbus concoquatur, prorsus  
 arcendi sunt: ubi autem coctionis initium  
 habuerit, paucum, tenue & dilutum, initio  
 dandum est: liberalius uero, ubi in propin-  
 quo morbi solutio est. Cibus autem frigi-  
 dus & humidus omnis iustis tertianis con-  
 fert. Tantus autem dari debet, quantus o-  
 ptime concoqui possit. Ex oleribus quidē  
 atriplex, blitum, rumex, malua, lactuca, &  
 cucurbita. Ex aliis autem cremor ptisanæ,  
 sorbitio ex alica. Ex piscibus uero saxati-  
 les. Ex auibus, quæ molli sunt carne: & ex  
 minime talibus alæ: gallorum quoque te-  
 sticuli, & suum pedes, & cerebella danda  
 sunt: iuniorumq; porcellorum si illique-  
 factas coctura carnes præbueris, nihil of-  
 fendes. Sed & oua sorbilia permittuntur,  
 & maxime eorum lutea: ut quæ quàm al-  
 bum facilius coquantur. Ex fructuum au-  
 tem genere ij gustari conceduntur, qui  
 omnino coctu difficiles non sint. melle  
 uero, sinapi, salsamentis, & omnibus acri-  
 bus prohibere oportet: & uinis admodum

h s uetu



uetustis, naturaq; calidis. Hæc quidem uictus ratio esto multorum, ad cōiecturam tibi tradita, & exposita. Qui uero molliter non educantur, ijs uictus instituendus est, qualem me aliquando in exquisita tertiana ex Hippocratis sententia dare uidisti, nempe ptisanæ cremorem, usque ad febris iudicium. hæc quidē in exquisitis tertianis seruanda sunt.

Exquisita febris tertiana, ut quæ ex synccrabile cōstat, calidissima ac siccissima est: ideo per illud primum principium, Contrariorum contraria sunt remedia, maxime refrigerari ac humectari desiderat: ut quod infestat, arceatur: quod autem deficit, sarciatur: hoc est, ut superuacaneus calor, & siccitas abigatur: deficiens humiditas, & frigiditas inducatur. Refrigerari autem ac humectari potest, tū per se, immixtis qualitatibus contrarijs, tum ex accidente: summota quæ calfacit causa. Frigiditatem & humiditatem suggerunt, tum quæ foris admouentur, tum quæ intrò sumuntur. Foris admouentur balnea dulcis aquæ, & medicamenta frigida & humidiora: quale est ceratum Galeni: intrò sumuntur, cibis, potus & aër inspiratus. Itaq; in exquisitis tertianis utiliter adhibentur atriplex, blitum, lactuca, rumex, malua, & id genus olera, quæ etsi malum generant succum, quia tamen refrigerant, & humectant, exquisitis tertianis conueniunt:



ueniūt:quemadmodum & fructus mollioris corticis: quos Græci oporas, Latini poma appellant, modo facile concoquantur, qualia sunt cerasa, pruna, mora. Inter olera tamen lactuca succum minus malum gignit: post hanc malua: postquam atriplex, blitum & rumex. Cucurbita autem ex fructibus quos Græci ὀπάριος uocant, da n n a n d a, inquit Galenus, non est: sed si cruda estur, insuavis est, & stomacho perniciosa. Refrigerat item & humectat ptisanæ cremor, sorbitio ex alica. Saxatiles pisces præter id quod refrigerant & humectant, boni sunt succi, ac facile concoquantur: aues uero mollioris carnis, quales sunt gallinacei, perdices, columbæ, & passerres iuniores, phastani, & similes facile concoquantur, & bonum succum gignūt, minimeq; febrem augent. Quod si tales non inueniantur, aliarum aule, quæ ob exercitationem excrementis uacant. Et gallorum gallinaceorum testiculi: qui soli, inquit Galenus, commendantur: aliorum ferè omnium testes uitiosum succum generant, & ægre concoquantur. Pedes suilli excrementis uacant, quia exercitati. Cerebrum uero si rite coquatur, probe alit: alioqui crassum succum ac superuacuum gignit, maleq; à stomacho cōficitur. Quemadmodum porcellorum carnes, nisi coctura distabuerint, confici à stomacho facile nō possunt, præterea succum glutinosum, mucosumq; generant. Qua gallinarum recentia, sorbilia, id est quæ



est quæ tantummodo incalescunt, facillime concoquuntur, præsertim eorum lutea: ea enim mediocriter refrigerant, ut testis est Galenus & Paulus. A melle uerò, ut quod in bilem facile uertatur, sinapi, salsamentis, & omnibus succum acré gignentibus, abstinendum est: & à uinis uetustis naturaq; calidis: quia febrē augēt. Hæc quidem uictus ratio multorum est, non quidem omnium. Nam qui duram uitam agunt, robustiq; sunt, solo ptisanæ cremore ad morbi usq; iudiciū contenti sunt: cum ad id usq; tempus uires sufficere ualeant, & hi tenuem uictum ferre possint. In potu uero aqua frigida dāda est: quæ etsi perpetuo conuenit tertianæ, non tamen perpetuo adhibenda est: sed tantum ubi signa coctionis apparent. Aër frigidus & humidus, si fieri potest, omnino inspiretur: recta enim ad pulmonem, à quo statim ad cor, ubi potissimum calor urget, fertur: corq; tum qualitate, tum substantia refrigerat, ac humectat sine ullo corporis incommodo: neq; enim cutis meatus claudit: proinde nec perspirationem impedit. Aeger igitur in domibus collocandus est frigidis, ac perflatis, uersisq; ad arctum: quales si nancisci non possimus, aër arte refrigerandus est, aqua pergelida de uasis in uasa transfusa, uel assidue domo aspersa, rosisq; uel uitium pampinus, uel stirpibus uim refrigerandi habentibus, humi fufis. Talis enim aër si inspiretur ut dixi, cor commodissime refrigerabit.

Si uero



Si uero extrinsecus corpori accedit, laedit cutem  
dēfando, ac stringendo: sed minor est noxa, quā  
ex inspiratu utilitas: praesertim cum, ut Galenus  
ait, cutem operimentis calfacere possis. Arcenda  
quoq; turba à domo est, ut quæ halitu calfaciat.  
Possūt uero, ubi calor uehemēter urget, refrigerā  
tia medicamenta, quale est ceratum Galeni, &  
herbarum succi, aliaq; id genus medicamenta,  
foris admoueri, ei praesertim parti, quæ plurimū  
incaluerit: ut per has febres solet os uentris, pe  
ctus & hypochondria. Balnea autem dulcis a  
quæ calida duplici nomine profunt: tum quòd  
foris materiam febris euocent, tum quòd sua  
qualitate corpus humectēt, & refrigerent: quod  
maxime tertiana exquisita exposcit. Refrigerāt  
quidē potentia, scilicet immisso intrò madore ca  
lido, deinde spatio temporis ad natiuam frigidi  
tatem redactō. Summonetur autem causa quæ  
febrem attulit, uacuationibus: uomitione quidē  
si ad stomachum bilis confluat: per aluum, si de  
orsum uergat. Quò enim natura uergit, eò duce  
re oportet. Vomitiones uero eliciuntur maxime  
accessionis initio, ut autor est Galenus libro cui  
titulus est, Quosnam purgare oportet, quibus  
medicamentis & quando. Nam eo tempore na  
tura illuc bilem protrudere solet: quemadmodū  
in remissione ad infernas partes, aut ad cutem.  
Igitur per id tempus indendi sunt clysteres mol  
les, tum quòd facile bilis educatur, tum quòd e  
ius acri



ius acrimonia, quæ intestina mordet, chysteris lenitate frangatur. Molles enim uocat Galenus, qui ab acribus distinguuntur, non ut uulgus putat remollientes. Per urinas, quoque, & sudores bilis exigenda est: præsertim si illuc natura feratur: quod probe fiet medicamentis, quæ urinam cient, non omnibus, sed quæ citra exiccationem id præstare possint: ut est, anethum & apium. Quare absinthium non tutò ante concoctionis signa exhibendum est, ut quod nimis siccet, & astringat. Bilem uero ex uentre per alium purgat, ex uenis uero per urinas: uim enim etiam detergendi obtinet. Eadem ratione balnea ex aquis marinis, salis, nitrosis, & sulphureosis, uitanda sunt: quòd exiccando plus obsint, quàm uacuando prosint. Contraria uero qualitas qualitati, quæ præter naturam excedit, perpetuo obijcienda est: tanquam id longe commodius sit, quàm quouis modo uacuare. Ex quibus uerbis liquet parum Galeno placere uacuationes: maximèque eam, quæ sanguinis missione fit, & quæ uehementer purgante medicamento: cum id genus purgatiua omnia sint facultate calida. Hæc autem febris calidissima omnium est: ideo potius refrigerari ac humectari desiderat, quàm uehementer purgari. Alias autem uacuationes magis permittere uidetur: præsertim ubi humorem natura expellere tentat, aut ad uentrem, aut infernas partes, aut per urinas, aut sudores. Inuanda enim



enim natura est, ubi ex se sola opus perficere non potest: idq; quoad fieri poterit, lenibus medicamentis, qualia sunt quæ prius exposuimus. Quod autem sanguinis missio ac uehemens purgatio necessaria non sit, uel ex eo constat, quod qui exquisita tertiana laborat, pauci sanguinis, eiusq; biliosus est: ideo potius refrigerari & humectari, quam uacuari debet. Adde quod æger calidus & siccus est: labores, & aliæ causæ calfacientes, siccantesq; præcesserunt, uti prius monstratum est. Commode autem uacuatur bilis insensibili transpiratione, uel uomitione, uel sudoribus & urinis, quod scilicet natura hanc impulerit: quod cum per se perficere non potest, tunc medicamentis eam inuamus, uti prius dictum est. Commodissima autem ea uacuatio est, quæ per aluum fit, quod minori tum molestia, tum periculo per eam partem educitur. Vomitus enim molestus est, & sudores non sine obstructionis periculo ante coctionis signa euocari possunt: quemadmodum nec urinæ eijci: molles uero clysteres neq; periculum augendæ febris, neq; molestiam ægroto adferunt.

MAXIME uero in his, quæ exquisitæ non sunt, tertianis, quoad fieri potest, prospiciendum est ne morbus incre scat, deicianturque uires, quas conflictare diutius oportet: utrūq; enim tenere difficile est: quod inedia, quantum ad morbi coctionem



nem prodest, tantum uel plus etiam uires offendit: cibi uero, quantum ad ægrotantis uires cōferunt, tantum coctionem impediunt. Sed & hic noscendum est, ad quā magnitudinem morbus peruenturus sit, & quantum laborātis uires sint duraturæ: ut ea perspicendo, quæ maiori auxilio egent, cibi abstinentia quidem, ubi ualentiores sunt uires, & morbus coctu difficilis, confidentius utaris: ubi uero imbecillior uirtus, & morbus non omnino coctioni cōtumax est, largiori cibo. hæc quidem & in omnibus alijs morbis consideranda sunt. Neq; uero statim per initia in spuris latere salubre est: sed ubi primum coctionis signa apparuerint. Neq; quotidie cibare oportet: sed alternis diebus abunde fuerit. Quies autem, & præcordiorum fatus iuuat, & sorbitiones, quæ facilem admittant coctionem. Clysteres quoque non admodum molles aluo indātur. Quod si sanguinis missione opus sit, neq; ea omittenda est, sed initio statim, distinctis iis, quas nosti, rebus, tantum detrahes, quantum satis esse in præsentia uideatur. Tota uero ratio uictus sit, non quæ ut in exquisita tertiana, refrigeret, & humedtet: sed quæ uim aliquam incidendi, & calfaciendi assumat. His igitur maxime prodest



dest ptisanæ succus, cui iniectum piper sit: aut nonnunquam etiam hyssopum, & origanum, & nardi spicam in aquam mulsam iniecta, & simul cocta potui dato, aliaque quæ ciendæ urinæ uim habent, nisi ea uehementer calfaciant, exiccentq;: Frequenter uero absinthij coma, maxime post septimum diem danda est. mulsam acetum etiam multis in potu profuit: & aliquod ex ijs quæ blandè purgant, quibus nos sæpe uti uidisti. Vomitus autem post cibum adeo sanè utilis est illis quibus hæc febris inueterauerit, ut multos norim statim post uomitiones à febre prorsus esse liberatos.

*Vt morbi & uirium quantitatem difficile est inuenire, sic maximum ad curationem habet momentum: nisi enim hanc nouerimus, neq; uictus rationem præscribere, neque conuenientia medicamenta instituere poterimus. Aliam enim longus morbus, aliam brevis, tum uiuendi, tum medendi rationem, desiderat: quemadmodum uirtutis robur aliam, aliam eius imbecillitas. Itaq; quantitas horum cognoscenda est, ut recte tum medicamenta, tum uictus institui possit. In qua re si delinquimus, morbum augemus, & uires demolimur. Nisi enim oportune medicamentum adhibeatur, naturam reddit imbecilliorē.*

*Quemadmodum incommode imperata inedia*  
i uiri.



uiribus obest: quia substantiam corporis demonstratur. Verum concoquenda morbi materiae prodest. Cibus uero robur quidem auget: sed morbi concoctionem remoratur. Augentur enim uires, aut quia naturae substantia reparatur, aut quia ad suam temperiem reducitur: reparatur autem, spiritus quidem aëre, humor potu, & solida substantia cibo. Igitur in febre, cum praecipue spiritus & humor resoluantur, hos resarcire oportet: spiritum quidem aëris inspiratu, humorem uictu humido, qui febribus omnibus perpetuo confert, tum substantiae, tum qualitatis ratione. Itaque sorbitiones coctui faciles, quales sunt ex azlica, & ptisana, utiles sunt. Reducitur natura ad suam temperiem per contrarias qualitates. Vbi igitur uires robustae sunt, & morbus coctioni contumax est, audacter inedia imperanda est: quoniam uirium demolitio non timetur, & materia morbi contumacia maxime concoquitur. Vbi uero imbecilliores sunt, affectus uero non ad modum coctioni reluctatur, liberalius eger est cibandus, quando uires resarciri postulant: Resarciuntur autem, ut dixi, cibo: Et morbus cum facile concoqui possit, haud ita inediam requirit. Quomodo autem uirium & morbi quantitas inueniri possit, supra expositum est: quemadmodum & spuriarum tertianarum discrimina. Nam quasdam maxime esse tales diximus, quasdam minus: sed ad exquisitam tertianam alias alijs magis



magis accedere, & à maxime spuria recedere. Igitur uictus ratio alijs alia instituenda est. Si me enim spuria, quæq; ad has magis accedunt, minus humectari & refrigerari uolunt: sed quæ exquisitis uiciniores sunt, magis, sed non tantum ut ueræ tertianæ: uerum quò propius ad has accedunt, eò plus refrigerari ac humectari uolunt. Itaq; calfaciendi modus ex horum extremorum distantia sumendus est. Igitur ptisanæ cremor, cui adiectum piper sit, & malsa in qua concoctum sit hyssopum, origanum, aut nardi spica, in potu danda est. Tantum autem horum admisce ri debet, quantum febris ad summe spuriam accedit. Ad eundem modum medicamenta, quæ urinae ciende uim habent, modo ne uehementer calfaciant & exiccent, utiliter adhibentur: & quidem absinthium, sed post septimum diem, ubi lentam febris materiam commemoratis medicamentis, aut aceto mulso incideris: nam multos iuuat acetum mulsum, incidendi humoris glutinosi ui, ac delendæ obstructionis. Absinthium autem ante septimum diem adhibitum pituitam infarcit, augetq; obstructionem. Balnea uerò ante concoctionis signa salutaria non sunt: quia ad cutem crudos humores euocant, intus coquēdos, obstructionemq; augent. Neq; salubre est quotidie cibare, nisi uiriū imbecillitas, aut aliud quippiam id suadeat: sed tantum alternis diebus. Cuius enim harum februm accessiones longæ sint, &

i   z   natura



natura circa has occupetur, ea à suo munere auocanda non est. Sed nec, ubi materia concoctioni contumax est, & vires ualent, liberaliter est alendum, ut modo dicebamus. hac ratione corpus exercendum non est, quando motus naturā foras euocat, quæ intus crudam materiam concoquere debet: sed potius fotu iuuanda, præsertim circa hypochondria, in quibus maxime abundat cruditas: clysteribus uero nō admodum mollibus, sed acrioribus, ut inertem materiam euocent, uacuatio molienda est, Sanguinis quoque per initia tantum detrahi debet, quantum præsens status efflagitat. Statum præsentem intelligo, tum ægri, tum morbi. Aeger enim si ualet, sanguinis missionem admittit: sin minus, respuit. Si morbus ex magna humorum copia constat, missionem sanguinis exposcit, non quidem mediocrem, sed pro eius copia. Verum quando diu duraturus est morbus ob cruditatem, mediocriter ducendus est, ut in finem morbi vires seruentur. Nam si quantum affectus desiderat, detraheretur, vires longo morbo profligando uix sufficerent. Itaque Galenus ait, ἀλλ' ἐν τῷ κατ' ἀρχὰς, διοευσάμενος ἐξ ὧν οἶδα, ἀποχῆν αἵματος ὅσον τοῖς παρῶν μέρτερον. hoc est, initio statim (distinctis his, quas nosti, rebus) tantum sanguinis detrahes, quantum in præsentia commodum uidebitur. Initio enim mittendus est, antequam vires labantur, ac adhibende distinctionis, nempe

ætatis,



etatis, temporis, regionis, & aliorum id genus,  
 quæ sanguinis missionem, uel hortantur uel de-  
 hortantur. Atq; tantum sanguinis detrahendū,  
 quantum commodum esse uidebitur, & præsen-  
 tes uires permittunt, hoc est mediocriter, & non  
 quantum affectus exposcit, propter causas prius  
 declaratas: purgare quoq; licet, sed blandis me-  
 dicamentis, & quæ solum uentrem, intestina,  
 & primas uenas, sine uehementia expurgent, nō  
 autem è toto corpore trahant: quando humoris  
 cruditas purganti medicamento, uel forti non ce-  
 dit. Itaq; ante concoctionem uehementer purgā-  
 tia danda non sunt, ut recte monet Hippocra-  
 tes. Concocta, inquit, medicari & mouere, nō  
 cruda, nisi materia turgeat. Cæterū blande pur-  
 gant, absinthium, rheum barbaricum, cassia a-  
 tramentum, aloë, & id genus alia, quibus aspi-  
 due huius ætatis medici utuntur. Vomitus au-  
 tem post cibum adeo utilis est inueteratis febris-  
 bus, ut multi statim post uomitiones à febre libe-  
 rati fuerint: febris enim diuturnitas multa in sto-  
 macho & hypochondrijs pituitosa excrementa  
 parit, quibus uomitione reiectis à febre uindicā-  
 tur. Aldinum exemplar habet ὁ δὲ ἐπὶ τοῖς ἀσπι-  
 τοῖς ἐκείνους. exemplar manu scriptum, Paulus &  
 Aëtius legunt, ὁ δὲ ἐπὶ τοῖς σιτίοις: quod etiam ra-  
 tio exigit: cōmodius enim à cibo, quàm inani sto-  
 macho uomitur, scilicet humectatis cibo & po-  
 tu stomachi fibris. Sicca enim rumpendi periculus



*lo magis sunt obnoxie.*

DE INCEPS autem de quartanis differemus, quas per initia moderate, leniterq; tractare oportet: nullum uehemens medicamentum aut uacuationem adhibentes, nisi sanguis admodum exuperare uideatur. Et si secta uena sanguis niger ac crassus, qualis maxime in lienosis conspicitur, profluat, audacter mittendus est: si flauus ac tenuis, statim supprimendus. Secunda uero uel interna uel media sinistri cubiti uena est, & uictus deinceps, qui flatu sit expers, probumq;, succum generet, adhibeatur: uenterq; si fieri potest, consuetis emolliatur. quæ si non profecerint, clysteribus per initia quidem mollibus, postea uero acrioribus sollicitandus est. A suilla autem carne cibisq; omnibus glutinosus & lentis, quiq; refrigerant & qui exiccant, arcendi sunt ægroti: uino uero albo, tenui, & mediocriter calido utantur. Ex auiibus autem quæ boni succi sint, ac nō paulstres: ex piscibus qui facile coquantur, & molli minimeq; glutinosa sint carne, dare oportet. Saliamentis uero ac sinapi utendum est, & certis diebus interpositis medicamentum, quod quia ex triplici conficitur pipere, *διὰ τριῶν πεπέρων*, dicitur, est sumendum, aut diospoliticon: solumq; pi-  
per



per cum aqua, recte quotidie præbebis. A frictionibus uero, ambulationibus, balneis, aliisq; consuetis, penitus arcendi non sunt. Verum, si à balneis omnino abstinere possent, solis contenti frictionibus, plurimum iuuarentur. Et, si breuis quartana sit, minimeq; uiolenta, non male per accessionum intermissiones ægroti ad solitas exercitationes sese conferent. Hæc quidem per initia usq; ad uigorem peragenda sunt. Quod si in morbi uigore constitutus æger iam esse uideatur, tunc tenuiori, quam antè uel post, uictus ratione uti debet: statimq; longa quies imperanda est: ac uisceribus prouidendum fotu ac litu, quibus emolliendi laxandiq; uis insit. Deinde medicamentis, quæ diuretica uocant, urinas euocare oportet: & si coctionis notæ apparuerint, tunc medicamentis, quæ atrabilem educunt, non semel, sed subinde sæpius purgare, si res ita exigere uideatur. A cibo uero ægrotum uomere oportet: tunc autem si nihil uetet, album ueratrum sæpe dandum est, primum radicibus mistis: quod si nihil profuerit, ipsum etiam ueratrum. His uero qui uomere nequeunt, uehementius per inferiora purgatis medicamentum, quod ex uiperis est temperatum, dandum est, & alia, quæ aduersus has febres



febres commendantur : in quibus omniū probatissimum habetur, quod ex liquore cyrenaico conficitur, nobis usitatum. Qui autem per initia aliquod ex his medicamentis dederunt, aut omnino ante morbi statum ex simplici quartana duplicem sæpe, aut sine dubio maiorem ac difficiliorē: ex duplici uero triplicem, aut omnino duas ipsas difficiliores ac maiores reddiderunt. Noui enim medicum quēdam, qui tribus quartanis laboranti medicamentum ex uiperis, ante morbi uigorem dare sit ausus: deinde omnibus ut par erat adactis assidua febris successit, quæ hominem ingulauit.

Blande, leniterq; tractari quartana debet: ob id, quod humor, qui hanc efficit, tractui sit contumax: egre enim per initia, & antequam concoctionem sit expertus, trahens medicamentum sequitur, tum propter crassitiam ac frigiditatem, tum quod uias angustas, per quas transit, obstruit, tum quod qui in carnosio genere residet, infarctus meatibus sit: igitur expectanda est concoctio. Nam si prius uehementi medicamento trahere moliaris, humore non sequente sanguis & carnes eliquantur, natura irritatur, obstructio & febris augetur, & alia id genus incommoda fiunt, quæ Galenus libro, cui titulus est, Quosnam purgare oportet, quibus medicamentis, &  
quan



quando, fufe docet. Itaq; neq; forti medicamen-  
to, neq; alijs uehementibus remedys sollicitan-  
dus æger est: neq; balneis uti debet, nisi ijs sit as-  
fuetus. Imò ab ijs tutius abstinebit: nam quate-  
nus refrigerant obsunt, quatenus autem foras e-  
uocant, obstructionis periculum afferunt: maxi-  
meq; si corpus redundat excrementis crudis. A  
frictionibus uero, ambulationibus, alijsq; con-  
suetis, in totum arcendi non sunt: hoc est, permit-  
tenda quidem hæc sunt, sed minus quàm per sa-  
nitatem: neq; tam crebro, tamq; uehementer fri-  
care, ambulare, aliterq; corpus exercere licet,  
quàm per sanitatem: alioqui ut dictum est, sub-  
esset obstructionis periculum. Sed si moderata  
hæc adhibeantur, idq; inter accessiones, & lon-  
ge ab his, excrementa uacuabunt: & alia corpo-  
ri commoda adferent, ut ex secundo de Sanitate  
tuenda Galeni libro uidere est. Neq; uero sanguis  
mittendus est. Nam uacuatio hæc corporis iam  
refrigerati ac resiccati, peneq; sanguine destitu-  
ti incommodum auget. At ubi sanguis uehemen-  
ter abundat, uenam secare licet sinistri cubiti in-  
ternam, uel mediam. Nam ea uena ex liene ma-  
xime, qui in febre quartana affici solet, ut prius  
ostensum est, uacuat humorem melancholicum.  
Vbi igitur talis apparuerit, hoc est niger & cras-  
sus, large uacuandus est, nimirum à quo febris ma-  
teria suggeritur. huius igitur si copiam magnam  
extraxeris, natura reliquo humori concoquendo

i s superior



superior euadet, febremq; breuiorem reddet. Si uero tenuis ac flauus appareat, statim est suppressendus: quando eiusmodi succus inutilis non est, sed crassum ac frigidum humorem, tum sua substantia, tum qualitate emendat. Victus flatuosus non sit, bonumq; gignat succum: uires enim, quæ diu durare debent, seruat & auget: & crassum sanguinem sua substantia corrigit. hac ratione aues boni succi profunt, palustres insalubres sunt, quod & excrementis scatet, & crassum humorem gignunt, ægreq; concoquuntur. Pisces quoq; saxatiles boni succi sunt. Palustres uero, lacustres, & qui in immundis ac turbidis aquis uiuunt, excrementosi, ac mali succi. Flatuosus uero cibus, uentrem ac uiscera flatu distendit, eorumq; functiones impedit. Venter, si omnino fieri potest, consuetis alimentis, uel puris uel medicamentosis emolliendus est, aut clysteribus primū mollioribus, deinde acrioribus: sensim enim augenda est eorum uis, prout sensim febris materia coquitur. Nam per initia, ut dictum est, leniter has febres tractare oportet. A suilla carne, glutinosis, lentis, & frigidis siccisq; cibis omnibus, arcendi sunt: ut qui & coctu difficiles sunt, & succum crassum lentumq; gignant. In exemplaribus Græcis typis excusis & in Paulo Aegineta legitur, ἡγεῖ τῶν ψυχρότων καὶ ὑγραινόντων. Leonicensius uero legisse uidetur, ψυχρότων καὶ ξηγαινόντων: quæ lectio magis mihi applaudit. Constat



stat enim humida hisce febris commoda esse,  
 sicca uero incommoda. Vino albo, tenui, medio-  
 criter calido, utantur. Eiusmodi uinum sua te-  
 nuitate, crassitudinem humoris melancholici ex-  
 tenuat: caloris mediocritate, corpus modiocriter  
 calfacit humore melancholico refrigeratum, co-  
 ctionem iuuat & urinas prouocat. Crassum ue-  
 ro & calidum, humiditatem resoluit, crassum  
 humorem gignit, ac egre concoquitur. Salsamen-  
 tis uero ac sinapi in hisce febris utendum est,  
 quatenus extenuat crassos ac glutinosos succos,  
 superuacuaque humiditatem depascuntur. Con-  
 stat autem salsamenta ex piscium carne & sa-  
 le. Solent enim pisces, precipue qui excrementis  
 scatent, sale macerari, ac in usum reponi: quorum  
 qui mollioris sunt carnis, facilius coquuntur, suc-  
 cumque minus crassum ac glutinosum pariunt: qui  
 uero dura carne sunt praediti, quales cetacei sunt,  
 humorem gignunt crassum: proinde minus ex his  
 quam illis salsamenta quartanis conueniunt. Eas-  
 dem ratione nec bubulae, nec suilla sale conditae,  
 salubres sunt: praesertim ubi per aetatem dure es-  
 uaserunt. Interpositis quibusdam diebus medi-  
 camentum quod *διὰ τῆς πικρῆς* dicitur, &  
 diospoliticon, adhibendum est. Solum uero piper  
 cum aqua quotidie. Piper cum triplex sit, opti-  
 mum est longum, deinde album & nigrum: cal-  
 facit enim, & flatuosi spiritus crassitudinem sol-  
 uit, & quae in praecordiis congesta cruda sunt,  
 extenuat.



extenuat. Cum aqua uero humectat, mediocriterq; calfacit: ideo quotidie uti licet: diospoliticon uero & διὰ τῆς ὕδατος καὶ τῆς θερμότητος, eandem uim ferè obtinent: sed quia uehementer calfaciunt, non est quotidianus usus salutaris, sed si interpositis quibusdam diebus, idq; inter accessiones, adhibeatur. Horum componendorum ratio, & utilitas ex Galeni de Sanitate tuenda libro IIII. petenda est. In uigore, tenuiori uictu quàm antè uel post utendum est, quiescendumq; ne natura circa morbi materiam omnino occupata, à suo munere auocetur. Deinde prouidendum uisceribus, quæ distendi solent tum uiscoli, tum crassi humoris ac spiritus etiam flatulenti abundantia, quibus resolutis ac uacuatis emollescunt ac laxantur. Quæ nam emolliant ac laxent, abunde in libris de Facultatibus simplicium medicinarum tradit Galenus. Postea diureticis euocande urine sunt. Quoniam diuretica calida sunt, ideo non antè sunt adhibenda, quàm uiscera ab obstructione sint libera: ne secum humores rapiant, obstructionemq; augeant. Et si coctionis notæ apparuerint, subinde sunt purgandi his medicamentis, quæ atrabilem educant: semel enim ea educi non potest, quando tam uehemens medicamentum, quod totum hunc humorem tractui contumacem semel purget, corpus sustinere non potest. A cibo uero uomitus est ciendus ueratro albo, primum cum raphanite, deinde per se: cuius utendi mo



di modum docet Paulus lib. VII. A<sup>n</sup> leuiores enim molienda curatio est. Qui uero uomere nequeunt, uehementius per inferiora purgandi sunt. Cum enim atra bilis & ad cutem tendat & stomachum, in uenisque ac uisceribus, præsertim liene, abundet, diuersos idcirco purgandi modos ac partes, quibus repurgari possit, docet: nempe cutem frictionibus, stomachum uomitionibus, uenas per urinas, purgationibus per aluum. Neque enim facile cum pigra ad motum bilis sit, è longinquo ad uentrem trahi potest: quemadmodum biliosus & serosus humor, qui facile trahenti medicamento paret. Verum cum non omnes ad uomitum sint idonei, quales qui pressio angustiorque sunt pectore, quiq; uomere non consueuerunt, supplendum per inferiorem uentrem est, quod per uomitiones est negatum. Ideo uehementi medicamento est opus, quod humorem deorsum ducat: idq; maxime apparentibus coctionis signis: imò uero, ut uere dicam, atra bilis, ut Galenus docet, semper deorsum est educenda: nisi, ut dictum est, aliò feratur. Nam quò natura uergit, eò deducere oportet. Post uehementem purgationem, medicamentum, quod ex uiperis constat (theriacen uocant) adhibendum est. Huius antidoti uires & compositionem habes libro Galeni de Antidotis primo. Alia id genus medicamenta, quale est, quod ex liquore cyrenaico constat, adhiberi possunt, sed  
ubi



ubi coctionis signa apparent: alioqui enim sua caliditate febrem auferent. Medicamentum, quod ex liquore cyrenaico conficitur, capit succi cyrenaici, myrrha troglodytica, piperis, æquales portiones: seorsum trita ruta succo colliguntur, in pilulasq; singuntur, dantur oboli pondere.

IN curanda autē quotidiana primis diebus tum aceto mulso, tū his quę probe urinam cieant, est utendum: ac in summa uitus ratio incidendi ui prædita esse debet. Circa statum uero de uentre, maxime quę eius ore sollicitum esse oportet: posteaq; iubere, ut à raphanide, & cibis assumptis, æger uomat: hisq; utatur medicamentis, quę pituitam eliciant. Reliquam uero uitus rationem ex communibus scopis facile inuenies.

Μετὰ τὰς πρῶτας ἡμέρας, id est, ut Leonicenus uertit, post primos dies: quod quid significet, ingenuē me ignorare fateor. neq; enim an duos, tres, pluresue dies, an totū morbi principiū intelligere uelit, satis constat: neq; si aut hoc aut illud dicere uelit, certum sit. non uideo cur hisce diebus acetum mulsum adhiberi non possit, cum tunc lenta uiscosaq; pituita corpus scateat. Propterea Paulum Aeginetam secuti lib. II. cap. XXIII. legendum putamus, θεράπειν τις δι' ἀμφοτέρων ἰξυμῆλιν χρώμεθα μετὰ τὰς πρῶτας ἡμέρας. eroreq;



roreque; forte scriptoris, aut alterius deprauatam  
 fuisse lectionem. Primos itaque dies, totum id tem-  
 pus esse putamus, quo cruditis signa apparerent.  
 Huic sententiae Auicenna (si qua est eius apud  
 doctos autoritas) astipulatur lib. IIII. Fen pri-  
 ma, tractatu secundo, de cura phlegmaticae, his  
 uerbis: Et omnes eius species (pituitosae febris  
 species intelligit) in hora principij in tribus die-  
 bus communicant. In necessitate lenificationis  
 aequalis aut uomitus, & in necessitate admini-  
 strationis subtiliatum, & incidentium & diu-  
 reticorum &c. Cum enim haec febris non admo-  
 dum calida sit, uti exquisita tertiana, ad eius cau-  
 sas, non ad ipsam febrem consilium dirigit. Cau-  
 sae sunt, pituita lenta putrescens, quae febrim pro-  
 creat, & obstructio, quae putredinem parit. Igi-  
 tur per initia, pituita incidenda est, & meatus  
 obstructi detergendi. Quocirca incidens uictus  
 prodest, & acetum mulsum, quod strenue deter-  
 git, glutinosa incidit, & meatus ab obstructio-  
 ne liberat. deinde dissecta materia, & liberatis  
 ab obstructione meatibus, urina cienda est: ut pi-  
 tuita per expeditos meatus purgetur: quam an-  
 te purgare non licebat, tum quod pigra ad mo-  
 tum esset, tum quod obstructionem auxisset. Cir-  
 ca statum uero, de uentre maximeque eius ore ha-  
 benda est sollicitudo, tum quod aceti mulsi usui  
 iniuriam aliquam accepit, tum quod in quoti-  
 diana pituita stomacho obhaerere solet: itaque illi  
 prouide



providendum est his, quæ foris admota robur inserant: cuiusmodi sunt, mastiche, nardus, absinthium, & alia id genus. Postea uero confirmato uentre, uomitus imperandus est: primo sumptu raphanide, deinde cibis: præsumpta enim hæc cibum subleuat, proindeq; uomitionem reddit faciliorem. Postquam medicamentis quæ pituitâ eliciant, utendum est: tunc enim opportune pituita purgatur, scilicet concoctionem experta, reliqua uero uictus rationem ex communibus scopis inuenies. Communes scopi ex uiribus, morbi temporibus, causis, & symptomatis, petuntur. Quotidianam autem, quemadmodum & alias longas febres, sequuntur hypochondriorum & stomachi cruditas, inflatio, ac tensio. Vires igitur, & morbi tēpora, cibi quantitatem: causæ uero ac symptomata, qualitatem præscribunt. Nā si ualida uirtus sit, ad morbum, eius causas, & symptomata attendendum est. Sin imbecilla, huius potius, quàm illorum habenda ratio est, quæ admodum per initia uberior, in statu uero parcius cibis adhibendus est. Et ubi materia cruda est, & obstructio ingens, uisceraq; distenta, incidentibus cibis est utendum.

I N febribus autem continuis, quibus morbi uigor non longius septimo futurus est, & uires ualidæ sunt, ætasq; consentit, exquisitus omnino, & tenuis uictus instituentus est. In quibus uero longius septimo



ptimo totius morbi status erit, aut uirtus imbecilla est, per initia quidem liberalius, instante uerò statu parcius, nigēte autem morbo tenuissime cibare oportet. Postea rursus semper uberius, eodem modo cibum augendo, quo ante statum minuebatur. Sanguis uerò, & ob morbi magnitudinem, & quibus rubor maior quàm naturæ conueniat inest, & uniuersum corpus plus solito tumet, aut uenæ eminentes ac distēte sunt, mittendus est: nisi uires, ætas, & alia, quæ initio commemorata sunt, prohibeant. Quod uerò humidus uictus acutis omnibus febribus conferat, olim recte dictum est. Cremor igitur ptisanæ, in quibus non acescit, adhibendus est: & mulsa quibus in bilem non uertitur, sorbitionesq; ex alica, & panis ex aqua, aliaq; quæ aut eandem, aut huic proximam facultatem obtineant. Quod si uehementer calidæ sint, deurantq; febres, ubi primum coctionis notæ apparuerint, cum fiducia dāda in potu frigida est: cuius modum ex tēpore, regione, ætate, natura, & consuetudine metimur. Hæc quidem in summa est curandarum febrium, quæ accidentibus carent, ratio.

Exquisitum, tenuemq; uictum dixit, ut simul doceret iustam cibi tum qualitatem, tum quantita

k

tita



titatem, morbo uiribusq; conuenientem. Humidus enim & frigidus, excrementorumq; expers, & tenuis, febribus acutis prodest. Tenuis uires comminuit, eatenus tamen, ut non exoluantur, sed ad morbi finem durare possint: qualis est pti sana cremor, mulsa & sorbitio ex alica. Plenus, qui nō solū eas conseruat: sed & plerunq; auget. Mediocris, qui tantum conseruat, aut multum labi non sinit. Itaq; uictus, quo morbus acutior est, celeriusq; ad uigorem properat, eo tenuior esse debet: liberalior uero, quo tardior. Nam ubi morbus peracutus est, celeriter consistit, statim extremos habet labores, id est accessiones, uel symptomata: proinde tenuissimo uictu utendum est: permittenda enim natura est uacare circa morbi concoctionem: non autem ad cibos consiciendos auocāda, modo id liceat per uires, & etatem egrotantis. Vires enim, si ualide sunt, cibi abstinentiam uel tenuissimum uictum permittunt: etas autem, si consistit, eiusmodi uictus rationem sustinet. Sin puerilis, largiorem efflagitat: quoniam ob corporis mollitudinem, substantia uirium resoluitur: ideoq; magis refici debet. Eadem ratione, & qui rara sunt textura, minus ferunt extremam uictus rationem. At si morbus minus sit acutus, seriusq; ad uigorem peruenturus, tanto liberalior cibus adhibendus est, quanto tardius uigorem morbus est adepturus. Igitur ubi morbus longus est, & uires imbecillae, etasq;



tasq; incommoda, uberiori cibo uti oportet. Ad eundem modum morborum tempora, uictus rationem uariāt. In principio enim largior uictus adhiberi debet: instante statu parcius: in ipso autem uigore tenuissimus: atq; ut semel dicam, quo propius ad statum acceditur, eo tenuior esse debet. Nam in principio minores sunt labores, minusq; occupata natura est: eam ob rem minori incommodo à coquendo morbo, ad cibum consiciendum auocari potest. Contrà accidit in uigore, ubi accidentia maxime urgent. Post uigorem autem, natura circa morbi concoctionem nō amplius uersante, pleniori cibo semper utendū est: ut uires non solum conseruentur, sed & augeātur, eo modo, quo ante statum minuebatur. nam sensim lapsas uires, non affatim reficere oportet: tantum enim tunc alimenti cōcoqui non potest, quāto corpus indiget. Itaq; paulatim cibus augendus, ut paulatim uires resarciantur: refici autem debent ad morbi materiae expulsionem.

Sanguis uero & ob morbi magnitudinem, & in quibus est rubor præter naturam, uniuersumq; corpus plus solito tumet, aut uenæ eminentes distentq; apparent, mittendus est: nisi uires, ætas, & id genus alia prohibeant: magnitudinē morbi, uehementiam uocat: quæ ex propria eius constitutione, specieq;, & symptomatis deprehēditur. Symptomata autem duplicia sunt: quædam enim actionis læsiones sunt, de quibus mox

k 2 disse



disseretur. Alia solum affectiones, quæ morbum consequuntur, ut sitis, inquietudo, & alia id genus, quæ si multa, diuturna, ualida ac magna sunt, uehementem esse febrem testantur: si uero pauca, breuia, imbecilla, ac simplicia, mitiorem. Rubor & tumor corporis præter naturam, uenarumq; distentio, sanguinis abundantiam indicant. Magnitudo uero morbi ac uehementia, malam qualitatem. Itaq; prodest uenæ sectio, ut quæ tum multitudinem, tum prauitatem humoris uacuat. Vacuatio autem uiribus respondere debet. Imbecillitas enim uirtutis, quemadmodum & ætas puerilis, habitudo corporis nimis aut extenuata aut obesa, profluium sanguinis per quamcunq; corporis partem, alia uacuatio insignis, humorum cruditas, tum in stomacho, tum reliquo corpore, aliaq; id genus uacuationem dissuadet. Quod autem uictus humidus acutis omnibus febribus conferat, pridem recte dictum est. Victus, inquit Hippocrates, humidus omnibus febricitantibus prodest: quoniam eiusmodi affectus calidus & siccus est. At non ob id solum, quod humectat, confert: sed quia facillime concoquitur, ut in libro de Optima secta scribit Galenus. Nam si, quod concoquitur, primum liquari, deinde distribui in corpus debet: egrotus uero cibum facillime concoctionis desiderat: (facillime autem liquatur ac distribuitur, quod humidum est) eiusmodi uictus omnibus febricitantibus utilis est. Igitur



zur cremorem ptisanæ, quibus nō acescit, & mul-  
sam, quibus in bilem non uertitur, dare oportet,  
& sorbitiones ex alica, & panis ex aqua, ut ex  
quo sal & fermentum elutum sit, & id genus  
alia, quæ humectandi uim habent. Quod si uehe-  
menter calidæ sint, deurantq; febres, ubi primū  
coctionis notæ apparuerint, cum fiducia danda  
in potu frigida est, quantum ætas, tempus, regio,  
natura, & consuetudo, permittunt. Perpetuo e-  
nim febrī, quā febris est, conuenit: quia refrige-  
rat, & humectat, uti prius dictum est.

Q V A E uero cum symptomatis sunt  
febres, haud ita simpliciter curantur: sed,  
quoad fieri potest, expendere oportet,  
quanta febris sit, quantumque symptoma  
quod periculum adferat, ac horum uehe-  
mentiori, molestiori; insistendum: non  
neglecto tamen omnino altero. Age igi-  
tur febricitet quispiam citra humorū ple-  
nitudinem, sed cum recenti cruditate os  
uentris mordente, prementeq; , reiecerit  
uomitione humorem aliquem uitiosum,  
qui in transitu ita uehementer ægrotum  
læserit, ut moleste anxieq; ferat. Solāne  
multitudinem ad febrem tum respicien-  
tes uacuare tentabimus, quod citra mole-  
stiam alioqui faceremus? An prius ori uen-  
tris prospiciemus, ac postea ubi recte id  
habuerit, uniuersum corpus, quantum res

k 3 ipsa



ipsa exposcit, uacuabimus? Mihi sanè ita uidetur. Tales igitur non paucos sæpe uidimus, alios quidem interiisse, alios uero in summum periculum fuisse adactos: cum eos uacuare, uentris ore nondum confirmato, medici tentassent.

Symptoma aliud, affectio quædam est, morbum sequens, ut modo dicebatur: Aliud vires ledit, & morbum auget. Prius medendi rationem non immutat: estq; affectus curandi nota, ut pulsus inequalitas, calor præter naturam, sitis, inquietudo, & id genus alia quæ affectum produnt. Posterius uero, quia rationem causæ obtinet, si quidem graue est, curationem interpellat. Vires enim demolitur, ac morbum auget: qualis est uentriculi affectus, excretiones immodicæ, et alia quæ in sequentibus tractabuntur. Igitur uindendum est, quanta sit febris, & quantum est symptoma, quod periculum adferat, & urgentiori succurrendum. Finge igitur aliquem febricitare citra plethoram, id est humorum plenitudinem, sed tamen cum recenti cruditate os uentris mordente, uomatq; humorem aliquem, qui in transitu grauem ægroto adferat molestiam. Dico prius uentri, quàm humoris febrem procreantis, multitudini succurrendum esse: quam si uacuare tentes, siue purgante medicamēto, siue sanguinis detractiōe, affectum stomachi augebis, inhabilemq; reddes ad cibi concoctionē: quæ ad

vires



uires tuēdis necessaria est: detracto enim sanguine, natur. ali calore uenter destituetur, proindeq; nec cibum conficiet, nec quem continet humorē crudum, probe concoquet. Quod si purgare corpus tentes, & humoris in stomacho multitudinem augebis, & uirtutem prosterne: ita ut pro noxæ magnitudine, alij intercant, alij in graue aliquod periculum labantur. Igitur stomacho prius consulendum est, quàm febris materia uacuanda.

S E D nec, si cum alui profluuio febris accesserit, alia uacuatione est opus. Verū ipsum per se sufficit, etiam si non sit pro multitudinis ratione. Quicūq; enim ab ijs, tanquam maiori inanitione egentibus, uel sanguinem ducere, uel uentrem mouere ausi sunt, in graua pericula præcipitarunt.

Si uentris profluum, id est diarrhœa, febricitantem occupet, alia uacuatione opus non est: quod id omnem corporis redundantiam uacuare solet. Itaq; ipsum ex se sufficit, etiam si minus sit quàm pro multitudinis ratione. Timendum enim est, ne si iam incitatum uentrem medicamentis moueas, naturam ita prorites, ut postea eius impetum cohibere, aut uix, aut nullo modo possis: unde & syncope, & mors sequutura sit: aut si uenam seces, uires fluxu aut iam quadam tenus labefactatæ, aut propè ut labefactentur,



*in totum percant.*

NE QVE uero, si quis conuulsus sit, simulq; sanguinis missione egeat, huic semel omnino tantum detrahes, quantum affectus exigit: sed & aliquid symptomati est relinquendum, quod plerunq; sudores mouet, uigilias adfert, & robur deijcit ægrotantis.

Conuulsio fit, reductis ad suam originem neruis uel musculis: quod accidit aut inanitione aut siccitate, aut repletione. De postrema autem, nostra nunc est disputatio: quæ in corpore & eius partibus fit. ut cum uultus peruertitur, singultu stomachus infestatur, interdum crus, interdum altera corporis pars, interdum corpus ipsum. Hæc enim conuulsio, multitudinē humorum indicat: quæ uacuatione eget. Sed quoniam cerebrum affectus communicatione leditur, sudores mouet, uigilias adfert, roburq; ægrotantis deijcit, unde uitæ periculum sepe imminet: ideo non semel tantum uacuandum est, quantum febris exigit: sed ad uirium tutelam aliquid reponendum est: quod postea remisso accidente, tuto auferri poterit.

AD eundem autem modum si uehemens uigilia, dolorq; grauis ægrotum infestet, subitas ac multas uacuationes uitare oportet.

*Vehem*



*Vehementes tum uigiliae, tum dolor, uires demoluntur: transmissis ad doloris locum, & per uigilias ad cerebrum, spiritibus: ubi resoluntur, uti prius ostensum est, & mox fusius dicetur. Unde his infestantibus, ab integra uacuatione est temperandum.*

A E R I S uero ambientis temperies, cum omnino calida & sicca est (qualis inter Canis & Arcturi exortum) symptomatis loco habenda est. Quocirca omnes, quibus medici neglecta temporum ratione uenam secare ausi sunt, perierunt. Ad eundem modum, si uehementer admodum frigida sit. nam tum quoq; à sanguinis missione est temperandum: quando in talibus non parua sequi pericula uideamus. Etenim in calidis uehementer aëris constitutionibus, improbe uacuati, syncope, ut uocant, ac resolutione intereunt. At in frigidis, per accessionum initia uehementer refrigerati non amplius releuantur. Igitur neq; in calidis, neq; in frigidis, supra modum regionibus, sanguinem mittere audemus. Quod si regioni temporis conditio respondet, omnino abstinemus: at si non consentit, uacuamus quidem, sed longe minus, quam si neutrum uetaret. Quinetiam uelut symptoma quoddam ad suscipiendam affectionem procliuitas confi-

k s deran



derāda est. Multi enim nūquā euacuati fuerunt, neq; ullam pleniorē uacuationē, neq; longiorē inēdīam ferunt: ut quā aliis omnes corporis uires facile deiiciāt, aliis statim os uentris adeo male afficiāt, ut à cibis abhorreant: & si assumere cogantur, aut non contineant, aut improbe coquant. In hac dignotionis parte, expendēda est ægri temperies. Natura enim calidi & sicci omnes ab integra uacuatione prōpte læduntur. Consuetudo quoq; non parum habet momenti, cum ad alia omnia, tum maxime ad uacuationis indicationē. Alij enim nunquam sunt uacuationem antè experti: neq; integram pertulerunt: largoq; cibo usi sunt. Alij contrā, amplo cibo nec utuntur, & uacuationibus sunt assueti. Hos igitur intrepide uacuare oportet, modo reliqua consentiant. Alios uero, nempe insolitos, non item: etiam si reliqua omnia suadeant.

*Aëris conditio, ægri temperies, & habitudo, consuetudo & ætas, uice symptomatum habentur: non quòd morbos sequantur, sed quia curationem, curationisq; modum immutant. Aëris enim conditio & regio uehementer calida siccaq; plenam uacuationem non admittunt, alioquin syncopen ac uirium resolutionem inducunt. Calor enim aëris ambientis, è corpore foras euacuat*

*catur*



eatum spiritum digerit, resiccatq; corporis habitum, ac imbecilliores reddit: ubi igitur temporis conditio & regio consentiunt, omnino a sanguinis missione abstinendum est. Vbi uero altera tantum adest, detrudere quidem licet: sed longe minus quam si neutra uetaret. Vehementer uero frigida uel regio, uel temporis conditio, uel utraque, corpus refrigerat: proinde sanguinis missionem impedit. Cum enim sit refrigeratus corporis habitus, rursusq; per accessionis initia refrigeretur: nunquam postea pristina ualeitudini restituitur: scilicet nativo calore a frigoris ui denicito. Ad hunc modum si aeger prompte ex misso sanguine afficiatur, id est aut imbecillior reddatur, aut eius stomachus deterius habeat: hanc uacuationem respuit, sicuti & longam inediam. Prompte autem afficiuntur ab utraq; qui dilutioris sunt sanguinis, spiritus habent tenues, calidi & sicci sunt, quiq; amara bile abundant. Ad hanc, si non sit aeger huic uacuationi assuetus, largoq; cibo uti solitus, is neq; inediam citra noxam, neq; sanguinis missionem feret. Cum enim consuetudo procliuitas quedam ac facilitas sit eodem modo semper agendi aut patiendi in rebus naturae tam amicis quam aduersis usu comparata: si quid egero insolitum obijciatur, iniucundum, quodq; extimescat, id sine magno incommodo, sepe etiam sine graui periculo subire non poterit. In quo genere



nerc cum sit sanguinis missio, sine metu ac plerunq; animi deliquio (si meticulosus sit & uacuationem nunquam antea expertus, sed liberali cibo semper usus) hanc uacuationem longāq; inediam non sustinebit. Contrā qui uacuationibus sunt assueti, & parco cibo utuntur intrepide, & sine ullo periculo, tum inediam, tum uacuationem ferent.

AD eundem uero modum & corporis habitudines cōtemplandæ sunt. Nam qui densa solidaq; sunt carne, haud facile ijs iniuriis patent. Itaque uerendum non est eos semel uacuare, si & alia hortētur. Qui uero mollem, & algæ modo teneram proptēq; diffluentem hanc habent, in grauem noxam facile ruunt. Quare ab his, etiam si omnia alia suadeant, sanguinem ducere non audemus, uerum aliis uacuationibus quāmoderatissime promptissimeq; fieri potest, utimur. Similiter autē & his, qui habitu sunt immodice uel obeso uel gracili, uenam secare, & alio quouis modo affatim uacuare timendum est.

Qui densa duraq; sunt carne, non facile resoluuntur: ideo largam uacuationem sustinent. qui uero mollem, raram, laxam, promptēq; diffluentem carnem habent, cum ex se resolutioni sint idonei, hanc uacuationem non ferunt: quēadmodum nec immodice graciles aut natura  
obesi



*obesi (hi enim exiguas habent uenas) ob sanguinis inopiam & uirium imbecillitatem. Alijs igitur uacuationibus mediocribus, de quibus mox disseretur, utendum est.*

*H I S uero ætas tanquam symptoma quoddam, quod affatim uacuare prohibeat, annumerari potest: neq; enim pueri neq; senes sine molestia hanc uacuationē sustinere possunt. Hos igitur commemoratos omnes, efflagitante uacuationem affectu, non semel, nec affatim, sed paulatim uacuare oportet: mediocribus inediis, frictionibus, mollibus clysteribus, fotibus, cataplasmatibus, & balneis. Quorum omnium rursus indicationes ab iis, quæ antè memorata sunt, desumere oportet.*

*Pueritia etsi uiribus naturalibus ualet, integram uacuationem dissuadet, ob materie ténelle, & mollis fluorem: facile enim hæc resoluitur. Senectus uero, neq; hanc sustinet: ut in quibus iniuria, quæ ex immodica uacuatione accidit, non facile reparetur.*

*A D eundem uero modum, si quando duo symptomata contraria sequantur: utrum eorum sit uehementius, considerandum est. Pari ratione, si duo morbi in eodem homine pugnantes habeant indicationes: tunc enim urgenti est insistendum: sed*



fed altero nequaquam neglecto.

Nonnunquam in eodem egrotante, duo symptomata, aut duos morbos, diuersas habere indicationes comperimus. Primumq; ei occurrimus, quod magis urget, id est quod aliud incommodum alioqui sit adlaturum, nisi ipsi succurratur: aut sine quo alterum curari non possit. Pari modo, si duo morbi copulentur, contrarias habentes indicationes: ei primum consulimus, qui maiorem offensionem adlaturus sit: aut sine quo alter curari non potest, aut qui magis urget. uti supra ostendimus.

QV A E autem à symptomatis, & morbis sumuntur indicationes, non simpliciter, sed pro causa quæ unumquodq; attulit, considerandæ sunt, uelut animi defectio, ac exolutio. Sunt enim pro una eademq; re ambo hæc nomina à medicis usitata: ipsa quidem res una est, sed eius causæ multæ. Anima enim deficit ex cholera, alui profluuiio, intestinorum tum difficultate tum leuitate, fluxu muliebri, uulneribus, mariscis quas hæmorrhoidas nominant, sanguinis tum ex ore, tum è naribus profusione, immodicisq; ex partu purgationibus. Nonnunquam uero animæ defectum attulit magna cruditas: præsertim cum aluum immodice subduxit. Et ingēs fames, quæ bulimos dicitur, nihil aliud est quàm



quàm animi deliquium. Omnem etiam  
uteri strangulatum idem affectus antece-  
dit: quemadmodum eius tum ascensum,  
tum deflexum in latus, tum inflammatio-  
nes sæpe sequitur. Sed & apoplexiam, co-  
mitialem morbum, si quidem malignus  
est, resolutionem, syncopen & marcorem  
anteit. Nonnunquam cum febrium acces-  
sionibus non paucis accedit: maxime, si  
corpus summe aridum sit, ac squalidum,  
aut immodice plenum. Cum febre quoq;  
ardenti, ac maligna: aliquando & quibus  
per febriū accessiōes extrema uehemēter  
refrigerata sunt, quiq; ob inflammationis  
uel iecoris, uel stomachi magnitudinem  
febricitant, ijs per accessionū initia anima  
deficit: præsertim ubi crudorū, minimeq;  
coctorum humorum multitudo, aut insi-  
gnis alicuius partis obstructio infestat. I-  
tem & quibus os uentris aut imbecillum  
est, aut à uitiosis succis mordetur, aut cras-  
sis uel glutinosis uel humidis uel frigidis  
ingrauescit. Quin & nonnulli affectuum  
animi uehementia deficiunt: præcipue se-  
nes, quiq; ex aliis imbecillitate aliqua la-  
borant. Etenim ipsorum non paucis mœ-  
ror, lætitia, ac excandescencia, hoc incom-  
modum intulerunt. Nonnunquam uero  
& intempestiue erumpentes uapores hoc  
modo



modo affectis, animi deliquium induxerunt. Quemadmodum & robustioribus, immodici sudores. Præterea abscessus eruptionis vires uehementer lædit: maximeq; si in uentrem, stomachum aut thoracem affatim confluit. Et si nos aliquando secto abscessu pus affatim uacuemus, necessario deficit anima: quemadmodum si uberius purgemus, uel inaniamus, seu clysteribus, seu alio quouis modo, idem malum adferemus. neq; uero in hydrope humor etsi superfluat, & præter naturam sit, semel totus citra noxam uacuari potest: alioqui hominem deficere animo necesse est. Sed & doloris uehementia vires prostermit, nimirum si repente uel morsus incidat, uel intestina circa umbilicum torqueantur (*σπρόφους* hunc affectum Græci uocant) uel ileos, uel aliud malum oboriatur. Porro uulneratus nervus, & musculi caput, animæ deliquium induxerunt: & maligna articularum ulcera, & gangrænosa, & depascentia omnia, ac immoderata quædam frigiditytas, aut caliditas, & uitalis roboris solutio. Hæ quidem sunt animæ deficientis causæ.

*Indicationes nõ simpliciter à morbis & symptomatibus, sed à causis petuntur: ut, uerbi gratia, si quis exanimetur, non solum animæ deliquio, sed*



sed eius etiam causa, nempe uel cholera, uel fluxioni alui, uel intestinorum leuitati aut difficultati, uel alijs id genus causis remedia prescribimus: ut in sequentibus docebimus. Animi defectus & syncope, ut magnam inter se habent cognationem, sic inter se differunt: quod ille sit spirituum, praesertim animalium, uehementis subitusque motus: cum enim relictæ sede ad locum aliquem confluunt aut pereunt, animalis facultas tantisper consternatur ac excidit, sensusque omnes intercipiuntur, dum ad suam originem spiritus redierint, aut noui procreati sint. Mouentur enim interdum spiritus citra iacturam, aut saltem magnam, ut in dolore, & animi tum affectibus tum actionibus. Cuiusmodi sunt timor, pauor, admiratio, tristitia, ira, uigilia, cura, anxietates, & similia: quorum uires antea prescripsimus. Aliquando uero una cum motu pereunt, ut in uacuationibus: de quibus postea dicemus. Syncope autem, est uniuersarum uirium princeps, subitaque ruina, hoc est, κατάρσις τοῦ σώματος, quæ contingit, & interceptis sensibus, & liberis. Hanc autem animi defectus sæpe antecedit, aliquando comitatur, aliquando uero solus affligit. Cor enim affectum, facile in sympathiam alia duo principia iecur & cerebrum trahit: unde non solum syncope, sed & animi deliquium nascitur. Quod si cerebro patienti, alia duo principia non consentiant, ani

l ma.



ma quidē citra syncopē deficiet. Sin cōdolescāt,  
antecedet syncopē animi deliquium. Vires sunt,  
animalis, uitalis, & naturalis: quæ corpus no-  
strū gubernant. Animalis quidem, in cerebro: Vi-  
talis autē, in corde: Naturalis uero in iecore collo-  
cata est. Harū substātia ex cōmoderata qualita-  
te & quātitate spiritus, & solida substantiæ con-  
sistit: quibus probe contemperatis commoda-  
tisq; uires ualere neceſse est. Contra collabi, ubi  
uel alterantur, uel corrumpuntur. Alterantur  
autem à qualitatibus, uel nudis, uel in uitioso  
succo receptis. Corrumpuntur uero solida qui-  
dem, hoc est caro, & quæ ex genitura cōdita est,  
alimenti penuria: ut in bulimo, id est, ingenti ac  
insatiabili fame: aut digerente absumenteq; calo-  
re, ut in ardentibus, colliquantibus, & heclicis  
febris. Spiritus uero perit suffocatione, admi-  
ſſione alienæ materiæ, tota substantia cōtraria,  
nutrimenti defectu, uacuatione immodica, impe-  
dita respiratione, & resolutione, id est digestio-  
ne per halitum. Suffocatur autem spiritus ob-  
structione ac repletione, non solum partium prin-  
cipum, sed & uniuersi corporis. Oppletis enim  
uenis aut obstructis, uel principiorum uel totius  
corporis natua caliditas supprimitur, ac suffo-  
catur. Admiscetur autem aliena substantia, in-  
ſpiratione aeris pestilentis, aut uaporis alicuius  
tetri odoris, qualis ex stagnis, paludibus, & ca-  
daueribus non crematis exhalare solet: aut puro  
quidem



quidē ex se aëre, sed dū inspiratur, uitiū in spirā  
di instrumētis cōtrahēte, aut genitalis seminis,  
aut mēstrui, uel grumi sanguinis uel alterius cor  
rupte substantiæ uapore ad cor permeante. Vitia  
tur autē aër attractus, pulmonis & partium pe  
ctoris ulceribus. Nā uti uēter cibū iecori, ut fiat  
sanguis, preparat: ita pulmo cordi aërē, ut uitalis  
spiritus generetur. Nutritur enim is spiritus tū  
ex inspirādo, tū ex sanguine: quemadmodū ani  
malis & ex inspirando, & eo quod suggerit res  
ticularis plexus: ut autor est Galenus libro duo  
decimo Methodi medendi. Si igitur pulmo at  
tractum aërem ulceris putrilagine uitiet, in spi  
ritus uitalis substantiam mutari non poterit:  
quemadmodum nec si uenter cibum omnino cor  
rumpat, in sanguinem iecur eum conuertet. Nu  
trimentum uero deficit, imbecillitate nō solum  
principiorum, sed & totius corporis, spiritum ge  
nerare nequeunte. Vacuatio uero fit alui proflu  
uiū, & alyis causis ab ipso Galeno hic enumera  
tis. Prohibetur respiratio, cordis, pulmonis, gut  
taris & faucium obstructione: aut impeditis re  
solutisue spirandi instrumentis. Resoluitur au  
tem spiritus, ingenti dolore, animi affectibus, cre  
bris motibus, quales sunt uigiliae, & labores: sua  
itē tenuitate, & corporis raritate, & expultri  
ce ut immoderatus per uniuersum corpus conci  
tata. Itaq; uteri & alui profluuium, uulnera,  
mariscæ, sanguinis per uomitum reiectio, & è na  
l 2 ribus



ribus profusio, purgatio ex partu immodica, nō  
solū animi deliquium, sed & syncopen adferūt,  
tum quia spiritus substantiam uacuant, tum  
quia alimoniam corpori subtrahunt. Cholera  
vero, & intestinorum difficultas, tum doloris, tū  
uacuationis magnitudine, spiritus substantiam  
demoliūtur. Cruditas autem, quia uires premit  
multitudine, & exiguos animalis meatus ob-  
struit crassitudine, & acrimonia pungit. Buli-  
mos, id est ingens fames, utriq; substantiæ alimē-  
tum negat. Vteri uero suffocationem omnem, an-  
tecedit animi deliquium. Suffocatur autem ute-  
rus uel genitali semine, uel menstruo sanguine,  
uniuersum corpus potenter refrigerante (ut au-  
tor est Galenus) ita ut spiratio sensu deprāhen-  
di non possit: atq; hac ratione uterus suffocari di-  
citur. Hunc autem affectum animi deliquium,  
antecedit: scilicet corrupti uel seminis, uel men-  
strui uapore substantiæ spiritus permisto, non  
dum uniuerso corpore ualenter refrigerato. Nā  
tunc non solum deliquium est, sed & strangula-  
tio ab utero. Porro animæ defectus antecedit a-  
poplexiam, & comitalem morbum obstructio-  
ne suffocato spiritu. Antecedit & resolutionem,  
ac syncopen, & tabem, eodem resoluta ac diges-  
to: idq; aliquando per febriū κατὰ λόγους, id est, ac-  
cessiones, & impetus: præsertim ubi corpus labo-  
rantis extreme siccū est, aut squalidū, aut immo-  
dice plenū. Spiritus enim penuria squalidis in illo  
accessio



accessionis impetu absumitur, in plenis uero uirtus grauatur humorū & uaporum plenitudine, sepe etiam suffocatur. In febre autem ardenti, ac maligna linquit animus: tum quod substantiam spiritus resoluat, tum quod fuliginosus uapor, spiritus substantiæ misceatur. Quibus uero extremæ partes, per initia accessionum uehementer refrigeratæ sunt, anima deficit. Nam ab immoderata intemperie hunc affectum nasci antè dictum est: quanquam & in tanta perfrictione, spiritus affatim intrò remeat: qui multitudine suffocatus, animæ defectū adfert. Eadem ratione, & in magnis iecoris, uentris, uel stomachi, uel aliarum internarum partium inflammationibus, per accessionis febris initia deficit animus: maximeq; si crudorum succorum copia, aut insignis partis alicuius obstructio infestet: nā & tūc suffocatur spiritus, & uirtus grauatur. Item, & quibus os uentris imbecillum est, & à prauis succis mordetur, consentientibus principijs: quemadmodum si & à crassis, glutinosis, humidis, aut frigidis degrauatur: sic uehementibus animi motibus nonnulli deficiunt, præcipueq; senes, ac ex alijs imbecilles, quando hi affectus digerendæ in his animulæ facultatem habent. Nonnunquā uero & intempestiue è corpore erumpentibus uaporibus, tales deficiunt: quemadmodum robusti immodicis sudoribus. Præterea abscessus eruptio uires uehementer ledit. Nam unā cum pure

l 3      spiri



spiritus exhalat, & si in uentrem aut thoracem affatim confluit, uires degrauat. Ad eundem modum si secundo abscessu pus affatim effluat, necessario anima deficiet: quemadmodum si quis immodice purgetur, aut uacuetur, seu clysteribus seu alio quouis modo: idem periculum subibit, quando una cum materia copiosus spiritus exhalat: quo fit, ut in hydrope non semel, sed paulatim noxium humorem uacuare oporteat. Sed & doloris uehementia hunc affectum parit: quia spiritum resoluit. Eadem ratione & secus nervos, & musculi caput, & maligna articolorum ulcera, & gangrenosa & depascentia: quia dolore spiritus consumitur: immoderata uero caliditate digeritur, & frigidityte extinguitur. Et uitalis roboris resolutio, spiritum sufficientem ad obeundas anime functiones non suggerit.

SINGVLAE uero earum propriam desiderant curationem, sed punctum de omnibus scribendi locus non est. Nam quæ affectibus insunt, sine his curari non possunt. De his igitur in hac disputatione eatenus differam, quatenus discat aliquis, quomodo repente incidentibus accessionibus occurrere possit. Frigida, exempli gratia, ijs spargenda est, qui ex cholera, alui profluvio, ac aliis multis, subitisque uacuationibus, exoluntur. Nares quoque comprimendæ sunt, & os uentris perfricandum, uomitusque



mitusq; imperandus, aut stomachus infer-  
tis in os uel digitis uel plumis laceffen-  
dus. Sed & manus, & pedes uinciendi  
sunt: manus quidem pluribus & uehemen-  
tibus uinculis, cum infernæ partes uacuan-  
tur, ut in mariscarum profusione, alui flu-  
xione, & uteri uacuatione. Nam tunc cru-  
ra uehementer reuincta deorsum sæpe ali-  
quid attrahunt. Contrà uerò, in sanguinis  
e naribus eruptione, & in uomitionibus,  
contra & pluribus & ualentioribus ligatu-  
ris stringēda sunt. Quinetiam quibus san-  
guinem uulnera profundūt, si quidem id  
in superioribus partibus accadat, infernæ:  
sin infernis, supernæ uinculis astringen-  
dæ sunt. Inueniendus enim parti situs est  
qui sursum uergat, non tamen supra mo-  
dum. nam si adeo tendatur ut dolorē sen-  
tiant, non minus quàm si deorsum uerge-  
ret, fluxio iritabitur. In summa autem ad  
ea reuellere oportet, uel quæ communita-  
tem cum affectis partibus habent, uel à  
quibus humor decurrit. proinde uehemē-  
tes uteri fluxiones admotæ mammis cu-  
curbitulæ celerrime compescunt. Sanguis  
uerò e naribus eruptionem, eadem ie-  
cori & lieni pro nare sanguinem funden-  
te, aut ambobus uisceribus, si cruor ex u-  
traq; nare affatim abundeq; profluat, affi-



xæ cohibent. Vinum quoq; aqua gelida dilutum animi defectiones ex immodicis uacuationibus sanat: maxime si ad uētriculum fluxio repat. Considerandum autem est, nū id adhiberi aliquid prohibeat: qualis est uisceris alicuius inflammatio, aut uehemens capitis dolor, aut deliratio, aut ardens febris cum morbo crudo. magnæ enim ac propemodum incurabiles ex uini potu noxæ sequuntur. Quod si nihil prohibeat, deinceps ægrotantis natura, consuetudo, ætas, & ambientis aëris tēperies considerata est: quibus perspectis aut calidum, aut frigidum potum dabis. Nam qui frigidum bibere non consueuerunt, aut eo manifeste læduntur, quiq; natura frigidiores sunt ac extreme senes, & in regione naturaliter frigida degunt, hybernoq; tempore, à frigido arcendi sunt. Qui uero aliter habent, potare intrepide possunt. Quod si uentriculus fluxione tentetur, uinum calidum ac tenue, quale Lesbium est, detur. Crassum uero ac nigrum, acerbumq; in sanguinis eruptione. Locis autem ipsis uentri quidem, & utero, stomacho & thoraci, quæ robur parti inferere idonea sint, ad mouere oportet. Capiti uero & fronti tum hæc tum quæ refrigerent. Et si qua in summa cute aut naribus rupta uena



uena est, aliquod ex ijs, quæ sanguinem fi-  
 stunt, medicamentum imponendum est.  
 Balnea autem commodissima sunt, si de-  
 fluxionis iniuriam uenter patiat: sed san-  
 guinis eruptionem uehementer iritant.  
 Atque ijs etiam aduersissima sunt, quibus  
 ex sudoris copia deficit anima, quâdo his  
 cutis laxanda non est, sed spissanda ac re-  
 frigeranda. Vinum quoq; frigidum maxi-  
 me est adhibendum: nihil uerò quod cali-  
 dum sit omnino dandum est. Sed nec mē-  
 bra ligare, nec cogere ad uomitum, nec ul-  
 lo modo mouere oportet. Domus porrò  
 aditus refrigeranti auræ expositus sit,  
 aërq; in frigidam densantemq; qualita-  
 tem mutetur, myrti frondibus, uitium ca-  
 preolis, ac rosas solo sparsis. nihil horum  
 fluxionibus, quæ in uentrem feruntur cō-  
 fert: has enim tantum augent, quantum  
 cutem densant. His igitur qui ex uacuatio-  
 nibus exoluuntur, sic in præsens est suc-  
 currendum.

Ostensum nuper est, non simpliciter à sympto-  
 matis desumendas esse curationis indicationes,  
 sed & ab earum causis: quæ cum uariæ sint, ua-  
 rius habent curandi rationes. Cum igitur animi  
 deliquium ex multis occasionibus originem ha-  
 beat, nempe cholera, diarrhœa, id est alui proflu-  
 uio, & alijs paulo antè memoratis, uarij sunt e-

l 5 ius cu



ius curationis modi. Nam quod ex cholera fit, diarrhoea, & alijs magnis uacuationibus, gelidam aquam inspergendam esse, nares comprehendendas, os uentris perfricandum, uomendum, iritandum stomachum, & uincienda extrema, indicat. Frigida enim sua qualitate, cōtinenti facultati robur restituit, unde profluuium sistitur: & consopitis uires excitat. Idem præstat narium & aurium comprehensio. uomitus uero, stomachi proritatio, & frictio, præter antè dicta commoda, naturam à suo motu reuocant. Ideo maxime conueniunt in alui, uteri, & infimarum partium magnis fluxionibus. Vincula extremarum partium eadem facultate sunt prædita: ad se enim humores reuocant. ideo brachia liganda sunt, ubi deorsum humoris impetus fertur: crura uero, ubi sursum. Itaq; in mariscarum perfusione, alui fluxione, & uteri uacuatione, manus & brachia stringenda sunt: in sanguinis uero enaribus eruptione, & in uomitionibus, crura. Ad eundem modum si partes supernæ uulnus acceperint sanguinem profundes, infernæ partes uinciendæ sunt: si uero infernæ, supernas stringere oportebit. Vulneratas quoq; partes subrigere oportet, non tamen ita uehementer, ut dolore afficiantur: alioqui fluxionem iritares, non minus quàm si deorsum uergerent. Ad hunc igitur modum collocandæ partes uulneratæ sunt, ut sanguis qui suo pondere deorsum fertur, minus ob  
indi.



indigentiam causæ trahenti pareat: quòd si hæc tam uehementer arrigendo tendantur, ut dolorem sentiant, attrahentem causam geminaueris: unde non minus fluet sanguis, quam si deorsum uulnus uergeret. Modis igitur omnibus fluentes humores in aduersam partem reuocare oportet, quæ scilicet communitatem cum affecto loco habeat, aut à qua fluxio profisciscatur: ut libro eius operis secundo fusius docebitur. Hac ratione in magnis uteri defluxionibus, admoueri manibus cucurbitulæ debent: quòd communitatem hæ partes cum utero habeant. Cæterum cum defluxio uehemens ex hypòthesi sit, uehementer reuocari desiderat: quod cucurbitulæ possunt. Eadem ratione si naris dextra sanguinem fundit, hypochondrio dextro: si sinistra, sinistro: si utraq; utriq; parti affigenda cucurbitula est. Friktionem uero os uentris demulcentes, naturam ab impetu auocamus: quæ semper ad incunda sese explicare solet. Vinum quoq; frigida aqua temperatum animi defectiones ex immodicis uacuationibus sanat: & maxime si ad uentriculum feratur fluxio. Nam & symptomati & eius causæ remedio est: frigiditate enim fluxionem arcet, substantia uero uires reparat: quatenus autem celeriter in uniuersum corpus fertur, secumq; humores rapit, fluxionem auertit. Sed eius usum prohibet iccoris, aliorumq; uiscerum inflammatio: quam auget secum humores ad affectum lo-



cum deducendo. In uehementi quoq; capitis dolore, & delirio, à uino abstinendum est, ut quod facile caput feriat, secumq; rapiat humores & uapores: unde affectus augetur. Ardens etiam febris, cum cruditate, temperandum ab hoc esse suadet: tum quia suo calore febrem auget, tum quòd crudos humores liquat, ac in nobiles partes, aut habitum corporis secum defert: quæ noxæ sepe sunt incurabiles. Si uero nihil prohibeat, quo minus uinum bibi possit, ægrotantis natura, consuetudo, ætas, & ambientis aëris temperies consideranda est: quibus perspectis, uinum aut calidum aut frigidum dabis: calidum quidē, si frigidum bibere ægroti non consueuerint, aut ab eius potu ledantur, aut si natura frigidi sint, aut extreme senes, aut in locis frigidis degant, aut sit hybernū tempus. Senes enim, & natura frigidi, facile à simili offenduntur: & qui non consueuerunt, ob mutatam consuetudinem: de qua prius abunde disputatum est. Qui uero à loco & tempore iam refrigerati sunt, minus sustinere frigidam uini qualitatem possunt, ut à qua facile iniuriam suscipiant. In uentriculi uero fluxionibus quæ Græcis πρὸματτα dicuntur, id est destillationes, uinum calidum ac tenue, quale Lesbium est, adhibeatur: celerrime enim nutrit, uiresq; reficit, fluxionem reuellit, cum humores in corpus secum rapiat, præsertim cum fluxionis impetus uehemens non est, sed uelut destillatio  
qua



quædam. Vbi uero copiosus sanguis in uentricu-  
lum decumbit, reprimentibus est opus. Igitur in  
hæmorrhagia, id est copiosi sanguinis defluxio-  
ne, uinum austerum, crassum ac nigrum cōfert.  
Admonenda autem loci sunt, uentri quidem, u-  
tero, stomacho, & thoraci, quæ robur inferere  
idonea sint. Cum enim fluxio omnis fiat partis  
mittentis humorem robore, & recipientis imbe-  
cillitate: hanc, ne prompte recipiat, cōfirmare o-  
portet medicamentis quidem, quæ modicè strin-  
gant, & partis intemperiem ad mediocritatem  
reducant. Capiti uero & fronti, tum hæc impo-  
nenda sunt, tum refrigerātia: quando non solum  
pars roboranda est, sed & humoris, qui ad eas  
partes repit, impetus reprimi debet: quod refri-  
gerantibus sit foris admotis. Et si qua in corpo-  
ris superficie, aut naribus rupta uena est, aliquid  
ex his quæ sanguinem sistunt, imponendum est.  
Sanguinem sistunt quæ obstruunt, emplastica  
dicuntur, qualia sunt, quæ ex resina & farina  
triticea tēnuissimo polline, & gypso, similibusq;  
constant. Balnea uero uentri fluxionibus tenta-  
to, maxime idonea sunt: si quidem magnæ non  
sint: alioquin enim concitatam iam naturam ad  
maiores fluxiones prouocarent: quemadmo-  
dum & in hæmorrhagia, id est, sanguinis profu-  
sione. In paruis autē quas Græci πύματα, id est,  
destillationes uocant, quatenus ad cutem retra-  
hant, conferunt: præsertim si absit periculum au-  
genda



genda fluxionis. Sed & aduersissima sunt, quibus ex sudoris copia anima deficit: augent enim affectum, cutem laxando, ac aperiendo, sudoresq; foras euocando. his igitur cutis densari, ac refrigerari debet: quod fiet agrotis ad auram refrigerantem conuersis, aut cubiculi aere in frigidam stringentemq; qualitatem mutato. Mutatur autem fusis humi myrti frondibus, uitium capreolis, alijsq; similem uim habentibus. Ineptissima uero sunt, ubi uenter defluxione tentatur: cutem refrigerant ac densant: sponteq; currentem intro humorem pellunt. Cæterum frigidum uinum in sudoribus commodè datur, quod & substantia uires resarciat, & qualitate refrigeret habitum: unde & sudores reprimat, calidum uero mouet: in hoc igitur affectu dandum non est. Sed nec artus uinciendi sunt, nec ad uomitum cogendi, nec ullo modo mouendi. Ligaturæ hic non solum non reuellunt (nullam enim habent cum parte, à qua proficiuntur sudores, communitatem) sed potius eos euocant: uomitus quidem suo motu calfaciendo corpus, ligaturæ uero dolore.

QVI uerò humorum multitudine animo deficiunt, haud ita curantur: uerum illorum artus plurimum fricandi sunt, calfaciendi, ac ligandi. Cæterum à uino & cibis temperare debent, atq; etiā à balneis, si febris adsit: contenti mulsæ potu, in qua thymum, origanum, pulegium, uel hyssopum



pum concoctum sit. Confert autem & acetum mulsum.

Cum uacuari qui crudorum humorum multitudine laborant, desiderent, ijq; nec sanguinis missionem, nec purgans medicamentum ob pericula, quæ his succedunt, ferant (nam trahenti medicamento non paret humoris cruditas, unde syncope, exolutiones, & alia id genus incommoda succedunt. Ex sanguinis autem missione augetur cruditas) alia uacuatione est opus, nempe ea quæ frictione, calfactione, & ligatione partium extremarum paratur. Ericare enim linteis eos oportet, a cruribus incipiendo, superne deorsum, deinde ab humeris pari modo: quod tantisper faciendum est, dum abunde caleant, & humor digeri per eas partes possit: mediocres uero tum uigilia, tum somnus esse debent, ut mutuo iuuent: nam, quod somnus concoquit, uigilia digerunt. Ad hæc liganda extrema sunt, ut foras humorem euocent. A uino quoq; & cibis temperare debent, atq; etiã balneis, si febris adsit. Galenus duodecimo Methodi medendi, curandæ cruditatis rationem ample tractat. Solam mulsam, atq; eam quidem paucam, per primos dies sufficere ait: nec alium cibum aut sorbitionem dandam esse: quando qui cruditate laborant, longã sustinent mediam, cum corpus ex concoquendis crudis succis alatur. Verum cum mulsæ uarie apparetur, magis enim minúsue coquitur: & per se, &



se, & cum thymo, hysopo, origano, pulegio, ac similibus: cruda quidem aluum magis subducit, & minus alit: cocta uero magis nutrit, & uentrem minus mouet: quemadmodum ea, in qua commemoratae herbae incoquuntur, uim habet incidendi: simplex uero hac dote caret. A balneis uero, si febris adsit, abstinendum, ut quae eam augeant. Confert autem & acetum mulsum assidue etiam adhibitum, nisi id aut stomachum laedat, aut ager fastidiat. Nam sic inuicem mulsa, & aceto mulso utendum esset. habet enim acetum mulsum uim incidendi humoris & detergendi.

QVAE porro ex uteri affectibus mulieres animo destituuntur, eodem modo curantur, excepto aceto mulso. His etiam crura potius, quam brachia deliganda sunt, atque perfricanda: & quemadmodum in larga fluxione mammis cucurbitulas admo- uemus, sic quibus sursum reuulsus retractusque in latus est uterus, inguinibus & femoribus. Naribus quoque obiciendi sunt grauissimi odores, utero uero suauis. Adhibenda item sunt relaxantia ac calfacientia medicamina.

Animo destituuntur mulieres, quibus uel sursum uel ad latus retrahitur uterus, & quibus large menses fluunt. In priore affectu crura deliganda sunt ac perfricanda, ut humoris copia  
qua



quæ hos affectus parit, foras euocetur. Commu-  
 nitatem enim uterus per uenas per quas possit is  
 humor derivari, cum cruribus habet. hac ratio-  
 ne inguinibus & coxis admouende cucurbitu-  
 le sunt, quibus potenter trahendi facultas inest.  
 Naribus quoq; obijcienda sunt, quæ grauiter o-  
 leant: utero uero, quæ suauem spirent odorē. Na-  
 tura enim ad id quod obijcitur, si iucundū fami-  
 liareq; est, mouetur: sin triste alienumq;, auer-  
 satur. Oculus, uerbi gratia, tenebras horret, &  
 uehementem tum splendorem tum colorem refu-  
 git: utrumq; uero mediocrem amplexatur. Auris  
 uiolentos, tremulos, stridulos, & clangularios so-  
 nos respuit, harmonias uero, concentusq;, iucun-  
 dissime audit. Ad eundem modum dulcis sapor  
 lingua gratissimus est: amarus, austerus, & az-  
 cer omnino ingratus. Tetrū odorem nares rei-  
 ciunt: suauem autē blandissime recipiunt. Tāgēdi  
 quoq; organo uehemēter calida, frigida, aspera,  
 pungentia, incidentia, contudentia, diuelliētia,  
 & id genus alia, quæ dolorem inuehūt, inimica  
 sunt: Mediocriter uero calida, frigida blandeq;  
 palpitantia, & quæ uoluptatē inferunt, amica. In  
 summa commoderatis omnibus natura adblan-  
 ditur: contrā immoderata auersatur. Eadem  
 quoq; sentiendi organa non solum se mutuo ad  
 amplexandas fugiendāsue huiusmodi res, sed &  
 alias ad hoc partes inuitant, tantus est partium  
 corporis consensus. Nam stomachus inspecto ine-  
 m grato



grato cibo nauseare solet, & dentes auribus con-  
sentiunt, si asperum sonum, qualis limando ferro  
eliditur, audiant. Contra si sonus mirifice dele-  
ctet, totam naturam huc conuersam uidebis. Mi-  
rum itaq; nō est, si ad suauem odorem, utpote na-  
ture familiarē uterus sese conuertat, tetrum ue-  
ro refugiat. Præterea medicamēta quæ laxandi  
calfaciēdiq; facultate sint prædita, adhibenda  
sunt, ut materia quæ hūc affectū procreat, resol-  
uatur. In uteri uero largo profluuio mammae cir-  
curbitule figendæ sunt, ut postea docebimus.

SI uero ex stomachi imbecillitate ani-  
mi deliquium sequatur, imponere quæ ro-  
borandi uim obtineant emplastra, qualia  
sunt, quæ ex palmulis conficiuntur, uino,  
polentis, croco, aloë, & mastiche: perfun-  
dere uero oleo absinthino, melino, masti-  
chino, nardino, ænanthino, & uino oportet.  
Aestuante autem stomacho, aliquid  
quod refrigeret miscendum est: qualis est  
cucurbitæ, lactucæ, portulacæ, solani, seris,  
& uuæ acerbæ succus. Hæc enim non so-  
lum refrigerat, sed & astringit. & aqua fri-  
gida ardenti stomacho plerunq; confert,  
opportune data, alioqui magnopere læ-  
dit. Imbecillo autem stomacho uinum ca-  
lidum potius dandum est, modo nihil a-  
liud prohibeat: eiusmodi autem stoma-  
chi, frictionibus extremarum partium mi-  
rifice



rifice iuuantur. Quod si ex his nihilo me-  
 lius habeant, exæstuentes quidem celerri-  
 me ad balnea ducendi sunt. His uero qui  
 alicuius frigoris sensu afficiuntur, medi-  
 camentum quod triplici pipere constat,  
*διὰ τῶν πικρῶν* uocant: solumq; piper,  
 & absinthium in potu dandum est. Qui ue-  
 ro ex uitiosis humoribus os uentris mor-  
 dentibus exanimantur, epota uel aqua ca-  
 lida, uel hydrelæo uomere iubeantur. At  
 si non facile uomant, prius partes stoma-  
 cho adiacentes, & manus, & pedes, calfa-  
 ciendi sunt. Quod si ne sic quidem uome-  
 re possint, immisis in os uel pennis uel  
 digitis, stomachus irritandus est: Sin neq;  
 sic uomant, rursus oleum calidum quàm-  
 optimum adhibendum est. Id autem sæpe  
 non solum uomitum prouocare, sed &  
 uentrem mollire solet: id quod non parū  
 ad rem de qua agitur facit. Quocirca nisi  
 sponte accidat, arte procurare oportet: ma-  
 xime uero appositis remedijs, ex quibus,  
 si facilius uomat, absinthij coma aqua mul-  
 sa incocta, in potu danda est, deinde uinū:  
 modisq; omnibus roborandę partes sunt,  
 tum medicamentis forinsecus impositis,  
 tum absinthij potu. At non per initia qui-  
 dem, sed post, repurgato iam uentre, id fa-  
 ciendum esse suadeo: quando si succos cō-  
 tineat,



tineat, astringendus non est, sed calfaciendus, ut prius dictum est. Si uero frigida pituita in ore uentriculi collecta sit, plurimum fouere oportet oleo, in quo absinthium decoctum sit: deinde mulsum dare, in qua uel hyssopū, uel id genus aliud maderit, & acetum mulsum, & piper, quodque ex triplici pipere constat medicamentum, *ἡ δὲ τριπλὴ πεπικωμένη* dicitur, & diospoliticum. Victus autem ratio omnino incidendi facultate sit prædita.

*Imbecillitas est, quæ potentiā à suo scopo aberrare facit: quod accidit sua ipsius substantia læsa, aut instrumentali morbo parte obsessa, aut unitatis solutione. Potentie substantia offenditur intemperie, interdum quidem nuda, interdum uero cum humore. Intemperiem autem sequitur substantie resolutio, maior aut minor, pro affectionis magnitudine: quæ si levis sit, solum imbecillitatem: si uero magna, non hanc solum, sed & morbum affert. Tota igitur ratio eò spectat, ut naturalis temperies seruetur, substantia quæ periit, instauretur: & si affectus magnitudine potentie substantia resoluta sit, hanc firmare oportebit. Cum igitur non solum stomachi, sed & aliarum partium octo sint intemperantie, calidam refrigerare, frigidam calfacere, humidam exiccare, & siccam humectare conueniet. Contrariorum enim contraria sunt remedia:*



media: & si perit substantia, eam cibo uel potu reficere oportebit. Quod si tantus sit earum qualitatum excessus, ut etiam potentia substantia diffluat, astringentia quæ ipsam firment adhibenda sunt, cum in aliarum partium, tum in stomachi, uentris, & iocinoris affectibus: quorum perpetuo robur seruandum est. Quoniam rursus stomachus magis ex humorum abundantia, quam nuda intemperie, laborat, ut autor est Galenus, ideo exiccantia medicamenta desiderat. Itaque in stomachi imbecillitate medicamenta ex palmulis, polentis, & alijs, ab autore enumeratis, conueniunt: ut quæ & exiccent, & imbecillum stomachum roborent. Quod si stomachus uratur, refrigerantia adhibenda sunt, qualis est cucurbitæ succus, lactucæ, portulacæ, seris, & uix acerbæ: quæ præter id quod refrigerat, etiam exiccat. Nam ubi aliqua qualitas inualuit, per contrariam illi qualitatem est succurrendum. Itaque frigide potio æstuanti stomacho opportune adbibita, prodest. Aestuat autem stomachus nonnunquam ex nuda caliditate, interdum adiuncto humore seu putredinem seu inflammationem procreante: is enim cum digeri debeat, frigidam non exposcit. At si sola caliditas adsit, frigida intrepide danda in potu est, præsertim si ea uti eger consuevit. Vinum quoque stomachi imbecillitati prodest: tum quod natium calorem auget, tum quod labentem animum releuet. Ca



lidum autem adhibetur, quoniam frigiditatem imbecillitas non sustinet. Quòd si inflammatio, uel id genus aliud internum malum, occuparet, à uino esset temperandum: ut quod affectum augeret. Frictiones quoq; extremarum partiũ hoc modo affecto stomacho profunt, foras calorem aut humorem euocando. Quæ si parum profecerint, exusti quidem ad balnea ducendi sunt, scilicet madore in corpus immisso humectantia, & potentia refrigerantia, ut prius est dictum. Si uero frigus sentiant, uti medicamento debet, quod dia trion pipere conuocant, soloq; pipere calfaciendi enim uim obtinent. Nam pro eo quod exuperat, eo usq; contrarium inducendum est, quoad pars ad symmetriam & naturalem habitum reducta sit. Hac ratione absinthium adhibendum est. Qui uero ex biliosis succis os uentris mordentibus exoluuntur, uel aqua epota, uel hydreleo uomere iubeantur. Nam hic humor suapte natura ad superiora tendit. uomitio autem commode fit, uel aqua epota calida, uel hydreleo: stomachum enim humectant, laxant, emolliunt, & ad motum aptiorem reddunt, unde minori molestia uomunt: præterea humoris acrimoniam obtundunt. his, si facile non uomant, manus & pedes prius calfaciendi sunt, ut relaxatis his partibus minore periculo stomachus, quocum per neruos eiusmodi partes communicant, moueatur. Quòd si nec sic quidem uomere



mere possint, immisiss in os uel pennis uel digitis  
 irritandus est. Vbi enim stomachus hebetioris  
 sensus est, non nisi à magna causa mouetur. Igi-  
 tur non solum immittendi in os digiti uel pennæ  
 sunt, sed & oleum quàm optimum calidum est  
 adhibendum, quod non solum uomitum ciet, sed  
 uentrem fluidum reddit. Quocirca nisi sponte  
 uomitus fiat, iuuandus est appositu, fotuq; calis-  
 do stomachi partibus admoto. Ex quibus si faci-  
 lius uomat, absinthij coma in mulsu decocta, in  
 potu danda est: firmat enim, ut modò dicebatur,  
 stomachum humoribus & uomitionibus reso-  
 lutum. Deinde uinum dandum est, ut labe-  
 factatæ uires instaurentur, celerrime enim resi-  
 cit. Postea modis omnibus roborare stomachum  
 oportet, uniuerso corpori alendo necessarium:  
 roboratur autem tum impositis foris medicame-  
 tis, secundum methodum prius declaratam, tum  
 absinthij potu, quod astringendo robur restituit.  
 Ideo dari antequam uenter purgatus sit, non de-  
 bet, ne humores stomacho figat, & ad excretio-  
 nem contumaciores reddat. Si uero frigida pi-  
 tuita in ore uentriculi collecta sit, plurimum fo-  
 nere oportet oleo, in quo absinthium decoctum  
 sit: deinde mulsam dare, in qua uel hyssopum,  
 uel aliud id genus maduerit. Et acetum mul-  
 sam, & piper, & medicamentum, quod quia ex  
 tribus piperibus constat, *διὰ τριῶν πικρῶν*, uo-  
 cant: & diospoliticum. Foris quidem admoneri  
 m 4 debet



debet absinthium, ut robur parti inferatur, & pituita non cogatur. Intrò uero sumenda, quæ eam pituitam incidant ac detergant. Incidit autem acetum mulsum, diatrion pipereon, & diospyloticum. Detergit uero mulsa. Incidi enim pituita ob lentorem desiderat. ideo uictus ratio hac facultate prædita esse debet.

EX uehementi autem refrigeratione defectiones non aliter, atque bulimum, id est ingentem famem curamus: nimirum calfacientes modis omnibus. itaque uinum in potu dandum est calda temperatum, cibi que calfacere idonei. Fricare quoque eiusmodi ægrotos oportet, ad ignemque calfacere.

Refrigerati, & qui bulimo, id est insatiabili fame laborant, eadem methodo, nepe calfaciendi, curantur. Bulimos enim ab externo frigore, quale contingere solet in longo itinere, per gelum & niuem ortum habet. Hunc affectum sequitur membrorum inanitio, spirituum defectio, & uirium lapsus. Itaque omni ratione calfacere oportet: hoc est cibo, potu, medicamentis, odoribus, frictionibus, & alijs id genus, quæ corpus calfacere idonea sunt.

QVAE uero ex superuacuo calore ortum habent, refrigerantia ac roborantia desiderant. His enim maxime accidunt, qui diutius in aëre æstuoso, & balneis uersati sunt.



sunt. In præsens igitur robur his restitues, si frigidam inspergas, ac uentiles, & auræ exponas, osq; uētris frices ac irites: postea uino & cibo reficias.

*Supernacuus calor intrò quidem inspiratus & per arterias tractus natiuam principiorum temperiem immutat ac spiritus substantiam, quam & extenuat & dissipat, suo uero contactu cutem laxat & aperit: unde facile spiritus exhalat. itaq; refrigerare oportet aëre frigido, tum inspirato, & per arterias attracto, tū corpori admoto. sic enim principia ad natiuam temperiem reduces, & spiritus dissolutionem impedit. non ab re igitur ad auram frigidam conuere ægrotum oportet, frigidam inspergere & uentilare. Os uero uentris perfricare ac irritare, ut uis consopita excitetur. His uero peractis uino ac cibo reficere oportet. Nam sic uires firmabis. cum enim & alteratione, & corruptione suæ substantiæ labent, reparari debent, oppositam qualitatem inducendo, & substantiam perditæ similem reparando. In hoc autem quod agitur affectu, spiritus substantia maxime perit, ideo quod hanc celerrime resarciat, adhibendum est: cuiusmodi uinum est, & cibi facilis coctionis.*

*Ab At quibus ob inflammationis magnitudinem, aut uehementis febris malignitatem, in accessionibus animus deficit,*

*quiq;*



quiq; refrigerantur, eorum artus fricare,  
ac calfacere, cruraq;, ac manus ligare: uigi-  
lias imperare, cibum potumq; in totū cir-  
cuncidere oportet. Optimum porro in  
his quid futurum sit prænoscere, & ea ante  
febris accessionem efficere.

*Viscerum & internarum partium inflam-*  
*mationes, & malignæ pestilentesq; febres augen-*  
*tur per accessionum initia, interdumq; refrige-*  
*rantur externæ partes intrò reuocato calore &*  
*sanguine, unde anima plerunq; deficit. Quod cū*  
*accidit, fricandæ, calfaciendæ, ac uinculis strin-*  
*gendæ extremæ partes sunt, ut foras resiliant spi-*  
*ritus & humores. hac ratione uigiliæ imperan-*  
*dæ sunt, ut quæ foras calorem & sanguinem ap-*  
*pellent, proindeq; febrem ac inflammationem*  
*augeri prohibeant. Cibus & potus in totum de-*  
*muntur, ne pars eorum intrò delata materiam*  
*augendæ inflammationis suggerat. Quod si fu-*  
*turum hoc incommodum præuideamus, ante*  
*accessionem commemorata iam remedia ad-*  
*hibemus.*

QVI'QVE ex ficcitate per accessio-  
num initia in syncopen labuntur. Nam si  
duabus tribusue horis ante accessionem  
cibaueris, & pedes & manus contineri in-  
feris, seruari poterit. Cibus autem coctus  
facilis sit, & stomacho accommodatus.  
Quod si uehemens fore periculum suspi-  
ceris,



ceris, uinum maxime alicæ elixæ superfluum dare anticipabis. Loco autem alicæ panis eadem utilitate adhiberi potest. Si uero mediocris syncope expectetur, uino opus non est: sed tunc abunde feceris, si mala punica, uel pyra, uel mala, uel pomū aliud quodpiam, stringendi facultate donatum, cum cibus miscueris. Post hæc uero si moderate accessionem ferant, cum iterum cibantur, pomorum usus necessarius non est. Hæc quidem agenda sunt, si quod futurum est presenseris. Si qui uero inopinatio in hoc discrimen inciderint, uini calidi, panis & alicæ cum eo calidæ momentum dare debebis. Nam si largiorem, aut coctu difficiliorem hoc modo affectis cibum dederis, non solum in syncope perducentur, sed omnino suffocabuntur.

*Vt non est unus siccitatis modus, sic nec unum omnibus periculum accidit. Quandoque enim primarum ac similarium, ut sic dicam, partium substantia solida exiccatur, interdum caro & adeps liquantur, nonnunquam autem propria humiditas rori similis qua corpus alitur, absumitur. Aliquando uero exiles uenæ & arteriæ cuiuscunque partis manentur. Primum siccitatis genus curationem non admittit: secundum & tertium difficilem: quartum uero omnium facilissimam.*

*Febris*



Febris autem uehemens primum humores absumit, ac spiritus dissipat: deinde sensim, si perseueret, alias siccitates inducit. Has autem omnes sequitur aliquando syncope: periculosior quidem, priores tres: leuior autem posteriorem, nisi admodum ingens sit. Nam si magnam sanguinis & spirituum penuriam uehemens febris accessio inuenerit, periculosam adfert syncopen: ut quæ spiritus reliquias dissipet. Itaque optimum est hoc incommodum presentire, ne expectata sine remedij accessione, in id incidamus: quod ubi præuiderimus, occurrere poterimus, cibantes egrotum duabus tribusue horis ante accessionem, iubentesque, ut pedes & manus, sine agitatione contineat. Cum enim corpus spirituum penuria laboret, nec melius reparari, quam cibo & potu possint, hi duabus tribusue horis ante accessionem adhibendi sunt, facili quidem coctionis & stomacho grati, ne natura negotium facessant, sed potius roborent. Quoniam autem spiritus qui ex sumpto cibo conficitur, durare in fine accessionis debet, ideo in lecto ægrum sine pedum manuumque agitatione continere oportet, quò & concoctio melius fiat, & minus spiritus dispergatur, ac dissipetur. Quòd si uehemens periculum timeatur ob magnam spiritus inopiã, dandum est quod abundantiam huius suggerat ægre dissipabilem, quale uinum est & alica, uel panis (eandem enim alicæ uim obtinet) uinum quidem



quidem copiosum spiritum, alica autem crassū  
 & qui non facile digeratur parit. Quod si medi-  
 ocris syncope expectetur, uinum dandum nō est,  
 quando & febris obest, & multo spiritu opus nō  
 est. Satis enim facient mala granata, cotonea, py-  
 ra, aliq; stringentes fructus cibis permisti: non  
 quod uelimus corporis substantiam stringere  
 (omni enim siccitati inimica astringentia sunt)  
 sed cibum tardius digeri, & spiritum minus dis-  
 sipari, ut in accessionis finem durare possit. Igi-  
 tur si accessionem facile ferant, astringentium  
 usu opus non erit: quando nullum periculum ti-  
 metur. Hec quidē ante accessionem, ubi syncope  
 imminet, agenda sunt. In quam si inopinato æ-  
 ger inciderit (sepe enim nobis non aduertenti-  
 bus hæc accidere solet) uini calidi, panis, & ali-  
 ce cum eo calidæ momentum adhibendum est,  
 ut celeriter & sine magno naturæ negotio spiri-  
 tus reparetur. Nam si largum cibum uel coctum  
 difficilem dederis, non solum syncopen induces,  
 sed & omnino suffocabis egrotum. Sicuti enim  
 stimulam largum oleum superfusum extinguit,  
 ita exiguum calorem nativum maior cibi copia  
 obruit ac suffocat.

QUIBVS autem animus ex insignis  
 partis obstructione deficit, acetum mul-  
 tum dandum est, potioq; ex hyssopo, ori-  
 gano, pulegio, & melle: & cibi ex eorum  
 qui ualenter incidunt genere. Crassi e-  
 nim



nim ac glutinosi magnopere in hoc affectu lædunt. Nihil uero obfuerit artus perfricare ac ligare. Sed & utiliter potiones, quæ ciendæ urinæ facultatem habent, adhibentur: quales ex anetho, fœniculo, aspio, petroselino, ami, dauco, & spica nardi sunt, quæ ubi iam manifeste iuuerint, uino albo ac tenui non admodum uetere utendum est. Noscuntur autem huiusmodi obstructions, cū ex alijs pulsuum inæqualitatibus, tum maxime ex his quæ in magnitudine & paruitate, uehementia & debilitate inueniuntur, modo adiuncta syndrome, id est concursu, quam pletoricam uocant, non sit. Ea enim communes cum obstructione inæqualitates obtinet. In eiusmodi autem affectibus, si quidem magni sunt, pulsus intermittunt. Verum hæc fusius in libris de Pulsibus sunt explicata.

Insignes partes, & principes opportuna universo corpori, sunt cerebrum, cor, iecur, stomachus, pulmo, & principes arteriæ, quæ si obstructæ sunt, animi deliquium adferunt, scilicet spiritu suffocato, & uirtute degrauata, uti prius dictum est. Igitur acetum mulsum in huiusmodi affectibus utiliter datur, quod crassitudinem obstruentis humoris incídat, ac detergat: eadem prædita est potio, quæ ex hysopo, origano, pulgione &



gio & melle cōficitur: qualem perpetuo affectus  
is defyderat. Igitur uniuersa uictus ratio incide  
re debet. Crassa enim ac glutinosa aduersissima  
est, ut quæ obstructionem augeat, quam delere  
modis omnibus oportet. Itaq; profunt frictiones,  
& ligaturæ extremarum partium: quæ scilicet  
foras humores euocando obstructiones minuūt.  
Eadem ratione potionibus utendum est, ex ane  
tho, feniculo, ami, dauco, & spica nardi: quæ &  
humores tenuant, & urinas prouocant. Deinde  
uero uiniū album tenue & non admodum uetus  
dandum est: sed non antè, quàm illa manifestissi  
mè inuerint, quando augenda obstructionis pe  
riculum adferret. Celeriter enim ad urinae uias  
permeat, secumq; humores, si qui in corpore sint,  
rapit. Noscuntur autem eiusmodi obstructiones  
cum ex alijs pulsuum inequalitatibus, tum ma  
xime ex his quæ in magnitudine & paruitate,  
uehementia & debilitate fiunt, modo adiun  
cta syndrome, quam plethoricam uocant, non  
sit: quæ & communes cum obstructione inæ  
qualitates habet. Ostēsum est duplicem esse pul  
suum inequalitatem: alterā quæ in una pulsatio  
ne sit, alteram quæ in pluribus, quam syste  
maticam appellant. Hæc autem obstructiones  
sequitur, humorum redundantiam, compressio  
nem & duritiem instrumentorum, & cordis ine  
qualem intemperiem. Quæ cause si magnæ  
sunt, non solum inaequalem, sed intermittentem  
pulsuum



pulsus reddunt. Inaequalem dico, qui non perpetuo eandem seruat magnitudinem, paruitatem, celeritatem, tarditatem, uehementiam & debilitatem, & pulsus reliquas differentias. Maxime autem inaequalitatem in magnitudine & paruitate, uehementia & debilitate deprehendit tactus. Intermittens enim pulsus ex inaequalitate raritatis & paruitatis constat. Raritatis quidem, cum quies est longissima: paruitatis uero, cum minimum distenditur arteria. Cum igitur syndrome plethorica, id est concursio signorum plenitudinis humorum non apparet, nec ulla est suspicio compressionis aut duritiae instrumenti, cordisque intemperiei, certum est hanc pulsus inaequalitatem, aut interceptionem ab obstructione profectam esse.

N V N C uero ad reliquarum animi defectionum disputationem transeamus: cuiusmodi est, quae ex abscessus uel ruptione uel sectione, & immodica in his qui aqua intercute laborant, uacuatione fit. Satis enim ad praesens fuerit rebus odoris hos reficere, paulo post autem sorbitiones coctu faciles adhibere.

Abscessus uel ruptionem uel sectionem immodicamque in hydropicis uacuationem sequitur spiritus dissipatio: hanc autem animi deliquium. igitur odores obijciendi sunt ad praesentem uirium reparationem. Odora enim spiritus sub-  
stant



stantiarum cognatione reparant. Deinde sorbitiones, quæ coctionem facile admittant, danda sunt: ut non solum spiritus, sed & humor resarciatur.

A T si ob tristitiam, lætitiā, timorem, excandescētiā, aut pauorem animo cōsternantur, odoramentis & narium compræhensionibus refocillati ad uomitum cogendi sunt.

In tristitia, timore & pauore intrò ad originem reuocatus spiritus absūmitur. In lætitiā uerò foras spargitur ac dissipatur. In excandescētiā primum intrò fertur, deinde foras resilit. Unde animi defectum cum affatim spiritus perit, sequi necesse est. Primum igitur is refici debet, uti modo declaratum est, nempe rebus odoriferis narium obiectis: deinde excitanda uirtus narium prænsationibus & uomitionibus.

A D eundem modum, si qui ex uulneribus, purgationibus, doloribusq; articulorum, neruorum, & chordarum musculorum animo deficient, in primis reficere, postea uero idoneum affectui remedium præstare oportet.

Eadem cum antè dictis ratione animi defectus ex uulneribus, purgationibus, & doloribus articulorum, neruorum & tendonum curatur: nempe primum reparatis uiribus, deinde primario affectui idoneis remedijs adhibitis. Quoniā  
n igitur



igitur uulnera, purgationes, & dolores spiritus substantiam dissipant, primum hanc reficere oportet, ad modum prius declaratum, hoc est odoribus & sorbitionibus. Postea uero affectum primum curare, nimirum uulnera, si simplicia sunt, glutinando, si cum cavitare, primum carnem generando, deinde glutinando, ut fusissime docet Galenus lib. xxx. Methodi medendi: immodicas uacuationes sistendo: dolores, si urgeant, anodynis: si non urgeant, causas, quae eos generant, abigendo.

Si uero colicos affectus, aut iliosos, aut eorum aliquem qui uehementer affligunt, animi deliquium sequatur: affectuum partium fomentis calidis, & extremarum frictionibus animus restituitur.

Dicebamus modo primum esse symptomati, hoc est deliquio animi intendendum, deinde affectui symptoma inferenti: deliquium autem abigimus agrum reficientes, affectus uero idoneis remedijs, alios alijs. Quoniam igitur dolor, animi defectum adfert, dolorem uero alia causa: primum defectui succurremus, deinde dolori, si quidem uehemens sit: si minus, causis hunc adferentibus. Dolorem adferunt alteratio uiolenta confertim facta, & unitatis solutio, & partis quae afficitur, sensus. uehementer autem & confertim alterant calor, & frigus, proindeque dolorem uehementem mouent: humiditas uero non tantum

tum



tum ut excitare dolorem possit, siccitas autem ut leuem. Continuitatem autem soluunt rumpentia, contudentia, erodentia & secantia. Rumpunt etiam quæ distendunt. Hæc rursus à foris secus incidentibus fiunt, aut ab aliqua interna substantia, quæ multitudine sua corpus se continens distendit, cuiusmodi sunt humores, flatus & uapores. Immodica quoque siccitas distendit. Contundunt dura, uel magna, uel graua, foris incidentia. Erodunt autem humores, uel uapores mordaces, aut aliud quidpiam forinsecus adueniens, cui mordendi ac exedendi uis insit. Cū igitur per doloris leuitatem causis prouidere liceat, uidendum est quæ nam dolorem attulerit, atque ea abigenda est. Verbi gratia, frigus calfacientibus, & calor refrigerantibus. Distendens & erodentia uacuantibus. In colicis igitur, & iliosis, alijsque affectibus uehementem dolorem inferentibus, si humoris copia adsit, is uacuandus est: si flatus, calidis fouendus, ut materia flatulenta digeratur, dolorque calore quasi anodyno remedio demulceatur. At si acrimonia laboret & mixta, id est, quæ immixta acrimonia sua substantia temperant ac obtundunt, ex usu sunt, cuiusmodi est lac. Prosunt & frictiones extremarum partium: scilicet infesta item materiam ab affecto loco euocantes. Si quis exactius cupiat hanc curandi rationem nosse, legat Galeni Methodi medendi librum duodecimum.



QV A E uero ob propriam uirtutum corpus nostrum moderantium imbecillitatē, animi defectiones fiunt, ab intemperantia earum partium unde uires proficiscuntur, cōtractam, contraria intēperantia curari debent: nempe frigidam calfaciendo, calidam refrigerando, atq; in alijs eadem ratione. Vitalis quidem uirtus, quam ē corde prodire docuimus, ex pulsuum debilitate depræhenditur. Quæ autē ex iecore oritur, hanc altricem uocant, ex cruentis alui deiectionibus initio quidem aquosis, & tenuibus, deinde uero amurcæ in modum crassiss. Quæ uero ex cerebro originem ducit, animale, nonnulli peculiari nomine uocant, arbitrarij motus imbecillitate dignoscitur. In alio autem opere de eiusmodi affectibus, ex quibus multa sunt à medicis prætermissa seorsum tibi conscribemus.

*Res hæc notior est quàm quæ demonstrari debeat. Contraria enim contrariorum perpetuo sunt remedia. Si igitur uirium imbecillitas ex principum partium alicuius intemperantia fiat, cōtrario excessu resarciēda est, calida quidē frigidis, frigida calidis, humida siccis, et sicca humidis. Imbecillitatem autem hanc cognoscemus, uitalis quidem uirtutis ex pulsus imbecillitate. Nam si is ex se languidus sit, necessario infirma facultas*



*facultas est. Per se autem languidum esse depræ-*  
*hendimus, cum perpetuo talis manet: cum uero*  
*nunc languidus, nunc uehemens est, facultas non*  
*ex se imbecilla est, sed humorum abundan-*  
*tia degrauatur. Altricis uero imbecillitatem*  
*cruenta alui excrementa, primum aquosa &*  
*tenuia: deinde, ut par est, amurcæ modo cras-*  
*sa. Nam quod liquidius est, primum fluit, deinde*  
*crassius, præsertim cum fluxio non à ui excreti-*  
*ce, sed contentricis imbecillitate sit. Cum autem*  
*cruentorum excrementorum quatuor sint spe-*  
*cies: duæ iam commemoratæ, nempe aquosorum*  
*& crassorum, tertia ubi sanguis paulatim fluit,*  
*quarta ubi paulatim, & breuibus interuallis di-*  
*stillat: primæ duæ imbecillitatem iecoris indi-*  
*cant: tertia membrum aliquod mutilatum, uel*  
*retentionem solitæ excretionis: quarta uero,*  
*ulcus intestinorum. Duæ igitur primæ ob ieco-*  
*ris imbecillam alteratricem, & contentricem fa-*  
*cultatem fiunt. Hanc humiditas superuacua: il-*  
*lam frigiditas seu sola, seu cum siccitate aut hu-*  
*miditate coniuncta infirmam reddit. Animalis*  
*facultas triplex est: motrix, sensilis, & princeps.*  
*Rursus sensilis, altera propria, ut uidendi, audie-*  
*di, odorandi, & tangendi: altera communis, ut*  
*uigilandi, dormiendi. Princeps autem triplex: ima-*  
*ginandi seu apprehedendi, cogitandi, ac memoran-*  
*di: harum omnium actiones cerebri affectum te-*  
*ari possunt: maxime motricis actio, ut in quam*



obeundam magna uis à cerebro distribuatur. Siue enim abolitus, siue deprauatus, siue diminutus & languidus corporis motus sit, semper cerebri affectus declaratur. Pari modo si aliarum uirtutum actiones aut omnino perierint, aut deprauate aut diminute sint, suæ originis affectum fatebuntur.

QVONIAM autem hactenus symptomata disputando prosecuti sumus, rursus ad ea, quæ initio proposita sunt, redeamus: unum omnium communem scopum habentes: nempe causæ, à qua hæc omnia fiant, contemplationem: ipsa enim conueniens remedium tibi ostendet: uelut in capitis dolore, si quis cibum fastidiat, & stomachi rofionem sentiat, uomere iussus, uel bilem, uel pituitam, uel utrumq; uomitione eijciet. Nulla uero nota uentris affectum testante, considerandum, num repletio, uel obstructio, uel inflammatio, aliquam capitis partem obsideat: quod inueniemus, primum quidem interrogantes, num dolor in uniuersum caput sparsus sit, an in parte quapiam uehementius insideat. Postea uero, an cum grauitate, distensione, morfu uel pulsu affligat. Si enim cum grauitate urget, multitudinem: cum morfu autem, acrimoniam uel uaporis uel humoris: cum pulsu, inflammationem: cum disten



distentione autem, citra gravitatem quidem, ac pulsum, crudi ac flatulenti spiritus copiam: cum pulsu uero, membranaeae substantiae inflammationem: cum gravitate uero, retentam in membranis multitudinem indicat. His igitur omnibus distinctis, causa, unde singula proficiscuntur, est consideranda. Siquidem illa curandi rationem tibi monstrabit, ut cum uel uaporis uel humoris copia continetur, considerandum est, an ob febris magnitudinem fusi ac uelut feruefacti humores caput subierint, an propter partis imbecillitatem, an totius corporis plenitudinem: hanc etenim facile curaueris, nimirum corporis uniuersi uacuatione. Eam uero quae ob partis fit imbecillitatem, partim quidem reuocando in totum corpus, partim uero affecto loco remedia adhibendo. Reuocamus quidem acribus clysteribus, & uinculis, ac multis infernarum partium frictionibus, sanguinis etiam nonnihil, si ita necessitas urget, detrahendo. Parti autem medemur, interim dum in corpus totum retrahimus, ea capiti inspergentes quae repellendi uim obtinent: deinde uacuant: postea uero roborantes. Repellit quidem oleum omphacinum aut aliquod aliud simile: quale est oxyrrhodinum, & ipsum



ipsum rosaceū per se: & quæ ex papaueris calycibus, ac teneris oleæ termitibus, hederæ corymbis, uiridi mēta, & sisymbrio, temperantur: quibus in crudiore quidem & frigidiore plenitudine tepidis uti licet, frigidis uerò in calidiore, ac biliosiore. Vacuat autem ac digerit oleum calidum solum, præsertim si uel uetus, uel siccyonium sit, aut si anethum in ipso fuerit coctum: hæc enim abunde uacuant humorum plenitudinem, non quidem omnino crassorum ac lentorum: sed & si uel spondylium uel serpillum, oleo incoxeris, uel pulegij comam, uel calaminthæ, aut mentæ, & sisymbrij, crassiores etiam humorem uacuabis. Eadem quoq; robur quoddam partibus inferunt, ac debiles confirmant. His itaq; continenter usq; ad integram curationem est utendum. Et si res postulat, etiam per nares & palatum purgabis, sternutamentaq; ciebis. Quod si ad balnea hominem deduxeris, caput ficcis linteis perfricabis, salemq; & nitrum ac sinapim sine oleo insperges. Hæc quidem sunt dolorum capitis, ex eius partis imbecillitate remedia. Cum uero ex febris magnitudine dolor accidit, remediaq; efflagitat, frigida tum qualitates tum uirtutes, & quæ ex hydrelæo, oxyrrhodino, & papauere



pauers calycibus fiunt perfusiones, auxiliantur.

*Doloris differentie ac qualitates sumuntur à causis, quæ hunc adferunt, & à partium, quibus inest, natura. Afficiuntur autem dolore partes, aut primario, aut partium consensu: uelut si stomachus, aut uenter, aut iecur, aut uniuersum corpus laborat, caput affectus particeps efficitur: quod fit transmissis illuc prauis uel humoribus, uel uaporibus. Generatur autem in stomacho uapores ob caliditatis nativæ penuriam, ac partis imbecillitatem, quæ ex cibo & potu uaporosum ac flatulentum spiritum parit: interonamq; capacitatem implet, ac distendit: distenta uero dolore premitur. Nonnunquam humor uel ibidem genitus, uel aliunde accitus, interdum & cibus illic corruptus dolorem hunc procreat: eodem modo iecur, uena, & uniuersum corpus, cum capite affectum communicant. Ipsum uero caput primario afficitur, ab intemperantia, uel simplici & sine humoris consortio, uel cum humoribus & uaporibus: usq; uel calidis, uel frigidis. Interdum uero à sola plenitudine: nonnunquam etiam ab obstructione, quæ uaporem exspirari prohibet. Ab imbecillitate etiam partis fit, quæ facile humores, uel uapores ab alijs partibus transmissos recipit, uel in se parit. Sepe uero ab aliqua euidente causa, ut frigore, aestu, casu, plaga, & temulentia. Doloris etiam qualitas*



tas deprehenditur, ut dixi, tum ex causa, quæ hunc attulit: tum ex partis, quæ afficitur, natura: si quidem distendit sine ulla uel gravitate, uel pulsatione, à copia sit flatus crudi. Si uero cū distentione adsit gravitas, humor abundare significatur. Si cum distentione pulset, inflammatione membrana tentatur. Si rodere uideatur, acrem mordacemq; hunc humorem esse constat. Si pulset dolor, inflammatio locum occupat arteriosum. His ita explicatis, consideranda causa est, quæ affectum attulit. Hæc enim curandi uiam commonstrat. Interdum enim humor uel acer, uel pituitosus stomachum infestans, cum capite dolorem communicat: præsertim si caput hos prompte recipiat, & stomachus, uel uenter, uel iecur aut generet, aut aliunde recipiat: uel ob sentiendi præstantiam, aut debilitatem facile iniuriam hanc admittat. Ad hunc modum si uniuersum corpus prauis humoribus abundat, caput, præsertim imbecillum, hos præcipue recipit. Cum igitur stomachus, aut uenter humorum uitio ita uexatur, uomitus ciedus est, epota quidē aqua calida, si facile uomant: sin egre, im mittendi in os uel digiti, uel plumæ sunt. Quod si ne sic quidem iuuētur, cibus boni succi stomachoq; utilis, & quo uti eger consueuerit, adhibendus est, ut eo humoris acrimonia mitescat, si quidem in uentris capacitate humor contineatur. Si uero in stomachi tunicis infartus sit, hie-

ra pi



ra picra est purgādus. qui si ob uiscositate[m] aut  
crassitudinem contumax sit expulsiōi, eum a-  
moliemur extenuando quæ crassa sunt, & inci-  
dendo glutinosu[m], ac reserando uias quibus hæc  
exeant. Itaq; aceti mulsi potus, hyssopum, origa-  
num, aliaq; incidentia medicamenta dāda sunt.  
Deinde uomitus raphanide ciendus est, perfusio-  
nibusq; calidioribus, ac cataplasmatibus fouēdus.  
Si uero uel flatuosum spiritum generarit, uel ci-  
bum corruperit caloris penuria, ac partis imbec-  
cillitas, hæc roborare oportebit, contrarijs causæ  
quæ imbecillitatem attulit adhibitis remedijs.  
Nam si calor eam peperit, frigida si frigus, calida  
adhibenda sunt. Atq; ita de reliquis parti-  
bus, quæ affectum cum capite communicant,  
censendum est. Pari modo si corpus uniuersum  
in consensum caput trahat, intemperantiam cor-  
rigemus, aut superantem materiā uacuabimus,  
purgante quidem medicamento, si qualitate pec-  
cet, si uero sola plenitudine, sanguinis detractio-  
ne: quemadmodum & si cum febre unā acceffe-  
rit dolor, presertim si bono habitu sit agrotus,  
& sanguis abundet, aut etiam febris magnitu-  
do urgeat. Capiti quoq; admouenda remedia  
sunt, quæ uapores sursum ferri prohibeant, &  
caput refrigerent, quale hydreleum est, oxyrrho-  
dinum, & decoctum capitum papaueris. Cum  
uero ex sola intemperantia dolor accessit, ei con-  
traria qualitate est succurrendum, si quidem ex  
aestu



æstu contractus sit, primùm refrigerantia ac repellentia adhibenda sunt: ut & intemperantia ad naturalem habitum reuocetur, & uapor qui ui caloris sursum trahitur, arceri possit. Itaq; utiliter caput melino primum oleo, & rosaceo perfunditur, uel lana aut fascia eo imbuta oleo fronti & temporibus admouetur. Postea uero digerentia paulatim miscenda sunt, ut receptus in caput uapor discutiatur. Si uero frigus iniuriam hanc attulerit, eodem modo oleo laurino, irino, alijsq; id genus uti licebit, ut Galenus libro secundo de Compositione medicamentorum κατὰ τὸ πρῶτον docet. At si uel humorum uel uaporum plenitudo dolorem peperit, considerandum est, num hi in capite geniti sint, an aliunde acciti. Qualesq; hi sint, calidè an frigidi. Nam si aliunde acceperint, hoc est uel ex stomacho uel iecore uel uniuerso corpore, curatio qualem modo explicabamus, adhibenda est. Sin ab imbecillitate in capite ipso generentur, curare oportet partim retrahendo in totum corpus, partim hoc uacuando, partim uero capiti remedia adhibendo, quæ quemadmodum fieri debeant, satis explicant ipsius autoris uerba.

DOLORIS autem capitis decretoriam uel sanguinis eruptionem uel uomitionem nuntiantis, curatio uestiganda nō est: utpote qui non symptoma, sed salubre signum potius sit existimandus: quē admo



admodum & alia non pauca, quæ multos quidem antè crīsim terrent, salutem uero promittunt. Optimum autem est posse dignoscere corpus à natura perturbari, tum alias excretiones, tum maxime uomitum, ac sanguinis eruptionem moliente: quorum inseparabilis nota est capitis dolor. De omnibus autem in alio opere fusius tractatur. Quantum uero ad præsentem cognitionem attinet, primum seruantes institutum, de ipsis aliquid breuiter dicemus.

*Morbi mutantur & in melius, & in deterius: idq; uel paulatim, uel subito. Paulatim quidem in melius, sensim decrescendo: in deterius uero, morbo paulatim in deterius crescendo: Subito uero, uel cum abscessu, uel transitu in alium mitiorem morbum, uel cum insigni excretionē. Vbi enim morbus magnus est, & uires imbecille, natura aut omnino non pugnat: aut si ad pugnam paululum surgat, statim succumbit. ubi uero ea superior est, morbi materiam uel paulatim concoquit, paulatimq; expellit: uel totam concoquit, ac simul excernere tentat. Atq; hanc morbi mutationem crīsin appellare solent: quæ morbum finit uomitu, alui fluxione, sudoribus, urinis, sanguinis è naribus profusione, hæmorrhoidibus, muliebri profluuio, parotidibus, & alijs abscessibus: quæ in quibus accidere solent, mox*  
docebi



docebitur. Has autem excretiones præcedit magna corporis perturbatio, nempe delirium, spirandi difficultas, caligo oculorum, splendores ob oculos uersantes, lacryma inuoluntaria, temporum grauitas, ceruicis & capitis dolor, anticipatio, longitudo, & uehemētia accessionis, somnus grauis, stomachi dolor, tremor, ac contractio inferioris labri, æstus uehemens, appetentia frigida, & alia id genus: quæ si suo tempore accendant, sanitatem pollicentur: si intempestiue, periculum minantur: atq; eò quidem maius, quò longius à statu acciderint, quoq; maiora cruditatis signa apparuerint. Fiunt autem, aut natura paratum humorem ad excretionem propellente, aut humore nondum ad excretionem parato, sua uel mole uel mala qualitate naturam irritante. Itaq; in hac corporis perturbatione optimum est dignoscere, an natura excretionem moliatur concocti iam humoris, an humor ipse naturam iritet.

PRIMUM igitur considerandum febrium genus est: an calidæ sint, ac arden-  
tes. Solent enim hæ excretionē iudicari: quemadmodum mitiores & uelut languētes diutius durant, ac in abscessum plerumque finiuntur. Deinde uero an morbus salutaris sit: nam quis bonam crisin in pernicioso morbo sperauerit? Adhæc, uniuer-  
si morbi tempus notare oportet. Nam si  
prin



principij uel incrementi, nondum uero status, aut coctionis notę apparuerint, per urinas aut sputum aut abscessum bona crisis fieri non potest. Hęc quidem sunt, ex quibus morbum per excretionem iudicatum iri sperare possis. Iam uero eius, quod adest, nec iam futurum est, hęc sunt notę. In tolerando difficultas uniuersam crisis antecedit: noctu quidem, si interdiu morbus iudicari debet: interdiu uero, si noctu.

Primum igitur consideranda febrium differentia est, calidę ne sint ac urentes, an molles & languidę. Hęc enim tardę sunt, & in abscessu fini solent: illę breues ac excretionem iudicari. Deinde an morbus salutaris sit, an letalis, quod ex eius specie, magnitudine, motu, moribus, anni tempore, egrotantis natura, & uiribus, dignoscere licet. Morbi species ex proprijs notis habetur. Magnitudo ex priorum accidentium multitudine, ac uehementia: motus ex accessionis, ac totius morbi partibus. Mores ex superuenientibus accidentibus, quę uel cum crisi inuadunt, uel hanc paululum antecedunt. Nonnullę enim febres toto genere salubres sunt, ut tertianę: alię perniciosę, ut pestilentes: quędam uero ambigunt, ut continuę. quarum quę salubres sint, quęq; insalubres, cum ex alijs, tum maxime ex signis coctionis & cruditatis deprehendes. Co-

Etia



Etio enim semper salutem promittit, cruditas uero uel morbi longitudinem uel perniciem. Quod si præter signa coctionis, ager fortem habeat animum, bene se gerat ad ea quæ offeruntur, facile spiret, faciem sanis similem habeat, deceter accubet, equaliter toto corpore calidus sit, & pulsus boni sint, manifestum est morbum esse salubrem. Contra uero, insalubrem, si cum cruditate contraria his signa apparuerint. Coctionis & cruditatis signa in urinis, alui excrementis, & sputis deprehenduntur. Reliqua salutis & mortis signa, & in toto corpore apparent, & cum excrementis alui, sputis & urinis excernuntur: de quibus abunde Hippocrates in Prognosticis. Morbi magnitudo (quam ex accidentium multitudine, & uehementia metimur) & eius longitudo, cum egrotantis uiribus conferenda sunt. Nam nisi quantus morbus sit, quandiu duraturus, & quantæ uires sint, noueris, morbi exitus, qualis futurus sit, præsentiri non poterit. Quemadmodum nec sciri, an ad portandum onus quis sufficiat, nisi perspectum sit, quam graue illud sit, quanta uia ad quam ferri debet, & quantæ uires portantis. Nam respondent agri uires, portanti onus: morbus, oneri: morbi tempus, uiae longitudini. Igitur si morbus uehemens non sit, nec longus, agerq; uirium robore polleat, salutem expectare oportet. Sin uehemens, & longus sit, egrotantisq; uires imbecillæ, mortem. Si autem



tem morbi accessio omnia sua tempora, hoc est principium, incrementum, statum, & declinationem, celeriter percurrat, salutem: sin tarde, mortem potius indicat. Mores morbi superuentia ostendunt accidentia. Quæ si tempestiue ueniant, bona: sin intempestiue, mala sunt. Tempestiue ueniunt in statu & apparentibus concoctionis notis, intempestiue in principio & incremento. Atq; ut semel dicam, quò longius à statu & signis concoctionis apparuerint, eo perniciosiora sunt, & deteriorem crisin faciunt: quando à praua humoris qualitate, aut copia naturam stimulante fiunt. Vbi uero natura malum humorem à bono secernit, & ad excretionē parat, corpus uehementer perturbatur, quod paulo ante crisin fit. Itaq; mirum non est, si noctu, dum interdiu: & interdiu, dum noctu morbus iudicari debet, maxime corpus perturbetur.

IGITUR si quid eiusmodi conspexeris, uidendum est, quotus egritudinis dies sit. Nam sunt qui uel paruo naturæ impulsu decernere idonei sunt. Sed multi ne in uehementibus quidem cōmotionibus dignoscere omnino possunt, an perturbationis magnitudo pro die in natura sit. Septimus enim uel exiguo naturæ instructu crisin per uacuationem mouet. Sextus uero magno naturæ conatu eget, atque raro quidem decernit. Quòd si decernat, id cum



id cum periculo & sine fide fit. Ad eundem modum aliorum etiam dierum singulis propria quedam natura inest: quam in libris de diebus decretorijs explicauimus.

Experientia comprobatum est, non omnibus diebus eodem modo morbos iudicari. Sunt enim qui uel exiguo naturæ apparatu decernere queant, qualis est septimus: alij contrà, magno naturæ conatu ad iudicandum egeant: in quo genere est sextus: idq; uel cælo, uel naturæ, uel morbi motui acceptum ferendum est. Constat enim solis & lunæ beneficio annum constitui: eundemq; in menses, & hos in septimanas digeri, planetasq; omnes alijs temporibus cū alijs zodiaci partibus ferri: proindeq; uarias aeris constitutiones accidere: unde sit ut res aliæ alijs temporibus nascantur, augeantur, & uigeant: ut post docebitur. Experientia quoq; probatum est, aliam esse aeris conditionē hyeme, quàm æstate autūno, quàm uere: sub Canē & ante Canē, quàm Vergiliarum & aliorum syderum ortu & occasu. Nec id aliunde quidem, quàm à cælo proficisci ab omnibus iam receptum est. Hac enim ratione mundus hic inferior cælestibus orbibus, ut Aristoteles libro Meteorologicorum primo docet, continuatur, & iunctus est, quo nū ab eo accipiat. Cum enim sine quatuor elementorum, quæ orbis hic complectitur, mixtione nihil generari possit.



gni possit, ea autem suapte natura misceri non possint, ut quæ sibi maxime sint contraria, opus fuit aliena ope, ad hanc mixturam. Cæterum cum perpetuò fiât generationes, id quod miscet, æternum esse debuit, atq; infatigabile. nihil autem tale hoc in orbe inueniri potest. igitur à cælestibus corporibus, quæ æterna sunt atq; infatigabilia, confundi elementa temperariq; necesse est, ex quibus omnia generantur. Miscentur autem hæc orbium cælestium motu, accessu ad nos & recessu planetarum, eorumq; & aliorum syderum calore, & splendore, radiorumq; strepitu. Cælum enim non solum ignem suo rotatu, uerumetiam aërem mouet, quod testantur comete, qui per aërē feruntur. Hæc autē elementa sic agitata, ob substantiæ suæ raritatē ac tenuitatē commisceri, ea maxime parte, qua se contingūt, uerisimile est. Solares autem radij aërem commouent, autore Aristotele problemate trigesimo tertio sectiōis undecimæ. quod & sensu deprehendere licet, cum sol per corpora pellucida radios suos in locum umbrōsum omninoq; tranquilum eiacularur. In his enim radijs conspiciuntur minuta corpuscula uelut atoma, sursum ac deorsum, dextrorsum ac lauersum discursantia. Quod certe non fieret, nisi agitato à radijs aëre. Aër porrò & ignis commisti, in terram emissorum radiorum & splendoris ui feruntur. Radij enim ob subtilitatem corpora etiam densa



sa ac compacta penetrant, ac secum aërem, & ignem rapiunt. Aqua uero cum terra facile ob uicinitatem miscetur: sed cum non sit hæc ubiq; mari, fluminibus, & alijs aquis uicina, aliunde habet humorem, eumq; cælesti etiam beneficio. Solis enim, & aliorum aëstrorum calor, uaporem ex humidioribus locis in sublime trahit: qui in uarijs aëris locis in uarias concrescit formas: nempe in rorem, imbres, niuem, ac grandinem: quæ tandem sua mole in terram relabuntur, quam & irrigant. Constat igitur cælesti motu, radiorum strepitu, calore ac splendore, elementa commisceri: quæ commista, tellus uelut substratum recipit, non secus, ac panis uinum, aut alium liquorem, unde omnia, ut modo dicebamus, generantur. Quod poëtico figmento Virgilius in secundo Georgicon ad hunc modum expressit: Tum pater omnipotens fecundis imbrisbus Aether Coniugis in gremium latæ descendit, & omnes Magnus alit magno commistus corpore fetus. Aether, ignis & aër est, ut Seruius interpretatur, is cum imbris descendit in gremium coniugis, nempe terræ, in qua multiplices uarij q; fetus gignuntur, & aluntur. Cæterum cum sola elementorum mixtio, ad generationem non sufficiat (miscere enim unusquisq; potest, sed non generare, rebusq; uitam infundere) cælestis calor tanquam naturæ diuinæ primarium instrumentum, res uarias pro uarijs elementorum mixtu



mixturis generat. Quemadmodum enim cor,  
 per spiritum vitalem omnibus corporis parti-  
 bus calorem suggerit: sic sol, & alia astra, per  
 radios feruorem rebus immittunt. Atq; quem-  
 admodum natiuus calor, diuersis membris di-  
 uersas naturas, atq; facultates inserit, dum in  
 utero fetus for: natur: sic cœlestis calor, alias for-  
 mas rebus alijs ~~pro~~ uaria elementorum crasi in **pro.**  
 generat. ut igitur diuersis membris propriam te-  
 peraturam ex elementorum mistione sortitis na-  
 tiuus, sic rebus hoc in orbe contentis cœlestis ca-  
 lor communis est. Qui cum omnibus insit, tum  
 maxime soli & lunæ: illi tanquam regi, ut Ga-  
 lenus ait, huic tãquam solis uicariæ. Cum igitur  
 Sol omnis luminis fons sit, ab eo non solum luna,  
 uerumetiam reliqua astra lumen mutuuntur,  
 proindeq; uarijs luminum & calorum mistioni-  
 bus uarie afficimur. Quemadmodum enim par-  
 tes diuersæ a corde calorem mutuatur suã quæq;  
 habent agendi facultatem: iecur, exempli gra-  
 tia, sanguinis, uenter succi efficiendi: sic uaria cœ-  
 li sydera lumen à sole mutuata uarie hunc infe-  
 riorem orbem immutant. atq; ut semel dicam,  
 planetæ, ac alia sydera se mutuo afficiunt, cum  
 cœunt, uel se certis interuallis contuentur. Vnde  
 hunc orbem uarie mutant: quod munus ma-  
 xime Lunæ, ut Solis uicariæ, delegatum est. Nã  
 cum ea sit planetarum omnium infima, terræq;  
 finitima, eorumq; omnium, radijs subiecta, ce-



lerrimeq; orbem suum percurrat, breui tempore cum multis syderibus coit, eorumq; vires recipit, quas nobis refundit. Quare nō immerito his inferioribus regendis destinata est. Vt igitur uenter & iecur, aliæq; corporis partes, quo plus natiui caloris habent, eo melius naturæ munus obcunt: sic Luna quo plenior fuerit lumine, eo potētius hunc orbem immutat. Ipsa enim suapte natura opaca est, sed suo ad Solem accessu ac ab eo recessu, nunc tota lucet, nunc dimidiata, nunc corniculata, nunc uero tumentior ac uelut incurua apparet. Sol igitur & Luna, (nam de his præcipua est nostra disputatio) cum uarijs astris uarios habent affectus. mores enim planetarū, & stellarum, cum quibus congregiuntur, patiuntur. Nihil igitur mirum est, si uarijs temporibus res uariæ generentur. Dum enim Sol in Ariete est, pullulant, uirescunt, ac florent herbe: eadem arescunt, dum Sol in Libram remeat. Ad uitæ autem tutelam cor tanquam rex uniuerso corpori præficitur: cui subseruiunt uenter, iecur, & aliæ id genus partes. Quarum ut non idem est officium, sic neq; Solis, Lunæ, & aliorum astrorum. Solaris enim feruor rebus difficilioris transformationis præest. Luna uero, ob splendoris calorisq; exiguitatem, res facilioris mutationis moderatur. Sol uero exiccat, ac absument humorem. Quomodo calor qui præter naturam est, natiuum corrumpit, natiuamq; corporis humiditatem absumit.



sumit. Exiguus uero excitat in corpore flatus,  
naturalis uero ac temperatus maturat & con-  
coquit. Luna igitur, ut cui exigua insit calfacien-  
di uirtus, corporis humores excitat, non quidem  
omnes, sed qui sua natura facile moueantur.  
Igitur in acutis morbis imperium potius ob-  
tinet, quod scilicet leui occasione moueantur,  
idq; intuitu uel aduerso ei loco, in quo egrotare  
eger cœpit, uel utriq; quadrangulo dextro uel  
sinistro, uel quadranguli medio. Cum enim Lu-  
na signum in quo ipsa incipiente morbo erat, ex  
aduerso contuetur, tum radijs, tum qualitati-  
bus pugnat: radijs quidem ualidius, qualitati-  
bus impotentius: magno enim radiorum agmine  
certat, qualitatibus uero ferè semper patietibus.  
Eadem in quadrangulis lucta fit, sed qualitatibus  
uehementior: aut enim utraq; aut agentium op-  
positione in hoc schematismo pugnatur: radiorum  
uero discordia minor est, ut qui minori copia  
quàm in opposito aspectu, in signum quo mor-  
bus cœpit, ferantur. Hac ratione languidissime  
quadrangulorum media luctantur: quoniam  
paucissimis radijs in sese illidunt: maximeq; duo  
propinquiora utrinq; altera pluribus, sed tamè  
paucioribus quàm in opposito aspectu: utraq; ue-  
ro una tantum oppositione, eaq; ut plurimum  
patientium qualitate. Simile quidpiam accidit  
cum Luna Solem intuetur. Nam ex diametro  
opposita plena est, ex tetragono semiplena, ex te-



tragonorum primorum medijs corniculata, ex aliorum medijs incurua est. Ex his liquet, quadrangulis, quantum ex se est, maximam vim inesse: præsertim cum utraq; qualitatum oppositione pugnant. Sed horum primo, qui septimo die à morbi principio fit, maxime: deinde secundo, qui decimoquarto: postea uero tertio, qui uicesimo, morbi mutationem accipiunt: idq; non tam eorum quàm morbi proprietate, & uirium corporis robore. Nam morbi qui primo quadrangulo finiuntur, quàm qui secundo, & tertio, celerius mouentur, & natura ualentior est. Quadrangulorum media, quæ septimanæ medio, hoc est, quarto eius die fiunt, immutandi quidem vim, sed longe quàm quadrangulorum, minorem possident. Non enim indicare morbum possunt, nisi cum acutissimus est, aut morbus coctus, & facillime mouetur: sed tamen prænuntiant. Itaq; septimus dies omnium fortissimus est, quæ quartus prænuntiat. Deinde quartusdecimus, cuius undecimus est index. Postea uero uicesimus, quæ indicat decimusseptimus. Primam enim septimanam quartus dies in duo æqua partitur: Secundam undecimus: Tertiam decimusseptimus: & reliqui pari modo. Porro autem uicesimus, quàm primus & uicesimus potius decernit: quod qui ad hunc diem perueniunt morbi, diuturnorum naturam sortiuntur: qui paribus diebus indicari solent. Præterea septimana non integros



gros septē dies cōplectitur. Luna enim totū per-  
 currit zodiacū diebus uiceni septenis & triēte.  
 At quoniā non semper nobis equali dierum nu-  
 mero Luna conspicua est (sepe enim triduo, ali-  
 quando minori spatio cum sole delitescit) neq;  
 semper ex equali dierum numero mensis illumi-  
 nationis constabit: sed magna ex parte XXVII.  
 uel XXVI. cum semisse pro Luna mora cum Sole  
 & celeriore uel tardiore eius ad Solem reditu.  
 Aliquando enim diebus XXX. aliquando XXIX.  
 cum semisse ad eum remeat. Si igitur occultat-  
 ionis tempus, quod ferē est trium dierum, ex tri-  
 cenis dempseris, dies septem & uiginti: si ex ui-  
 cenis nouenis cum semisse, dies sex & uiginti cū  
 semisse remanent: quod tempus mensem illumi-  
 nationis uocant: quod scilicet Luna tunc mani-  
 feste nobis illucescat. Vterq; mensis suas uires ob-  
 tinet: illuminationis quidem communes. Aërem  
 enim nos ambientem immutat, proinde omni-  
 bus hominibus, tā sanis quā aegris, eūdem esse  
 effectum, ut Galenus ait, ex aquo præbet: sed maio-  
 rem quidem, cum Luna plena est: minorem, cū  
 bipartita & cū tumet incuruaq; est: Obscuris-  
 simū, dū corniculata est, falcisq; habet imaginē.  
 Plena enim celerrime mouet, ac uehementissi-  
 me: propter luminis multitudinem, ut modo di-  
 cebamus. Verum breuis est mutatio, quia celerri-  
 me Luna decrescit. Cum uero delitescit cum So-  
 le, diuturnas habet mutationes, quia id tempus



longum est. Cæterum primum illuminationis tēpus occultationi est simile, o<sup>1</sup> id quod Luna aparentis portio exigua sit, & lumen obscurum, & breui tempore super terram feratur. Mouet enim tunc non splendoris vi, sed accidente quodam dum coit cum Sole, non aliter quàm Sol ipse dum deliquium patitur. Simile enim quidpiam corpori nostro accidit, dum vis animalis è cerebro in ipsum ferri corpus prohibetur: ut in apoplexia. Cum uero Luna bipartita est, obscurare quidem immutat, sed minus quàm cum falsis habet imaginem. In illa enim plus est luminis: in hac minus. In utraq; eadem mutationis celeritas. Alter mensis, quem reuolutionis uocant, septenarijs maxime, deinde quaternarijs mouet, hoc est cū Luna ex opposito, quadrangulo uel quadranguli medio locum inspicit: à quo, cū morbus cœpit, egressa est. Itaq; duplici nomine Luna in morbis, præcipue acutis, imperium habet: nempe lumine, & configurationibus. Sed quoniam secundum horum mensium neutrum, dies decretorij supputari possunt, alius mensis designandus est. Mensis enim reuolutionis ex septem & uiginti diebus tricenteq; constat. Ideo singule eius septimanæ senos dies & horas uices nas complectuntur: duæ uero, dies tredecim cum<sup>1</sup> se: tres, uiginti cum semisse, qui numerus nō magis ad uicesimum quàm uicesimum primum referri potest. Mensis uero illuminationis fere septem



ptem & uiginti dies cōtinēt, aut, ut dictum est, sex, & uiginti cum semisse: itaq; singula eius septimane secundum priorem positionem senos dies, horas uero denas senas habēt. Duæ autem septimane, dies tredecim cum semisse. Tres uero continent dies uiginti & sextantem. Secundum uero aliam positionem mensis hic sex & uiginti dies cum semisse: singula septimane senos dies, horas uero denas quinas: duæ septimane dies tredecim cum quadrante. Tres, diebus nouendecim, & horis quindecim perficiuntur. Itaq; quemadmodum prioris mensis tres septimane dies plus uiginti possident: sic huius, duæ septimane quatuordecim dies non integre continent. Quare, ut modo dicebamus, neuter horū mensium criticis septimanis designari potest. Si igitur (ut Galeno placet tertio de diebus criticis) hi duo menses copulentur, deinde in duo æqua diuidantur, nascetur mensis quem & medium & criticum uocant: utriusq; parentis, nēpe illuminationis, & reuolutionis mensis facultates sortitus, nimirum illustrationis & configurationis. Coniuncti igitur hi duo menses secundum posteriorem mensis illuminationis positionem, dies pariunt tres & quinquaginta cum uiginti horis, quem numerum si in duo partiatis, mens sem medium constitues ex sex & uiginti diebus cum horis duabus & uiginti. Ex quo mense fiūt quatuor septimane: singule senum dierum cum  
alte



alterius diei media parte sexta uicesima quarta, & quadragesima octaua, hoc est. singula senos dies continent cum horis septemdecim & semisse. Quæ cum ita se habeant, duæ septimanae dies tredecim cum horis undecim continent: tres uero, uiginti dies cum alterius diei sexta sexagesima ducētesima quadragesima parte, quæ quatuor horas & semissem complectuntur. Secundum uero priorem mensis illuminationis positionem, supra commemorati menses coniuncti, pariunt dies quatuor & quinquaginta, cū triente. diuisi in duo æqua mensem medium constituent dierum septem & uiginti, & horarū nouem. Siue igitur secundum priorem, siue posteriorem mensis illustrationis positionem constitutur mensis medius, uicesimus dies decretorius habendus est, ut ex antè dictis constat. Atq; hæc quidem medico de celesti potētia satis sint. si quis autem exactius nosse cupiat, ex Astrologia petat. De naturæ autē motu superest, ut descriamus. Ea autem ex se ordinata est: definitos enim, ut Galenus ait, & certos motus habet, proportionēsq; ac circuitus, ut in bene integreq; ualentibus uidere est, in quibus ea certis temporibus assuetum cibum concoquit, & excrementa expellit. Pari modo in morbis salubribus certo tempore materiam delinquentem concoquit, & excernit. Cum igitur natura ualet, & morbi materia contumax non est, certis diebus morbi  
indica



iudicare solet, nunc tēpestinius, nunc serius, pro hu-  
 moris cōditione. acutos enim morbos citius, diu-  
 turnos tardius indicat: atq; hos paribus, illos im-  
 paribus diebus. Alij enim humores alios motus  
 habēt. si qdē biliosus est, alternis diebus, sin pitui-  
 tosus, quotidie. Si uero melācholicus est, quarto  
 quoq; die naturam laceßit, ut prius ostensum  
 est. Quod si natura a morbo superetur, certos  
 motus ac circuitus non habet. Sed ea aut inua-  
 denti morbo nō resistit: aut si resistit, postea suc-  
 cumbit, incerto quidē tēpore, unde fit ut mori cō-  
 tingat in morbi principio, incremento, & statu.  
 tantum uero in statu aut paulo ante statum sa-  
 lubris crisis fit. Victrix enim natura ita mate-  
 riam moderatur, ut non nisi statis temporibus  
 expellat. Itaq; morbos acutos natura indicare  
 tentat tertio, quinto, septimo, & alijs diebus im-  
 paribus, prout materia ad expulsionem parata  
 est, nisi aliunde impulsā sit (quarto enim & deci-  
 mo quarto die a cœli ui mota iudicare solet.)  
 Nam si bene instituta est, & morbo superior, nō  
 antē excretionem molitur, quā materia conco-  
 cta sit. Quod si uis cœli unā concurrat, & co-  
 ctionis notæ appareant, expectanda est crisis sa-  
 luberrima. Contrā, si neq; natura ex se, neq; ui  
 cœli mouente, neq; coctionis signis apparentibus  
 ad iudicium morbus incitatur, nō sine periculo  
 iudicabitur. unde decernentium dierum poten-  
 tissimus est septimus, ut in quo tum natura, tum  
 cœlum



cælum morbum moveat. Contrà periculosissimus sextus, ut in quo horum neutrum adsit. Decimus quartus septimi naturam proxime imitatur, quia cælum potenter movet, ut prius ostendimus. Luna enim ex aduerso locum, in quo cæpit morbus, intuetur. Undecimus & uicesimus septimum sequuntur: hic, quod tertiæ septimanae finis sit: ille, quod & impar sit, & secundi septenarii medius. Inter periculosos autem sextus primas obtinet, deinde octauus, decimus & decimus sextus. neq; enim naturæ, neque morbi motum experiuntur, neq; cæli potentiam. Ex his quidem reliquos dies, quales sint, facile iudicabis.

A G E D V M perturbationis magnitudini dies respondeat: postea considerato, qualis futura crisis sit. de alijs quidem nunc disputare necesse non est. An uero uomitus futurus sit, uel sanguis per nares fluxurus (in eiusmodi enim crisis signum unum esse dicebamus, nempe capitis dolorem) ex ijs maxime depræhendere licet: in primis quidem, si ab initio statim non inuasit dolor, tanquam morbi symptoma quoddam, sed in perturbatione crisi præcedente. Deinde, si condolescat collum, & hypochondrium retrahatur, spirandiq; difficultas quædam repentina uelut pressus thorace suboriatur. Si enim omnibus  
his in



his incidentibus repēte pulsus turgescāt,  
 nec in paruitatem recidant, nec debiles  
 fiant, iam iam crisis est expectanda. Si ue-  
 ro præterquàm quòd non concidunt, etiā  
 in altum atollantur, uehementioresq; red-  
 dantur, iam inspicienda ægrotantis facies  
 est, in qua si pars aliqua præcipitet, aut tem-  
 porum uenæ micent, aut mala, aut naris,  
 aut oculus rubicūdius appareat, crisis habē-  
 dæ maior spes est. Quòd si inuiti illacry-  
 ment, aut splendores se cernere sibi uideā-  
 tur, ac manus uelut scabentes naribus ad-  
 moueant, tunc iam non adfore, sed adesse  
 sanguinis fluxionem conspicias. Statim  
 enim semel ac iterum scabentibus sanguis  
 erumpit. In his uero ne perterrearis, etiā  
 si delirare ac subfilire hominem uideas.  
 Hæc enim sunt humorum sursum tenden-  
 tium indicia. Quemadmodum & spirandi  
 difficultas, & hypochondria retracta, col-  
 lumq; unà cum capite degrauatum. sed &  
 cum his delirium signum quoddā sit. At-  
 que hæc quidem signa sufficiant. Sæpe ue-  
 ro & cum his accedit ægrotantis ætas, &  
 natura quæ spem confirmat, præterea an-  
 ni tempus, & præsens aëris constitutio.  
 Nam si æger adolescens est, aut alioqui ca-  
 lidæ naturæ, aut copiosi sanguinis, maior  
 spes fuerit. Quòd si prius eidem aut ægro  
 tanti



tanti aut sano sæpe sanguis per nares effluxerit, uel hoc solum satis fuerit ad sanguinis profusionis spem habendam. At si anni tempus æstas est, aut si æstas non est, sed aëris præsens constitutio calida, nonne ex his indicium aliquod defumes? Iam uero si & multi eo tempore per sanguinis profusionem crisin habuerint, præterea sanguine corpus redundet, & solite excretiones supprimantur, hæc quoque spem tibi auxerint. Mihi quidem neque omnino difficile uidetur, futuram sanguinis eruptionem posse præsciri, ubi tot ac talia signa habeas. Absurda uero res est ac magna imperitia, id non prænosse. Sed sunt qui medicorum huius tempestatis culpa ac incuria, ea demirentur, quæ admiratione digna non sunt. Siue enim ex læua, siue dextra nare sanguis fluxurus sit, ex iam dictis haud difficulter præsenties. Verum medicorum non pauci non solum id difficile esse, sed omnino sciri non posse arbitrantur: tamen si tum hæc, tum aliæ omnes excretiones præuideri possint, si duo hæc consideraueris, nempe unde naturæ impetus fiat, & in quam partem uergat. Quæ si noris, defectum supplebis, & immoderatum motum inhibebis, uelut exempli gratia, Magna cucurbita sinistro hypochondrio admota



mota ex liene: dextro uero, ex iecore profluentem sanguinem facile retrahet. eadē quoq; in alijs partibus habenda est ratio. Nam ex uno de omnibus idem colligere licet, si uniuersale contempleris. Quocirca hoc loco præsentī libro finem imponā. Deinceps uero de febribus, quas phlegmonæ, id est inflammationes accendunt, atq; de alijs affectibus, qui in singulis corporis partibus cōsistunt, differam. Phlegmone autem quasi phlogoses à ueteribus dicebantur. A recentioribus uero non omnes. Neq; enim herpes, neq; erysipelas, neq; id genus aliud inflammationibus annumerantur: sed ex calidis affectibus unitantum, cuius durus tumor & dolor pulsatilis comes est, hoc nomen tribuunt: tãetsi non talem solum, sed simpliciter omnes calidos, ac uelut feruidos affectus, febres, ac dolores sequi uidemus. De his igitur atq; alijs id genus morbis deinceps differemus.

*Crisis cum excretionē uel sine ea, sed cū abscessu fit. Excretio uero per uomitum, alui fluxionem, sudores, aut alias uacuationes, ut paulo antè docuimus, quarum alias aliæ antecedunt perturbationes. Vomitus enim cordis morsus, & stomachi fastidium, quæ biliosus & mordax humor in uentrem collectus adfert, capitis dolor*  
p      mordax,



mordax, uertigo, hallucinatio, tenebræ oculis ob  
orte, & alia id genus, quæ per latis sursum uapo  
ribus fiunt, uomitum hunc præcedunt: pari ra  
tione si inferius labrum palpitat, & tenue spū  
tum defluit. Fluxurum è naribus sanguinem o  
stendunt, præcordiorum distentio sine dolore, spi  
randi difficultas, & capitis dolor grauis, disten  
dens & calidus. hæ enim sunt sanguinis sursum  
per thoracem ascendentis notæ. Sudores præce  
dit rigor cum suppressione alui & urinarū. Hæ  
morrhoides uero fluunt, si solitæ sint euenire, nec  
aliarum uacuationum notæ appareant. Menses  
uero prænuntiant lumborum grauitas, disten  
tio & dolor. Alui excrementa expectantur, si cū  
criticis signis non adsint uomitus, fluxio sangui  
nis, & sudorum signa. Quemadmodum urinae si  
alius astricta sit, nec appareant uomitus, pro  
fluuium sanguinis, & sudoris notæ. Abscessus ue  
ro per longas febres, in articulis fiunt: in pulmo  
nis morbis, si quidem male per sputum, aut al  
uum repurgentur, circa aures. hos autem grauis  
somnia, surditas repentina, & dolor capitis an  
tecedunt. Hæc autem omnia præuidere poteris,  
si unde nature impetus fiat, & in quam partem  
uergat, consideraueris. Semper enim à morbi lo  
co per directum natura mouere debet: hoc est, eo  
dem modo, quo se uenarum & arteriarum stas  
mina, ac uniuersum corpus habent. Itaque rite in  
febris ardentibus excretio sit per fluxionem  
sanguis



sanguinis è naribus, sudores, uomitum, alui deiectionem, & urinas. In tertiana per uomitum, sudores, & alui excrementa biliosa: quemadmodum per pituitosa in quotidiana. In phrenitide manat sanguis è naribus, sudor è capite ac toto interdum corpore erumpit. In lienis inflammatione profluit sanguis è nare sinistra: in iecoris, ex dextra, & in reliquis partibus similiter per directum, ut dictum est. Exemplaria typis excusa habent, μετ' ὀδύματος  
 ἡγεὶ ὀδύνης φλεγμάτων  
 ὄντος, legendum est  
 σφρυγμάτων  
 ὄντος.

\*

FINIS PRIMI  
 LIBRI.

\*

P 2 CL.



## CL. GALENI

DE RATIONE

CVRANDI

AD

\*

GLAUCONEM

LIBER SE-

CVNDVS.

\*



E singularum autem corporis partium affectibus Glauco deinceps differemus, ab inflammatione exorsi: ut quæ & frequentissime incidat, & plurimas habeat differentias. Quibus omnibus febres accedere solent. Itaque omnium communis est immoderatus calor, ac uelut phlogosis, id est inflammatio. Vnde & ipsis phlegmones nomen ueteres indidere. Harum autem cuiq; sua inest differētia, ex qua eius tum species cognoscitur, tum idoneum remedium suppeditatur. Aliam enim herpes, aliam erysipelata, aliam phygethla, & aliam aliæ inflammationum species curationem efflagitant. Quocir



Quocirca hic quoq; dignoscendorum recte affectuum facultas rursus antecedit. Atq; hoc primum tibi scribere conabor, ubi omnium inflammationum differentias ab initio distincte constituero.

**C**ORPORIS partes alie eiusdem rationis sunt, quorumque Græci vocant, nos similes dicamus: alie instrumentales sunt. illarum affectus in intemperantijs, harum uero in figura, numero, quantitate, & positu uitiatis consistunt: utrarumq; communis est unitatis solutio. De cuius & aliorum omnium differentijs in libro de Differentijs morborum abunde Gale. disputat. nonnunquam uero ex his plures, nonnunquam omnes eiusmodi affectuum differentie eandem partem occupant. In inflammatione, uerbi gratia, intemperies est calida, & figura magnitudoq; uitiata: in abscessu cum inflammatione, intemperantia, figura uitiata, & solutio unitatis. Hi quidem affectus parti insunt, ut instrumento. Intemperantia uero, ut similari. Horum igitur morborum præcipue quidem ex humoribus uel flatibus originem ducentium, curationem suscipit Galenus: qui omnibus corporis partibus sunt communes: quales sunt tumores, abscessus, scirrhi, & quæ inflammationes sequuntur gangræne. Eiusmodi enim uitia alia ex alio humore contrahuntur. Siquidem boni sanguinis, & mediocris defluctio, eam inflammationis specie

p 3 parit,



parit, quæ totius generis nomen adoptans, inflammatio dicitur: feruidi substantiaq; tenuissimi erysipelas: craffi ac calidi carbonem. Bilis uero flauæ herpeta: tenuis pituita œdema. Eadem in reliquis ratio, de quibus mox disseretur, ac primum de inflammatione, ut quæ & frequenter incidat, ob humoris copiam: & plures habeat quàm alij tumores, differentias: nempe inflammationem speciatim usurpatam, erysipelas, herpetem, & carbunculum, quas omnes inflammationes, si quidem magnæ sint, uel locum principem, uel cordi uicinum occuparint, febris comitatur: & alia grauissima symptomata: parua enim, & quæ longe à corde distant, solum eam quam obsident, partem accendunt, nec calorem cum corde communicant. Cæterum ut inflammationes aliæ alijs sunt uehementiores, sic quæ ab his nascuntur febres, aliæ alijs sunt periculosiores. Carbo enim periculosam, inflammatio mitem, sed tamen magnam, erysipelas & herpes uehementem quidem, sed minus quàm carbo periculosam febrem gignit. Sua autem cuiq; harum inest differentia, ex qua & eius species cognoscitur, & idoneum remedium suppeditatur, cuius initiū ex affectus natura sumitur. Si quidem absurdum sit, ut Galenus ait, aliud esse quod curandi rationem præscribat, aliud quod curetur: etenim indicare de se quicquam magis potest quàm de alio. Cum igitur inter se eiusmodi in



di inflammationes differant, earum curandarum non eadem erit ratio: sed aliam herpes, aliam erysipelata, aliam phlygethla, aliam alia inflammationum differentia efflagitant, ut in sequentibus docebitur. Hinc fit ut dignoscendorum recte affectuum facultas, curandi rationem anteccedat. Qui enim fieri potest, ut ignorato affectu, recte quis remedia instituat? Post constitutas igitur inflammationum differentias, antequam curationem molitur Galenus, rationem dignoscendorum affectuum conscribit.

PRIMA itaq; inflammationis differentia est, qua in humidam & siccam distinguitur. Humidam quidem quæ ex calida defluxione partem obsidente fit: Siccam uero, in qua citra ullum defluuium natiuus calor acceditur. Hoc autem quadamtenus uelut febris partis ipsius est: quæ cum ad immoderatam iam caliditatem & siccitatem peruénit, extinguatur omnino ac emoritur. Quocirca neq; in plura potest diuidi, quemadmodum altera differentia: quæ, uti dicebamus, ex humorum defluxu in partem aliquam fit. Eius enim multæ sunt species: una ex sanguinis, altera ex bilis, tertia ex utriusq; simul defluxione. Atque etiam in harum singulis, aut iam computruit quod defluit, aut putrescit in parte infartum: idq; uel substantia crassum est,

p 4 uel



uel tenue, uel suaue, uel acre.

Inflammatiō in duo primum diuiditur: nempe in siccam & humidam. Hæc ex defluxu fit humoris: qui ut multiplex est, sic multiplices, ut diximus, parit inflammationis differentias. aliquando enim sanguis, aliquando bilis, aliquando uero uterq; humor in aliquam corporis partem decumbit. Rursus sanguis aut suauiſ & substantia mediocris est, aut acer, aut tenuis ac calidus, aut crassus ac feruens. Bilis uero aut exquisita est, aut paulo dilutior. Adhæc eiusmodi humores uel in æqua portione, uel altera alterâ superante miscentur. Ex quorum defluxione omnes inflammationum species generantur. In harum porrò singulis aut iam computruit, quod defluit, aut putrescit infartum in ipsa parte: unde remedia uariari neceſſe est, ut in sequentibus docebitur. Sicca uero inflammatiō citra humoris commercium fit, efferuescente præter naturâ genuino calore, atq; in ea quam obsederit parte febrem accendente: ut stomacho, iocinore, ac etiâ corde, unde hectica febris nascitur. Hunc autem calorem natium duplicem esse in superiore commentario ostendimus: alterum uaporosum ex aërea aqueaq; substantia constantem: alterum uero, uel substantiam uirtutum esse, uel harum primum instrumentum; id est uel quatuor elementorum, uel eorum qualitatum contemperamentum. Sic enim putat Galenus. per harum enim qua



nim qualitatum moderationem probe suo munere fungitur uirtus, quæ ex debita eorundem commistione nascitur. Siue igitur calorem hunc dixeris uirtutum substantiam esse, siue primum earum instrumentum, id est qualitatum contemperamentum, nihil refert. Hæc quidem similari-  
 bus partibus primum inest, proinde uirtutum actiones primum illis feruntur acceptæ. Igitur si eiusmodi partes ad certum quendam modum caloris exceßerint, fit sicca, de qua nunc agimus, inflammatio, quam & phlogosin Græci, & phlegmonem uocant, quæ loco primario similaribus partibus inest: ex accidenti uero, instrumentis.  
 Quod si immodice exiccentur ac incalescant, non solum febris aderit, sed iam partis tabes & mors, scilicet resolutio natui caloris. Is enim elementa miscet, & mista conseruat quandiu ualet, ut prius ostensum est.

SI igitur sanguis bonus, ac crassitudine mediocris, uniuersim in aliquam partem fluxerit, atque ob multitudinem constipetur, dolor uehemens, nisi pars omnino hebetem sensum habeat, hominem corripit: pulsusque in profundo infestat, & distendi partem ipsam usquequaque, ac contundi æger putat, tantumque sentit calorem, ut deuri uideatur, ac refrigerari cupiat, rubor quoque qualis ex balneis accedit, aut ad ignem, uel alio quouis modo calfactis

p s in cu



in cute apparet. Affectus hic totius generis appellationem accepit, uocaturq; inflammatio: quemadmodum & aliae multae species sui generis nomen adoptarunt. Oriturq; frequenter ex omni ferè occasione: nimirum uulneribus, conuulsionibus, contusionibus, rupturis, lassitudine, quam exercitatio attulit, luxationibus, fracturis, & sponte natis ulceribus: præter hæc omnia, cum uenæ immodice plenæ in eam partem, quæ tunc recipere maxime sit idonea, superuacuum humorem fundunt: ea autem pars ceteris est aut imbecillior, aut rarior, & solutior, aut ad attrahendum promptior, aut immobilior, quacunq; de causa ad has affectiones perducta fuerit. De hoc enim disceptare nunc non statui-  
mus.

*Ex sanguinis fluxu copiosioris, quàm parti sit ex usu, sit ea inflammationis species, quæ peculiariter inflammatio dicitur, à suo genere nomen mutuata: fluit autem sanguis parte quæ affligitur, hunc uel recipiente, uel attrahente, & alia aliisue transmittentibus. Attrahit autem uel morboſo calore, uel dolore obſeſſa. Calor ex immodica fit exercitatione, ad motu rerum calidarum, & alijs id genus causis calidis: dolor uero tum ex calore, alijsq; intemperantijs, tum soluta unitate: soluitur hæc uulneribus, conuulsionibus,*



bus, rupturis, luxationibus, fracturis, & sponte  
 natis ulceribus. Transmittit uero pars, uel par-  
 tes, cum uenæ uel immodicum, uel acrem humo-  
 rem uim excretoriam impellentem, continent:  
 quem facile pars recipit uel imbecillior, uel ra-  
 rior & solutior, uel immobilior. Itaq; glandulæ  
 facillimè omnium partium fluxiones recipiunt,  
 propter raritatem, laxitatem, uirium natura-  
 lium imbecillitatē, & quia minus moueri ad flu-  
 xum repellendum idoneæ sunt. Inflammationē  
 uehemens dolor comitatur, si qui defluxit san-  
 guis, in parte afflicta impactus sit. Cum enim  
 is, ut Galenus docet, aliquò decumbit, primum  
 eius maiores uenas opplet ac distēdit: deinde mi-  
 nores, atq; ita res procedit, donec ad minimas sit  
 peruentum: in quibus ubi ualenter impacta flu-  
 xio est, nec adhuc sistitur, partim eius per ipsa-  
 rum ora, partim per tunicas uelut colatum fo-  
 ras transmittitur. tum uero spatia ipsa uacua,  
 quæ inter prima sunt corpora, fluxione imple-  
 ntur. Sic omnia ab humore omni ex parte inca-  
 lescent, & perfunduntur. Ea sunt, nerui, ligamē-  
 ta, mēbrane, caro ipsa, & in primis arteriæ &  
 uenæ: quæ scilicet & prima & præter cetera do-  
 lore afficiuntur. Quippe quæ interiori à fluxione  
 tum excalfiunt, tum distenduntur ac diuellun-  
 tur: exterius non modo excalfiunt, sed etiam pre-  
 muntur ac degrauantur. Reliquæ particule a-  
 liæ comprimendo solum, uel incalescendo, aliæ  
 utroq;



utroq; genere laborant. Hæc quidem Galenus. Itaq; ex hac plenitudine oritur tumor, ex tumore cutis distensio, ex qua & renixus sanguis porro is cum minime diffletur propter obstructionem, necessario putrescit. omnino enim calida & humida in calidum locum collecta, si non euacuantur ac refrigerantur, putrescunt. Ex putredine uero augetur calor præter naturam: qui primum quidem ac maxime, ut idem autor ait, arteriarum & uenarum tunicas calfacit: mox uero omnia, quæ extra has sunt, quibus scilicet circumfunditur. Cum igitur dolorem uel intemperantia uel unitatis solutio generet, utraq; autem inflammationem sequatur: mirum non est, si uehementer pars inflammata doleat, nisi sensu admodum sit hebeti: atq; eò magis, quò maior calor ac distensio est: eò quoq; magis affecta pars renititur, quò ea magis tenditur. Ea autem magis tenditur, quò maior fuerit defluxio. atq; hac ratione pulsus magis in profundo infestat & dolorem parit, scilicet arteria uicinas partes dum micat percutiente. unde & distendi locum, & uelut contundi æger ipse sentit. Quòd si inflammata iam sit arteria, percutiens simul & percussa dolorem auget: rubor quoq; inflammationis nota est: similis enim in cute color humori apparet. In quibusdam exemplaribus legitur, ἢ τὰ ἀπὸ τῶν περὶ θάλασσαν, ἢ τριφθῆσις, ἢ τῶν ἄλλων θέρμανθῆσις. Itaq; legere qui uolet po  
let po



*let poterit: rubor quoq; qualis ex balneis, aut ex  
 ercitatione, aut ad ignem, aut alio quouis modo  
 calfactis, &c.*

FLAUA bilis, quando suam seruans  
 naturam, per uniuersum corpus cum san-  
 guine fertur, arquatum morbum parit.  
 Herpeta uero, cum sola à sanguine secre-  
 ta est, ac in parte aliqua cōsistit: quæ si cras-  
 sa sit, totam cutem, usq; ad subiectam car-  
 nem, exulcerat. Atque hunc Hippocrates  
 ἰδιόμυρον, id est exedentem uocat. Sin te-  
 nuior bilis sit, solam superficiē quasi deu-  
 rit: atq; hæc species generis nomen acce-  
 pit, simpliciterq; & sine adiectione herpes  
 nominatur. Aliarum enim duarum forma-  
 rum, altera modo commemorata, herpes  
 ἰδιόμυρος, id est exedens: altera uero milia-  
 ris dicitur, quòd pustulæ paruæ ac multæ  
 in summa cute excitantur milio similes.  
 Fit autem eiusmodi herpes etiam ab ipsa  
 bile, sed minus quàm priores, acri & ca-  
 lida.

Flaua bilis suam seruat naturam, quæ non ni-  
 mia coctione ut atra, crassescit, aut cui alius hu-  
 mor non sit permixtus. hæc igitur si crassior sit,  
 hæreatq; in parte aliqua, totam eius cutem exul-  
 cerans, herpetis speciem gignit, qui ἰδιόμυρος  
 id est exedens dicitur. Quòd si dilutior sit, alte-  
 ra species nascitur, quæ quia pustulas paruas mi-  
 lio si



lio similes habet, miliaris appellatur. Dili-  
tior enim partes omnes usque ad summam cu-  
ticularum transit, in qua parvis pustulas susci-  
tat: quæ si diutius morantur, in ulcus abeunt.  
Crassior uero totam cutem usque ad subiectam  
carne exulcerat. Quò enim humor crassior fue-  
rit, eò minus ad cutem peruenit: magisque exulce-  
rat eam, in qua moratur, partem, quo acrior fue-  
rit. Ad eundem modum altius uersus cutis su-  
perficiem ascendit, quò tenuior fuerit. Ex quo  
constat alia ulcera alijs magis minusue profun-  
da esse, pro humoris tenuitate ac crassitudine.  
Herpes enim miliaris ex dilutiore, exedens cras-  
siore fit bile: cancer ulceratus, phagedæna, o-  
mniaque cacoethe ulcera, ex crasso, feruidoque hu-  
more.

QVOD si ex sanguine & flaua bile iusto  
calidioribus fluxio mista fuerit, aut ex san-  
guine quidem, sed feruido ac substantia  
tenuissimo, affectus erysipelas uocatur,  
multo inflammatione calidior, aspectuque  
flauior. Et si tetigeris, sanguis facile suffu-  
git, rursusque affluit, exquisite tenuis, & ui-  
detur ruber, non tamen æque cruciat erysipe-  
las, atque inflammatio. Neque secundum ul-  
lam inflammationis speciem, aut pulsat,  
aut premit, aut distendit. Verum aliquan-  
do moderate omnino infestat, & maxime  
cum in solam cutem sparsum est, mini-  
meque



meq; subiectam carnem lædit, atque magna ex parte tale fit, exquisitumq; erysipelas est. Quemadmodum id quod subiecta carnem inuadit, minimeq; ex planè tenui fluxione fit: solum erysipelas non est, sed iam mistus ex erysipelate & inflammatione affectus, in quo cum propria erysipelatis symptomata prævalent, à recentioribus medicis erysipelas phlegmonodes: cum uero inflammationis, erysipelatodes inflammatio dicitur. Quòd si neutrius luculenter uincât, sed paria cernantur, inflammatio & erysipelas mista esse dicuntur. Itaq; exquisitum erysipelas solius cutis est uitium. At inflammatio non solum subiectarum cuti partium, quanquam maxime quidem harum, sed & cutis aliquando affectus est. Atq; hæc quidem non minorem alioqui quàm illa dolorem inuehit, sed pulsatione caret.

Erysipelas, ut & herpes, duplex est. Exquisitum & minime tale: illud ex bilis & sanguinis calidorum mixtura ortum habet, aut sanguine quidem solo, sed feruido substantiaq; tenuissimo, atq; in cutim usq; externam spargitur, cuius solius est uitium: calidius erysipelas est & aspectu flauius, scilicet materia, ex qua fit, tum calidior, tum colore flauiore. Hoc uero ex fluxione minus tenui, atq; id ad subiectam carnem perue



peruenit: quod proprie erysipelas non est, sed ex erysipelate & inflammatione affectus, qui nunc erysipelas phlegmonodes, nunc inflammatio erysipelatodes, dicitur. Ab eo enim, quod in mistura pollet, nomen sortitur. Quod si neutrum uincit, utrum inflammatione atq; erysipelate mistum appellatur. Eiusmodi igitur humor, ex quo erysipelas exquisitum gignitur, mediocri quidem sanguine dilutior & calidior est: exquisita uero bile crassior ac minus acer. Quocirca partem magis in tumorem attollit, quam exulceret: ut Galenus lib. de Tumoribus qui sunt præter naturam, docet: quanquam tamen & exulcerat summam cutem, & temporis spatio subiectam partem, si producens eum affectum humor crassior sit, & acrior. Hinc rursus fit, ut prior erysipelatis species duplex sit. Altera, quæ cum ulceratione: altera, quæ sine ea fit. Hanc si digito presseris, sanguis utpote tenuis, facile fugit, reditq; quam antè rubicundior. Nam antè pressum biliosior eius ac flauior portio summam cutem occupabat (tenuior enim qui flauus est ad eam partem magis fertur, crassior uero ac ruber minus) digiti autè pressu, qui sub cute latebat, sanguis, effugit, reditq; ad compressum locum cum flauo mixtus, cum premere desinis. unde rubicundior apparet, sed tamen minus quam in inflammatione: minori q; quam hæc dolore erysipelas afficit. Nam neq; cutem contendit, neque premit, neq; pulsationis sensum



sensum infert. Caterū quæ cutē obsidet inflāma-  
tio non minorē dolorē inuehit, quā quæ subie-  
ctam carnem. Vtraq; enim communes habet do-  
loris causas: nempe partis caliditatem immodi-  
cam, & distentionem: uerum quæ in carne consti-  
tit, maiorem: quæ in cute, minorem sentit pulsa-  
tionem. Nam in illa magis, in hac minus premi-  
tur arteria.

C V M uero sanguis admodum calidus  
ac crassus est, in quamcunq; partem con-  
fertim fluxerit, hanc exurit, ulcusq; cum  
crusta efficit. quicquid uero circumstat, in  
inflammationem attollit, feruentem, ac  
dolore graui conflictantem. Vocatur au-  
tē huiusmodi affectus, carbūculus. Quod  
si influens sanguis niger sit, crassus, fæcu-  
lentus, ac feruidus, qualis est prior, admi-  
xtamq; saniem quandam tenuem habeat,  
pustulæ in cutis superficie oriūtur his quæ  
ex igni fiunt, similes: sub quibus ruptis cru-  
stosum ulcus inuenitur. Est & hic affectus  
etiam carbūculus. Tot igitur sunt inflam-  
mationis species secundum affectus natu-  
ram diuisæ.

Quemadmodum sanguis tenuis & feruidus  
erysipelas gignit, ita uehemēter calidus & cras-  
sus carbunculum, qui quamcunq; occupauerit  
partem, deuirit, ulcusq; cum crusta efficit, & cin-  
gentem partem in inflammationem attollit fer-

¶ uent



uentem, ac graui dolore affligentem. ualenter enim ob materiae crassitudinem urit, ulcerat, ac crustam inducit, non aliter atq; candens ferrum, quod flamma potentius urit. Alterum carbonum culi genus parit sanguis niger, crassus, feculentus, ac, ut prior, feruidus, cui admista sanies quaedam tenuis sit, quae gignendis in summa cute, pustulis, ijs quae ex igni sunt, similibus, materiam suggerit: serosa enim haec humiditas, ut quae tenuis sit, facile in cutem, ut diximus, erumpere potest. Inter quam & subiectam carnem conclusa pustulas parit, sub quibus ruptis crustosum ulcus inuenitur. Quae autem huiusmodi affectibus febris superuenit, uitae saepe periculum minatur. Quod ut melius intelligatur, scire licet crassum hunc humorem multiplicem esse: primum feci uini proportionem respondentem, qui in animali, dum naturaliter se habet, quotidie gignitur. is diutius in loco calido moratus, adustione in alteram bilis atrae speciem, eò deteriore, quò magis incaluerit, transit. Tertium uero ex flauabile, supra modum retorrida: prima quidem species mitis est: secunda maligna: quemadmodum & tertia. Atq; harum singularum magna est latitudo, in maioris & minoris ratione. Qui enim uini feci humor proportionem respondet, magis minusue tum niger, tum crassus est, quemadmodum reliqui duo magis uel minus usti. unde constat ex atra bile uarios differentesq; affectus oriri, ex



ex primo genere caneros sine ulcere, quos & latentes appellant: cum ulcere, si acrimoniam quandam humor adustione contraxerit. Ex secundo & tertio, si quidem uehementer adustus sit, carbūculi. Sæpe uero eò malitiæ humoris peruenit, ut carbonem pestilentem generet.

M V L T A S uero species quispiam fortè putauerit esse prætermissas, nominum multitudine hallucinatus: cuiusmodi sunt bubones, phymata, phygethla, ophthalmiæ, peripneumoniæ, picuritides, & alia multa similiter nuncupata. Omnia enim hæc inflammationes quædam sunt, in antè dictis formis compræhensæ. quarum quæq; diuersam sortita est appellationem. Quoniam qui primi hæc nomina indiderunt, compositam intelligentiam, tum ipsius affectus, tum partis hunc continentis, uerbo uno explicare uoluerunt. Sunt enim bubo, phyma & phygethlon, glandularum affectus. Bubo quidem inflammatio: Phyma uero affectus est, qui & celeriter augetur, & ad suppurationem festinat. Phygethlon uero phlegmonodes, ut uocant, erysipelas est, aut inflammatio erysipelatodes. Ad eundem modum Ophthalmia, inflammatio est eius membranæ, quæ corneæ adhæret: Pleuritis eius, quæ costas succingit: Angina faucium: Peripneumonia.



nia uero pulmonis. eadem quoq; in reliquis est ratio.

Morborum differentie maxime ab essentia rei sumuntur. Nomina uero primi auctoris arbitrio sunt indita: aliquando quidem, ut docet Galenus, à lesa particula sumpta nuncupatione, ut pleuritis: aliquando à symptomate aliquo, ut tenesmus: aliquando ab utroq; , ut cephalalgia: nonnunquam uero à causa tam uera, quam putata, ut melancholia, cholera: quandoq; à similitudine ad aliquid extrà positum, ut elephantiasis: aliquando à quadam affectus proprietate, ut phyma: interdum uero ab eo qui primus affectus est expertus, ut telephium: interdum ab eo qui primus curauit, ut chironium: aliquando uero ab alia re. itaq; horum non una est notio. Phyma, gratia exempli, non simpliciter ac absolute inflammationem significat, sed glandularum: atq; eam quidem quæ celeriter augetur, & ad suppurationem festinat. Si igitur inflammationem differentias ab essentia rei ductas, nempe humoribus consyderes, nihil prætermisum esse deprehendes, si quæ prius declarata sunt, memineris. Sin nominum multitudine, ut plura sunt inflammationum nomina, sic plures quam quæ declarata sunt, species esse putabis, sed falso. Vnus enim idemq; specie morbus plures partes occupare potest, à quibus uaria nomina accipit: inflammatio, uerbi gratia, speciatim usurpata, si oculus

lum



*lum obsidet, ophthalmia: si latus, pleuritis: si pulmones, peripneumonia dicitur.*

Q V A E igitur in conspicuis corporis partibus inflammationes existunt, prompte cognosci possunt, quæ uero in abditis latent, atq; omnino febres adferunt, non æquè. sed mihi quidem uidetur eiusmodi dignotio acri iudicio egere, peritiaq; naturæ partium: quam ex anatome, id est dissectione simul & exquisita scientia tum actionum, tum utilitatum, nobis comparamus: de quibus in alijs operibus disputatum est. Nunc uero de his quidem retexere sermonem non uacat, quando te derепente peregre proficisci necessitas urget. Qua ratione autem inflammationes, quæ in summa cute exoriuntur, optime quis curare possit, tibi primum explicabo, ab eo affectu auspicatus, qui quod plurimum incidat, totius generis appellationem meretur. In quo id in primis, quod & in omnibus alijs maximam uim obtinet, considerare oportet: nempe ut morbi causa inueniatur.

*Inflammationes omnes, quæ quidem in superficie existunt, euidentibus ac sensui conspicuis notis deprehenduntur: quæ uero in corpore latent, ingenium solers efflagitant, naturæq; partium experientiam, earundem tum actionum,*

q 3 tum



tum utilitatum exquisitam scientiam: sine quibus omnino morbus non cognoscitur. Nulla enim in corpore pars est, quæ non in usum aliquem condita sit. Siquidem natura nihil temere; sed omnia alicuius boni gratia facit. Magna igitur diligentia partium nature, ac proprietates, disquirendæ sunt: ut ex quibus actiones, & utilitates inueniantur. Hac ratione earundem figura, magnitudo, situs, numerus, est uestigandus. Nā sine horum cognitione neq; actio, neq; usus, neq; affectus, cognosci poterit. Hac autem omnia ex anatome, id est corporum resectione, habentur: ex hac enim discemus, partes alias esse simplices, ac, ut uocant, similes, id est eiusdem rationis: alias ex simplicibus compositas, quas instrumentales appellant. Considerandum igitur est, qua substantia sint: nervosæ, ne an osseæ, aut carnosæ. Deinde quam habeant magnitudinem, cum quibus societatem, quam conformationem, quot sint numero, & quo ordine collocatæ: postea uero quomodo inter se connexæ ac compositæ. Nā ex his actio & usus cognoscitur. Constat enim naturam, ut modo dicebamus, nihil sine ratione condere. Igitur unaquæq; pars propriam habet substantiam, ac temperaturam, ab alia differentem. Vnde alia ab alijs partibus actio & utilitas proficiscitur. Nam pro sua cuiusq; substantiæ specie, propriam functionem edere necesse est. Ad usum enim aliquem suam cuiq; figuram, magnitudi-



tudinem, & situm tribuit natura: præterea & certum earum partium numerum. Primum itaque videndum est, cur hac aut illa substantia prædita sit, id est cur nervosa, carnosæ, ossea, aut alterius substantiæ. Deinde cur rotunda, uel plana, uel excavata, longa, brevis, angusta. Postea cur tot sint numero, & quamobrem sic collocatæ: quibus diligenter perspectis, actionem ac utilitatem cuiusq; facile inuenies. Nam semper in omni instrumento pars aliqua inuenitur, quæ primario loco actionem edit: aliæ omnes huic obsequuntur, ut sine quibus scilicet primaria actio non fieret, uel gratia quarum melius fit, uel per quas omnia hæc conseruantur. Progressio, gratia exempli, actio est quam primum edit musculus: reliquæ autem omnes cruris partes huic famulantur. ossa enim motum firmant, ligamenta suis locis ossa continent, nervi sentiendi & mouendi uim in cruribus ferunt, arteriæ calorem nativum suggerunt, & actionem conseruant, uenæ alimentum distribuunt. Hæc omnia ad commodam progressionem, eiusq; tutelam data sunt. Cum igitur proba actio editur, antè dicta necessario secundum naturam habere necesse est. Cum uero aut uitiata est aut ablata, uitium uel in simplicibus uel earum structura esse constat. Itaque partium cognitio actionem ac utilitatem commonstrat: hæc uero, si quid uitiata est, morbum: sed nondum morbi genus ac speciem ostendit.



dit. Quocirca alia symptomata uestigare oportet, quibus hanc deprehendamus. Hæc autem sunt excrementa & accidentia (ex his enim tribus nempe functionis noxa, excrementis & corporis accidentibus non solum morbi species, sed & mores & magnitudo deprehenditur.) Accidentia uero quædam necessario affectum sequuntur: atq; hæc firma signa sunt: quædam non necessario, sed aut ut plurimum, aut raro, aut æque accidere ac non accidere possunt. atque hæc aut morbi differentiam, aut mores, aut magnitudinem futentur. Quorum omnium exemplo uno uires patefacit Galenus lib. de Constitutione artis medicæ ad hunc modum: Subijciamus, inquit, membranam costas succingentem inflammatione tentari, affectio quidem hæc, inflammatio est, quam necessario hæc accidentia sequuntur, tumor præter naturam, rubor, & dolor. quorum duo nunc sub sensum non ueniunt. Solus igitur dolor superest, qui in costis fixus punctiorem inuehit. Dolet igitur homo: quia inflammatione tentatur. Doloris autem species pungens est, quod affectæ particule substantia membranosæ sit: costis uero hæret, quod illic sit locus affectus. Quinetiam dolor ipse late diffunditur, propterea quod succingens membrana plurimum extensa sit. Febris porro ex necessitate sequitur, tum ob affectum ipsum, tum positum affectæ particule: quorum absente altero, non necessario se



rio febris consequetur. Neq; enim si digitus inflammationem patitur, febris omnino aderit, quando longe à corde affectus distat. Quemadmodum neq; si membrana uestiens costas afficiatur quidem, sed affectus scirrhus aut oedema sit, uerum spirandi difficultas necessario ex patiente particula nascetur: utpote quæ portio sit spiritalis alicuius instrumenti. Difficilis autem spirationis species non à particula, sed affectu ipsò procedit. Dolor enim spirandi instrumenta plurimum dilatari prohibet, proindeq; illorum actionem intercipit nondum completa utilitate, quare nouam celeriter iterare coguntur, minoremq; quietem, quàm pro naturali constitutione efficere: atq; sic quidem spiritus fit & paruus, & frequens. Sed & pulsus mutatio necessario ex succingentis membrana inflammatione fit, tum ea quæ febribus inseparabiliter inest, tum quæ patientis particula occasione gignitur. Arteriarum enim pulsus illis, quatenus febricitant, maiores, celeriores, & crebriores insunt: quatenus autem pars inflammata nervosa est, ydem cum distensione simul & duritie fiunt. Hæc igitur symptomata necessario succingentis membrana inflammationem sequuntur. Cæterum & ex his, quæ necessario sequuntur, unum quoddam est, nempe dolor minor cum in latus uel affectum, uel huic oppositum, uel æqualiter in utrumq; eger decumbit. Nam cum membrana,

q s quæ



quæ costas ambit, duplex sit, si quidem pars exterior circa ossa uehementius inflammetur, facilius in aduersam partem decumbunt. Nam qui in affectam partem iacent, premuntur. Sin interior laboret, quod frequentius accidit, in oppositum latus decumbentes grauiore dolore urgentur: utpote quibus suspensa sit pars inflammata. Quod si in patientem locum cubent, minus dolent. Neq; enim ab ossibus premitur, neq; suspensa est inflammatio: sed horum utroq; est libera. Ceterum parti quæ pati idonea non est, adhæret. Quod si utraq; succingentis membrana pars sit affecta, in utrunq; latus & que decumbitur. Quod uero alijs dolor ad hypochondrium, alijs ad iugulum perueniat, id ob patientis particule naturam & inflammationis accidens sit, nimisrum doloris extensionem. quoniam autem usq; ad iugulum membrana cingens costas peruenit, descenditq; ad totum septum transuersum, si superiores eius partes inflammentur, conuelli iugulum uidebitur: sin inferiores, dolor ad hypochondrium descendet. Si igitur admodum exigua sit in medio costarum inflammatio, in neutram partem: sin magna, in utramq; dolor necessario perueniet. Quod si sanies quædam ex inflammata parte tenuis manet, exudetq; id tum morbi, tum partis occasione fiet. quod & in omnibus oris partibus inflammatis contingit, & oculis. Nam ex humoris influxu consistit inflammatio, &



tio, & pars rara est, nec uti cutis constipata ac  
 densa. Cum igitur multus simul, ac tenuis hu-  
 mor in inflammatione continetur, parsq; rara  
 est, copiosam foras saniem profundit. Contrà, si  
 pauca & crassa defluxio sit, corpusq; densum,  
 parum admodum tussis iritabit: nihil uero ex-  
 puetur: quemadmodum si fluxio maxima sit, mas-  
 xima tum tussis tum excreatio fiet: atq; tussis qui-  
 dem huic affectui inseparabiliter inest. Tussim  
 uero excreatio non semper comitatur, quan-  
 quam id plurimum contingit. Si quid tamē spui-  
 tur, salina necessario colorata erit, sed nō semper  
 colorē habebit eundē: quādo in inflāmata particu-  
 la nō semper excrementū est eiusdē naturæ. Cū igitur  
 tur uel cruentum uel biliosum id fuerit (talis e-  
 nim omnino est in pleuritide fluxio, quæ inflam-  
 mationem parit) salina humoris in affecta par-  
 te contenti colorem refert: rubrum quidem, si  
 quod in cingentem costas membranā defluit,  
 cruentum sit: flauum uero, si biliosum. Quod si  
 pituitosus humor primum impactus ac putris,  
 defluctioni quæ inflammationem peperit, occa-  
 sionem dederit, spumosa excreantur: interdum  
 uero & nigra, si ex retorrido succo, seu is cruen-  
 tus seu biliosus sit. Igitur id genus omnia simul  
 cum affecte partis ac morbi ipsius dignotione  
 fluxionis differentiam ostendunt. Hæc quidem  
 Galenus. Ex quibus uerbis facile est deprehens-  
 dere, quæ signa necessario, & quæ non necessa-  
 rio plen



rio pleuritidem comitentur. Nam lateris dolor, febris, difficilis spiratio, pulsus distentio ac durities, tussis, & sputi, si quod reijciatur, alienus color, inseparabiles pleuritidis notæ sunt. Sputi reiectio & hypochondrij iuguliq; dolor non semper affectum hunc sequuntur. In nonnullis enim dolor ad hypochondrium, alijs ad iugulum peruenit. In quibusdam uero in neutram partem uergit, alijs in utramq;. Rursus doloris species affectam partem, eius affectum, ac magnitudinem ostendit. pungens enim, membranam pati: magnus autem & late sparsus, magnitudinem affectionis significat. Sic sputi color affectus differentiam & mores fatetur: si quidem rubrum est, ex sanguinis: si flauum, ex flaua bilis: si nigrum, ex re torridi humoris defluxione inflammationem fieri indicat. Sic nigrum, maligniore: rubrum, mitiore: flauum, medium inter hos affectum esse testatur. Hæc quidem ad internarum inflammationum dignotionem pleniorē, mihi explicanda esse uidebantur.

I G I T V R inflammationum, quæ in conspicuo sunt, causa quædam est non ad modum occulta, quæ fluxio appellatur: nisi aliquando cum his copulentur, quæ ab alia euidente causa fieri uidentur. Quando enim nulla harum præcedente, pars repente inflammatione est obsessa, causa quæ affectum attulit *πύμα*, id est fluxio, morbus uero affectio rheumatica dicitur. Atque



que in his præcipue inflammationibus, optima per initia curatio adhiberi debet. Nam qui in ipsis error committitur, aut curatu difficiles, aut omnino immedicabiles reddit affectiones. Hæc autem duo maxima sunt uitia: nullam totius corporis rationem habere, & locum calfacere ac humectare. Nam in his duobus medici maxime delinquant. Nonnulli enim ex methodica secta persuasi & inflammationes omnes, affectiones astrictas esse arbitrati, relaxandas esse sibi putauerunt. Sunt uero, qui temere & inconsiderate illos imitantur, unum mali agendi habentes patrocinium, nimirum se cum multis errare. Sed neq; ex dogmaticis medicis, neq; empiricis quispiam ita sensit. uerum quod & ratio & experiētia suadet, corporis uniuersi congruas uacuationes moliri iubēt: partem uero inflammatam perfundere ac illinire his quæ influentis humoris repellendi uim habeant: & qui in affecto loco continetur, inanire, roburq; ac uirtutem affectis iam partibus inferere. Quæ autem uacuando obseruari debeant, antea diximus, ac nunc quoq; paucis explicabimus, ut deinceps seruata memoria, iam te per singulos affectus uacuationis indicationes edoceri necesse non sit. Aetatem igitur,



igitur, tempus, regionem, præsentem æ-  
ris constitutionem, robur ægrotantis, ha-  
bitudinem, consuetudinem, atque ipsam  
morbi speciem, animaduertendam esse di-  
ximus. Hæc enim, quando uacuandum,  
aut minime uacuandum sit, & unde & quo  
modo, docent, uelut in subiecto affectu:  
Confluat in genu humor, atq; repente ue-  
hementer intumescat. Vbi uero uniuersum  
corpus sanguine plenum esse uidea-  
tur, ualideq; ægrotantis uires sint, anni tẽ-  
pus uer, & regio modice temperata, ado-  
lescensq; uel iuuenis sit æger, huic sangui-  
nem ex supernis partibus mittere oportet,  
secta cubiti uena uel interna, uel me-  
dia. Quod si superna pars affecta sit, ex in-  
ferna ducendus est sanguis. Nunquã enim  
incommodè fluxionis impetus in contra-  
rium retrahitur. Cataplasma uero ex sem-  
peruiuo & malicorio in uino decoctis,  
rhu, polentaq; imponendum est: ut quod  
in his optimum sit, omniaq; quibus nobis  
opus est, præstare possit. Retrahit enim  
quod influit, & quod iam continetur exic-  
cat, & circumstantes partes confirmat. Alia  
autem sexcenta medicamenta eodem mo-  
do miscere potes. quorum componendo  
rum rationem ex libris de medicamentis  
didicisti. Vnde in singulis unum aliquod  
tubi



tibi subscribam, futurum monumentum  
simul & exemplum eius, quæ in alijs est, fa-  
cultatis. Eiusmodi uero remedijs utēdum  
est, ubi dolor uehemens non est.

Ostensum nuper est inflammationem ex san-  
guinis influxu fieri: fluxionis autē causam esse,  
aut externam, ut contusionem, uulnus, conuul-  
sionem, dolorem, & alia id genus: aut internam,  
uti sanguinis abundantiam, & partis recipien-  
tis imbecillitatem. Fluctio autem eiusmodi fit  
aliqua parte transmittente: Altera facile hunc  
recipientem, uel interdum accersente. Transmittit  
pars, cum uenæ plenæ immodicè sunt, sanguine  
uim excernendi interpellante. Recipit autem  
pars imbecilla, aut rara, ut prius diximus. Ac-  
cersit uero morbofo calore, uel dolore affecta.  
Cum igitur fluxio partim fit, partim facta est,  
geminus erit curationis scopus: nempe uacuandi  
quod influxit, & prohibendi quod influit. Flux-  
ionem impedimus, humorem fluentem retra-  
hendo ac repellendo, roborandoq; partem affe-  
ctam, & si quid fluxionem accersit, summouen-  
do. Repellimus sectione uenæ, si quidem uires ua-  
lent: sin minus, admotis cucurbitulis, uel ligatu-  
ris, uel frictionibus, uel calfactis partibus, dire-  
cte affecto loco respondentibus. Repellimus ad-  
motis medicamentis, quæ hanc uim habeant.  
Accersentes defluxionem causas summouemus,  
partem confirmantes, si imbecilla sit: stringentes,  
si laxa:



si laxa: refrigerantes, si calida: dolorem demulcentes, si hoc egrotus affligatur: de quibus omnibus mox dicetur. Itaq; curando errant, qui nalam per initia totius corporis rationem habent. Frustra enim curationem moliris, nisi corpus, si sanguine abundat, prius uacuaris: sed his quæ in hac uacuatione seruari debent prius considera- tis: nempe ætate, tempore, regione, præsentis aëris constitutione, egrotantis robore, & habitudine. Aetas enim infantilis & senilis, hyems, æstas ardor, regio & præsens aëris constitutio, iusto calidiores atq; frigidiores, uirium imbecillitas, habitudo corporis uehementer gracilis aut obesa, uacuationem minus admittunt. Contra uer, aëris conditio modice temperata, robur uirium, corporis habitudo mediocris, adolescentia aut inuentus hanc suadent. Ex qua autem uena sanguis mitti debeat, postea docebitur. Itaq; per initia sanguis mittendus est. Nam is secta tempestiue ac commode uena, ab inflammata parte in uenas remeat, antequam malam qualitatem contraxerit: uulneratus enim locus attrahit, inflammatio uero expellit, ut in sequentibus docebitur, antequam affigatur sanguis infarciaturq;: unde facile & pellitur & attrahitur, cum & uenæ, per quas transit humor, adhuc pateant, scilicet nondum obstructæ. Præterea robur partis conseruatur. Quòd si tardes uacuare, humor infarciatur, corrumpeturq; in malam qualitatem,



tem, robur partis resoluetur, atq; affectus æ-  
grius curabitur. Caterum delinquent, qui affe-  
ctum locum calfaciunt, humectantq;. Hac enim  
ratione robur solvunt, relaxando iritant, reci-  
piendaq; fluxioni proniorem partem reddunt.  
Ea igitur imponenda sunt, quæ uacuent ac rez-  
primant, & affectam particulam roborent. Ca-  
taplasma igitur ex semperuino, & malicorio in  
uino decoctis, rhu & polëta utiliter imponitur.  
Repellit enim quod confluit stringendo: quod cō-  
tinetur, uacuat exiccando, affectasq; partes u-  
troq; genere confirmat.

V B I uero grauiore cum dolore deflu-  
xio affligit, neq; aqua calida, neq; oleum,  
neq; cataplasmata ex triticea farina adhi-  
benda sunt. Hæc enim omnia affectibus  
ex humorum influxu contractis aduersan-  
tur, tametsi leuamentum quoddam statim  
adferre uideantur. Satis enim fuerit dolo-  
ris uehementiam mitigare aliquo ex his  
quæ ex passo, & rosaceo, ac paucula cera  
cum his ambobus liquata, conficiuntur.  
Hæc autem lana succida, quæ cæsypi pluri-  
mum habeat, excipienda sunt: ac æstate  
quidem, frigida: hyeme uero, tepida ad-  
mouenda.

Quoniam dolor, ut diximus, accersit deflus-  
sionem, hunc mitigare oportet: sed ita ut affe-  
ctui non incommodemus. Quocirca neq; aqua  
calida.



calida neq; oleum neque triticea farina ex his  
esse possunt. Nam calfaciendo ac humectan-  
do relaxant ac robur resoluunt: unde pars imbe-  
cillior redditur & ad recipiendam fluxionem  
pronior. Adde quòd triticea farina suo lentore  
meatus, quibus digeri humor debet, obstruit, pro-  
inde calorem auget & dolorem. Imponenda er-  
go medicamenta sunt, quæ doloris uehementiam  
citra ullam noxam leuet. Quale est quod ex pas-  
so, oleo rosaceo, & paucula cera cõficitur succida  
lana, quæ plurimum habeat æsypi, exceptum; æ-  
state quidem frigidum: hyeme uero, tepidum im-  
positum. Nam rarefacit, extenuat, digerit, euac-  
uat, æquabilem reddit humorem acrem, lentum,  
crassum, aut multum partibus dolentibus hæ-  
rentem: uaporemq; crassum uel frigidum, exi-  
tum commodum non habentem, discutit, atq; sic  
dolorem mulcet: nullum uero sua caliditate in-  
fert incommodum. Rosaceum enim calorem in-  
frenat.

A D hunc modum cataplasmata ex ar-  
noglossò, lenticula, pane, & rosaceo adhi-  
benda sunt. Paulo uero supra affectum lo-  
cum admouenda est spongia uino acerbò  
imbuta, aut aqua frigida: momentum au-  
tem aceti satius fuerit huic immiscere.  
Quòd si ex his utilitas aliqua memoratu  
digna accesserit, & nusquam pus appareat,  
mollibus quæ aduersus fluxiones tempe-  
rantur



rantur emplastris, utendum est: ex quibus  
optima sunt, quæ exiccare simul, ac repel-  
lere fluentem sanguinem citra dolorem,  
possint. Quo circa quæ cutem uehemen-  
ter tendunt proindeq; dolorem adferunt,  
hec plus lædunt, quàm exiccando prosint.  
Tale igitur esse debet medicamentum,  
quale nobis in usu crebro est, quod ex  
chalcite constat, rosaceo temperatum. Si  
uero lanam mundam uino acerbo madē-  
tem extrinsecus superposueris, maiorem  
utilitatem attuleris. At ubi in parte ipsa  
pus apparuerit, semel aut iterum cataplas-  
ma ex necessitate imponi debet. Ad præ-  
sens uerò quod ex polēta constat, utilius  
admouetur. Similiter autē his aceti quip-  
piam, aut uini admiscendum est. Postmo-  
dum uero secta parte, ac pure uacuato, ab  
oleo & aqua abstinendum est. Quod si uul-  
nus forte abluere cōueniat, mulsa, uel po-  
sca, uino & mulso utendum est. Si uero  
partem adhuc inflammatio occupet, cata-  
plasma ex lenticula imponendum est. Sin  
ab hac sit libera, aliquod ex alijs quæ em-  
plasta dicuntur, & quibus in eiusmodi se-  
ctionibus utimur, eoq; potissimum quod  
ex chalcite constat. Quibus extrinsecus  
spongia, aut lana uino acerbo imbuta, su-  
perponenda est. At si acerbi uini copia nō  
sit,



sit, aqua cui tantum aceti admistum sit, ut bibi possit, perfundenda spongia est. Ad hoc autem faciunt etiam uina marina. Tu uero si occasio efflagitet, uinum arte cōficere poteris, sale uino quod in promptu habueris, admisto. Vulneri autē nūllum pingue medicamentum admouendū est: quale est macedonicum, & quod tetrapharmacum uocant: diligenter enim exiccandum est. Ad hunc quidem modum inflammatio, quæ ex defluxione est, curari debet.

Eadem utilitate ad inflammationes facit cataplasma ex arnoglossō, lenticula, quæ edendo est, pane & rosaceo, quæ paulo antè commemoratum ex semperuino, & malicorio, rhu & poslenta: nimirum repellendo quod influit, & uacuando quod iam affectam partem obsidet. Vacuant enim arnoglossum & lenticula, exiccando: panis detergendo, ac digerendo: repellunt uero rosacum, arnoglossum, & lenticula, stringendo citra dolorem. Nam quæ uehementer stringunt, cutem contrahendo dolorem excitant, proindeq; fluxionem augent, & inflammationem. Quoniam autem compesci defluxio mediocriter astringentibus non semper potest, paulo supra affectum locum admouenda spongia est, ac cerbo uino, aut posca imbuta: ut fluenti humori uia præcludatur. Hæc enim pars utpote minus afflicta,



afflicta, ualentius remedium admittit, & do-  
lori minus est obnoxia. Quod si hæc profecerint,  
emplastris quæ ad defluxiones temperatur, mol-  
libus utendum est, ex quibus optima sunt, quæ  
exiccare, & fluentem sanguinem repellere citra  
dolorem possint. Quale est, quod ex chalcite con-  
stat, rosaceo resolutum. repellit enim ac exiccat  
mixtum cum rosaceo. Id continet adipis ueteris  
pondo duo, olei ueteris pondo tria, lithargyri tā-  
tundem, chalcitis trientem. huius autem medi-  
camenti temperandi rationem ac utilitatem  
docet Galenus libro de Compositione medica-  
mentorum nexta viii. remollitur autem rosa-  
ceo, tum ut stringendi uim augeat, tum ut sua du-  
ritie minus lædat. Ad eum quem supra declara-  
uimus usum, lana pura ex uino acerbo madens  
superponitur. Vbi uero pus in parte ipsa appa-  
ruerit, semel aut iterum cataplasma, ex necessita-  
te imponi debet. Ad præsens autem, quod ex hor-  
dei farina constat, utilius admonetur: moliri e-  
nim prius digestionē oportet medicamenti ad  
id ualētibus, quale antè dictum cataplasma est,  
quàm inflammationem incidere. abunde enim  
exiccat, minimeq; fluxionem aut dolorem exci-  
tat. Quod si uini acerbi aut aceti momentum  
adieceris, simul fluxionem impedies. imponi se-  
mel aut iterum debet, ut obseruemus, an spera-  
re exhalationem possimus, necne. Si enim exi-  
guum est, quod in pus est uersum, idemq; tenue,



Et cutis rara, primo aut altero emplastro multum profeceris, ac digestionem speraueris. At si puris, eiusque crassi copia medicamenta superet, nulla exhalationis spes haberi poterit: quocirca, ut Galenus ait, exitum ei quod digestioni non cessit, eo potissimum loco facere oportet, quo est editissimum. quippe tenuissimam illic inuenies cutem. Post incisionem et puris uacuationem ab oleo omnino, et aqua est temperandum: uulnus enim exsiccari, ac detergi postulat: aqua autem humectat, et oleum sordem parit. Itaque ad hanc rem utrunque est inutile. Cum igitur ablueri ac detergere oportet, mulsa, posca, uino, et mulso utendum est. Posca enim sordis crassitudinem tenuat ac resoluit, reliqua detergunt, idque citra dolorem. Quod si post sectionem dolor urgeat, is primum fomentis, deinde cataplasmate, mox humectante aliquo medicamento, aut non siccante, singulis scilicet extrinsecus superpositis mitigandum est, ut docet Galenus. Si uero pars adhuc inflammata sit, cataplasma ex lenticula imponendum est. Vacuat enim et repellit, ut modo dicebamus. Sin ab inflammatione sit libera, aliquod ex emplastris, ac etiam ex ipsis emplastris, quibus in eiusmodi sectionibus utimur, maximeque quod ex chalcite constat, adhibendum est, tum ut sanguinis profusio, tum ut inflammationis generatio impediatur: atque hac ratione spongia aut lana uino acerbo imbuta superponenda



renda est. Et si eiusmodi uinum in promptu non sit, aqua cui tantum aceti admixtum sit, ut bibi possit, perfundenda spōgia est. Vbi uero nulla iam inflammationis aut defluxionis erit suspicio, desiccare ulcus ac detergere oportebit. Itaq; commodissime uinum marinum, aut aliud quodcunq; salsum adhibetur. Contra ineptissima sunt pinguia omnia medicamenta, quale tetrapharmacum est: ulcus enim sordidum reddit. Constat ex ceræ, resinæ, colophonie picis, seu taurini, singulorum pari portione.

QV A E uero ab alijs causis fiunt, humectare ac calfacere nihil uetat. Et si ad suppurationem has ducere uelis, cataplasma ex triticea farina, in oleo & aqua decocta inducendum est. Neq; timenda scarificatio est, si quando ea opus sit. Quæ uero ex humorum influxu fiunt inflammationes, non sine magno malo scarificantur, maxime per initia. Veterascentibus autē quæ post totius corporis uacuationem, aliamq; idoneam curationem, duritiem quandam ac nigrorem in partibus reliquerunt, auferre sanguinem non est incommodum. quando inflammationes amplius existimandæ non sunt. Quemadmodum neq; erysipelas, si iam liuorem contraxit.

Aliæ, quæ inflammationem excitant, causæ,  
sunt,



sunt uulnus, ulcus sponte ortum, contusio, cōuulsio, fractura, ruptura, luxatio, lassitudo ex immodica exercitatione, quæ quatenus dolorem in laborante particula efficiunt, fluxionem accersunt. Curationis scopus erit per initia quidem, etiam si plenitudo non adsit, uenam secare, ut Galenus ait libro de Curādi ratione per sanguinis mīssionē. Citra plenitudinē, inquit, inflammationis initio quæ aut propter ictū aut propter dolorem, aut partium debilitatē prouenit, prodest uenæ sectio. Nam dolor sanguinem ad se trahit, & sæpe partium debilitas inflammationem, citra corporis plenitudinem procreat. Infirma enim pars prompte grauatur, si paulo plus excrementi in ea aceruetur. Eadem ratione in ijs agendū est, quibus pars aliqua corporis grauiter icta est, aut utrunq; aliter incipientem habet inflammationem: quam si fore magnam suspicamur, ab inanitione curationem auspicamur, aut purgante medicamine adhibito, aut uena incisa, prout alterum altero magis conuenire iudicamus, quo pacto dolorem summouemus: deinde qui iā partem occupat humorem uacuamus. Nam simul atq; conquiuerit dolor, fluxio sistetur, nisi simul plenitudo sanguinis adsit: cuius curandæ rationem prius prodidimus. Si autem distenta admodum pars sit, quam inflammatio premit, totum corpus uacuare oportet, etiam si plenitudine non laboret: postea affectum ipsum, neq; si res effla



res efflagitat, timeunda scarificatio est. Cum igitur neq; morbi magnitudo, neq; humorum redundantia uacuationem exposcit, dolor mitigandus est: & qui affectam partem occupat humor uacuandus. Itaq; nihil uetat humectare ac calfacere. Nam sic quod defluxit, uacuamus, & dolorem lenimus. Vbi uero digerendæ defluxionis spes non est, molienda eius concoctio est cataplasmate ex triticea farina, in oleo & aqua decocta. hoc enim suo calore mediocri concoctionem iuuat, & lentore meatus obstruendo, partis calorem natuum digeri prohibet. augeri enim eius substantia, non autem qualitas intendi debet, ut celerius pus gignatur. Quod si materia crassa est, & resolutioni aut concoctioni contumax, impacta; carnis meatibus (qualis esse solet in diuturnis inflammationibus, & erysipelatibus male curatis: scilicet resoluta tenuiori humoris parte, crassioreq; in meatibus relicta) & si in uulnerum inflammationibus aquosa sanies effluxerit, sanguisq; crassior in ambiente loco remanserit, scarificatio timeunda non est, præsertim ubi durities, liuor, aut nigror apparuerit. Locus enim hic durus est, ob impactam crassitudinem: liuidus ac niger, ob caloris absentiam, qui per arterias in affectum locum propter obstructionem peruenire non potest. Itaq; in eiusmodi affectibus sine periculo scarificandus locus est, præsertim si, ut modo dicebamus, neque

r s morbi



morbi magnitudo, neq; corporis plenitudo des-  
hortetur. Secus autem sit in inflammationibus  
ex humorum defluxu: non enim sine incommodis  
do scarificari possunt, præsertim per initia. Hu-  
morem enim alioqui ad fluxionem prouum,  
transmittentibus scilicet partibus, eius ab-  
undantia iritatis, scarificatio proritat. In alijs  
inflammationibus totus semel ob ictum, uel con-  
tusionem, uel alias causas euidentis, humor des-  
fluere solet, accersente hunc dolore. Qui ubi se-  
datus fuerit, & fluxio conquiuerit, nullum pro-  
ritandæ defluxionis erit periculum, nisi ingens  
rursus ex scarificatione dolor excitetur.

H O C enim per initia refrigerari deside-  
rat, ac potissimum cum sine manifesta sit  
occasione. Quando uero iam feruor ab-  
est, cōfert scarificare, & cataplasma ex hor-  
deacea farina calidum imponere, & cera-  
tum, aliudq; medicamentum, quod dige-  
rendi uim obtineat. Non tamen ex uena  
sanguis in hisce necessario mittitur: sed  
uentrem per inferiora purgare sufficit, ad-  
hibito medicamento quod flauam bilem  
ducat. Quod si exigua sit affectio, ne hoc  
quidem necessarium est, sed abunde erit  
acri uti clystere. Quæ uero ex ulceribus  
fiunt erysipelata, quæq; similiter manife-  
stas habent causas, neq; si statim cataplas-  
ma ex hordeacea farina, præsertim loco  
antea



antea scarificato imposueris, lædes.

Vt in inflammatione humor quantitate, sic in erysipelate qualitate magis delinquit. Itaq; in hoc necessaria sanguinis missio non est. Sed uentrem per inferiora purgare sufficiet, medicamentum, quod bilem exigat, si affectus magnus sit, & corpus bile abundare uideatur: uel acri clystere, si exiguus morbus sit, & corpus bile uacuum. Sanguinis enim missio corpus uniuersum uacuat: quod in erysipelate necessarium non est, sed solum, ut dixi, delinquentem succum purgare oportet. Post corporis purgationem (nam ante hanc tutum non est fluxionem ex ignobili parte intro repellere, timendum enim est, ne in princeps membrum feratur) affecta pars refrigeranda est, eò quidem magis, quò bilis sanguine uehementius inflammatur. Semper enim æquali medicamentorum excessu contrarius naturæ excessus abigendus est, ut in priore commentario docuimus. Refrigerant autem solanum, semperuiuum, portulaca, umbilicus ueneris, psyllium, altercum, lenticula palustris, intybum, ceratum ex aqua admodum gelida. quibustantisper utendum est, dum erysipelatis color sit mutatus. tunc enim à refrigerantibus est abstinendum. Ad contraria uero est transeundum, hoc est ad digerentia & exiccantia. Humor enim hunc morbum generans uacuari debet. ubi igitur feruor subsederit, cataplasma ex hordeacea farina calidum imponend



nendum est, & alia medicamenta, quæ digerendi exiccandiq; uim habeant. Quod si forte liuor iam locum occuparit, incisa antè cute cataplasma superponendum est, perfundendusq; locus, plurimum quidem aqua calida, (digerit enim ac plagas abluit) deinde si materia crassior sit, marina aqua aut muria. Nam crassitudinē incidit, ac detergit. Simili modo & quæ ex ulceribus alijsq; euidentibus causis fiunt, erysipelata primum scarificari debent: deinde cataplasma imponi. Nam effusa per uulnus aut ulcus sanie aquosa, resolutaq; tenuiore humoris parte, crassa substantia meatibus infarta relinquitur, quæ cum neq; digeritur neq; concoquitur, scarificationem requirit, scarificatioq; exiccationem.

INFLAMMATIONI uero erysipelatodæ & erysipelati phlegmonodi mista, quoad fieri potest, curatio est adhibenda, atq; ei quod magis uincit, semper repugnandum.

Inflammationem erysipelatodem & erysipelas phlegmonode mistos affectus esse ex inflammatione & erysipelate, prius ostensum est, nominaq; sortita à uincente affectu. In quo enim erysipelas præpollet, erysipelas phlegmonode: in quo uero inflammatio, erysipelatodes inflammatio: in quo neuter affectus uincit, inflammatio & erysipelas dicitur. Quibus omnibus facile cura  
ratio



rationem adhibebis, si quæ de inflammatione  
& erysipelate prodita sunt, memoria tenueris.  
Quoniam autem uterq; affectus calidus est, &  
ex humorum defluxione fit, uterq; & refrigera-  
ri & uacuari desiderat: atq; id ipsis est cōmune.  
Verum quoniam inflammatio quantitate, erysi-  
pelas qualitate magis premit, hoc magis refrige-  
rari, & minus uacuari: illa contrā, magis uacua-  
ri, & minus refrigerari debet. Erysipelas enim  
sanguinis missionem, & quæ ualide repellāt, me-  
dicamenta respuit: refrigerantia uero maxime  
requirit. Cōtrā, inflammatio totius corporis ua-  
cuationem, quæ per missionem sanguinis fit, &  
quæ uehementer reprimant, medicamenta effla-  
gitat. Cum igitur in hac mistione affectus alter  
alterum superat, remedia quæ præpollenti con-  
uenire prius ostendimus, tantum augenda sunt,  
quantum uicerit. Cum uero neuter superat, æ-  
quali modo mista adhibenda sunt.

B V B O uero, & phyma, & phygethlon  
eadem ratione, qua & aliarum partium fi-  
miles affectus, curari debent: præterquam  
in partibus, quæ ijsdem affectibus laborā-  
tes acriora medicamenta ferre possunt.  
Cuiusmodi sunt glandulæ.

Bubo, phyma, & phygethlon, glandularum  
affectus sunt, ut prius declaratiū est. Fiunt autem  
quemadmodum aliæ inflammationes, aliquādo  
quidē ex sola defluxione, aliquando uero ab eni-  
dente



dēte causa. defluxionē plenitudo, uel cacochymia  
parit. Nōnquā cū plenitudine uel succi maligni  
tate euidens causa. Interdū uero uiscerū inflam  
mationes. Cum igitur sola defluxione bubo exci  
tatur, si quidem hanc plenitudo mouit, detrahē  
dus sanguis est, modo nihil prohibeat. Si uero san  
guinis missionem uel formidet, uel ferre non pos  
sit eger, quæ lesa non sunt membra scarificanda  
sunt, ut docet Galenus. Manu enim, inquit, labo  
rante, scarificabis crura. Altero uero crurū ma  
le habente, reliquū: post corporis uacuationē, nō  
antē, tuto repellentia adhiberi possunt: quemad  
modū nec ante purgationē, si ex cacochymia de  
fluxio oriatur: imo si pestilēs, ut saepe fit, uel alio  
qui maligna sit, à repellentibus est omnino absti  
nendū. Quod si à uiscerū inflammationibus exci  
tatus bubo sit, cōmodissime sanguis ducetur ex  
uena affectui ē directo respondente. Si uero ab  
ulcere uel alia euidēti causa, sitq; corpus omnino  
sanum, id est, non laboret uel plenitudine, uel ca  
cochymia, facile affectus curabitur: nimirū im  
posito toti mēbro medicamēto, quod modice cal  
faciat ac humectet, ut dolor laxata cute mitige  
tur. quale tetrapharmacū est oleo uel aliquo la  
xante liquatū. Neq; enim quemadmodū in alijs,  
quæ ex defluctione sunt, inflammationibus restrin  
gentia adhibenda sunt: totū uerō mēbrū hapsō la  
ne ex oleo calente imbuto circūdandū est. Ipsius  
ro ulceri imponi debet remediū, quod dolorē mi  
tiget:



tiget: super quod et calidū cataplasma ex farina,  
uel hordeacea uel triticea, uel ambabus, cum a-  
qua & pauco oleo mistis, extrinsecus dādū est.  
Inflāmata quoq; glandula lana ex calido oleo  
primo die sine sale admouēda est, dolorē enim de-  
mulcet. Postea uero remisso tumore et dolore se-  
dato: sal addi poterit, quo ipsa desiccetur. Si uerō  
una plethoricū corp<sup>o</sup> sit, uel malo succo redūdet,  
à calidis omnino tēperabim<sup>o</sup>: ut quæ fluxionē ma-  
gis iritent. In primis igitur uacuāda plenitudo  
erit, si nihil, ut modo diximus, impediat: & ma-  
lus succus purgandus. Postea si quæ inflāmatio-  
nis reliquie supersint, eis dē præsidijs, quæ bubo-  
ni dū corpus sanū erat, adhibuimus, utendū, nē-  
pe modice calfacientibus, ac humectantibus: de-  
inde mitigato dolore, digcrētibus. Quod si de di-  
gestionē desperes, maturātibus. & reliquis auxi-  
lijs, quæ aliarū partium inflammationibus cōue-  
nire prius docuimus, uteris. Phyma autē, quoniā  
ferē citra ulceris occasionē fit, sanguinis missionē  
efflagitat. Cū uero in tantā magnitudinē attolli-  
tur, ut glandulas uehementer distendat, post ua-  
cuationē scarificari debet: deinde alia remedia  
adhibenda, quæ post sectiones conuenire prius do-  
cuimus. In phygethlo uero, quoniam mistus affe-  
ctus est ex inflāmatione & erysipelate, alteru-  
trius remedia augēda, uel minuenda erūt, pro si-  
perantis in mixtura ratione, uti modo diximus.  
HERPETES autē, quatenus ad uniuersi  
corpo



corporis uacuationē attinet, ut erysipelata, curari debent: quatenus uero ad affectū particulam, non eadē omnibus cura adhibēda est. Exedentes enim refrigerari uolūt, quēadmodū & alij herpes, & erysipelata: nō tamen medicamenta ferunt, quæ præterquā quod refrigerant, etiam humectare idonea sunt: sed solū refrigerantia admittunt, præsertim quæ exiccare possint. Quocirca neq; lactuca, neq; polygonum, neq; lenticula, quæ in paludibus nascitur, neq; palustris lotus, aut anthylliō, aut psyllion, aut portulaca, aut seris, aut semperuiū, aut aliud id genus quod refrigerare ac humectare possit, est adhibendū: quæ quidē erysipelatibus sunt familiaria. Sed nec spongiæ frigida imbutæ, aliquādo, nec solano hidendum est, tametsi refrigerare ac exiccare possint, sed modice. Herpes uero uehementiorē quā solani siccitatē expetūt. Igitur per initia imponendi uitiū capreoli sunt, ac rubi, & canini rubi germina, & arnoglossum. Deinde lenticula admiscenda est: nōnunquā & mel, & polēta, & quod prius descripsimus ad inflammationes ex defluxione cataplasma, si ab eo semperuiū detraxeris. Exulcerata autē loca medicamētis, quæ ad herpetas in libris Pharmaceuticis, id est, de cōpositione medicamēti



dicamētorū descripta sunt, inungere oportet. Eiusmodi enim multa passim habētur in orbiculos digesta, qui, dum usus efflagitat, passo diluuntur. Quod si in promptu passum non sit, uino tenui, & albo & leniter astringente utendū est, quale Falernū est, Massiliense, Sabinum, Adriaticum, & Arsynium: quæ nondum gustus acrimoniā uetustate contraxerint. Et si in horū uicem interdum posca aquosa utaris, nihil minus consequēris. Iam uero inueteratis ulceribus neq; passo diluēdi pastilli sunt, neq; amplius aquosa posca esse debet. At uina quæ astringendi uim possident, plurimum iuuant: maxime quidem nigra, aut si ea desideremus, alba. Ex medicamentis uero quæ hoc tempore accommoda sunt, optimum est, quod Polyidæ ascribitur, Pafioni, Musæ, Androni, & alia his similia. Herpetes uero qui tantum summam cutē exulcerant, nisi ueterauerint, nullo horū inungere oportet: Vehementia enim sunt ac ualide exiccant, sed eiusmodi herpetibus sufficiunt, quæ glaucij uim habent, maxime aqua resoluta. Quod si hæc nihil profecerint, acetum miscendū est: utilius autem succus solani, & arnoglossi additur. Hoc porro in summa in omni ulcere cognoscendū est, siue id sponte, siue ex casu,

s                      siue



siue ex uulnere acciderit, nimirum quod  
semper exiccari desiderat, medicamento,  
ut inquit Hippocrates, non molesto, hoc  
est neq; mordente neq; irritante uehemen-  
ter, nisi malignum, ac putre sit. Nam id  
genus ulcera acerrima medicamenta effla-  
gant, & quę igni uires proximas habeāt.  
Quale est misy, chalcitis, arsenicum, calx,  
& sandarache. ignis enim modo deurunt:  
quę si malo cedunt, ipso igni utendum  
est.

Bilis crassa exedentem, tenuis miliarem her-  
petem gignit. In hoc pustulę parue excitantur,  
in illo tota cutis usq; ad subiectam carnem exul-  
ceratur. Igitur quatenus ex bile flaua uterque  
constat, communem cum erysipelate habet cura-  
tionem, nempe bilis purgationem. Quatenus uer-  
o ad affectus ipsos attinet, partim communem,  
partim diuersam. Omnes enim refrigerari uol-  
unt, sed non omnes exiccari. Nam erysipelas fri-  
gidis & humidis, minime autem siccis remedijs  
gaudet, ut modo dicebamus. Herpetes uero refri-  
gerari ac exiccari, minime autem humectari uol-  
unt. Quoniam rursus herpetem tenuis humor  
creat, abunde fuerit, uel aluum leuiter soluere,  
uel urinas prouocare. atque in miliari quidem,  
blandiori medicamēto, quo dilutior bilis est, &  
attrahi pronior. In erysipelate uerò, quia cras-  
sior humor, ideo uehementiore medicamento est  
opus.



opus. Quatenus igitur ad affectus attinet, herpetem exiccare oportet: exedentem quidem magis, quoniam cum profundiore ulcere, & humore tum uberiore, tum crassiore est. Miliaris uero solam cuticulam exulcerat, ut in quo succus tenuior sit: ideo minus exiccari debet. Per initia igitur uacuato corpore, exedenti herpeti imponenda sunt, quæ influentem humorem reprimant: quodq; iam fluxit, uacuent: quales sunt uitium capreoli, & rubi, & canini rubi cacumina, & arnoglossum: deinde uero intendenda medicamenti uis est, admistis lenticula quæ edendo est, melle, & polenta. Eadem utilitate dari poterit cataplasma, quod supra ad inflammationes descriptum est, si ab eo semperuiuum detraxeris: omnia hæc potenter exiccant, & quantum ex usu est, fluentem humorem regerunt. Postea uero ubi exulceratus herpes est, proderit (ut scribit Paulus) plumbi recrementum ex contusa ruta succo, uel myrtino cerato exceptum. Item & quod habet lane ueteris illota, ad tedam cremata, pondo denarium duodecim & semissem, plumbi recrementi pondo denarium undecim: seu caprilli curati, & aqua loti, pondo denarium uiginti quinque: olei myrtini pondo quincuncem. Sunt & alia permulta huic uitio accommodata, qualia ex alga & sandyce: de quibus Galenus in Methodo medendi meminit. Pastilli item apud eundem auctorem libro de Compositione medicamentorum



quinto, & apud Paulum libro septimo: præfer-  
 tum ubi iam affectus inueterauerit, quorum o-  
 ptimus est, qui Polyidæ ascribitur, Pasioni, Mu-  
 sæ & Androni. Polyidæ pastillus habet alumini-  
 nis scissilis pondo denarium trium, thuris pondo  
 denarium quatuor, myrrhæ tantundem, atra-  
 menti sutorij, chalcanti, pondo denarium duum,  
 citinorum pondo denarium duodecim, fellis tau-  
 rini pondo denarium sex, aloës pondo denarium  
 octo, uino austero excipiuntur. Eiusmodi auto-  
 ris alius pastillus, quæ Sphragis dicitur, ualens  
 ad idem, habet malicorij denarium pondo sex,  
 myrrhæ denarium pondo octo, aluminis scissilis  
 pondo denarium quinq;, thuris pondo denariū  
 quatuor, atramenti sutorij pondo denarium triū,  
 fellis taurini denarium pondo sex, uino dulci ex-  
 cipiuntur. Pasionis, squammæ æris pondo dena-  
 rium duodecim, æris usti, aloës, aluminis rotun-  
 di, æruginis rasæ, thuris, singulorum pondo de-  
 narium octo, uini quod satis esse uidebitur. Mu-  
 sæ, aluminis, aloës, myrrhæ, chalcanti, atramen-  
 ti sutorij, singulæ sescuncie: croci, crocomagma-  
 tis, singulorum pondo denarium sex, uino exci-  
 piuntur. Andronis, Citinorum pondo denarium  
 decem, galle pondo denarium octo, myrrhæ pon-  
 do denarium quatuor, aristolochiæ pondo de-  
 narium quatuor, atramenti sutorij pondo de-  
 narium duum, aluminis scissilis tantundem, my-  
 seos cyprij pondo denarium duum passo ex-  
 cipitur



cipiuntur. Celsus libro quinto ad eundem auto-  
 rem pastillum huic similem refert, capit galle,  
 atramenti sutorij, myrrhae, singulorum pondo  
 denarij unius, aristolochiae, aluminis scissilis, sin-  
 gulorum pondo denarium duum, capitulorum  
 punici mali pondo denarium quindecim, ex pas-  
 so coactorum: hi enim pastilli exedentibus her-  
 petibus maximeq; inueteratis conueniunt. Mi-  
 nime uero miliaribus, & qui tantum summam  
 cutim exulcerant. Vehementes enim sunt, ac ua-  
 lenter exiccant. Exemplaria Graeca typis excusa  
 legunt,  $\mu\alpha\lambda\iota\epsilon\iota\gamma\alpha\rho\iota\sigma\chi\upsilon\rho\omega\varsigma\eta\gamma\epsilon\iota\ \xi\eta\gamma\acute{\alpha}\nu\epsilon\iota\sigma\phi\omicron\delta\iota\gamma\omega\varsigma$ .  
 Aliud manu scriptum habet,  $\epsilon\sigma\tau\iota\gamma\alpha\rho\iota\sigma\chi\iota\rho\alpha\eta\gamma\epsilon\iota\ \xi\eta\gamma\acute{\alpha}\nu\epsilon\iota\sigma\phi\omicron\delta\iota\gamma\omega\varsigma$ , quod nos sequuti sumus. Eius-  
 modi enim pastilli non exedunt, tantum abest  
 ut uehementer urant. His enim Galenus utitur  
 in partibus carbunculo uicinis, quas ulcerare  
 non oportet, ut mox docebitur: uehementiores  
 tamen sunt, ac potentius exiccant quam quos  
 miliares herpes ferat, scilicet leuiter desiccare  
 uolentes. Initio tamen reprimenda desiderant,  
 modo, ut dictum est, corpus malo humore non ab-  
 undet. ubi uero iam fluxus restitit, desiccare ma-  
 gis conuenit, sed medicamento blando: quale est  
 apud Paulum libro septimo: quod recipit, cerus-  
 sa, amyli, glaucij, aluminis aequales portiones,  
 cum uino aut loti palustris succo teruntur: quod  
 si nihil profecerit acetum, solani uel arnoglossi  
 succus adijciendus est. Omne enim ulcus quicunq;



occasione natum sit, siue sponte siue manifest.  
causa, exiccari debet medicamento blando mi-  
nimeq; mordente, hoc est, ut Hippocrates ait, *μη  
ωρίον λειψάνη*, ne fluxio proritetur. Cum enim fa-  
nies quadam aquosa ulcus humidum reddat, ci-  
rationemq; remoretur, exiccantia requirit. At  
ubi cacoëthes putridumq; est, acerrima medica-  
menta, & quæ igni uim proximam habeant, de-  
syderat. Cacoëthe ulcera, id est maligna, sūt qua-  
rite decenterq; omnibus administratis nō sanan-  
tur, ut Galenus docet. Quod sit uel ob ulcerata  
partis intemperantiam, uel cōfluentem humore.  
Intemperantia aut sola est, aut cum alio affectu  
coniuncta. Aliquando enim ulceris labra, aut tu-  
mida sunt, aut putria, aut dura, aut callosa, edq;  
uel cum liuore, uel nigrore, uel rubore, uel etiam  
decoloratū ulcus est, significatq; ingentem nati-  
ui in parte ulcerata caloris perniciē. Aliquando  
uero adeo increuit affectus, ut & mēbrane &  
ossa subiecta corrupta sint. Confluēs humor de-  
liquit, aut quātitate, aut qualitate. Hunc autē  
effundit uarie supra affectā particulā, uel liē in-  
auctus, uel iccur, uel alia corporis insignis pars,  
uel corpus ipsum male affectū, ut in Hispanica  
scabie laborātibus uidere est. Sicca igitur intem-  
perantia fotu aquæ tēperate corrigitur: tātisper  
autē foueri debet, dū rubescat attollaturq; par-  
tis moles. Humida uero uino, posca, aut herba  
austere decocto emendatur. Ad eundem modū  
calida



calida refrigerari, frigida calefieri oportet. Tumoris autē curatio partim tradita est, partim insequentibus docebitur. Quod si ulceris labra ac etiā ambiēs locus, dura, callosa, aut putria sint, ea uel scalpello excidenda, uel ferro adurenda, aut medicamento exedenda sunt. Sin solum liuida, nigra, aut rubra appareant, primum scarificare, ac sanguinē educere oportet: deinde spongiā ad mouere siccam: postea sicca remedia adhibere: quæ ad perfectam usq; curationem iteranda sunt. Si uero influens succus nec copiosior nec deterior iusto sit, ad motis supra ulceratam partem astringentibus ac refrigerantibus medicamentis repelli debet, sumpto deligandi initio à laborante parte uersus sanam, ut in ossium fracturis: ipsi uero ulceri medicamentum adhibendum est, quod uehementius siccet, quàm quod simplici ulceri. Quod si fluxus his auxilijs compesci nequeat, huius causam inuestigare oportet, ac adimere. Nam si partis imbecillitas occasionem attulerit, imbecillitatem uero intemperantia, hanc contraria qualitate, ut modo diximus, summonere oportet. Sin sanguinis copia in toto corpore parit defluxionem, uacua re aperta uena oportebit: si uero cacochymia, purgare. Quod si pars aliqua hunc humorem in affectum fundit, uidendum an per imbecillitatem, an plenitudinem id fiat. Nam si uarix supra ulceratum locum, succum transmittat, ea

s 4 prius



prius excidenda est: sin lien inauetus, hunc inaz-  
nire expedit. Si rursus eiusmodi partes ob affe-  
ctum aliquem hoc malū cōtraxerint, huic quoq;  
consulendum est. Hæc autem omnia fusissime  
Galenus libro Methodi medēdi quarto tractat.

QVOCIRCA & carbunculis, ut uo-  
cant, super ipsam crustam, ubi pars maxi-  
me putrescit, commode hoc medicamen-  
torum genus adhibebis, intactis tamen ui-  
cinis partibus, ne imprudens sine ulla ne-  
cessitate exulceres. Sed pastillis antè com-  
memoratis utendum est: qualis est Andro-  
nius. Quod si rubor aliquando locum oc-  
cupet, aut ingens ardor, medicamentum  
passo diluendū est, uel arnoglossi succo.  
Sin tumor magnus sit, primum uino acer-  
bo, deinde adiecto aceto dissoluitur. Ca-  
taplasma autem ex eruina farina, & mulso  
aceto imponendum est: atq; in primis ini-  
tio statim tantum sanguinis, quantum sa-  
tis esse uidebitur (nisi quid uetet) detra-  
hendum est.

Carbunculus ex humore crasso feruidoq; gi-  
gnitur, cui si pituitosa sanies mista sit, cum pus-  
tulis: sin syncerus ac purus, sine his: quam occu-  
parit partem, exurit, exulcerat, ac ei crustam in-  
ducit, magis minúsue, pro humoris conditione.  
Nam ubi crassus sanguis uritur, minus: ubi fla-  
ua bilis supra modum torretur, magis periculo-  
sum



sum carbunculum creat. Interdum uero uitio-  
sam pestilentemq; putredinem contrahit, isq; es-  
necare protinus solet. Quò igitur uitiosior is hu-  
mor est, eò maiore cum periculo in corpus repel-  
litur. Refrigerari tamen affecta particula ma-  
gis cupit, humorq; uacuari. Verum is propter  
suam crassitudinem facile reprimi nō potest fri-  
gidis ac siccis medicamentis: nec si potest, tuto (si  
quidem is malignus sit) intrò repellitur. Sed nec  
in affectam particulam affatim fluere sinendus  
est, ne grauissimum dolorem excitet, ac febrē, &  
eius quam occuparit partis, natium calorem  
dissipet, nonnunquam etiam cum uitæ periculo.  
Quæ nā igitur curandi ratio est adhibenda? Ga-  
lenus certe primum à sanguinis missione incipit,  
ac ea quidem, quæ animi deliquium adferat.  
Hæc enim totum corporis habitum refrigerat,  
& febrem acutissimam, quæ hunc affectum se-  
quitur, extinguit. Deinde affectæ particule me-  
dicamenta admouet, quæ modice reprimēdo etiā  
digerere possint citra manifestam caliditatem.  
quale est cataplasma ex arnoglossò, lente disco-  
cta, panis mica, neq; planè furfuracei, neq; à sur-  
fure omnino puri, in furno cocti. Post sanguinis  
missionem, & mitigatum dolorem, tumorem  
scarificandum esse censet, incisionibus paulo su-  
per mediocres altioribus, propter humoris cras-  
situdinem, ubi scilicet defluxio iam restiterit.  
Quòd si sub crusta pars putrescit, exedentia

s s

meda



medicamenta acerrimaq; qualia Galenus enumerat, adhibenda: sed à vicinis partibus abstinere oportet, ut quæ eiusmodi adurentibus remedijs non egeant. Satis enim facient Andronis, & alij commemorati pastilli, uino dulci, aut sapia resoluti: uel si inflammatio ruborq; ingens uideatur, arnoglossi succo, aut uino acerbis: deinde aceto adiecto, si tumor magnus sit. Cataplasma etiam ex eruina farina & aceto mulso imponendum est. Nam & repellit & digerit modice.

H A E C quidem generatim sunt eiusmodi affectuum remedia: quæ pro affectorum instrumentorum natura mutantur. Quatuor autem ab his sumuntur indicationes, nempe ex eorum temperatura, cōformatione, positu, & facultate. Temperatura quidem, siquidem ex ijs quedam sunt natura ficciora, quædam humidiora, alia autem frigidiora, alia uero calidiora: & ex copulatis simplicibus aut humidiora, & calidiora, aut humidiora & frigidiora, aut ficciora & calidiora, aut ficciora & frigidiora, aut omnino temperata. Sitq; tibi in curando scopus, partis natura. Hæc enim docet, quatenus sit refrigerandum, aut exiccandum. Carnosæ enim partes inflammatione obsessæ, leuiter sunt exiccandæ: & uenosæ quidem, licet sint carnosissimiores



ciores, non tamen multum sunt exiccandæ. Arteriosæ uero, magis quàm uenosæ, atque his magis nervosæ, multo uero amplius cartilaginossæ, & ossæ. Non enim antè, quàm ad propriam naturam pars reducta sit, finem curationi impositum esse existimandum est. Ad ficiorem autem tēperaturam reducunt medicamenta natura ficiora: ad frigidiorē uero, frigidiora. Ad eundem quoq; modum in reliquis duabus qualitatibus. Ad mediocritatem uero, quæ qualitatū omnium sunt media.

Quæ generatim omni inflammationi curatio adhibenda est, hæcenus proditum est. Quo modo uero pro laborantis particule conditione ea sit mutanda, definiendum est. Neque enim partes omnes simili morbo affectæ eadem admittunt remedia. Oculus, uerbi gratia, non nisi blandissima recipit. Ossa uero acerrima sustinent. Ab his igitur quatuor, sumuntur indicationes: nēpe à temperamento, formatione, positu, & facultate. Quoniā autē uirtus est, qua uiuimus, ualemus, probas actiones edimus, quæq; morbo tanquā aduersatrix opponitur, hanc omni ratione in omni uoletudine tā prospera, q̄ aduersa feruare debemus. Seruamus autem, si quod de eius substantia perijt, resarciamus: aut quod alteratū est corrigamus, prohibeamusq; ne quid ex ea deturatur,



teratur, aut in alienam qualitatem mutetur. Eius uero substantia in spiritus, carnis & uere solidarum partium contemperamento consistit. quandiu enim omnes integræ contemperatæque manent, uiuimus, ualemus, probas actiones edimus. Contrà egrotamus, improbas actiones edimus, corruptis his ac alteratis substantijs. Rursum eas resarcimus, ac custodimus, spiritalē quidem, inspirabili, transpirabili, ac uaporofo alimento: Carnosam autem & solidam, cibo & potu. Intemperiem uero corrigimus opposita intemperie, tanta quidē, quantus est excessus, ut prius ostendimus: calidam quidem, frigidis: frigidam, calidis: humidam, siccis: & siccam, humidis. Tēperie uero similibus tuemur: calidam calidis, frigidā frigidis, humidā humidis, siccā siccis, & tēperatam temperatis. Tantum porro refrigerare, uel calfacere, uel exiccare, uel humectare oportet, quantum totius nature mediocritatem temperamentum excessit. Itaque si inflammatio glandulosam partem obsederit, parum admodum exiccanda erit: si carnosam, parum quidem, sed magis quàm glandulosa: deinde uenosa & arteriosa: nervosa uero & membranosa, amplius: musculosa, inter carnosam & nervosam. Cartilaginosa uero magis, ossea autem maxime exiccanda est.

CONFORMATIONES uero ad hunc modum: Partes quædā intra se, quædam



dam extra, quædam autē utraq;, quædam neutra parte habent spatia: ut ex simplicibus arteriæ, uenæ, & nerui: illæ in artubus quidem, intra se: in peritonæo uero, utraque parte. Nerui autem in artubus, neutra: in peritonæo uero, altera parte. Ferè autē uiscera omnia tam intra se quàm extra lata spatia obtinent. Ad hæc caro ipsa, pulmonis quidē rara: contrà uerò renum, densissima est: post hæc, iecoris. Lienis uerò substantia tanto densior est quàm pulmonis, quanto quàm iecoris est rarior. Itaque in omnibus his quæcunq; neutra ex parte caua habent, quæ fluxionem superuacua excipiant, fortiter sunt siccandæ, tametsi natura admodum siccæ non sunt, cuiusmodi sunt nerui, & in artubus potissimum. Quæ uero tam extrà quàm intrà nonnihil inflammationis relaxare possunt, uehementer exiccantibus non egent, præsertim si fungosa earum caro sit, qualis est pulmo.

*Ad rectam partis curationem indicatio ab eius formatione sumitur. alia enim aliud medicamentum esse adhibendum ostendit. Nam cū partes alie intra se, alie extra, alie utraq;, alie uerò neutra parte habeant spatia: præterea cum quædam rare sint, quædam uerò dense, fit, ut nec eadem medicamento uehemētia, nec modus*  
idem



idem omnibus partibus adhiberi possit. Nā quæ tam intra se quàm extra, conceptacula habent, quæ fluxionem superuacaneam excipere queant (quarum præcipue substantia laxa, raraq; sit) uehementer exiccantibus non egent, ut pulmo: qui & intra se latas arterias habet, & extra se pectoris capacitatem. Quæ uero neutra parte fluxionem excipere possunt, & dense pressæq; sunt, he ualenter sunt exiccande, ut nervi in peritoneo. Nam ubi ualenter impacta fluxio est, nec sunt spatia, in quæ per meatus eius pars mittatur, uehementer exiccari eiusmodi partes inflammatione obsessæ debent: aliæ contra, minus ualenter: Præterea quæ raræ sunt, facile: quæ uero densæ, egrè foras humorem fundunt. Vbi igitur cõierint partis raritas & utraque parte spatia, quæ excipere humorem possint, leuiter exiccantibus est utendum. Vbi uero neutra parte sunt spatia, & partis substantia dura densaque est, uehementer exiccantibus opus est. Quòd si alterum tantum adest, mediocriter est exiccandum.

NE QVE uero prætermittenda est ea, quæ à partis positu sumitur indicatio: utpote, quæ maxime doceat, per quæ, & quomodo fieri debeat uacuatio. Influentium igitur adhuc humorum retractio, quam ἀντίσπασις Hippocrates uocat, obsidentiū uero iam locum, deriuatio est remedium:

Vtrunq;



Utrumq; enim uacuationis genus per cō-  
munes uenas fieri iubet. Ex utero, uerbi  
gratia, retrahes, si cubiti uenam secueris,  
aut sub mammis cucurbitulas admoueris,  
aut manus calfeceris, fricueris, ac ligaue-  
ris. Deriuabis autē, si quæ in poplite sunt,  
aut malleolis, uenas diuiseris, cucurbitu-  
las femori admoueris, crura calfeceris, fri-  
cueris, & ligaueris. Atq; si dextra uteri pars  
laboret, sanguis ex dextra manu & crure  
ducendus est. Sin leua, ex mēbris illi ē dire-  
cto respondentibus. Quod enim *ναρξίω*  
Hippocrates uocat, hoc ipsum est secūdu  
æqualitatē. Secare autem internas uenas  
Hippocratis etiā est, quod he & uiciniores  
sunt, & ē directo magis respōdent affectis  
particulis. Etenim si affecto liene ducere  
sanguinē uelis, manus sinistra: sin iecore,  
dextra uena interna eodem modo secan-  
da est. Si uerò aliqua ex superioribus par-  
tibus inflammatione tentata sit, ut in an-  
gina & ophthalmia & alia, in quacunque  
capitis parte extiterit, externas, & quæ ē  
directo respondent, uenas secabis. mem-  
bris uerò ipsis affectis, per coniuges ue-  
nas uacuabis, siue retrahere siue deri-  
uare uelis, nisi inueteratum malum sit.  
Nam tunc à patiente particula sangui-  
nem duces. Itaque in angina uenæ sub  
lingua



lingua incidendę sunt, ubi corpus uniuersum uacuauerimus, & inueteratus fuerit affectus. Ad hunc modum & lieni & iecori cucurbitulas admouemus. Eadem ratione aliam quancunq; partem affectam scarificabis, cum humorum fluxio restiterit: alioquin enim hos magis iritaueris, & malum geminaueris. Sed cū iam uniuersum ab humore superuacuo corpus liberum est, neq; iam aliquid influit, sed ex uetere defluxione impacta loco affecto portio aliqua est. Quod uerò in gibbis iecoris, per urinas: simis uero partibus, per alui excrementa ducere oporteat, uisceris ipsius situs indicat. Quodq; thoracem ac pulmonem tussi repurgare conueniat, uentremq; ac stomachum uomitu, interanea alui deiectione: quemadmodum lienem quoque & renes per urinas, uterum per menses, cerebrum uerò ac eius membranas per palatum, gurgulionem, nares, & aures, ex eorum sedibus palam est.

*Partis situs ostendit, per quę loca, & quo uacuationis genere, uacuare expediat. Cum enim multa sint uacuandi genera, uarięq; morbi species, nec omnia omnibus conferant, uidendum quo uacuationis modo singuli morbi, si modo eam efflagitent, uacuari debeant. Quod fiet cognita tum morborum, tum uacuationis formarum*



marum natura. Vacuatio enim quædam simpli-  
 citer materiam educit, quædam retrahit, quæ-  
 dam uero deriuat, quædam deriuat simul & re-  
 trahit. Ad eundem modum morbi, quidam so-  
 lam uacuationem desiderant, alij uero retractionem,  
 nonnulli simul uacuationem, deriuationem,  
 & retractionem, ut in sequentibus dicitur. Qui-  
 bus uero in his utimur, præsidia hæc sunt: Venæ  
 sectio, cucurbitule, hirudines, uincula, cali-  
 da medicamenta apposita, frictiones, & pur-  
 gationes. quorum alia magis, alia minus ua-  
 cuant, deriuant, retrahunt: rursus alia potentius  
 & celerius, alia contra, impotētius & tardius.  
 Quemadmodum alia cum maiore, alia cum mi-  
 nore commodo uel incommodo. Nam sectio ue-  
 næ citra loci affecti repletionem, dolorem, calo-  
 rem, aut aliam insignem lesionem deriuat, res-  
 trahit, uacuatq;: primum quidem incisam par-  
 ticulam, deinde uicinam, postea uero distentio-  
 res, proindeq; infestantē materiam minuit. natu-  
 ram hæc exonerat, uires roborat, dolores miti-  
 gat, calorem extinguunt: quare internis est inflam-  
 mationibus quàm purgatio, commodior, ut mox  
 docebimus. Purgatio similiter uacuat, deriuat  
 ac reuocat humorem, sed calfaciendo, trahendo,  
 locum affectum irritando, ac implendo, febrem  
 augendo. Ideo minus in internis inflammatio-  
 nibus quàm sanguinis missio, ualet. Cucurbi-  
 tule potenter materiam attrahunt, celeriter ac-  
 uehe-



uehementer. Igitur ubi magis retrahere aut derivare, quam uacuare oportet, utiles sunt: Contra, ubi magis uacuare quam retrahere aut derivare, ex usu sunt scarificationes ac hirudines: blande enim uacuant. nec è longinquo, nec cum impetu trahunt. Vincula autem attrahunt uehementer uel leniter, pro constrictionis modo. Ceterum nihil aut parum uacuant. Frictiones uerò foras euocant ac digerunt, magis minusq; pro sua multitudine ac uehementia. Quemadmodum pro caliditatis ratione, imposita calida medicamenta. Igitur simplex uacuatio, quæ sit incisa parte affecta, inueteratis inflammationibus confert, in quibus remissus dolor est, & fluxio restitit. Retractio uerò, ubi humor adhuc in fluxu est: at ubi locum iam obsidet, deriuatio. Ad eundem modum, ubi pars fluit, pars iam locum obsidet, utroq; remedio, nempe retractione & deriuatione est opus. Est autem deriuatio, uacuatio quædam adlatus. Fitq; ad uicina semper: retractio uero, semper ad contraria: sed non semper ad distantissima. Hæc enim fluentem humorem retrahit ea loca uersus, à quibus antè fluebat, excreticisq; facultatis impetum in contrarium conuertit, & attractricis impedit tractum. Contraria autem sunt extrema extremis, extrema medijs, & media medijs. Igitur motus contrarij sunt non solum à summe contrarijs ad summe contraria, sed summe contraria uersus, ut di



ut dixi, etiam si ad ea non perueniatur. Quare retractio non semper ad distantissima, sed & ad propinqua fit, pro defluxionis differentijs, laborantium partium positu, & affectus magnitudine. Fluxionis differentie ex sua celeritate & tarditate, magnitudine & paruitate desumuntur. Nam celeris & ingens humorum fluxio, præceps remedium efflagitat, quod per humorum reuocationem in propinquam partem suggeritur. Parua uero ac tarda longiorem curationis moram sine periculo sustinet. Sumuntur item differentie fluxionis ex uenarum, per quas hæc fit, genere, & partis affectu positu. Fluit enim humor partim per uenam, quæ partem affectam peculiariter alit, partim per communem toti corpori. Vt in pleuritide, gratia exempli, fluxio partim fit per uenâ quæ alit costas, partim per magnam uenam sursum ad iugulum ascendentem. atq; ex his fluxionis differentijs sumitur secunde uene locus, & uacuationis differentia. Nam qui per uenam costas alentem fluit humor, necessario reuocari: qui uero per magnam ac communem, non reuocari necessario, sed deriuari, non per distantia, sed propinqua desiderat, quæ admodum & morbi magnitudo, ut quæ præceps requirit auxilium, nimirum uacuationem per uene sectionem, non quæ in distantissima parte fit, sed quæ in propinqua. Distantissima enim totam quidem humorum multitudinem in se conuertit,



uertit, sed imbecillius ac tardius tum ab affecto loco & eius vicinis partibus, tum ab ampla & communi uena reuocat, deriuat, ac uacuat, concitataeq; excreticis uirtutis impetum impotenter cohibet. Quare si uehemens sit fluxio, cuiusmodi est in proposito affectu, uix eam cohibere poterit, nec ab affecto loco uitiosum humorem trahere, nisi magna admodum & uehemens sit uacuatio: & quam citra periculum uite ager sustinere non possit. Relicto igitur in affecto loco uitioso humore, necessario calor, dolor, & distensio remanebunt: proinde fluxio non solum perseuerabit, sed & augebitur: uacuato uero benigniore sanguine & inutili relicto, uires collabuntur. Quod si uitiosa materia alio transferatur, reliquum sanguinem corrumpet: & si iterum in propinquiore parte uena secetur, sanguis improbus non uacuatur, sed ad inflammationem retrahitur. ut in uteri inflammatione, si primum ex cubiti uena sanguinem detrahas, deinde ex uena poplitis, ob loci distantiam, benignum sanguinem uacuabis: in cuius locum uitiosus succedet. deinde incisa poplitis uena uel malleoli, sanguis improbus qui in benigni locum successerat in priore uene sectione, in affectum locum reuocabitur, nec uacuabitur, nisi admodum copiosa sit uacuatio, & quam laborans ferre nequeat. Cum uero in propinqua uenam secamus, nullo incommodo reuocamus, ac multitudinem nocentis sanguinis



guinis uacuamus ualide ac celeriter (quod in in-  
 ternis inflammationibus facere expedit, ut mox  
 docebimus) probi uerò exiguam portionē. qua  
 re dolorem, calorem, distensionem, & fluxio-  
 nem auferimus, uiresq; conseruamus, aut nō mul-  
 tum demolimur. Igitur eiusmodi retractio ad  
 propinqua necessario fieri debet, ubi excretrix  
 uirtus cōcitata est, magnus morbus ac præceps,  
 humorq; cum graui periculo in partem affectā  
 decumbit, ut in internis inflammationibus ferē  
 fit. Ex quo perspicuum est eandem retractionē  
 ad propinqua fieri debere, etiam in humorū ple-  
 nitudine, ut post dicetur: quæ si semel uacuari  
 non possit, in duo partiri debebit, tantisper in-  
 termittendo, dum uitiosus sanguis, qui priore ue-  
 næ sectione uacuari ob multitudinem non po-  
 tuit, remigrarit in uenas communes, quod uel  
 eodem, uel postero die fit. Eadem ratione sangui-  
 nis missio in duo distribuenda est, ubi semel to-  
 tus uacuari, aut per uirium imbecillitatem, aut  
 egrotantis timorem, aut aliam occasionem non  
 potest. Adhæc tam retractio quàm deriuatio in  
 eiusmodi inflammationibus fieri debet per am-  
 plam uenam, quæ cum uena partem affectam a-  
 lente societatem habeat, eiq; è directo respon-  
 deat: hoc est, ut Hippocrates docet, κατ' ἴξιν, id est  
 secundum æqualitatem, & è directo proceden-  
 do sine ullo interuallo: ut perpetua & continua  
 attractio fiat per continuorum filorum longi-  
 tudinem.



tudinem. Venæ enim duplici ordine texuntur: orbiculari siue transuerso ad expulsionem, oblongo uero ad attractionem, ut Galenus docet. Contrariæ igitur positione partes sunt, quæ secundum recta fila distant, connectunturq; continuo ac perpetuo oblongi staminis ordine. In quo genere summe contraria sunt, quæ maxime distant: media, quæ medio modo. Et in eadem distantia maior est contrarietas, quo filorum rectitudo ac cōtinuitas maior. Hæc autem rectitudo inuenitur in uenarum & arteriarum staminibus, habitus dineq; totius corporis: cuiusmodi est dextri ad dextrum, sinistri ad sinistrum, & reliquarum positionum differentiarum. Per hæc fila sit attractio, ut dictum est. Incisa igitur uena humorem attrahit, uacuatq; facto emissario, quem ob uulnus continere non potest, sed amplectendo exprimit. Itaq; exhausta parte propinqua, uis attractrix ob indigentiam excitata, à distantioribus per cōtinuitatem uelut exugit. atque hæc uena uel multitudine, uel uitio humorum grauata nō solum tractui cedunt, sed & sua uis expultrice quod grauatur, pellunt, donec indigentiam patiantur. Nam inaniter tractui resistunt, non minore uis sanguinem retinentes quam à uulnerata parte trahitur: ut præceptor meus Petrus Brissous uir ut ingenio diuino, sic doctrina incredibili, in eo opere quod de sanguinis missione conscripsit, luculentissime docuit. Cum igitur luctando susperior



perior euadit contentrix facultas, fluxio sponte  
 etiam aperta adhuc uena supprimitur, scilicet  
 natura ipsum tanquam sibi familiarem uel at-  
 trahente uel retinente. Ex his liquet internam ue-  
 nam in cubito sectam ex opposito latere uel nul-  
 lo modo uel parum admodum retrahere, nisi ua-  
 cuatio admodum excedat. Cum enim attractio  
 per recta fila & continua, ut diximus, fiat, uena  
 autem caua, quæ ad iugulum fertur, tum earum  
 quæ utriusq; lateris costas alunt, tum earum  
 quæ sub brachia feruntur (internas uocant) mas-  
 gnâ continuitatis portionem interrumpat (na-  
 scuntur enim utraq; à caua priusquam in iugulo  
 larias scindatur, priores quidem quæ costas al-  
 unt: posteriores uero quas internas uocari dixi-  
 mus à dextris ad sinistras) parua erit staminum  
 relictio, & tractus minor: proinde nihil aut  
 admodum exigua portio humoris ex affecto lo-  
 co ad uulnus, quod in oppositi brachii uena fa-  
 ctum est, transferetur. Secus autem res habet in  
 crurum uenis: nihil enim est quod harum conti-  
 nuitatem impediât. Ideo ab una ad alteram tra-  
 ctus fieri potest: quod & Galenus decimotertio  
 Methodi medendi innuere uidetur. Altero, in-  
 quit, crurum male habente reliquum est scarifi-  
 candum. Quod si Cornelium Celsum mihi obij-  
 cias, qui libri secundi capite decimo scribit ex al-  
 tero brachio sanguinem mittendum esse, si quod  
 in humero uitium est: ego eundem tibi obijciam



eodem loco ita scribentem: Mitti uero sanguis debet, si totius corporis causa fit, ex brachio: si partis alicuius, ex ea ipsa parte, aut certe quā proxima: quia non ubiq; mitti potest, sed in temporibus, in brachijs, iuxta talos. Vide utri magis, tibi ne an mihi suffragetur Celsus: uterq; certe locus, & quē mihi obijcis, & quē tibi obijcio, ad idem consentiunt: nempe ut uena secetur ex parte quā maxime uicina fieri commode poterit. Ex eodē quidē brachio detraheret, nisi id ob uicinitatē particeps affectionis esset. Quare non sine graui malo secari poterit. Ipsā enim fluxionē irritasset, affectūq; auxisset. ideo ex oppositi brachij humeraria tanquā ē propiore loco qui incidi commode potuit, sanguinē emittit. Habet enim hac societatem cum opposito humero maiore quā alie uene, ut quæ à caua postquam in ingulari fissā est, propagetur, ut Galenus docet. Renocāt ad longinqua cucurbitula, uincula, scarificationes, frictiones, medicamenta calida apposita: ad propinqua uero, hirudines: ad utraq; uenæ sectio, & purgatio. His ita distinctis, uidēdum est quibus morbis uacuatio, quibus deriuatio, & quibus retractio simplex conferat. Influentium, inquit, Galenus, adhuc humorum retractio, quam antispasin Hippocrates uocat: obsidentium uero iam locum, deriuatio est remedium. siquidem contrariorum contraria sunt remedia. Quod enim incommode ac præter naturam fluit, morbumq;



humq; necessario allaturum est, per eamq; partem in quam fluit, probe uacuari non potest, per eandem uiam reuocari debet. Quod si iam humor locum occupet, quem distendat ac accendat, in eoq; dolorem excitet, neq; per eum locum uacuari possit propter nouæ fluxionis periculū, ad uicinum locum minime condolentem deriuare oportebit. Ex utero, uerbi gratia, reuocabis, si cubiti uenam secueris, aut sub mammis cucurbitulas admoueris, manus calfeceris, fricueris, ac ligaueris: quod fieri debet, ubi tantum humor reuocandus est, non etiam ex loco affecto uacuandus, ut in mensium immodica profusione. In quo affectu ab utero uacuare non oportet, cum hunc locum humor non obsideat, sed defluat: quem solum ad contraria reuocare oportet. quod commodè fit secta cubiti uena interna, ut quæ respondeat utero. Quod si uenæ sectione egrotantis uires non admittant, aut quidpiam aliud hanc impediat, admouende mammis cucurbitule sunt, aut manus calfaciende, fricande, ac ligande. Reuocare enim hæc præsidia possunt, sed non uacuare. Deriuabis autem, si quæ in poplite sunt, uenas diuiseris, cucurbitulas femori admoueris, crura calfeceris, fricueris, et ligaueris. Cū uterus inflammatione laborat, uacuationem desyderat. Quam Galenus sæpe deriuationem, aliquando retractionem appellat in libro de Curandi ratione, quæ per sanguinis missionem



sionem fit, quam solam in principio etiam inflā-  
mationis uteri fieri præcipit: illa enim & reuo-  
cat & deriuat. Ostendimus enim duplicem esse  
fluxionem de uenarum genere sumptam: alterā  
quæ per uenam uterum alentem fit: alterā quæ  
per communem prioris est retractio: posterioris  
deriuatio. quibus non solum in hoc affectu, sed  
in alijs internis inflammationibus est opus. Nam  
cum in summonendis, quæ præter naturam sunt,  
triplex scopus habeatur: unus à causis, alter ab  
eo quod rationem habet eius sine quo non, ter-  
tius ab eo quod uelut accelerantium ac urgen-  
tium habet rationem. Quod urget, primum sum-  
mouendū est, ut docet Galenus. ubi uero nihil ur-  
get, ordo à causis est petendus. Urgent autem a-  
lia alias: ut in inflāmatione, uerbi gratia, magni-  
tudo: cuius causa est humor quātitate, uel quali-  
tate, uel utraq; peccans, qui commodè auferri nō  
potest, nisi mitigato dolore. habet enim is ratio-  
nem eius sine quo non: nam doloris uehementia  
tractum sanguinis ex inflammata parte, eiusq;  
in uenas regressum impedit. Ideo mitigari is  
prius debet, quam uena secari, quod Brissonus fie-  
ri docet fomentis anodynis nunc humidis, nunc  
siccis: sed id quidem prudenter. Nam cum illa la-  
borantem partem laxant, fluxio maior illico lo-  
cum repetit, dolor inde acrior suscitatur. Itaque  
post adhibita anodyna celerrime reuocandus  
humor est, aut deriuandus. Sine igitur id quod  
urget



urget species, siue causam morbum generantē,  
siue id quod rationem habet eius, sine quo non,  
celerrime reuocare ac uacuare necesse est. quod  
apte fiet, secta poplitis uena in uteri inflamma-  
tione. Nam humor non solum reuocabitur,  
sed & uacuabitur: proindeq; morbi magnitudo  
minuetur, & dolor mitigabitur. Vbi uero mis-  
sionem sanguinis agrotans non sustineret, ad al-  
lia presidia confugiendum est: nempe cucurbitu-  
las, & alia prius commemorata. Hac ratione, si  
dextra uteri pars laboret, sanguis ex dextra ma-  
nu & crure ducendus est. Si leua, ex membris il-  
li è directo respondentibus, quod enim uocatur i&ip  
Hippocrates uocat, id ipsum est secundum aqua-  
litate. Secare autem huiusmodi uenas oportet,  
quod & uiciniores sint, & è directo magis  
respondeant affectis particulis. Cum enim tan-  
tum reuocare oportet, ex affecta uteri dextra  
parte (uelut cum per eam immodice fluit san-  
guis, siue propter eius imbecillitatem, siue dolo-  
rem, aut calorem humorem accersentē, siue na-  
tura, multitudine, aut qualitate, aut utraq; de-  
grauata illuc impetum faciente) secanda est dex-  
tri cubiti uena interna, ut quæ alijs eiusdem cu-  
biti uicinior sit, & magis è directo respondeat.  
Quod si inflammatio eam partem obsideat, san-  
guis ex dextro crure detrahendus est, si uero sini-  
stram, ex membris illi è directo respondentibus:  
hoc est, secundum reſtitudinem, ut diximus,  
quod



quod & in aliarum partium inflammationibus faciendum est. Etenim si affecto liene ducere sanguinem uelis, manus sinistra: si iecoris, dextra uena interna eodem modo secanda est. Nam si aliam uel eiusdem partis uenam incideres, ut, uerbi gratia, inflammato liene uenam circa medium digitum manus sinistrae, minus, quam cubiti uenam secando proficeres, ut autor est Galenus libro de Curandi ratione per sanguinis missionem: quoniam magis ab affecta particula distat, & minus è directo respondet, proinde minus uacuat quam cubiti interna uena. Eadem ratione in pleuritide dextra dextri cubiti interna uena, in sinistra sinistri secari debet: non autem ex opposito brachio, iuxta Galeni sententiam libro de curandi ratione per sanguinis missionem. Pleuriticis, inquit, quæ è directo laborantis lateris adhibita fuit sanguinis missio, clarissimam sepe utilitatem attulit. Quæ uerò ex brachio opposito, aut omnino obscuram, aut certe post temporis interuallum. At cum pleuritis nunc superiores, nunc inferiores costas occupet, uidendum, an utriq; ex usu esse possit sanguinis ex interna cubiti uena missio. Quoniam autem affectus hic accutus est, præceptum remedium efflagitat, nõ quodlibet, sed quod citra ullam lesionem celeriter opem ferre possit, quod apte sanguinis missione fiet, siue indicatione sumpta à morbi magnitudine, siue eius causa, siue symptomate. Ostensum autem



autem est hanc tutissimum remedium esse, quodque  
 citra offensionem ullam adhiberi possit. materiam  
 enim morbi minuit, & fluentem sistit ci-  
 tra calfactionem, dolorem, aut repletionem loci  
 dolentis, praesertim ea quae in propinquo sit. Haec  
 enim nullo incommodo celeriter reuocat ac uacu-  
 at uitiosi sanguinis multitudinem, proinde  
 morbum minuit, dolorem mitigat, et fluxionem  
 sistit. Reuocat quidem ex affecto loco per ue-  
 nam quae alit costas, ex eodem loco uitiosum  
 haurit succum: ex ampla autem & communi uena  
 multitudinem, quae excretricem iritat, deriuat  
 ac uacuat per uulneratum locum, rectis, ut di-  
 ctum est, filis trahentibus ac uelut exugentibus.  
 Igitur secta in cubito dextro interna uena dex-  
 trae pleuritidi, praesertim quae superiores costas  
 occupat, maxime opitulatur: & sinistra sini-  
 strae: non autem dextra sinistrae, aut sinistra dex-  
 trae: aut, quemadmodum Auicenna putat, mal-  
 leoli uena interna, quae ab eo saphena dicitur, lon-  
 gitudine opposita. Post hanc interna cubiti ue-  
 na, quam basilicam uocat, latitudine opposita:  
 & post ipsam media quam nigram appellat, op-  
 posita etiam in latitudine: quae si non appareat,  
 externa uena, id est cephalica, incidenda est, etiam  
 si paruum adferat adiumentum ac tardum. de-  
 inde post aliquot dies ex latere conueniente in la-  
 titudine. Haec ille libro tertio, fen decima, tracta-  
 tu quinto, capite primo, de cura communi apo-  
 stematum.



stematum partium pectoris & pulmonis. Quod  
quàm sit absurdum, nemo non uidet. Quis enim  
tam ualidis est uiribus, ut toties sanguinem ex  
se emitti sustineat? Festina, inquit Auicenna, ex  
supra ena opposita in lōgitudine. Sed quæso, quid  
ex ea commodi sentiet ager? Nullum me hercle,  
sed maximum incommodum. Sanguis enim pro-  
bus ex hac solum euacuatur, & improbus in af-  
fecto loco relinquitur, aut in communem uenam  
transfertur, in qua, qui de bono reliquus est, ui-  
tiat ac corrumpit. Eodem aut certe maiore in-  
commodo ex oppositi brachij uenis bis emitti-  
tur. Cum enim tractus humorum per recta stia-  
mina fiat, ut diximus, maxime uacuabitur san-  
guis, qui in secta uenæ parte erat. Remanebit au-  
tem uitiosus, quem uel in affecto loco relictum,  
uel in communem uenam translatus esse dice-  
bamus, aut in oppositum latus transferetur, no-  
uamq; illic pariet pleuritidem. cum enim is sua  
mala qualitate naturam degrauet, necessario  
in partem imbecillio rem detrudetur, si quidem  
excretrix uirtus ualida sit. Sin ibi relinquitur,  
febrem accendet. Sed esto: nec transferatur, nec  
nouam pariat pleuritidem, quo modo resolute  
tanto sanguine exhausto uires ultimam (quæ so-  
la ex omnibus comoda erat) sustinere pote-  
runt? Igitur Auicenna homines iugulare, non cu-  
rare docet. Quod autem secta in dextro cubito  
interna uena ex dextra pleuritide renocet, &  
ex fini



ex sinistra in sinistro, monstrandum est ex ana-  
tome secundum Galeni sententiam ad hunc mo-  
dum in commentario secundo de Ratione victus  
in morbis acutis ita scribentis: Vena caua ex ie-  
coris gibbo sursum ad dextram cordis aurem san-  
guinem ferens partibus quidem interiacentibus  
exiguam ipsius distribuit: sed cordi ipsi pluris-  
imum elargitur. Deinde ab eo progressa, ad colu-  
lum recto festinat tramite: atque in duas rectas  
scinditur in thoracis parte uenas, easque insignes,  
quas iugulares uocant. Propagantur autem ab  
ea ipsa priusquam ad cor ipsum pertingat, insi-  
gnes quidem uenae ad septum transversum, paruae  
autem ad inferiorem thoracis partem, quae octo  
costis constat, contendentes. Pars autem haec ab  
una quae coniugio caret, uena nutritur: quae in  
quibusdam animantibus supra cor nascitur, in  
ceteris uero ex ea emergit parte, qua iam cordis  
aurem uena caua tangit. Hinc siquidem emer-  
gens humiliter depressiusque per cor defertur, atque  
in spinam contorquetur. Vena igitur quae ad in-  
feriorem thoracis partem repit, utrinque costis oc-  
to ad septum usque transversum distribuitur.  
Ceterae autem sublimiores thoracis costae qua-  
tuor ab aliarum uenarum nutriuntur coniugio,  
quod a uena caua propagatur, priusquam ea in  
iugulares scindatur. Ab his igitur duabus uen-  
is, deinceps sunt quae ad manus per axillas per-  
tingunt. Ex his uerbis liquet in pleuritide qua-  
tuor



tuor superiorum costarum, sectam internam cubiti eiusdem lateris uenam reuocare ab affecto loco usq; ad eam uenæ caua partem, unde uenæ, quæ quatuor superiores costas alit, originem dicit: simul & uacuare, qui iam latus obsederat, humorem. A caua autem uena usq; ad uenam internam deriuatur uacuaturq; qui facultatem illius excretricem iritabat. Quare commode interna cubiti uena secatur in pleuritide quatuor superiorum costarum: quod, ut Galenus eodem commentario ait, sanguinem ab affecta parte, & magis & celerius, tum reuocare, tum uacuare possit. Neq; uero timendum est, ne sanguinis missio, quæ per propinqua fit, plus noceat attrahendo, & locum affectum implendo, quam iuuet uacuando. non enim aliter nocere potest, cum neq; calfaciat, neq; continuitatem soluat, neq; dolorem inferat, ut prius dictum est. secta enim ea uena sanguis neq; ad locum inflammatum pellitur, neq; ab eo attrahitur: sed a uulnerata uenæ parte trahitur, & à degrauiatis multitudine uel qualitate uel utraq; partibus, quæ noxium humorem primum per uenam costas alentem, deinde communem locum uersus uulneratum protrudunt, impeditur: illæ enim quò magis uacuatur, eò robustiores fiunt, prouideq; potentius exprimunt materiam degrauiantem: primum in uenam costas alentem, deinde in communem, ut dictum est. Rursus uulnus ab utraq; uena sanguinem



nem trahit per filorum continuitatem. Cum igitur ex utraq; uena sanguis trahitur, & per re-  
 Et a fila tractum sequitur, perq; alentem costas  
 uenam locus affectus noxiū humorem in uenā  
 communē plagam uersus potēter fundit, in affe-  
 ctam partem humor, qui in sectionis locum tra-  
 hitur, ex caua uena neq; pelletur, neq; trahetur,  
 quare nec implebitur. Nunc uero disquirendum  
 est quod ab initio proposueramus: an in pleuriti-  
 de octo inferiorum costarum, commodē eadem  
 uena secari possit. Scribit enim Hippocrates li-  
 bro de Victus ratione in morbis acutis secundo:  
 Si eas quæ sub septo transuerso sunt, partes do-  
 lor infestet, nullumq; ad clauiculam signum fe-  
 cerit, uentrem uel nigro ueratro uel peplio molli  
 re oportet. Galenus hunc locum interpretans lō-  
 ge tātius secandam esse uenam putat: etiam si  
 minus auxilium quā per purgationem sequa-  
 tur. Nullum enim, ut inquit, ex sanguinis missio-  
 ne periculum impēdet. Purgatio uero citra gra-  
 ue malum non fit: potissimum ubi laborantis na-  
 tura perspecta non est. Nam alij agrē purgan-  
 tur, alij facile. Solum igitur exhibendum esse  
 patat Galenus, ubi febris non urgeat, & egri na-  
 tura cognita sit: idq; tantum, quantum in pluri-  
 mis mediocriter uacuari sis expertus. Ex his cō-  
 stat sanguinis missionem in inferiorum costarū  
 pleuritide utilem esse, sed minus quā in supe-  
 riorum. Si uero aliqua ex superioribus partibus  
 inflam



inflammatione tentata sit, ut angina, & ophthalmia, & alia in quacunq; capitis parte, externas & quæ è directo respondent uenas secabis. Membris ipsis uero affectis per coniuges uenas siue reuocare siue deriuare uelis. Paulo antè dixerat in superiorum partium affectibus per inferiora sanguinem esse mittendum. Quomodo igitur nunc in angina, ophthalmia & aliarum capitis partium inflammationibus externa cubiti uena, quam humerariam uocant, secta non solum deriuandum humorem, sed & retrahendum esse putat? Hic enim scrupus multos male habet, praesertim ex eorum secta, qui ex opposito latere in internis inflammationibus mittendum esse sanguinem uolunt. Sed si quæ antea declarata sunt, penitus inspiciant, optima ratione Galenum in anginis, ophthalmiis, phrenitide, & aliarum capitis partium inflammationibus, humerariam è directo affectui respondentem secandam esse recte monuisse deprehendēt. Vbi enim inflammatio urget, ad propinqua, ubi uerò non urget, ad longinqua reuocare oportet. Itaq; in angina, ophthalmia, phrenitide, & alijs partium capitis inflammationibus, quæ celere præceptq; remedium efflagitant, ex humeraria uena è directo respondente mittendus sanguis est. Quòd si inflammatum brachium sit, popliteis uena quæ è directo illi respondet, aperienda est. quoniam eiusmodi partis inflammatio nullis peric



periculum minatur. Vbi uero inueteratum ma-  
lum est, à patiente particula sanguis demitur.  
Itaq; in angina, uena sub lingua incidenda est.  
Solum enim uacuationem desiderat, non deri-  
uationem, aut retractionem, modo absit dolor,  
& fluxio restiterit, purgatumq; sit corpus uni-  
uersum. Ad eundem modum & lieni & iecori  
cucurbitulus admouemus. Nam cum nec pos-  
sint nec debeant eiusmodi uiscera incidi, cucur-  
bitulis utimur, quæ uim potenter trahendi habent,  
ut diximus. Aliam uero quamcunq; partem af-  
fectam externam incidimus, ubi humorum flus  
xus restiterit, & corpus à superuacuis humori-  
bus liberum sit: alioqui fluxum irritaueris, & ma-  
lum geminaueris. Retractio autem quæ purga-  
tionibus & alijs remedijs, præsertim calidis, fit,  
longiorem requirit distantiam. Quod Galenus  
cum in alijs plerisque, tum in decimotertio Metho-  
di medendi docet. Ad partes, inquit, quæ maxi-  
me longinquæ sunt, semper auersionem facies. Is-  
bi enim de frictionibus, purgationibus, urinanti-  
& menses cientibus medicamentis loquitur, non  
de uenæ sectione. Deriuatio autem perpetuo ad  
propinqua sit, quocunq; remedio utaris: ut quod  
ad palatum delabatur, ad nares transfertur, &  
quod in conuexis iecoris partibus est, per urinas;  
in cauis per aluum deducere oportet: in reliquis  
simili modo.

§ E D & quod partibus in superficie

II 2. CON



constitutis tale sit adhibendum medicamentum, quale affectus efflagitat: quæ uero in alto corpore demersæ latent, quæq; ex longo interuallo medicamenti uirtutem experturæ sunt, his non quale nunc est, sed quale cum eo peruenerit, tum futurum est, ex situ partium dandum dicimus. Quocirca medicamenti, siue id foris adhiberi, siue deuorari, aut hauriri debeat, uires non præsentis, sed quales dum ad affectum locum peruenerint, futuræ sint, considerandæ sunt. Igitur quæ in pulmonis inflammationibus pectori forinsecus imponuntur medicamenta, longe uehementiora & acriora natura quam si ipsi uisceri admoventur, esse debent. Eius enim quod per multa corporis membra intermedia transiens ad locum affectum peruenturum est, uires si quidem per initia essent imbecillæ, omnino fatiscerent atq; euanescerent. tantum igitur aduentitij roboris adiiciendum est, quantum transeundo amittunt: ut quod superest, æquale existat ei quod tactu iuuat. Itaque externis pectoris inflammationibus abunde faciunt, quæ solum laxare possunt. internæ uero qualis est membranæ, quæ costas cingit, acriora desiderat. Lienis uero & iecoris omniumq; peritonæi partium inflammationes eadem ratione curantur. Sequitur enim



pe enim cutis ab admotis medicamentis  
ulceratur, etsi uisceribus longe durior sit,  
potentiusq; resistat. Quod si ipsis uisceri-  
bus medicamenta, quibus assidue egent,  
admoueri possent, eo mitiora essent im-  
ponenda, quo eorum natura facilius affi-  
citur. Quæ uero & uorare & haurire medi-  
camenta iubent curandis uiscerum affecti-  
bus idonea, longe acriora & uehementio-  
ra esse debent, quàm quæ affectæ partes ef-  
flagitant: exceptis his quæ uentri & stoma-  
cho conferunt. Sola enim hæc talia adhi-  
bentur, qualia morbus poscit. reliqua ue-  
ro omnia, acriora & ualentiora uiribus ef-  
se oportet: ac ea maxime quæ ad renum &  
pulmonum uitia adhibentur. Considera-  
re itaq; oportet, quot numero partes per-  
meat medicamentum, quod ad pulmones  
fertur. Primum quidem per os transit: de-  
inde fauces, & stomachum, postea uentri-  
culum ipsum, & quædam ex gracilioribus  
intestinis, deinde ad mesenterij uenas,  
post ad iecoris partium simarum, ex qui-  
bus ad gibberarum uenas peruenit: ex his  
uero ad cauam, post quam ad cor, tandem  
ad pulmonem. Neq; negare possumus,  
quin in singulis hisce partibus humori-  
bus quibusdam id misceatur, & mutatio-  
nem quandam alterationemque natu-  
ræ uisc



ra uisceris familiarem recipiat. Quapropter quod de eius uirtute superest, minus omnino ac hebetius est, quam ut læsam particulam iuuare possit. Quæ igitur à situ partis sumitur indicatio, his modis curationem uariat. Quatenus autem quæ à facultate ducitur, nunc exponemus.

A partis situ sumitur indicatio, & ad tollendam intemperiem, & ad uitiosos qui partem obsident, succos remouendos. Intemperies autem aut summa corporis occupat, aut intus delitescit. Quare non eadem utriq; medicamenti uis adhibenda est. quæ enim in superficie constituta partes intemperie laborant, medicamenta efflagitant, quæ illa affectus ipse requirit. quæ uerò in imo latent, his non qualia nunc sunt medicamenta adhibenda sunt, sed quæ affectui profutura sint, dum ad eum peruenerint. Quod enim per longa interualla ad locum affectum peruenturum est, vires transeundo amittit. Ideo tanto augendum ipsius robur est, quantum permeando id amissurum conieceris, siue id foris admoueatur, siue intro sumatur. Ad eundem modum uitiosus succus uacuatur aut è propinquiore loco, aut distantiore. Idque uel digestionem resolutionemque, uel attractionem humorum. Cum igitur in superficie hunc digerere oportet, ut in externis inflammationibus, & à propinquo trahendum, blandum



dum mitéque medicamentum, qualcq; affectus  
desyderat, adhibendum est. Contra cum qui di-  
geri succus postulat, locum distantem obsidet,  
aut à longinquo trahi debet, uehementibus  
medicamentis est opus. Igitur externis pecto-  
ris inflammationibus abunde faciunt, quæ la-  
xare tantum possunt. Internæ uero, qualis est  
membrana, quæ costas cingit, acriora desy-  
derant: lienis uero & iecoris, omniumq; perito-  
nei partium inflammationes, eadem ratione  
curantur. Sæpe enim in his curandis medica-  
menta admoventur, quæ cutem exulcerant, lon-  
ge uisceribus duriores, potentiùsque resisten-  
tem. Quæ uero ad horum uiscerum curationem  
intrò sumuntur, uehementiora esse debêt, quàm  
quæ affecte partes efflagitant, exceptis his  
quæ uentri & stomacho conferunt: qui, cum  
breuem uiam per quam ea transeunt habeant,  
taliam exigunt, qualia morbus exposcit. Iecur ue-  
ro & lien acriora, renes his adhuc uehemen-  
tiora, pulmo autem omnium foscit uehemen-  
tissima. Considerare enim oportet, quot nu-  
mero partes permeare debeat medicamentum,  
& pro ratione itineris, eius uim augere: ut  
cuius quod ad pulmones fertur, primum qui-  
dem per os transit, deinde fauces & stomachũ,  
postea uentriculum ipsum, mox quedam ex gra-  
cilioribus intestinis, præterea mesenterij ue-  
nas, post iecoris simarum partium, ex qui-  
bus



*bus ad conuexarum uenas, ex his uero ad casuam, post quam ad cor, tandem ad pulmones peruenit. Quoniam autem multe partes sunt, per quas medicamentum transit, antequam ad affectum locum perueniat, multumq; ex eius uiribus resoluitur: ideo uehementius esse debet, quam affectus desiderat, tanto quidem, quantum per itineris longitudinem ex eius uiribus diminutum ni coniecerimus.*

QVONIAM autem ex corporis partibus alias quidem aduentitię, alias uero cōgenitę uirtutes moderantur: atque harum ipsarum alię sibi solis, alię alijs uirtutum sunt origo: & ex his quidem alię proprium, alię publicum habent officiū: necessario curationis forma in unaquaq; harum differentiarum mutanda est. Siquidem multa ex commemoratis remedijs affectum quidem curant, cæterum natiuas partium uirtutes offendunt, quarum noxa in uniuersum corpus transfertur. quod bifariam fit: nimirum quatenus uiscus est uirtutis origo, totius corporis partibus cōmunis: aut eius munus uniuerso corpori utile est. Iecur enim, cor, cerebrum, & testes, principia sunt uirtutum uniuerso corpori cōmunia. Venter autē & uterus, natiuas uirtutes, & nulli alteri corporis parti communes habent. Cæterum uentris munus to



nus toti corpori utile est: uteri uero non item.

Partes, inquit Galenus in Arte parua, quædam principia sunt uirtutum, quædā ab ijs principijs originem ducunt, ijsq; ancillantur, quædam nec alias gubernant, nec ab alijs gubernantur: quædam autem insitas uires habent, & ab alijs reguntur. In qua diuisione nihil omnino meminit de partiũ publico priuatoq; munere. Hoc uero in loco ita diuidit: Partes alias quidem ad uentitiæ, alias uero congenitæ uirtutes moderantur & c. Rursus hic nullam de his partibus, quæ nec alias gubernant, nec ab alijs gubernantur, mentionem facit. Igitur pro harum diuisionum intellectu scire licet, uirtutes quasdam communes esse, quibus corpus nostrum dispensatur: nempe animalem, uitalem, naturalem: harumq; uirtutum suam quamq; habere originem; animale quidem, cerebrum: uitalem, cor: & naturalem, iecur. Rursus cerebro nerui dati sunt, cordi arteriæ, iecori uenæ, quibus eiusmodi uires cum corpore communicentur. Itaq; omnes partes sensu & motu præditæ, ab animali facultate reguntur: quæ autem uiuunt, à uitali: quæ uero nutriuntur & augentur, à naturali. Cum igitur non omnes partes sentiant et moueantur, non omnes ab animali reguntur: ut os, cartilago. Cum uero omnes uiuant & nutriantur, omnes à uitali & naturali reguntur. Aliæ uero sunt uirtutes partibus



tibus peculiares, ut stomacho, uentri & intesti-  
nis consiendi chyli, utero concipiendi & effor-  
mandi fœtum, & alijs partibus eodem modo.  
Cum igitur Galenus in Parua arte scribit, par-  
tes quasdam nec alias gubernare, nec ab alijs gu-  
bernari, non negat eas à naturali & uitali regi,  
quatenus uiuunt & nutriuntur: sed quam ha-  
bent uim peculiarem, ex se quidem habere, nec  
cum alijs communicare intelligit. Quòd autem  
de publico priuatoq; partium munere illic non  
meminit, hoc ideo fecit, quoniam ad rem quam  
in Parua arte tractabat, hoc est, temperatura-  
rum partium cognitionem, nihil conferebat. Ni-  
hil enim refert, priuatimne an publicum sit uēs-  
tris munus, ad eius tēperaturæ notas habendas.  
Ad eius uero curationē id necessario cognosci de-  
bet. maiore enim diligentia pars, cuius munus  
uniuerso corpori cōmune et necessariū est, quam  
cuius priuatum corporiq; minime necessariū, cu-  
rari debet: cuiusmodi est stomachus. Simili mo-  
do & quæ origo est alicuius uirtutum corpus di-  
spensantium, ut cerebrum, cor, iecur, aliter cura-  
ri debet quàm quæ uim suam alijs non distri-  
buit. Igitur si iecur, uerbi gratia, & stomachus  
inflammatione tententur, tam acria medicamē-  
ta non ferunt, quàm crus eodem affectu labo-  
rans. Crus enim non solum relaxantia, sed & di-  
gerentia admittit: iecur & stomachus nō item,  
sed quæ perpetuo robur seruent. Priora affe-  
ctum



Etum quidem curant, sed nativas vires ledunt: quod sine magno incommodo crus & alie id genus partes patiuntur, stomachus & iecur non ferunt. quoniam contractam ex eiusmodi medica mentis noxam cum alijs corporis partibus communicant. Iecur quidem, quatenus origo est virtutis, qua uniuersum corpus alitur: stomachus uero, quatenus corpori alimentum concoquit. Eadem ratione aliorum principiorum origines curari debent: nempe cor & cerebrum, quae ad uitae indiuidui tutelam condita sunt: & testes quos ad speciem conseruandam natura concessit.

PLERUNQUE autem affectionis remedium, partis vires offendit: aliud quidem immodice relaxando robur soluit, proindeque & partis uirtutem: aliud uero immodice refrigerando insitum calorem extinguit. qui fortasse, ut quibusdam tum medicis, tum Philosophis celeberrimis uisum est, substantia est uirtutum, aut certe primum ac necessarium ipsarum instrumentum. Iam uero & alienae quaedam qualitates, vires dissipare possunt. Nihil igitur horum curando praetermittendum est: ne forte imprudentes dicamus, morbus quidem curatus est, homo uero periit: quod accidere plurimis quotidie uidemus, qui irrationalem experientiam colunt, methodicamque sectam omnia



omnia ipsius artis bona peruertentem, quæ rationes quasdam dogmaticas quidē, sed multis erroribus plenas sectatur.

In situm hunc calorem, non illum uaporosum & aëreum, de quo supra meminimus, sed uirium substantiam, uel ipsarum primarium instrumentum, hoc est contemperamentum quatuor uel elementorum uel earum qualitatum Galenus uocat. Ex quo uirium robur consistit, ex robore autem actio proba editur. Quoniam autem uariarum partium uaria sunt temperamēta, ideo & uarij sunt natiui in corpore calores. alius enim est solidarum partium, alius humorum, alius articularum partium, ut fusissime superiori cōmentario docuimus. Vbi igitur in aliqua parte caloris substantia perit, uirium robur solui necesse est. Perit autem ea, quia aut resoluitur, aut extinguitur. Resoluitur autem uel calidis ac digerentibus, uel exiccantibus & tanquam eam depascentibus. Extinguitur uero aut frigore, aut humiditate suffocante. atq; hæ sunt alienæ qualitates quæ uires demoliuntur.

S V B indicatione autem quæ à uiribus partium petitur, sensus hebes acutusq; cōtinetur. Nam quæ insigniter sentiunt, acuta medicamenta non ferunt, quemadmodum nec humores. Si enim acer quidam humor os uentris occupet, in syncope ægri sæpe labuntur: quod si permodice affi



ce afficiatur, anxietate & nausea premun-  
tur: aliquando infestum quidem humo-  
rem uomentes, aliquando uerò frustra e-  
nitentes. quod in his potissimum affecti-  
bus accidit, quibus os uentris uitioso hu-  
more imbuatur. Itidemq; cum in oculos  
eiusmodi humor influit, maximum dolo-  
rem inuehit, ulcerosasq; pustulas curatuq;  
diffiles excitat. Eadem ratione neq; oculi  
acrium medicamentorum contactum ob  
sentiendi præstantiam sustinent, quemad-  
modum nec os uentris. Neq; uerò quod  
degrauet, si foris imponas, eiusmodi par-  
tes patiuntur: minusq; uentre oculus, ut-  
pote qui nonnunquam ab iis quæ illinun-  
tur medicamentis grauatur. Partes uerò  
quæ hebetioris sunt sensus, tum graua ca-  
taplasmata, tum mordentia medicamenta  
ferunt. Siue igitur quis cum quatuor com-  
memoratis indicationibus eam, quæ à sen-  
tiendi facilitate sumitur, quintam nume-  
rare uelit, siue in ea compræhendere quæ  
à facultate sumitur, nihil ad rectam cura-  
tionem refert.

*Siue quintam à sensus acumine & hebetu-  
dine sumptam indicationem enumerare uelis, si-  
ue sub quarta contineri, nihil ad rectam cura-  
tionem refert. Constat enim partem magno sensu  
præditam, neq; ingentem molem, neq; uehe-  
mentem*



mentem acrimoniam medicamentorum, sine gra-  
uissimo dolore, qui non modo augere, sed & no-  
uam defluxionem excitare solet, ferre non posse.  
Eadem ratione nec acres mordacesq; humores.  
Nam si stomachus hos imbibere, egri in synco-  
pen labuntur, nisi leuiter admodum afficiantur;  
solam enim tunc anxietatem nauseamq; pariunt,  
nonnunquam quidem cum uomendi inani appe-  
titu, nonnunquam uero cum humoris reiectione.  
itaq; acutus sensus uehemens & graue medica-  
mentum respuit, quod obtusus hebesq; admit-  
tit, ut libro superiore declaratum est.

H A E igitur indicationes semper me-  
moriam tenendæ sunt in omni parte, quo-  
cunq; affectu laboret. Nam eius tempera-  
tura, formatio, situs, & facultas, particu-  
lares nostras operationes immutabunt,  
seruato communi scopo, quem perpetuo  
ex affectu sumendum esse docuimus. Qui  
igitur ex nuda solaq; intemperantia na-  
scuntur morbi, contraria qualitate curan-  
tur: calida quidem intemperies frigidis,  
seu primario loco, seu ex accidente ea  
refrigerent: frigida uero calidis. Ad eun-  
dem modum sicca humidis, humida sic-  
cis. De eo autem quod primum aut ex ac-  
cidente calfacit, fusissime (ut nosti) in o-  
pere de simplicium medicamentorum fa-  
cultate differuimus, ostendentes nonnun-  
quam



quam id ex accidente calfacere, quod primario loco refrigerat, ut in frigida asper-  
sione, qua intro calor repellitur: & quod  
calfacit refrigerare, cum calor calida as-  
persione rarefacto corpore discutitur. Ita-  
que corpus cum à solis agentibus qualita-  
tibus alteratur, sola calfaciendi, & refrige-  
randi, humectandi, ac exiccandi facultate  
ad naturalem habitum, citra ullam sensile  
uacuationem, reducitur. Cum uero solo  
materiæ, eiusque temperatæ, influxu labo-  
rat, sola uacuatione est opus. Sin intempe-  
rata materia sit, uacuationem simul & alte-  
rationem per contrarias qualitates deside-  
rat: uacuationem quidem, haud aliter atque  
affectus, qui rheumatici dicuntur, de quibus  
librum unum (ut nosti) conscripsimus: in  
quo ab initio statim monstratum est, eius-  
modi affectiones fieri, facultate quæ cor-  
pus uniuersum alit, imbecillitate laboran-  
te, cum collecta multitudo in omnium par-  
tium infirmissimas diffluit. Quinetiam  
fluente quidem sanguine quodamtenus  
uitiato in eiusmodi partes in rheumaticis  
affectionibus promiscuus oritur affectus,  
quod perraro fortassis euenit. Semper e-  
nim mihi sanguis sine pituita, aut bili  
uel flaua uel atra, tenuis fluere uisus est.  
Quod si alia quapiam occasione pars  
intume



intumescat, uidendum est, an inflammatio, an scirrhus, an œdema eiusmodi affectus sit. Inflammationem dicimus omnem calidam ac quasi flammeam affectionem, cuius differentias paulo antè retulimus. Itaque iam tempus est, ut de œdematis pauca tibi tradamus, quo in memoriam reuoces, quæ fufius me explicante didicisti.

Vna est curationis omnium morborum communis indicatio: nempe ipsum contrariū. Quod pro partis temperatura, formatione, situ, & facultate mutandum esse ostendimus. Quoniam igitur morborum non una est species, sic nec eorundem remedium unum. Morbi enim alij ex nuda solaq; intemperie nascuntur: alij ex solo materie eiusq; temperata defluxu: alij ex eiusdem, sed intemperata. Qui igitur ex nuda intemperie fiunt, contraria intemperie curantur: ut calidi frigidis, frigidi calidis, humidi siccis, & sicci humidis. Qui uero ex humorum influxu, si quidem temperati sunt, solam uacuationem: si intemperati, cum uacuatione alterationem requirunt per contrarias qualitates, eorum uidelicet humorum, qui iam partem obsident. Qui uero in corpore adhuc sunt, uacuatione, aut purgatione, aut utraq; egent, non aliter atq; in affectibus rheumaticis, qui, ut Galenus docet libro de Curandi ratione per sanguinis missionem, sunt  
toto



toto corpore infirmo, principibus uerò illius partibus, paulam licet ipsis insit sanguinis, grauari solitis, eumq; in carnosas partes protrudentibus: & potissimum in glandulas excipiendis recreamentis idoneas tum ob substantie sue laxitatem, tum quòd omnium partium minime robustas habeant naturales uirtutes. Nam cum quatuor sint, ut ostensum est, Prima attractrix, Secunda contentrix, Tertia excretrix, & Quarta alteratrix, alias quidem tres maximè imbecillas glandulae carnesq; obtinent: at unam alteratricem haud ita multo ceteris partibus minorem. Post glandulas sequitur pulmo fluxione recipiendae promptissimus. Nam & hic tres facultates infirmas obtinet, & corpus ipsum laxum est. Deinde lien. porrò autem cerebrum, ut ille, aut etiam plus excipiendae fluxioni est habile. Ceterum hoc illis praestat, quòd constructionem habet his excernendis quae accepit, promptissimam: nempe ingentes uentriculos, qui prorsus meatibus euacuantur. Quibus ergo carnosò genere pulmo, lien ac cerebrum natura robustiora sunt, in his ad glandulas & carnes fluxiones perueniunt: ubi scilicet totus habitus infirmus fuerit, uelut in rheumaticis affectibus fieri solet: merito igitur his curandis scopus est non uacuatio, sed totius habitus roboratio. Quanquam curationis eorum initium à uenae sectione sumendum sit. Quòd si excrementa prauam etiam qualitatem  
x. habeant.



habcant, simul adhibeatur purgatio, in his maxime corporibus, quibus neutrius plenitudinis proprium symptoma sit: nempe grauitas eius quæ ad vires, & distensio eius quæ ad uasa est. Hæc quidē Galenus. Ex quibus uerbis cōstat in rheumatismis, etiam si parum placet Auicenna, uacuandum esse, ubi humor nōdum uitrum in qualitate contraxit, apparentq; utriuslibet plenitudinis symptomata: nempe uel grauitas in ea quæ est ad vires, uel distensio in ea quæ est ad uasa. ubi uero neutrius plenitudinis adsunt signa, purgatione potius est opus. Si uero unā cum praui humoris qualitate eadem signa appareant, primum quidem sanguinem mittere, deinde purgare oportet, etiam si qui fluit, sanguis parum à natura exceßerit.

O E D E M A igitur fungosus & absq; doloris sensu tumor uocatur, quem ex pituitoso humore constare monstrauius, aut uaporofo spiritu, qualis in cadaueribus euenit, & in pedibus sæpe ac cruribus eorum qui aqua intercute, tabe, & alio uitiato corporis habitu laborant. Verum in illis periculosis affectibus eiusmodi œdema symptoma est, nullam propriam præcipuamq; curationem requirens. Sola enim frictio aliàs ex oxyrrhodino, aliàs ex oleo cum sale, aut etiam oxyrrhodino falem habente ipsum sedat, atq; id genus alia mul



lia multa.

Absoluta de calidis tumoribus disputatione ad frigidos transit, primumq; ad œdemata, id est raros ac sine doloris sensu tumores, ex pituita uel flatulento spiritu ortos. Hi nonnunquam alijs morbis superueniunt, ut aqua intercuti, tabi, & alijs corporis uitiatibus habitibus. Aliquando ex tenuis pituitæ influxu: ex crassa enim scirrhi nascuntur, ut mox dicetur. Quod igitur periculosos hos affectus œdema sequitur, multitudinis quæ hominem premit, est symptoma, ut inquit Galenus, nullam seorsum propriam curationem requirens: quando curari, nisi affectu ex quo nascitur profligato, non potest. Sed tamen aliquid de eo remittendum est, si quidem uires demoliantur, aut primarium affectum augeat, aut curationem impediat. In hydrope, gratia exempli, si tantus crurum tumor adsit, ut & distentione dolorem excitet, & progressionem impediat (quæ ad morbi curationem commodissima est) remittendus erit, ut & dolor mitigetur, & expeditior fiat progressio. Tumorem autem remittit frictio, ut quæ meatus recludat, excrementa fluxa reddat, & si cum oleo administretur, humectet, laxet, emolliat, quæq; in meatibus continetur, euaporet. Quæ quidem frictio quia plus sepe attrahit quàm uacuat, præsertim ubi corpus impurum est, ut in antè dictis affectibus, id eo cum astringente oleo fit, nempe rosaceo, cui etiam



tiam admiscetur nunc acetum, ubi timetur fluxio: nunc sal, ubi magis exiccare ac digerere quam restringere oportet: ubi uero simpliciter uacuare uolumus, cum oleo & sale fricamus.

A T si ex pituitoso humore partem obfidente œdema factum sit, sponsia aqua, quæ aceti aliquid acceperit, madefacta, aliquando affectum mitigat: qui si non quiescat, paulo plus aceti miscebis, ita attemperans, ut bibi possit. Hoc autem aquosius initio adhibendum est, potissimum mollioribus corporibus: ualētius uero robustis, ac cutem duram habentibus, & quæ primo spongiæ impositu minime inuentur. Esto autem sponsia noua: cuius si copia non adfit, curiose abluatur aphronitro, nitro, & lixiuia stillatitia, quam *νοβία* *σαντλὴ* uocāt. Non cedente autem his remedijs œdema te, aluminis momentum adiiciendum est, ac sponsia omnino noua imponenda. Si uero aliquos ex artubus œdema occupet, spongiam deligabimus, ab inferiore parte incipientes, ac superiori finientes, iniectionem, compressionē, & arctationem, & omnem distributionem, ut in fracturis, facientes. Curationis autem scopus in hisce affectibus mistus est: alter quidem, ut horum substantiæ aliquid digeratur: alter, ut cogatur, stringaturq;. Si igitur iam dictis reme



remedijs morbus non sedetur, tunc uehe-  
mentiora mistam temperaturam habentia  
ex genere suprà relatarum facultatum ad-  
hibenda sunt. Ego uero in inueterato œ-  
demate illitæ oleo parti spongiam ex lixi-  
uio admoui: eaq; arctius deligata malum  
uidi percuratum, non amplius scilicet hac  
curandi ratione, mistam facultatem quasi  
scopum habente, sed ad digerendam disse-  
candamq; materiam declinante: quod in  
omnibus ferè diuturnis affectibus proba-  
ri non ignoramus. Postquam uero abun-  
de ad te quidem de œdematis scripsimus,  
de scirrhis tumoribus deinceps disserē-  
dum est.

*Quoniam aliorum tumorum more œdema  
fit ex humorum in aliquam partem fluxione, du-  
plex eius curandi scopus erit: alter, ut horum sub-  
stantia digeratur: alter, ut fluxio restringatur.  
atq; prout alter alterū superat, sic remedia sunt  
miscēda, alterum cum altero liberalius aut par-  
cius. Vbi igitur plus erit restringendum quàm  
uacuandum, augenda restringentium uis erit.  
Vbi uero plus uacuandū, degerentium ac exiccā-  
tium materia præpollere in mistione oportet.  
maiores porro restringentium uim miscēdam  
esse ostendit maior fluxio, & parcius in affecta  
parte materia. Contrà, exiccantium ac digeren-  
tium uberiores modum adhibendum, ubi ube-*



rrior materia locum obsidet, & fluxio minor est. Itaq; posca ex usu est. Restrigit enim potenter nec inualide exiccat. atq; hac quò copiosiore acetis portionem acceperit, eò ualentius: quò uero parciorem, imbecillius astringit. Sed aquosior initio adhiberi debet (nam à leuioribus semper inchoandum est) & in corporibus mollioribus: ualentior autem & quæ plus accepit acetis, robustioribus & cutem duram habentibus, & ubi aquosior non profuerit. Vbi uero plus digerendum est quàm stringendum, lixiuia commodissime admonetur, ut cui maior uis insit exiccandi ac detergendi quàm restringendi. Ad hunc autem modum eiusmodi remedia adhibentur. Spongia noua & quæ nullam alienam qualitatem habeat, aut si noua nō sit, abluta ac repurgata uel nitro, uel aphronitro, uel lixiuia, madesieri antè dictis remedijs debet, hisq; uel simplicibus, uel admixto alumine, aut sale, aut alio medicamento, ut Glaucio, prout affectus efflagitare uidebitur, imponi loco affecto. Commodissima enim huic rei spongia est uel noua, uel ut diximus repurgata, tum quòd medicamentum copiosum excipiat, diuq; seruet, tum quòd sua substantia affectam partem exiccet. Quæ si in promptu non est, in eius uicem ellychnio utendum erit. Si autem brachium, uel crus sit, quod afficitur, deligunda spongia erit non aliter atq; in fracturis: hoc est, ab inferiori parte incipiendo, ac superiori finiendo.

Sit



Sit autem arctatio mediocris, cuius primæ quidem fasciæ spiræq; magis arctandæ: quæ uero deinceps sunt, remittendæ: sed non adeo, ut minus laxa sit deligationis pars, quæ humorum decursum impedire debet.

EX QVISITVS igitur scirrhus, tumor est præter naturam sensu carēs ac durus. Non exquisitus autem, non sine sensu quidem omnino est, sed ægre tamen admodum sentit. Qui igitur sine sensu est, curationem non admittit. Qui uero hebetis sensus est, ut insanabilis non est, sic nec curatu facilis. Fit autem scirrhus ex glutinoso & crasso humore scirrhusis partibus ita infartus, ut facile solui non possit: qui aliquando statim ab initio paulatim conrescit ac augetur. Sepe uero à medicis uehementer erysipelata, ac inflammationes astringentibus & refrigerantibus conflatur. Si quis igitur medicamenta uehementer digerentia partibus scirrhusis adinuerit, & scirrhum manifeste minuerit, hic breui se persanaturum eum falso sperabit: ignorans quod hæc curandi ratio affectum relinquit incurabilem. resoluta enim ex ipsa subtiliori humiditate, quod reliquum est, exiccatum, lapidosum efficitur. Non sunt igitur scirrhusæ partes medicamento uehementer exiccante curandæ, sed tepidum



pidum calorem habente: humorem uero neq; multum, neq; omnino paucū. Quod enim supra modum humidum est, nihil prorsus digerit: quod uero minimum, plusquam par est exiccat. Oportet igitur corpus scirrho obseffum à medicamento profuturo, similiter atq; hæc quæ in sole liquantur, affici. Vocantur autem huiusmodi medicamenta emollientia. De quibus copiosius in quinto de Simplicibus medicamentis proditum est. Exempla quoque eorum tradita sunt: simplicia quidem, medullæ omnes ac adipēs. Ex medullis uero primas tenet ceruina: deinde uitulina. Ex adipibus, uolucrum quidē anserinus, terrestrium uero leoninus. Gallinaceum autem anserinus, pardalium uero ac urfinum leoninus antecedit: post quos est taurinus. His autem crassior est ac ficcior caprinus: atq; hoc magis, hircinus. Quod autem eiusmodi affectus uehementer ficcantibus non egeant, dictum est ante. De differentia autem quæ ex eorum tenuitate ac crassitudine sumitur, docuimus quidem, sed non perspicue. Idcirco in memoriam tibi reuocanda sunt, quæ inter nos commētabamur, dum Cercilij puerum curabam: cui ex erysipellate uehementer astricto & refrigerato tumor scirrhusus in  
toto



to femore relictus erat: cui curandæ tenuium partium medicamenta adhibenda esse existimabamus. proinde pueri femur oleo fouebam in profundo labro sedentis largum oleum sabinum continente: quod non ignorarem, maiore id partiuni tenuitate quam cetera præpollere. Balneo uero, nisi pluribus interiectis diebus, curandi totius corporis causa, prohibebam. Post uero eiusmodi fotum medicamenta ex commemoratis medullis & adipibus affecto loco imponebam, admistis nonnūquam bdellio scythico, mastiche ægyptia, & ammoniaco thymiamate pingui nō uetere, nec non & galbano, quibus præmunitum totum femur pinguisimo ammoniaco, aceto acerrimo resoluto circumleui, deinde interposito rursum spatium panacis liquorem pinguisimum aceto acerrimo dissolutum adieci, eumq; recentem, alioqui pinguis non perduraret: quemadmodum neq; bdellium, neq; ammoniacum, neq; galbanum. Puerum uero alteri crurum innixum saltare iussi, quod plus in id alimenti ferretur. Postea uero redacto iam ad æqualitatem scirrhuso tumore, ueritus ne reliquæ superessent, contrariam curationem iniui, femur aliquo ex resinosis medicamentis illinens. Perspicue enim ui

x s deba



debatur scirrhusa moles insigniter quidē concidisse medicamentorum quæ ex aceto constant, litu: relaxantium uero, mollescere, sed non decrescere. Verum alternatus eorum usus moderatus puerum curauit. Nam si altero tantum genere medicamentorum scirrhum curare tentasses, hunc nequaquam sanasses.

Scirrhus tumor est durus & sine ullo dolore, sed non sine sensu, nisi exquisitus omnino sit. Fit autem interdum incommoda inflammationis & erysipelatis curatione, ad motis medicamentis uehementer uel refrigerantibus, ac stringentibus, uel immodice tenuem digerentibus humiditatem. Interdum uero sponte & sine externa occasione, scilicet humorum crassorum uel glutinosorum uel utrorumq; influxu in aliquam partem. Si quis igitur scirrhu curando medicamenta quæ uehementer trahant ac digerant, admouerit, prius quidem diebus egregie curatio processisse uidebitur: sed quod relinquetur, in lapidosam duritiem concrecet, scilicet resolato ac digesto toto eo quod tenuium sit partium, more lapidum qui in renibus & uesica generantur. quod ubi concreuerit, nullam curationem admittet: neq; enim solui potest: quemadmodum nec lapides, si absorpta humiditas est, scilicet eorum meatibus ob angustiam humorem non admittentibus. Oportet igitur corpus scirrhu obsessum à medica



medicamento quod iuuare debeat, simile quidam  
 piam his quæ in sole liquantur, pati: quemadmo-  
 dum enim solaris calor, ubi in meatus rei liqua-  
 bilis subierit: quod latebat, humidum soluit: sic  
 emollientis medicamenti in scirrhosam materiã  
 ingressus eam emollit. Sed nec quæ molliunt,  
 continuo affectum curant. opus enim est & di-  
 gerentibus, non quidem uehementer, sed quæ mol-  
 liendo commode id præstent. Cuiusmodi sunt  
 medullæ omnes, in quibus principem locum obti-  
 nent ceruina & uitulina: quemadmodum &  
 adipēs, alij alijs magis, pro uarijs animalium tẽ-  
 peramentis. Summa igitur curandorum scirrho-  
 rum hæc est, ut uacuetur quod præter naturam  
 est. Vacuatur autem, quod pertinaciter meatibus  
 inheret, digerentibus, non quidem uehemen-  
 ter, ut diximus, ac emollientibus, hoc est modice  
 calfacientibus & exiccantibus. Qui autem ob  
 calorem uehementer digerentem in tophaceam  
 duritiem concreuerunt, immedicabiles sunt: si  
 tamen aliquo modo iuuari possint, humectandi  
 ratione curari debent.

TENDONES nerò (sic enim neruo-  
 sas musculorum propagines uoco) ex cõ-  
 memorato medicamentorum usu euiden-  
 tissime iuuari uidemus, si, quæ pyrite lapide  
 inicitur, curandi ratione probe utamur:  
 hunc autem oportet igni candentem acer-  
 rimo aceto inspergere, deinde affectam  
 parti



particulam super hunc dimouere, ut à uapore sursum exhalante scirrhus soluatur. Multæ enim partes iam planè repādæ curuataeque, hac curandi uia quæ sic uersando fit, integrè sanatae sunt, ita ut incantamentis similis res esse crederetur. scirrhusam autem partem remedijs antè dictis emolliam præmunire oportet. Quinetiam in hac quæ pyrite fit, curatione largo oleo fabino perquam calido subinde fouēdus affectus est, aut aliquo alio ex subtilium genere. Nec uerò minus proderit anethi potissimum uiridis ac recentis comam oleo incoquere. Quod si pyrites in promptu non sit, molari est utendum, sic enim lapidem, ex quo molas parant, quibus frumentum molimus, uocant.

Ostensum prius est, omnium tumorum unam esse communem indicationem: nempe uacuationem, & omnium scirrhorum, qui quidem calum nondum contraxerunt, eam quæ commode digerendo emollientibus fit. Monstratum præterea est partium constitutiones curationem variare. Igitur in tendonum scirrhis, quæ partis duræ ac densæ sunt, cum emolliētibus miscēda sunt quæ dissecant. cuiusmodi est acetum, quo & ad alias partes utimur: ubi scilicet affectus inueteratus est, & pars affecta iam remollientibus est preparata. Incidit enim acetum, ac resoluit crassos hu



fos humores. Vtilis igitur eius usus est, si modicè  
opportuneq; adhibeatur, non sepe, nec longo tē-  
pore, nec inter morbi initia, sed interposito re-  
mollicientium usu. alioqui tenues partes uolenter  
absumeret, ut Galenus ait, & reliquias humoris  
in lapidosam duritiem cogeret. Ad hunc autem  
modum ministratur lapis pyrites, uel molaris, in  
gni candens acerrimo aceto perfunditur, super  
uaporem calidum quem sursum emittit, scir-  
rhosa pars collocatur, subindeq; uersatur, ut to-  
ta uaporem melius excipere queat. Postea medi-  
camentum emolliens, ut docet Galenus, imponi-  
tur. quotidie uero oleo aliquo quod tenuium par-  
tium sit, affectus perfunditur, in quo althææ ra-  
dix, aut cucumeris syluestris, aut anctum uiri-  
de & recens, aut id genus aliud incoctum sit.  
Multas enim partes iam magnitudine scirrhi in-  
curuatas ac in orbem contractas hac curā di ra-  
tione, quæ uersando partē in ipso uapore fit, per-  
sanatas fuisse scribit Galenus, ita ut diuina po-  
tius quàm humana res esse crederetur. In alio  
exemplari legitur. *ωρονταυτλῆδαυ δαψιλῶς*,  
in Aldino *ἐλαῖω δαψιλῶς θιγμῶ*; prior lectio ma-  
gis mihi applaudit.

LIENEM autem scirrhum non so-  
lum foris adhibitis uehementibus medi-  
camentis curare oportet, sed & ualidissi-  
mis potionibus. Nam & has citra molestiā  
perfert. Ex hoc autem genere optima sunt  
radicis



radicis capparis cortex, & scolopendrij & myricæ tum radices, tum ramuli. Hæc autem omnia in aceto & mulso aceto incoquenda sunt.

Lien scirrhus obseſſus uehementia admittit medicamenta, siue foris, siue introrsum adhibeatur, etiã si rare sit substantia, & munus habeat corpori necessarium, nempe excipiendi atræ bilis recrementum. Quoniam autem minime neruosa ea pars est, proindeq; sensus hebetis, & in alto condita, fortissima fert medicamenta, sed alternatim, ut de aliarum partium scirrhis diximus, imposita. Itaq; utiliter bibitur uel acetum, uel posca, uel acetum mulsum: in quibus incocta sint radicis capparis cortex, scolopendrij & myricæ tum radices, tum germina. Foris uero imponuntur remolliētia, quale cataplasma est, quod quia ex althæa constat, dialthæas dicitur: agrestis malæ folia cum adipe anserino uel suillo, aut alio remolliente. Incidentia uero ac digerentia, ut ammoniacum, cui tantum aceti admistum sit, ut luti crassitudinem accipiat: & flos salis, ut qui & extenuet & digerat abunde.

S A E P E uerò lien tangenti reniti uideatur, tametsi scirrhus non sit, sed potius flatulentus. In quo affectu ubi absinthio prius locum perfuderis, imponendum est emplastrū mistę facultatis: quale est, quod ex sulphure & alumine constat. Plurima  
profe



profecto id genus remedia in medicamē-  
torum libris scripta sunt. Non simpliciter  
autem mystorum medicaminum uiribus  
animum intendere oportet, sed & quan-  
tum misceatur. Cum enim flatu lien aut  
potius cedemate intumuit, etiam si alumi-  
nis multum inieceris, nihil offenderis. At  
si scirrhus occupetur, digerendi facultas  
præpollere debet. astringendi uero exi-  
gua portio admisceri. Cum uero ex sim-  
plicibus sponteque nascentibus medicamē-  
tis salis flos hac ui sit præditus, scirrhus-  
sum lienem sanat foris in marsupio impo-  
situs.

*Lienem nunc scirrhus, nunc flatus (opportu-  
nus enim his iniurijs est) occupat. hic facile, ille  
agrè discutitur. Rursus hic magis, ille minus  
digerentibus eget. Quocirca flatuosus lien ab-  
sinthio prius perfundi, deinde ipsi emplastrum  
imponi, quod mistæ sit facultatis, debet. qua-  
le est quod ex sulphure & plurimo alumine con-  
stat.*

I E C O R I S uero scirrhum, recentem  
sæpe curauimus: inueteratum uero neque  
ipse sanare potui, neque alium qui posset,  
noui. Omnes enim ita affectos omnino se-  
quitur aqua intercus. Plurimi autem lon-  
giore temporis spatio intereunt. Nonnul-  
los uero breui perire uidi, quibus alius  
multa



multa deijciebat. Palàm igitur est his stipata esse uasorum ora, per quę cibis ex finis iecoris partibus in conuexas transmittitur. Quòd si qui ex his curati sunt, nō alia ratione quàm quę in musculosarū partiū scirrhis monstrata est, sanitatem sunt adepti. Non enim hoc uiscus uehementia medicamenta, uti lien, sustinet. Remollientium igitur mistura quę inflammationis ratione uisceri admoventur medicamenta augenda sunt. Erant autem illa ex absinthij coma, & expresso ex unguentaria glande oleo, mirobalanupiesma uocatur, & utraq; nardo, indica, & celtica: præterea croco, & cœnanthe, mastiche chia, & unguentis ex nardi spica temperatis, item mastichino, melino, & cœnanthino. his igitur si ammoniacum thymiama, & bdellium, & cōmemoratae medullæ ac adipēs, quęq; incidere idonea sunt, adiiciantur, iecoris scirrhū sanant, commoda uictus ratione obseruata, unā cum medicamentorum portione, quę obstructionem delent, & succū qui in uiscere retinetur, detergūt. Hęc autem omnia uim habent comminuendi etiam renum calculi: quorum materiam multi medici tractarunt. His autem quodpiam admiscendum est ex illis, quę urinam mouere possunt: quorum materia pluri



plurima tum à multis alijs, tum à nobis in opere de medicamentis scripta est. Quocirca quæ nunc dicta sunt, tibi sufficiant.

Iecur munus habet toti corpori publicum, & uirtutis naturalis est principium. Igitur eius habenda maxima ratio est, ne robur amittat. Vehementia enim medicamenta, uti lien, ferre non potest. Quocirca si scirrhus laboret, non facilem curationem admittit, nisi recens sit. Nam inueteratus omnino non curatur, quia tam uehemens medicamentum quam affectus efflagitat, iecur ferre non potest, ut cuius uehementia partis robur uniuerso corpori maximè necessarium soluat. Hoc uitium aqua intercus sequitur. tandem processu temporis mors. Natiuum enim iecoris calorem, proindeq; eius uirtutem demolitur (ostensum enim est hunc uirium esse substantiam.) Itaq; pro sanguine quo ali debet corpus, generatur aquosa humiditas: unde aqua intercus nascitur. Aliquando uero, cum scirrhus uias per quas ex sinis iecoris in conuexas partes defertur, obstruit, mors hydropem anteuertit, scilicet corpore alimentum non recipiente, & aluo immodicè fluente. Qui igitur curationem admittit, non alia ratione sanitatem consequitur, quam quæ scirrhus laborantibus musculis adhiberi solet. quam Galenus decimoquarto Methodi medendi ad hunc modum docet: Ad musculos uero alium sanè non uidi, qui ammoniaco thymiama-

y te cum



te cum aceto uteretur. Ego uero sæpe usus sum, utiq; mollientium usui interponens. atqui sub illis nulla cernitur euidentis utilitas. Sed posteaquam perea mollitus scirrhusus tumor est, maximum certe usum ammoniacum aceto liquatum confert. sufficit autem uno alteroue die usos ad remollientia reuerti, ac rursus his pluribus diebus usos, denuo ad medicamen quod ex aceto fit redire: siue id ammoniacum, siue quid aliud habeat eorum emollientium quæ paulo supra sunt comprehensa. Hæc quidem scirrhi musculorum curandi ratio, quam Galenus iccoris scirrhis cõuenire docet: quod uerum est indicatione à morbo petita remollientia enim ac digerentia requirit. Pars uero quoniam & uirtutis principium est, & munus toti corpori habet commune, maxime sui tutelam indicat: proinde cum antè dictis modicamentis misceri debent, aut eorum usui interponi, quæ modicè stringendo robur partibus seruent. qualia sunt absinthium, ananthe, & alia hic à Galeno commemorata.

A D aliud enim tumoris genus iam transire tempus est: cui gignendo flatulentus spiritus materiam suggerit. Dicitur autem non solum flatulentus, sed & flatus, eiusmodi spiritus crassus ac uaporosus, neq; æthereus substantia, neque tenuis: eius uero naturam intelliges, si qualis in austrina, qualisq; in aquilonia constituitur



stitutione sit ambiens aër, in memoriam  
 reuocaris. Siquidem austrino flatulen-  
 tus, aquilonio uero naturalis in nobis spi-  
 ritus est similis. eiusmodi autem spiritus  
 difflationem, corporis etiam densitas im-  
 pedit. Quocirca eius affectus curatio u-  
 num ac communem utriq; scopum ha-  
 bebitor: nempe densi corporis rarefactioni,  
 & crassi spiritus extenuationi. Nam si me-  
 dicamentis tenuitate partium pollenti-  
 tibus utrunq; sufficienter calfeceris, den-  
 sum quidem rarefacies, crassum uero ex-  
 tenuabis. Affectorum autem locorum na-  
 tura ad idoneam remediorum materiam  
 indicandam conferet, eiusq; adhibendæ  
 maiorem minoremue modum. Nā id ge-  
 nus spiritus crassus ac uaporosus nonnun-  
 quam quidem sub membranis quæ inte-  
 gunt ossa, collectus continetur, nonnun-  
 quam sub peritonæo, aliquādo uero in in-  
 testinis & uentre: interdum & sub mēbra-  
 nis musculis circundantibus: quēadmo-  
 dū & sub mēbranosis tendonibus. Nonnun-  
 quam autem & in spatijs quæ cogitatione  
 percipiuntur tum musculorum, tum alia-  
 rum corporis partium: quarum naturam  
 ex anatomicis administrationibus didici-  
 sti. Ad hunc quidem modum & muscu-  
 lis ipse spiritu impletur. In uentre quoq;

y z aut



aut intestinis flatulentus spiritus concluditur. qui si uehementer frigidus sit, maximum excitat dolorem. Hæc autem omnia curationem quidem, ut diximus, habent communem ex tenuium partium materia: quæq; si doloris particeps sit affectus, eam habeat naturam, ut dolorem mitigare possit. Pro differentia uero affectorum locorum, tum curationis materia mutatur, tum facultas intenditur ac remittitur. Cum igitur eiusmodi flatus dolorem in inferiore uentre pepererit, oleo tenui unâ cum medicamentis quæ in eo cocta fuerint, infuso statim eum sedabis. Incocta autem in oleo medicamenta cum partium tenuitate calfaciunt, quale est cuminum quod apud nos nascitur, & eo amplius quod æthiopicum dicitur, & apij petroselinique; semen, fœniculi, finonis, anisi libystici, seselis, dauci, & spondylii. Quod si dolentium partium affectum frigidum esse conieceris, in eo rutam, fœniculum, & lauri baccas incoques, admiscebisq; bitumen, atq; ipsum oleum laurinum, quæq; simili calfaciendi facultate sunt prædita. & si inflammationem cum doloribus iunctam esse suspiceris, omnia acria, & uehementer calida demes. Ad ea uero, quæ cum his facultatibus mediocribus relaxare possunt,



sunt, transibis. Itaque in oleo incoquendum anethum est, non ruta, miscendusq; adeps anserinus, aut gallinaceus. Sed hæc quidem in magnis doloribus. Mediocres uero foris adhibito fotu iuuantur, maximeq; ex milio, ut cuius lenitas nullam omnino partibus dolentibus molestiam adferat. Aut si eius copia non sit, excalfacto sale, aut lino crudo, aut alio quouis modo. Atq; magna cucurbita cum larga flamma sine cutis scarificatione præsens dolori sæpe remedium attulit. Hac autem cingendus est umbilicus. Quod si post hæc dolor perseueret, medicamentis ex opio, quale est Philonis Tharsensis omnibus medicis cognitum, uti non formidabis, etiam si necessario noxam aliquam afflictis partibus ex his accessuram non ignores. Sed certe ei quod magis urget, obstitendo hominem doloris uehementia animo delinquentem cum parua noxa seruare satius erit. Nam sequentibus deinceps diebus offensionem medicamento contractam emendare poteris. Eiusmodi autem medicamenta quia dolores mitigant, Anodyna uocantur: hos enim sedant. At non affectum integre curant, sed sentiendi facultatem consopiant. Utendum autem est philonio & omnibus ex opio

y 3 confe



confectis medicamentis, non recentibus, sed annotinis, aut minimum, semestribus. Maximè igitur ac celerrimè gracilium in testinorum dolores epotis medicamentis sedantur, quemadmodum iisdem in sedem immisissis crassorum affectus protinus iuuantur. Cæterum non exiguam uirtutis portionē epota medicamenta infernis affectis partibus, & in sedem indita supernis dispensant. Quinetiam in carnosas partes spiritus flatulentus colligitur: aliquādo omnino sine dolore, & diutius durat, præcipue iuxta articulos, ubi muscoli ipsi tum neruosiore, tum compactiores sunt: in medio uero carnosiores ac rariore. Tales autem affectus, ut nosti, medicamentis expice, resina terebinthina, & adipse leonino, & seuo taurino curauit. Prodest autem & ipsis medicamentum quod ex strigmento & calce paratur, & quod ex sycomoro constat: atq; ut semel dicam, insigniter tenuia, quibus remollientia sint permista.

*Inflationes fiunt ex spiritu flatulento in parte aliqua acernato: ut sub cute in mēbranis quæ ossa, & musculos contegunt: in musculis uiscerum, in uentre & intestinis, in peritoneo & alijs corporis spatijs, tam quæ sensu, quàm sola cogitatione percipi possunt. Generatur autem eiusmo*



inſmodi flatus, ex materia humida, & calore, mi-  
 nore quidem quàm qui eam materiã ſenſili trãſ-  
 piratione digerere poſſit. cuiusmodi enim calor, ſu-  
 ſcitare quidem uaporem ex humida materia po-  
 teſt, ſed non, ut dixi, digerere. Nec uerò frigiditas  
 nec caliditas ſuperuacanea flatum gignit: quòd  
 illa materiam humidam cogit, hæc uerò diſcu-  
 tit. Temperatus uerò & propotione humori re-  
 ſpondens calor tantum uaporis ſuſcitatur, quātum  
 digerit: ideo flatum non procreat. Quòd ſi cum  
 caloris imbecillitate, adſit meatuum per quos  
 flatus euaporetur, denſitas, inflatio maior erit:  
 cum alioqui ipſa per ſe cum mediocritate, tum  
 caloris tum uaporis partem inflare poſſit. quem  
 admodum contrà, ſi calor languidus uaporis co-  
 piam exuſcitet, & caro cutisq; admodum rara  
 ſit, nulla aut exigua fiet inflatio. Hinc ſi ut hye-  
 me frequentius, æſtate minus corpus inflatur.  
 Cum igitur hæc tria, materia humida, caloris  
 imbecillitas, & meatuum denſitas inflationem  
 generent, curationis ſcopus erit, caloris ſubſtan-  
 tiam roborare, uaporem extenuare, & meatus  
 recludere. Poſteriora ſiunt medicamētis extenuā-  
 tibus & calfacientibus, magis minùſue pro par-  
 tium denſitate & raritate, uaporum craſſitu-  
 dine & tenuitate. Raræ enim partes & uapor  
 non admodum craſſus, minus: denſæ uerò &  
 uapor admodum craſſus, magis extenuantibus,  
 & calidis egent. Caloris autem ſubſtantia ſi  
 ¶ 4 perit,



perijt, instauranda est: si alterata est, ad mediocritatem reducenda, ut prius ostensum est. Quòd si unà dolor cruciet, ad anodyna transeundum est. Affecto igitur uentri prodest fofus ex milio, aut fale, aut crudo lini semine, si quidem dolor mediocris fit, aut iuncta cum dolore inflammatio: Sin uehemens, utendum est oleo tenui, in quo cyminum incoctum sit, apii & petroselini semē, & id genus alia, quæ Galenus fufe docet, quibus si non sedetur dolor, cucurbita magna cum larga flamma, sine scarificatu affigenda uentri est, ita ut umbilicum complectatur. Quòd si nec hæc profuerint, medicamenta ex opio adhibenda sunt: quæ quia dolorem mitigant, anodyna dicuntur. Dolor autem trifariam sedatur: nempe aut calfaciētibus, extenuātibus, rarefaciētibus, uaporem exitum non habentem discutientibus: atq; hæc acopa, uereq; anodyna dicuntur: Aut dolentem partem consopientibus, quæ narcotica uocant: aut quæ sua miftura humorum acrimoniam temperant: dicuntur autem hæc *ἐπιμωγῶν*. omnia uero homonymè anodyna dici possunt. Quòd si artus inflati sunt, aut musculi sub cute, aut membranæ ossa conuestientes, citra quidem dolorem liquor aliquis tenuissimarum partium, quale lixiuium est sponsia noua exceptum, imponi debet. Cum dolore uerò, ungenda pars oleo, quod relaxandi ac remittendi uim habeat. Quoniam autem eiusmodi affectus fiunt,  
ut Gale



ut Galenus ait, contusis musculis uel membranis, quibus ossa circundantur, musculis quidem, quod saepe ex contusione doleant, medicamentū quod mitiget, imponendum est: qualis sapa est cū oleo & uino & pauco aceto: in principio autem succida lana excepta, calida imponi debent. hæc enim non solum leniunt, sed concoquunt, digerunt, ac restringunt: quæ contusus musculus desyderat. In affectus autem declinatione misceri acetum non debet, sed lixiuium ad materiæ extenuationem & digestionem, meatuumq; reclusionem: membranis uero ossa cingentibus spongia lixiuii imbuta imponenda est. Vehementiora enim medicamenta quam musculus admittit, propter distantiam longiorem & densitatem maiorem.

QVONIAM de his abunde diximus, tempus est ut de abscessibus disputemus. Sic autem has uocant affectiones in quibus à seipsis, quæ prius iungebantur, partes abscedunt. Spatium igitur in medio uacuum fieri necesse est, quod materiam aliquam aut flatuosam aut humidam aut ex utraq; mistam continebit. Mutantur autem in abscessum & inflammationes quedam, & erysipelatosi phlegmonosiq; tumores non pauci. Præter hæc autem & abscessus ex quorundam humorum aut spirituum uaporosorum abundantia fiunt, siue

y s in affe



in affectarum partium medio gignantur, siue aliunde eorū modo quæ ἀποσύνεμαται dicuntur. Sic enim eas affectiones uocāt, cum humoris loco, quem prius infestabant, relicto, in alterum confluunt. Quocunq; autem modo fiat abscessus, id spatiū quod abscedentes partes interiacet, humoribus illum afficiētibus impletur. Qui si diutius aliquando maneant, in uarias formas mutantur. Etenim lapidibus, arenis, testis, lignis, carbonibus, luto, strigmento, amurcæ, fæci, multisq; id genus alijs similia sæpe in abscessibus contenta deprehenduntur. Qui igitur sub cute summa consistunt, facillime dignoscuntur, nec ægrè curantur. Nam tactus proprietate pròptè innotescunt. Curantur uerò medicamentis foris impositis: non, quemadmodum qui in imo corpore maximeq; in uisceribus consistunt, ea quæ potantur, desiderantes. Quod igitur ad dignotiones attinet, prementibus digitis abscessus suppurantes, more obsestarum inflammatione partium, non renituntur. Itaq; manifestum sui indicium præbent. Habitus autem proprietas, alia quidem in tenuibus, alia uero in crassis humoribus est, quemadmodum in glutinoso & mucoso humore. Sæpe uero quæ abscessit pars spiritu



spiritu distenta nobis obiicitur, qua diuisa, sanguinis grumus inuenitur. Itaq; quisquis bis aut ter eiusmodi affectum uiderit, si diligēs sit ac memoria ualeat, angustus in hisce tumoribus contineatur, dignoscere poterit reuocando in memoriā distensionis & habitudinis proprietatem. At forte præstat non proprietatem, sed quantitatem distensionis & habitudinis dicere. Curantur autem quæ per summa sunt, inflammationes, dum in abscessum uertuntur, initio quidem abscessionis dolorem sedando ac relaxando: ea uerò iam procedente transire ad maturandi & suppurandi (sic enim propriè appellant) rationem oportet: de qua alijsque id genus in quinto de Simplicium medicamentorum uirtutibus libro differuimus. aqua igitur liberalius fouenda, ac calente oleo perfundenda est pars inflammata, imponendumq; cataplasma ex triticea farina, in aqua & oleo temperatè cocta: celerius enim ad suppurationem ducit, quàm quod ex pane cataplasma conficitur. Illud enim maxime digerit, nimirum quod salem & fermentum recipiat, exacteq; sit coctum. Nihil uerò horum obtinet, quod ex triticea farina fit. Et cum initio suppurationis, inflammationis  
cura



curationem moliris, si speres eam prohibere posse, panem cum oleo & aqua permistum plurimum incoques: aquæ autem quàm olei, maior sit portio. Farina autem hordeacea eodem modo parata suppurationem magis impedit. In hac autem curatione concocta sit in aqua, qua locus fouetur, althææ radix. Si uero cutis partis inflammata uehementer distendatur, hanc frequentibus incisuris per summa scarificare oportebit, postea hordeaceam farinã modo declarato coctam imponere. Tentui autem sæpe in superficie leues omnino incisuras facere: alias uerò his contrarias altas, magnasq;: & alias tertias, inter has longitudine & altitudine medias. Quæ igitur in summa cute fiebant, exiguam oppem ferebant, Altæ uerò ac longæ plurimum sanguinis fundebant, adeo ut animi ferè deliquium adferrent: atq; hæ rursus propriam curationem, uti uulnera, desiderabant. Intermedias autem à dictis incommodis semper liberas esse depræhendi: quocirca his potius, quàm alijs, utendum esse duxi. In quibus uerò tumor ægrè ad suppurationem ducitur, egreq; discutitur, infartos humores crassiores esse ac tenaciores credendum est. Eiusmodi autem affectus soli altis scarificationibus rectè curari poss



rari possunt: quibus & cataplasma quod ex decoctis caricis constat, conuenit. Non autem ipsæ caricæ, sed aqua in qua coquendo contabuerint, sumenda est. Dulces autem ac pingues sint, ut earum humor meli sit similis. quod si plurimum has concoxeris, tenuis mellis crassitudinem decoctum repræsentabit. Huic igitur aquæ miscenda est interdum hordeacea farina, interdum uero panis cibarius, quem syncomistum uocant: sic enim dicitur medius inter exquisitè purum, & quem pityritem, id est furfuraceum appellant: syncomistum nonnulli autopyrum dicunt, quoniam in puro quidem farinam non qualis natura est, sed repurgatam furfure in panificium assumunt. Contrà in furfuraceo purissima farina eximitur. Cibarius autem panis, qualem triticum natura farinam habet, talem seruat. Oportet autem triticum ex quo farina sumitur, ex ijs esse, quæ generosa dicuntur. Quoddam enim plurimum in se furfuris obtinet, idq; ignobile dicitur: aliud uero similaginis, quod, ut dixi, generosum uocant. Triticum igitur, ex quo utilis ad cataplasma farina sumenda est, furfuraceum nō sit, sed, ut diximus, similaginosum. Quod si ex ignobili tritico farina desumatur, nonnihil furfuris detrah



detrahendum erit. Atq; ita panis medius conficietur: cuius pars media ac tenera ad cataplasma miscetur, quando, ut dixi, facultate medium inter hordeaceam & triticeam farinam cataplasma temperare in animo fuerit. Nam triticea farina pus maxime mouet, ac concoctionem iuuat: hordeacea maxime digerit. Commemoratus uero panis mediam sortitur farinam, quemadmodum eius farina inter antedictas farinas triticeas est media. ad hoc igitur respiciens, caricarum decocto misceas, quod commodius tibi uidebitur, siue ex farinis, siue ex panibus. Quod si tumor discutiatur quidem, sed minus quam par sit, cum caricis incoquendum hyssopum est, aut origanum. Quando autem ualentius tumorem exiccare uoles, decocto sal adijciendus est: deinde hordeacea farina inspergenda: ex qua ubi quod furfuraceum est, totum excusseris, diutius coctum cataplasma impones. At in tumoribus, qui facile non digeruntur, timendum est, ne reliquiae in scirrhum mutantur. Quocirca diligenter animaduertendum est, quoties soluitur cataplasma, in quod omnis qui curatur tumor, transeat (curandi enim ratio, quae uehementer exiccantibus obitur, scirrhum affectum relinq



linquit) id autem in quaq; solutione de-  
 præhendes, si affectam partem tractan-  
 do, præsentem eius statum cum præceden-  
 te comparaueris. Si igitur aliquando hanc  
 coniecturam habueris, in aqua cucumeris  
 agrestis radicem aut brionix aut asari in-  
 coques. Sæpe quidem has solas, nonnun-  
 quam uerò & adiectis pinguibus caricis.  
 deinde farina cum aqua miscenda est, cui  
 & adipis maximè anserini aut gallinacei  
 nonnihil adijcies: quorum si copia non  
 sit, suillus est addendus. Dictarum autem  
 herbarum, & cum his althææ radices post  
 mediocrem coctionem cum pane & adi-  
 pe contritæ eiusmodi tumores discutiunt.  
 His uerò ualentior est dracunculi radix:  
 cum qua, si quâdo uti uoles, (cum maiore  
 partium tenuitate & digerendi facultate,  
 quam quas modo cōmemorauimus, pol-  
 leat) admiscendus omnino adeps est. ni-  
 si enim humectaueris ac emollieris, sed  
 tantum uehementioribus medicamen-  
 tis scirrhosos tumores digerere statueris,  
 primis quidem diebus hos insigniter mi-  
 nues, simul id quod relinquitur, indu-  
 rans: quod ubi in duritiem coactum fue-  
 rit, ægre discutiatur. Itaque commo-  
 dius, ut diximus, ualenter digerentibus  
 emollientia miscebimus, cum in scirrhum  
 tumo



tumores mutari metuimus: cuius curandi ratio suprà audita est.

Apoſtema Græci, nos abſceſſum dicimus, cū materia aliqua corporis partes quæ prius coaleſcebant, diſiungit, ſpatiumq; in medio efficit, in quod ſeſe ea recipit. Malè igitur nonnulli apoſtematis & inflammationis nomina confundūt: quando inflammatio & cum apoſtemate & ſi ne eo, quemadmodum apoſtema cum inflammatione & ſine ea poteſt accidere. Fit autem abſceſſus ex uaporoſo ſpiritu, aut humida materia, aut miſta utraq;. Vapor ac ſpiritus ſpatium ſibi diſtendendo molitur. Humor autem uel acrimonia exulcerante, uel abundantia diſtendente rumpentēq; uelut ſinum aliquem, in quem ſe recipiat, facit. Hanc autem materiam ſuggerit inflammatio, uel eryſipelas, uel miſta ex inflammatione & eryſipelate affectio, cum in pus uertuntur, uel humor, aut uapor in loco genitus, aut aliunde accitus. Igitur quocunq; modo fiat abſceſſus, id ſpatium quod abſcedentes interiacet partes, humoribus eum efficientibus impletur. qui ſi diutius aliquando mancant, in uarias formas mutantur: nempe lapidibus, arenis, teſtis, lignis, carbonibus, luto, ſtrigmento, amurce, feci, & id genus alijs ſimiles. Nam pro humoris tum colore, tum concretionē, & caloris magnitudine, tēporisq; ſpatio aliæ atq; aliæ formæ in alijs & diuerſis abſceſſibus ſiunt: nempe  
dure,



dure, molles, liquida, nigra, rubra, flava, alba.  
 Crassam enim materiam in duritiem temporis  
 processu cogit calor uehemens. quæ si nigra sit,  
 carbonis speciem repræsentabit. Mediocrem ue-  
 rò, calor mediocris, in pus mutabit: liquidam di-  
 geret. Qui igitur in carne cuti subiecta consi-  
 stunt, facile cognoscuntur, nec ægrè curantur. Si  
 quidem materia, ex qua fit abscessus, crassa, aut  
 glutinosa, aut mucosa, aut grumosa, aut in ali-  
 quam ex antè dictis formis mutata, tactui reni-  
 titur. Humida uerò ac tenuis, aut iã in pus uer-  
 sa, prementibus digitis cedit, nisi multitudine cu-  
 tem distendat. Duris enim caro nostra cedit, car-  
 ni uerò mollia. Curantur autem in summa cute  
 inflammationes, quæ in abscessum uertuntur, in-  
 itio quidem abscessionis dolorem sedando ac re-  
 laxando. ea uerò iam procedente, ad maturan-  
 di, & eius quæ propriè suppuratio dicitur, ra-  
 tionem transeundum est. Dolor interim, dum in-  
 flammatio in abscessum mutatur, uehementius af-  
 fligit. quia qui tum putrescit humor, partem a-  
 crimoniam exulcerat, calor inflamat, & ean-  
 dem multitudine distendit, ac unitatem eius sol-  
 uit. Mitigatur igitur dolor, acrimoniam exulce-  
 rantem retundendo, calorem extinguendo, &  
 distensionem remittendo. Acrimoniam retun-  
 dunt *πικρὰ γαλακτα*, id est quæ suæ substantiæ mis-  
 stura eam molliorem minus quàm mordentem red-  
 dunt. Qualia sunt lac, oleum, aqua dulcis, & id-  
 genus.



genus alia. Inflammata[m] partem refrigerant, propriè quidem, facultate frigida: impropriè uerò & ex accidenti, calida, materiam quæ partem inflamat, digerendo ac dissipando. Laxat uerò, quæ emolliunt, rarefaciunt materiam in meatibus contentam, extenuant, æquant ac resolunt, proindeq; dolorem sedant, & propriè anodyna dicuntur, ut prius docuimus. Constat autem hæc medicamenta, aut temperata, aut temperatis paulo esse calidiora. Mitigato uerò dolore, ad affectus curationem procedendum est. Curatur affectus uacuata, quæ in spatium collecta est, materia. Quoniam autem ea uaria est, ut modo dicebamus, ideo non eadem ratione omnes uacuantur. Nam si in sinu minimè profundo tenuis & pauca materia resoluiq; idonea contineatur, cutisq; rara sit, digerentibus molienda curatio est. Sin ob humoris crassitudinem aut copiam, cutis densitatem, & abscessus altitudinem digeri non possit, ad maturationem & suppurationem transeundum est: uti in inflammationibus maximè, quæ in abscessum iam uerse sunt. In quibus uerò abscessibus nulla ob crassitudinem nec digestionis, nec maturationis spes relicta est, ut in steatomatis, uno presidio utimur, nempe excisione: quemadmodum & in alijs, quibus pus ac alia materia digeri non potest. Nonnulli enim abscessus solam manus curationem efflagitant, in quibus materia propter crassitudinem nec  
digeri



digeri, nec putrescere potest. Quidam uerò tam  
sectionem, quam maturationem admittunt, ut  
in quibus humor maturari quidem potest, sed ob  
transitudinem, aut lentorem digeri non potest:  
huiusmodi est atheroma. Alij triplicem curatio-  
nem, nempe digestionem, maturationem, & se-  
ctionem recipiunt: quales sunt qui ex tenuiori  
constant humore, sed non, ut totus digeri possit.  
Igitur ubi inflammatio (nam de hac præcipua  
nostra est disputatio) in pus conuertitur, dolo-  
remq; inuehit, aqua dulci calida liberaliter fo-  
uenda est, ac oleo dulci perfundenda, ut dolor mi-  
getur. Aqua enim potentia refrigerando inflā-  
nationis uehementiam extinguit, actu calfacie-  
lo materiam calidam digerit. Oleum uerò hu-  
nectat, emollit, relaxat quod distentum erat.  
utrunq; remedium, utpote calidum, impositum  
arcfacit, digerit, æquabilem reddit humorem,  
utq; sue lenis ac dulcis substantiæ mistura acri-  
tatem mitigat: tribus igitur his nominibus,  
nempe refrigerando tam per se quam per acci-  
dens, relaxando, & sua mistura temperando, do-  
lorem lenit. Posteaquam sedatus est dolor, impo-  
nendum est cataplasma ex triticea farina in a-  
qua & oleo mediocriter cocta. Vbi enim nulla  
digerendi humoris spes est, ceterum maturandi  
est, ad ea quæ pus mouendi facultatem habent,  
transire oportet. Pus mouent quæ natiuam hu-  
miditatem, nec augent, nec minuunt: caloris uero  
subst



substantiã non solum seruant, sed & augment. Igitur hæc medicamenta nostro calori similia esse debent, atq; emplastica, ne superuacanea caliditate ac siccitate dissipent, frigiditate & humiditate coctionem impediunt, sed suo lentore corporis meatus obstruendo natiui caloris dissipationem prohibeant. Nam in coquendo humore plurimum spiritus intus seruari oportet. Eiusmodi autem est cataplasma, quod ex farina triticea in aqua & oleo mediocriter cocta constat. Hæc enim farina lentoris quidpiam habet, proindeq; emplastica ui prædita est: quemadmodum & oleum. quoniam autem hæc farina nostrum calorem excedit, in aqua coquitur, ut eius calor nostro æquetur. Oleum uero præterquam quod temperatum est ac emplasticum, efficit, ut medicamento uires diutius inhereant. commodè igitur eiusmodi cataplasma, ubi pus mouere consilium est, imponitur. Celerius enim ad suppurationem ducit, quam quod ex pane conficitur. hoc enim maxime digerit, ut quod salem & fermentum recipiat, exacteq; sit coctum. Nihil uero obtinet horum, quod ex triticea farina sit. Constat enim panem, in quo quidem sal sit adiectus ac fermentum, calidiorem nostro temperamento esse, extergendiq; ac digerendi uim habere. Fermentum enim putris caloris est particeps, tenuitate partium pollens. Ideo ex profundo sine molestia extrahit & digerit: Sal exiccat, & humorem



morem absorbet redundantem. Quod si modice coctus panis sit, magis maturat, & minus digerit. Itaque cum initio suppurationis, inflammatio- nis curationem moliris, si speres hanc prohibere posse, panem oleo & aquæ permixtum plurimū incoques: aquæ autē quā olei, maior sit portio. Speramus suppurationem prohiberi posse, si qui inflammationem producit humor, nec multus sit, nec crassus, nec lentus, proindeq; nec medica- mentorum uim superet. Hinc autem anteuerte- mus humorem, qui abscessum gignit, uacuādo. quod commodè fiet digerentibus, exiccantibus, humoremq; depascentibus medicamentis. quale esse iam ostendimus cataplasma ex pane in oleo & aqua plurimum decocto. Farina item hor- deacea eodem modo parata suppurationem ma- gis impedit. Althææ autem radix in aqua conco- cta sit, quæ in hac curandi ratione perfundi- tur. Hæc enim medicamenta, exiccandi, ac deter- gendi uim obtinent, ideo & inflammationis di- scutiendæ. Si uerò cutis partis inflammata, ue- hementer distenta sit, hanc frequentibus plagis per summa scarificare oportebit: postea hordea- ceam farinam modo declarato coctam impone- re. Cutis distenditur in hoc affectu humorū ple- nitudine inflammationem efficiēte, quæ quò ma- ior fuerit, eò maiorem faciet distentionem, & quò ex tenacioribus ac crassioribus, eò agrius discutiētur. Igitur ubi cognoueris medicamentis

x 3 hunc



hunc affectum resolui non posse, & inflammationis ardor restinctus sit, frequentibus plagis cutis scarificanda erit: tantis quidem, quantum ex usu fore noveris. Incisuræ enim aliæ parvæ & in superficie tantum: aliæ magnæ ac profundæ: aliæ uero inter eas mediæ sunt. Quæ autem in summa cute existunt, parum sanguinis uacuât. Altæ uero ac magnæ plurimum sanguinis fundunt: ita ut sæpe animi deliquiū adferant. Quæ autem in harum medio consistunt, citra noxam plurimum utilitatis adferunt. Igitur ubi tumor ægrè ad suppurationem ducitur, ægrèq; discutitur ob crassitudinem lentoremq; humoris, altis plagis utendum est. Vbi uero humor minus crassus est ac lentus, leuiter ac summa tantum cutis scarificanda est. at ubi humor inter eos medius est, mediocres incisuræ prosunt. Qui igitur ex crassis uiscosisq; humoribus fiunt tumores, altis, ut diximus, scarificationibus iuuatur. usdem & ex usu est cataplasma ex caricarum dulcium & pinguium decocto (tantisper autem concoqui debent, dum distabescant caricæ) & ex hordeacea farina, uel ex pane cibario. Eiusmodi decoctum (melitodes nonnulli, quod mellis crassitudinem imitetur, uocant) digerendi uim obtinet, præsertim cum hordeacea farina mistum, cuius uires modo expositæ sunt: uel cum cibario pane, qui medius est inter exquisitè purum & fursuraceum, quorum omnium uirtutes ex ipso Galeno



leno petenda sunt. Vbi uero tumor minus quam res exigit, discutitur, augenda uis medicamenti est, addito hyssopo, origano, aut similibus. Quod si ualentius sit exiccandum, salem quoq; admiscere licebit decocto, deinde hordeaceam farinam inspergere, ut luculenter docet Galenus. Sed in his qui ægrè discutiuntur tumoribus, timendum est, ne reliquæ in scirrhum mutantur. Quod cum deprehenderis (deprehendes autem resoluendo à parte affecta cataplasma, atq; eius habitum præsentem cum præcedente conferendo) à uehementer exiccantibus ac digerentibus temperabimus ipsis emollientia miscentes, ne in scirrhum tumor mutetur.

R V R S V S igitur ad suppurantes tumores ueniamus: quos ubi digerere posse parum speraueris, cataplasmatibus ex triticea farina utere. Nam ad celeritatē supurationis plurimum confert. Deinde plaga facta, si liberæ omnino sint ab inflammatione partes plagæ uicinæ, medicamentis quæ emplastra dicuntur, obeunda curatio est. Ea autem citra morsum exiccet, ex hisq; temperentur, quæ minimè astringant, sed aut solum blande digerant, aut leuiter astringant. In eiusmodi autem affectibus medicamento quod ex fermento & crematis conchis temperatur, per sæpe usus sum. Quod si pars aliqua circa plagā inflam



inflammatione sit obfessa, medicamentum quod ex chalcite constat, oleo liquatum ubi sensim refrixerit, & in pila contemperatum, manibusq; subactum, & uino, ut nosti, perfusum commodè imponitur. Hoc autem in plurimis affectibus utor: ut in libris de Compositione medicamentorum proditum est. Opus autem de affectibus partium corporis, si deo placet, conscribemus: in quo medicamentorum omnium, quibus uti solemus, uirtutes diligenter exponere atque idoneum usum explicare conabimur. Sed tu iam horum medicamentorum, de quibus in hoc opere memini, miscendorum ac temperandorum rationem ex me didicisti.

*Vbi ob lentorem uel crassitudinem humoris tumor resolui non potest, ad maturantia & pus mouentia ueniendum est: cuiusmodi est cataplasma ex triticea farina, uti prius docuimus: confecto autem iam pure & liberis ab inflammatione partibus, incidendus est tumor, ut quod digeri non potuit, pus facto emissario uacuetur. Deinde ulcus ad cicatricem ducendum est similiter reliquis ulceribus: nempe cavitatem carne replendo, deinde glutinando, tandem cicatricem inducendo. Carne replent, quæ humiditatem siccant, & sordem detergent, ut abunde Galenus libro tertio Methodi medendi docet. Quoniam*



niam autem is quo de agitur affectus admodum humidus est, & fluxioni ob sectionem obnoxius, promptusq; irritari, siccantibus, digerentibus, ac detergentibus citra ullam molestiam eget: minime uero, aut saltem modice astringentibus. Nam si ualenter exiccantia, digerentia, & detergentia adhibueris, fluxionem irritaueris. Si ualde astringas, quæ uulneri iam hæret, sordes firmitus figetur, & quod ex uulnere effluere debet, reprimetur: noua q; in partibus plagæ uicinis inflammatio gignetur. Itaq; emplastrum quod ex fermento & uistarum concharum cinere conficitur, utiliter adhibetur, ut quod citra ullam noxam exiccet, digerat, & detergat. Quod si pars aliqua circa plagam inflammatione sit obseßa, medicamentum quod ex chalcite constat, in oleo liquatum, ubi sensim refrigerit & in pila contemperatum, manibusq; subactum, & uino (ut nosti) perfusum commode imponetur. Eiusmodi emplastrum Galenus in opere de Compositione medicamentorum κατὰ γέννησιν phenicniō uocat. Eius uires & miscendi modus ex eodem libro petendus est. Hoc autem medicamento à multiplici, qua pollet, utilitate, polychreston dicitur. In cuius usu uinum & oleum adduntur, non tam quod sua substantia profint, quam quod emplastrum emolliant, alioqui sua duritie dolorem ulceri adlaturum.

C V M uero cutis in suppurationibus

α s amplius



amplius extabuerit, ita ut attritis uestium fragmentis similis reddatur, haud facile subiectis corporibus coalescit: itaq; emissario largiore facto ulcus necessario curandum est.

Vbi longa suppuratione cutis ita computruit, ut laceris uestium fragmentis similis appareat, rhacodes Græcis dicitur, agglutinari facile non potest: proinde hanc excidendo ulcus dilatare conueniet: tantum quidem, quantum partem putredo occupauit: deinde medicamenta, quæ sine morbo exsiccent ac digerant, qualia sunt ex fermento & uistarum concharum cinere nuper declarata, imponere: dilatari etiam potest exedenti medicamento, quod Græci septicum uocant. ubi in exemplaribus Græcis habetur, ὡς ἀναγκαῖον εἶναι τῇ καλουμένῃ καὶ πλάσματι ἀγῶνι θεράπειν αὐτὸ ἐλκε. legendum esse putamus κατὰ πλάτ. proinde, emissario largiore facto, uertimus, ut locus planè exigere uidetur. Leoniceus uerò, qui secundum locum nominatur, curationis modum uertit, nisi errore chalcographi, locum, pro latum, legatur.

A T cum minus subiectæ carni coalescere cutis idonea est, eiusmodi affectus finis appellatur: cuius curandi rationem, qua me sepe in multis uti uidisti, deinceps memoriæ tuæ subijciam. In hoc igitur affectu satius est fistulam aut æneam aut corneam



neam recto ductu foratam ad manum esse: aut si huius facultas non sit, aliquod instrumentum ex eorum genere, quæ, quoniam pus trahunt, pyulca uocantur, quod quidem latissimum habeat foramen, per quod medicamenti nostri ex cōbusta chara temperati exiguum portionem cum largo rosaceo mistam in sinus immittere sæpe me uidisti. Deinde eorum os concepto linamento claudere. Emplastra uerò rosaceo liquata si in hos injcere tentes, pyulcum non permeant, sed in his suillæ uesticæ lati foraminis fistula adiungenda est. Quæ uerò liquantur medicamenta his quæ emmota dicuntur, acriora esse debent: qualia sunt apud omnes in usu, colore uiridia. Hæc autem cum largo oleo liquare oportet, ut indi in sinum possint. In hisce antem misturis emmotorum uis resoluitur. Medicamenta igitur exquisite emplastra, quale est Macherionis, & Epigoni, & quod Isis nuncupatur, cum in usum emmotorum afferuntur, cerati admistione egent. Hæc enim in sinibus opportuna sunt. Nam ideo nunc sunt commoda, quod admistum habeant ceratum. Miscentur autem, quoniam si per se sola sine cerato liquarētur, uiribus mordacia essent. Si rosaceum autem oleum multum sit, quod



quod uerò in oleo liquatur, medicamentum paucum, nullam amplius acrimoniã retinet. Vbi uerò sinus mediocriter carne repletus est, aliquod ex glutinantibus medicamentis adhibere oportet, perinde ac si recens uulnus & cruentũ curares. Multa autem eiusmodi medicamenta inueniuntur. Alia quidẽ ex bitumine confecta, uocanturq; nescio qua ratione emplastra barbara. Alia uerò quia fului & fusci sunt coloris, Cirrha & Phæa nominantur, ex argenti spuma & erugine liberalius decocta. Ad hunc enim modum ærugo fuluescit: quæ si pauxillum concoquatur, lutea, ut uocant, reddit emplastra. Minime uerò telatet metallica omnia medicamenta maiori partium tenuitate, ac siccandi ui pollere, si plusculum incoquantur. Fulua uerò medicamenta simul atq; reposita fuerint, & recondita, fuscam quandam crustam foris contrahunt, sub qua in profundo medicamentum fuluius quàm ab initio esset, conspicitur. proinde nonnulli Dichroma, alij Diprosopa, quasi bicolora ac biformia, eiusmodi emplastra uocant. Quò autem maiori partium tenuitate & siccandi facultate prædita fuerint, eò efficacius in sinus iniiciuntur. Horum enim uis in altum ferri debet, si propositum scopum assequi uelimus.



limus. Quæ uerò recentia & cruenta uulnera glutinant, tametsi his minus deficiant, labra tamē uulnerum, si quidem parua sunt, minimeq; profunda, glutinant. Quocirca facilius ac celerius quod agendum est, perficiunt. Quod si recens uulnus profundum sit, futuris ac fibulis ipsius, oras committere solemus.

Cum tarde suppurans affectus secatur, pus longo spatio cuniculos molitur, qui glutinationem difficiliorem reddunt. Hunc autem affectum sinum appellant: qui cum humidus admodum sit, ualenter exiccantia postulat: quale est Galeni medicamentum, quod ex combusta charta componitur. Ad hunc autem modum temperatur: Squammæ, galle, myrrhæ, singulorum pondo denarium octo: sandarachæ, arsenici, elaterij, singulorum pondo denarium quatuor: thuris pondo denarium trium; atramenti sutorij tantundem: chartæ quantum satis est ad inducendum colorem. Igitur exigua eius portioni largum rosaceum misceri debet, quo & eius uehementia remittatur, & per angustum foramen in sinus profundum injici possit. nisi enim dilueretur, per pulcum transmitti non posset. Cum autem emplastra in oleo liquata infundere uolumus, non pyulco, sed lati foraminis fistula uesticæ suillæ insita utimur. Iniecto medicamento, ulceris os linamento concepto claudimus, ne id refluat, nisi  
enim



enim diutius maneat, exiccare non poterit. Emmota medicamenta sunt, quæ linamentis uel lincolis excipiuntur, substantia humida. Emplastrum uero dura sunt, & emmotis acriora, quibus cum cerato mistis emmotorum modo in hisce affectibus utimur. Ceratum enim illorum acrimoniam temperat. Si uero & rosacei copia cum emplastri exigua portione misceatur, omnem acrimoniam exuet. Emplastra autem quibus in sinibus utimur sunt, quæ ad Macherionem & Epigonum referuntur, quæq; à uiridi colore chlora appellantur: quorum misturas & uires Galenus libro secundo de Compositione medicamentorum uoxatæ præcipue docet. Vbi uero sinus carne mediocriter repletus est, aliquod ex glutinantibus medicamentis perinde applicabis, ac si recens uulnus ac cruentum curares. Glutinantia substantiam in idem cogunt, non detergant, sed siccant tantisper dum humoris redundantiam, qui secundum naturam est, absument. Igitur ubi mediocriter carne repletus est sinus, aliquod ex glutinantibus medicamentis non uehementer siccantibus adhibendum est, quod crescentem tenellam carnem blande & sine morsu cogat, non aliter ac si recens ac cruentum uulnus curaretur. Curatur autem hoc mollibus, blandis, minimeq; dolorem excitantibus medicamentis: qualia sunt enhesima. uocantur autem emplastra Barbara, Cirrha, & Phæa: quorum misturas Galenus, Paulus,



lus, & Celsus docet. Metallica uero quò plus incoquantur, eo maiori partium tenuitate & siccandi facultate pollent: proinde efficacius in sinus injiciuntur. Nam profundius feruntur, quod in curandis sinibus necessarium est.

IT A Q V E non omnis sinus simplex diuisio est, sed frequenter alia atq; alia parte laceratus est. quod te latere non debet. Cum igitur sursum tendit, facile per eius os sanies effluit. Cum uero deorsum uergit, intus retenta contiguas partes erodit. In quo quidem sinu, nisi prius facto ad effluxionem uulnere, nihil profeceris, siue carnem generare, siue glutinare uelis. In alio uero incisione nihil erit opus: modo situm commodum affectæ parti serues: quo quidē sinus qui sursum uergit, ut deorsum declinet: & qui deorsum declinat, sursum uergat, efficere possis. Vidisti quidem aliquando me, sinum in cubito, cuius os prope flexum erat, & situs sursum spectabat, citra ullam ex aduerso plagam persanasse. Et in coxa itidem sinum deorsum uergentem & ad genu terminatum, cuius os sublime supra femoris medium esset, sine ulla ex aduersa parte diuisione, ad sanitatem perduxisse, substrato popliti molli puluino, quò demissius inguē quàm genu esset. Huius porro sinus atq; aliorū  
maio



maiorum quamlibet profunditatem ad  
conglutinationem aptam sola reddere po-  
test infusa mulsā. Sunt qui etiam lixiuium  
infundant, suam ipsorum inscitiam, ex his  
quæ prius ad carnem in sinu generandam  
medicamentis inijciebant, prodentes. No-  
ua enim caro priori adnasci non potest, si  
sordes locum obsederit. Quo modo igitur  
abunde repleto carne sinu, glutinans  
adhibent medicamentum, si tanquam ue-  
hementer sordidum lixiuiō detergere tē-  
tent, cum pura caro ne mulsam quidem a-  
crem ferre possit? Huic enim satis facit  
ea, quæ bibi iucunde possit: post cuius u-  
sum, sinum deinceps nunc quidem puro  
uino, nunc uerò mulso antè glutinantis  
medicamenti impositionem eluere con-  
sueui. Itaque ad detergendam expurgan-  
damq; eius saniem utilior mulsā: ad glutin-  
nandum uerò præstantius uinum est. Id  
autem medium sit inter dulce & astringens.  
Quinetiam post glutinantis medica-  
menti impositionem sola spongia noua  
ex mulso circumponatur, quam fieri po-  
test mollissima: & colligatio à sinu pro-  
fundo quidem incipiat, & eius ore finiat.  
Fasciarum uerò spiræ sinus profundum si-  
ne dolore arctent, ac paulatim usq; ad os  
elaxentur, eidemq; indatur medicamen-  
tum.



um molle, circumducto forinsecus empla-  
stro ad os sinus forficibus discisso, ut fa-  
nies aliqua effluere possit. Effluet autē ē  
sinu, superposito aliquo alio paruo empla-  
stro ad solutionem usq;, quam tertio quo-  
que die faciens hoc ipsum tanquam oper-  
culum circumpositū auferes, relicto, quod  
eorum ambit sinum, medicamento. An ue-  
rò altæ sinus partes coaluerint, ex manan-  
te sanie depræhendes, si ea multa uel pau-  
ca, cocta uel cruda sit. præterea si neq; in  
ipso sinu dolor sentiatur, nec tumor appa-  
reat, sed totus locus equabilis sit, ficcus ac  
doloris expers. Quod si puris probe cocti  
portio exigua in ore conspiciatur, multo  
magis de glutinando sinu sperandum est.  
Cumq; spongiam rursus imposueris, rur-  
susq;, ut diximus, adalligaueris, postero  
uel tertio die soluito, ut dictum est, sem-  
per linteolum sinus ori admotum permu-  
tans: quod eodem emplastro illitum, totū  
os ambitu cingat. neq; uerò omnino op-  
pressum esse debet, sed ita, ut per id tota  
sanies uacuari possit. Itaq; si primo uel se-  
cundo die tenuis quædam sanies ex sinu  
manet, non est omnino de glutinatione  
desperandum. Sæpe enim uis medicamē-  
ti affectæ particulæ admoti ex ipsa cute &  
subiecta carne tenuem humiditatem uehe-

A men



menter exprimit, quoties eius qui curatur corpus ita affectum est siue ex natua temperie, siue mala uictus ratione. Hac humiditate expressa loca mediocriter resiccata glutinantur. Quod si tertio aut quarto ab initio die sanies cruda in ore apparuerit, scito finum non esse glutinatum. In primis autem medicamentum, quod affecto loco circumponitur, uehementer quidem exiccet, sed nec mordeat, nec contrahat cutem. cuiusmodi nostrum est, quod à fuluo colore Cirrhum dicitur, ex concoctis metallicis pharmacis & oleo ricinino & aceto sine cera confectum. Idem & cruenta uulnera citra molestiam glutinat, & sinus exiccat. Hoc autem medicamento fistulam angusti oris, in qua nondum callus intus, sed sola sordes apparuerat, persanata uidisti, infuso primum lixiuio, quod in ea tantisper continui, dum sordem omnem integrè extersam esse cōiecissem. postea medicamentum imposui. Ad hunc autem modum sinus, qui sub sola cute erant, nec carnis generationem requirerent, in scite uero à quibusdam curarētur, simul atq; curandos suscepi, hoc medicamento glutinaui, lixiuio prius ablutos, cū qui ulcera curarēt, nullum ex his quæ expurgandi uim habent, medicamentum adhibe



hiberent.

Cum sinus multe sint differentie, nimirum ex cauernarum numero, magnitudine, situ, & figura desumptæ: aut enim simplices sunt, aut duplices, triplicēsue: breues, aut altè penetrantes: iuxta carnem desinentes, aut ad ossa uel cartilaginem subeuntes: sursum, deorsum, uel ad latus tendentes: recti, aut tortuosi, uel flexuosi: Galenus tantum de his, qui à positionis figura sumuntur, meminit: ut qui præcipuè curationem uariant. Siue enim simplex, siue duplex sit: aut magnus, siue paruus: aut breuis, siue altus, eadem semper est eorum curandi ratio, solumq; in ratione maioris & minoris differunt. At si uel sursum uel deorsum, uel ad latus, uel intrò ad ossa tendit, curatione uariat. Cū enim sursum tēdit, facile per eius os sanies effluit. Cum uerò deorsum uergit, intus retenta contiguas partes erodit. Quare nisi factò ex aduerso emissario, nihil profeceris, siue carnem generare, siue glutinare uelis: moliri enim humoris effluxum oportet: quod fit uel uulnere tantum in imo factò, uel tota cavitare dissecta. In imo fit sectio, si ulcus magnum fuerit, & locus totus sine periculo secari non possit. Cū uerò ad latus declinat, aut deorsum uergit, aut intrò fertur, sed ita locari pars afflicta potest, ut libere sanies è sinu effluere queat, incisione ex aduerso facta opus non est. Nam eiusmodi sinus atque aliorum maiorum totam profunditatem ad

A 2 glut i



glutinationem aptam reddere potest iniecta mul-  
sa. Vbi uero sinus aut positionis aut alia occasio-  
ne sordidior aut humidior est, medicamēta quæ  
ualentius desiccant ac detergant, exposcit: quale  
est medicamentum Galeni ex combusta charta  
largo oleo resolutum, de quo paulo antè memi-  
nimus. ubi uero rite detergendi & desiccandi  
ratione exhibita, carnis iam mediocriter in  
sinu regenitæ coniectura est, elucendum est uino  
uel puro, uel mulso. hoc quidem utemur, cum ad  
huc aliqua leuis cuiusdam sordis relictæ suspiz-  
cio erit. Puro uerò subastringente, ubi carnem  
omnino puram esse coniecimus. Vinum enim  
leniter glutinat. Deinde glutinans medicamen-  
tum in sinum indendum est, uti antè diximus.  
Post glutinantis medicamenti impositionem no-  
ua spongia ex mulso circumponenda est, quam  
feri potest, mollißima. Spongia circumdatur ut  
exiccet, manantemq; è sinu saniem excipiat, alio  
qui partem erosuram, aut pruritum excitatu-  
ram. Imbuta autem mulso spongia sit, ut deter-  
gat: mollis, ne asperitate lædat: noua uerò, ut a-  
qua marina adhuc imbuta partem affectam de-  
siccet. Eius deligatura à sinu fundo incipiat, &  
ore sinus finiat. Fasciarum uerò circumplexus si-  
nus profundum sine dolore arctent, ac paulatim  
usq; ad eius os laxentur. Arctius profundū strin-  
gitur, ut adscititiā partis afflictæ humiditas  
tem exprimat, & in os laxius deligatum mi-  
nusq;



nusq; compressum trāsmittat, defluxionem à suis  
 pernīs partibus prohibeat, cogatq; partes quæ  
 glutinari debent, sed tamen sine dolore, ne inflā  
 mationem accersat. Quod si intrò sinus tendat,  
 premi duabus ferulis utrinq; impositis & fascijs  
 deligari debet, ut per ulceris os sanies exprima-  
 tur. Ori sinus medicamentum molle indatur cir-  
 cumducto forinsecus emplastro, ad os sinus for-  
 ficibus discisso, ut sanies aliqua cffluere possit. Ef-  
 fluet autem è sinu superposito aliquo alio paruo  
 emplastro ad solutionem usq; quam tertio quorū  
 quæ die faciens hoc ipsum tanquam operculum  
 circumpositum auferes, relicto, quod totum am-  
 bit sinum, medicamento. Græcum exemplar Al-  
 dinum legit, ἡγὲ τοῦτο δὲ αὐτὸ χαλαρὰν ἐπίδο-  
 σιν ἔχει τῷ φαρμάκῳ. Aliud à Nicolao Blando  
 excusum, χαλαροῦ ἐπίδοσιν ἔχει τῷ φαρμάκῳ.  
 Quoddam uerò manu scriptum, χαλαρὰν ἐπίδο-  
 σιν ἔχει τῷ φαρμάκῳ. quam lectionem Leonis-  
 cenus sequutus esse uideretur, nisi dictionē φαρ-  
 μάκῳ omisisset. Eius enim uersio habet ad hunc  
 modum: Et hoc ipsum habeat laxam alligatio-  
 nem. nullam de pharmaco mentionem faciens:  
 quemadmodum nec Aëtius, cuius uerba secun-  
 dum Ioannis Baptiste Montani tralationem i-  
 ta habent: Tandem in ipso ulceris ore laxius cō-  
 nectantur. Ex quo constat eos legisse χαλαρὰν  
 ἐπίδοσιν sine dictionis φαρμάκῳ adiectione, aut  
 eam prætermisisse. Nos uerò. Blandi lectionem

A 3 sequenti



sequuti uertimus: Atq; eodem molle medicamen-  
tum indatur. Nam quod cum linamento imposi-  
tū medicamentum, facultate siccum, substan-  
tia uerò molle esse debet. Vlcus enim cum humi-  
dum sit, desiccari postulat: sed cum dolore facile  
afficiatur, durum respuit. Ideo & medicamen-  
tum & spongia, de qua paulo antè uerba feci,  
mollia sint, oportet. Dissecandum uerò est forfici-  
bus emplastrum, ut per incisuras sanies effluere  
possit, si qua fasciarum arctatione ex alto expri-  
mitur. super has incisuras aliud ex eodem medi-  
camento superponitur, ne immisum glutinans  
medicamentum refluat. Ceterum nō ita priori  
emplastro apprimatur, sed laxius relinquatur,  
ut per ipsum tenuis sanies effluere possit. Tertio  
autē quoq; die aut certe citius uel tardius prout  
res efflagitabit, demenda spongia est, ac paruum  
emplastrum, ut si qua humoris colluuiēs in ore  
sinus collecta sit, uacuemus, exploremusq;, an al-  
tae sinus partes coaluerint, an minimè: quod ex  
manante sanie deprehendetur, si ea multa uel  
pauca, cocta uel cruda sit. Præterea si neq; in ip-  
so sinu dolor sentiatur, nec tumor appareat, sed  
locus totus equabilis sit, siccus ac doloris expers.  
quod si puris probe cocti portio exigua in ore cō-  
spiciatur, multo magis de glutinando ulcere spe-  
randum est. Cumq; rursus spongiā imposueris;  
rursusq;, ut diximus, adalligaueris, secundo uel  
tertio quoq; die soluito, ut dictum est, semper lin-  
teum



eum ori sinus admotum permutans, quod eodē  
emplastro illitum totum os ambitu cingat, neq;  
uerò omnino appressum esse debet, sed ita ut per  
id tota sanies uacuari possit. Cum secundo uel  
tertio quoq; die, ut diximus, spongia uel paruum  
emplastrum eximitur, considerandum, multā-  
ne, an pauca: cruda, an cocta materia ad os ulce-  
ris effluxerit. Deinde expersne sit, an particeps  
doloris locus affectus, & an tumor remanserit,  
an diminutus sit. Altas enim sinus partes coisse  
testatur pus coctum ac paucum, precipueq; si  
dolor & tumor non adsint. Contrā, multum &  
crudum, & cum foetore, & loci humiditate, do-  
lore & tumore, nondum coaluisse significant.  
Temperata enim caro ad glutinanda ulcera es-  
se debet, nihilq; interesse, quod ulceris orarū coi-  
tionem impediāt. Cum igitur humoris copia, e-  
iusq; uel crudi uel male olentis effluit, dolorq; ac  
tumor locum occupat, temperata caro esse non  
potest. Ergo neq; glutinari idonea est. Contrā, si  
neq; doleat, neq; tumor supersit, & quod ma-  
nat, paucum ac coctum in sinus ore conspiciat-  
ur, locum affectum uacare superuacaneo hu-  
more, omniq; intemperie, nihilq; relictum esse,  
quod orarum coniunctionem prohibeat, conijciē-  
dum est. Neq; uerò si primo uel secundo die te-  
nuis quedam sanies ex sinu manet, de glutinatio-  
ne omnino desperandum est. Sæpe enim uis medi-  
camenti affectæ particule admoti ex ipsa cute

A 4

&amp; sub



Et subiecta carne tenuem humiditatem uehementer exprimit. Glutinans medicamentum, quemadmodum antè proditum est, tantisper siccat ac stringit, dum redundantiam humoris exprimat, eam etiam, quæ secundum naturam est. Si igitur admoto hoc medicamento effluat sanies, uerisimile est hanc exprimi, non autem sponte per corporis imbecillitatem manare, præsertim si neq; dolor affligat, neq; tumor adsit, neq; tetrum odorem alienamq; qualitatem habeat. Quod si tertio aut quarto ab initio die sanies cruda in ore apparuerit, scito sinum non esse glutinatum. Quare affecto loco medicamentum, quod uehementer quidem exiccat, sed nec mordeat, nec contendat contrahatue cutem, circumponendum est. Cuiusmodi Galeni medicamentum est, quod à fuluo colore cirrhum dicitur, ex concoctis metallicis, oleo ricinino, & aceto sine cera confectum. Huius compositionem & usum docet Galenus libro secundo de Compositione medicamentorum *cap. viii*: exiccat enim uehementer (ut idem autor scribit) sine morfu. Ideo cruenta uulnera citra molestiam glutinat, sinus exiccat, & fistulam angusti oris, in qua nondum callus, sed sordes apparuerit, sanat, immisso prius lixiuo: quod in ea tantisper continueatur, dum sordes sit deterfa, deinde medicamentum imponi debet. Ex abscessibus fistula nascitur. Est enim ulcus altum, angustum & callosum, interd



interdum etiam & sine callo: de quo nunc Galenus meminit. cuius curandi ratio hæc est: In primis quia sordidum est, lixiuium immittatur, tantisperq; sinatur, dum repurgata fistula sit. de inde medicamentum quod exiccet, indatur: cuiusmodi est de quo agitur medicamentum. Si uero callosum sit ulcus, haud ita facile curationem admittet, præsertim si ad ossa usque perueniat. Non enim antè curatio speranda est, quàm callus exemptus sit. Eximitur autem aut scalpello, aut medicamento. Expeditius quidè in ore ulceris exciditur. Intus medicamento exeditur. Exest autem, ut Paulus libro quarto scribit, spondily radix de rasa & in fistulam indita, & id genus alia tum simplicia, tum composita medicamenta ab eodem autore eodem in loco descripta.

C. V. M. uerò tumores qui in abscessum uertuntur, tarde inciduntur, aut medici imperitia, aut eorum qui curantur timiditate, sectionem non admittētium, sed diutius protelando cutem ab eiusmodi pure, erodi sustinentium: hanc uniuersam à congesto in abscessu pure, attriti panniculi in modum uehementer attenuari sæpe contingit. unde à medicis rhacodem appellari existimo. Eiusmodi igitur cutis agrè coalescit, maxime si substantia aridum medicamentum imponatur, ut à quo cutis tenuior



uior ficciorque in modum rhenonis attriti reddatur. Itaq; mihi commodum esse uidetur, si quis ad eius conglutinationem medicamento substantia humido, facultate uero sicco utatur. Diximus autem in libris de Medicamentis medicos solere medicamenta facultate sicca appellare, quæ exiccare suapte natura idonea sint. omnium autem quæ substantia sunt humida, facultate uero sicca, optimum est, quod à me ex argenti spuma, adipe suillo uetere, & chalcite contemperatum est: quibus uetustissimum oleum admistum sit. Eius autem uim in hiis affectibus efficaciorē esse sum expertus, cum neq; omnino durum esset, neq; planè manus inquinaret. Sed & si ad eundem modum temperetur, cruēta quoq; uulnera glutinabit, omniaq; ulcera ad cicatricem ducet, oleo resolutū, postea cum uino mediocriter uetere mistum, atq; his affectibus circumpositum si ne molestia sæpe glutinauit. Confert autem, ut diximus, ubi cutis pellis attrite modo tenuata est, mel, maxime si ad emplastri crassamentum coctum sit. Eius uero coctionis temperamentum recte assequi, nisi animaduertas, difficile est. Ipsum enim neq; adeo durum esse debet ut ægre decidat, neq; adeo liquidum ut diffluat.

Durum



Durum enim eadem adfert incommoda, quæ dura emplastra. Liquidum uerò tanquam calido corpori admotum undique effluit, aridumque linteolum relinquit. quod non solum non iuuat, sed & glutinandæ cuti officit. Mediocriter autem coctum mel eiusmodi sinibus commodissimum remedium est. Quoniã autem eius concoctionis mediocritas facile conijci non potest, satius mihi uidetur myrrhæ pollinẽ, uel aloës, uel thuris, uel eorum aliquem, uel simul omnes inspergere: maxime, si quod linteolo inductum est, liquidius appareat. Hos autem per cribrum inspergere oportet, quod supra mel teneatur sublime. Satis enim fuerit semel aut iterum cribrum agitare, ut pollen mediocris excutiat. Aliquando uerò & inter coquendum aliquod ex antè dictis medicamentis melli inspergo, maxime si sinus & maior, & altior sit. Tenuæ autem centaurium in hunc usum mirabile esse remedium sum expertus, deinde symphytum, postea iris illyricæ radicem, adhæc eruinam farinam. Neq; uerò dubium est, quin hæc contundi & tenui cribro excerni, postea tenuiter conteri debeant. Melli uerò dum ab igni tollendum est, inspergantur tantisper nobis cunctantibus,



tibus, dum probe cum illo præcocto uniantur. Satius autem fuerit exempto ab igni cacabo, omnia hæc inspergere, deinde curiose mouere, dum mel ita tepidum reddatur, ut curando corpori imponi possit.

*Manus artificis efflagitat abscessus, cum in pus uersus est. quod deprehendemus, si dolor, calor, aut febris, rubor, pulsatio, & alia inflammationis accidentia remissa sunt, & tumor prementibus digitis cedat. quæ si ignorarit medicus, simul & incidendi tumoris tempus ignorarit. Sin nouerit, sed æger sectionem formidet, proindeq; hanc respuat, diutius cunctando cutis à pure ita erodetur, ut attrita uesti similis reddatur. unde & πᾶσιδολος nomen meruit. Eiusmodi ergo cutis ægre coalescit, maxime si medicamentum substantia siccum imponatur. Siccari abscessus desiderat, sed durum medicamentum non sustinet cutis iam attrita, ut à quo magis ledatur. Imponendum igitur medicamentum facultate siccum, sed substantia liquidum. quale est Galeni emplastrum, quod ex chalcite constat, oleo uetere ita resolutum, ut nec duritie ledat, nec mollitie diffluat. Eius mistionem & uires docet Galenus libro primo de Compositione medicamentorum xxxv. Eadem utilitate imponitur mel ad emplastrum crassitudinem coctum: sed nec ita crassum,*



ut agrè elabatur: nec ita liquidum, ut diffluat. Quoniam autem eius coquendi modus facile haberi non potest, satius est huic inspergere myrrhæ, aloës, uel thuris pollinem, si linteolo inductum liquidius appareat. Hæc enim duplici nomine iuuant, tum quòd commodam crassitudinem efficiant, tum quòd sine morfu desiccant.

CONSEQUENS autem est, ut de his quæ in gangrænam transeunt, inflammationibus differamus. Gangrænas autem, ut nosti, uocant, cum pars corporis aliqua ob inflammationis magnitudinem nondum emortua est, sed adhuc emoritur. Nam cum pars omnino emortua est ita, ut si hanc pupugeris, uel secueris, uel exusseris, ea non sentiat, quæ patitur, ad uiuum usq; recidenda est. At quæ sic quidē affecta est, nigrescit. Quæ uerò in medio constituta est, tenditq; ad extinctionem, gangrænosa uocatur. Curatur autem uacuato quàm fieri potest, plurimo sanguine, in affecta parte impacto: cuius occasione ipsa emoritur, scilicet arterijs ob loci angustiam sese dilatare nequeuntibus, reliquo uerò corpori perspirationē suggerere. Cutis igitur uniuersa uel multis profundisq; uulneribus unà cum subiecta carne secanda est, uel frequentibus ac altis  
sca



scarificationibus incidenda.

Post magnas inflammationes aliquando sequitur affectus, quem Greci necrosin, uel sphacelon uocant, nos extinctionem & syderationem, ubi scilicet uita pars priuatur: uel quæ nos similiter illis gangrenam dicimus, cum pars nondum mortua est, nec sensu priuata, sed emoritur, ad extinctionemque tendit. utraq; sit uel denegata parti uitali facultate, uel natio eius partis calore ac temperie pereunte. Denegatur facultas, si uehementer laqueo pars comprehendatur, aut si à sede dimota ita uia spiritus stringatur, ut is ad locum affectum peruenire non possit, aut si alio quouis modo eadem uia impediatur. Perit natiuus calor aut à frigido extinguente, cuiusmodi per gelum ambiens aer est, uel per medicamentum, uel uenena frigida imposita, aut à dissipante calore, aut uenenata materia, naturaque tota substantia contraria partem corrumpente, aut humorum multitudine uelut suffocante, ut in magnis inflammationibus accidit, arterijs ob angustiam sese attollere nequeantibus. Gangrena igitur curatur uacuato quam fieri potest, plurimo sanguine, in affecta parte impacto, cuius occasione ipsa emoritur. Nam cum hunc affectum sanguinis copia generet, eius curandi scopus erit, ut celerissime uacuetur, exicceturque: alioquin pars breui moritura est. Tota igitur cutis uel multis profundisque uulneribus una cum subiecta carne secanda



canda est, uel frequentibus ac altis scarificationibus incidenda. Nam pro affectus magnitudine uel maximæ sectiones sunt, uel incisuræ, utraq; frequentes: illa, ubi putredini propinquius malum est: hæ, ubi tantum putrescere incipit. Cōstat enim maiore remedio opus esse quò uitium maius est. Itaq; altis plagis multisq; cutem ac totam subiectam ei carnem, si uitium ad ossa perueniat, uulnerabimus: sin minus, solis scarificationibus ac simplicibus incisuris utemur.

V B I uerò manare sanguinem permiserimus, aliquod ex medicamentis quæ ad putria ulcera faciunt, imponi debet. cuiusmodi est, quod ex mulso aceto constat, & eruina, aut loliacea farina: uel si harum facultas non sit, fabacea: atq; ipsum per se acetum mulsum. Quo si uehementiore uti uelis, adiiciendus sal est, uel aliquis ex pastillis curiose tritus, qualis est Andronis, Polyidis & Pasionis. Quinetiam Musæ medicamentum, quod in heræ tomo scriptū est, his commodissime imponitur. His autem, & alijs quæ antè cōmemorata sunt, cōsiderato ægroti corpore utendum est. Rustici enim cuius natura durum corpus sit, uehementissima remedia efflagitat: mulieris uerò molle, imbecilliora. Ad eundem modum uirile corpus, quod quidem albū sit & molle, & balneis assuetum, & in exercitiis



citatum, mollia exposcit medicamina. Neque uerò dubium est, quin & pueris hæc conueniāt. Si uerò aliquando putrem ac syderatam carnem excideris securitatis gratia, modo dictis medicamentis utere, non neglecta tum corporum, tum affectæ partis natura: quædam enim partes promptissimè putrescunt, easq; tutius est, ubi quod computruit, rescueris, uel amputaueris, tãquam radicem eius incolumi parti coniunctam, adurere: quemadmodum sæpe in pudendis partibus facere consueuimus: aliquando admoto quidem partibus affectis candente ferro: aliquando prius submisso linamento. Post exustionem uerò porri succo, ut nosti, aut si is non adsit, medicamentis paulo antè commemoratis uti consueuimus.

*Putredinem auferunt, quæ ualenter siccant ac refrigerant, nonnihil etiam detergunt. Igitur acetum mulsum, & quæ ex eo & farinis modo declaratis & sale constant, medicamenta commode hisce uulneribus & scarificationibus imponuntur. Absumunt enim saniem & putrilaginem sua siccitate, eamq; detergunt: frigiditate uerò quod nondum uitiatum est, à putredine arcent. Pastilli autem dicti eadem utilitate adhibentur. magna enim ui siccandi præditi sunt, quorum componendorum rationem Galenus libro quin*



bro quinto de Compositione medicamentorum  
narrat yvyn docet. Cum uerò emortua omnino  
pars est ita, ut lationem non sentiat, siue hanc pū  
gas, siue feces, siue exuras, ad uiuum refecanda  
est, ne pars syncera contagione ledatur. Nam  
quod computruit, ueneni in modum, quicquid  
cōtingit, corrumpit, serpitq; in totum membrū,  
ac tandem enecat, nisi excidatur; resecta uerò  
putrida carne uel membro toto, si ossa hunc lūē  
senferint, inducenda crusta est, quæ uelut pro-  
fluentibus uasis sit operculum. Crustam indu-  
cunt, tum medicamenta, tum ferrum ignitum.  
Medicamenta hac facultate prædita, aut solum  
calida sunt, ut calx uiua, aut simul astringunt.  
cuiusmodi est chalcitis, chalchanthum, & id ge-  
nus alia. ualentiora quidem priora sunt, sed po-  
steriora commodiora. Nam crusta quæ ab astringen-  
tibus fiunt, tardius excidunt: quod in propo-  
posito affectu fieri oportet, ne celerius resolutis  
sanguinis profluium non sine periculo sequa-  
tur. Crustam igitur medicamento inducemus,  
ubi res haud ita urget, id est, nec magna sanguinis  
profusio, nec putredo timetur, aut ubi æger fer-  
rum non sustinet. Minus timentur hæc pericula  
in siccis, tum corporibus, tum partibus. in hu-  
midioribus uerò, qualia uerenda sunt & se-  
ues, tutior est candentis ferri usus. celeriter enim  
profluium sanguinis compescit, putredinemq;  
recet. Post exustionem uerò, porri succo, ut nosti,

B aut



aut si is non adsit, medicamentis paulo antè còme-  
moratis uti consueuimus. Quoniam exusta pars  
ob dolorem quem ex candente ferro, & pronita-  
tem ad putredinem quam ex demortua carne  
contraxit, fluxionem recipere ac putrescere in-  
donea est, siccantia medicamenta efflagitat. Ideo  
post exustionem porrisuccus & suprà dicti  
pastilli super uulnus imponi debent: nam sic-  
cant & stringunt putredinem, & fluxionem  
arcent.

HIS autem peractis cum finem fecisse  
putredo tibi uisa fuerit, ut crusta citius ex-  
cidat, medicamento quod cephalicum uo-  
cant, ex melle utendum est. Cataplasma au-  
tem quod ex pane in hydrelæo cocto, aut  
hordeacea farina eodem modo parata, aut  
cum ea admista triticea foris commodius  
imponitur. Quinetiam medicamentum,  
quod tetrapharmacum dicitur, præterea &  
macedonicum tum ad pus mouendum, tum  
ad crustas resoluendas idonea sunt, quem-  
admodum & omnia quæ ad suppuratio-  
nem perducunt. Panis uerò cum apio aut  
ocimo intritus rumpit ac separat crustas  
à sanis partibus. Ex simplicibus autem, iris  
ex melle, uel radix panacis, aut aristolo-  
chiæ, aut acori. In mollibus autem corpo-  
ribus abunde facit erui farina cum melle  
aut thure. Ad eundem modum crustas eli-  
dit Ma



dit Machæronis medicamentum & Isis  
emmota.

Crustam à subiectis corporibus diducūt, quæ  
emolliunt, detergunt sine erosione, & maturāt.  
humectatæ enim ac remollitæ crustæ à subiecta  
parte sponte separantur. Quæ autem maturāt,  
præter quàm quòd emolliunt, pus sub crusta con  
ficiunt, quod eam resoluit, scilicet inter carnem  
subiectam & crustam interiaccens. Quæ uerò de  
tergunt, à subiecta carne resoluunt. Detergunt  
autem Cephalicum, & Machæronis medica  
mentum, & Isis: panis cum opio & ocimo, pa  
nacis, aristolochiæ, acori, & iris radix ex melle.  
Tetrapharmacum, uerò, & macedonicum, pa  
nis, aut farina hordeacea, uel etiam triticea in  
hydreleo cocta pus mouent ac emolliunt.

RESOLVTIS uerò crustis ulcera es  
iusmodi quibuscumlibet idoneis medicamen  
tis carne replentur.

Cōstat propositum ulcus cauum esse, ideo glu  
tinari non posse sine carnis quæ perijt, restitutio  
ne. Quod fieri nō potest, nisi pars temperata sit,  
& sanguis qui in eam affluit, tum quantitate,  
tum qualitate mediocris. Naturæ autem munus  
est, & probum sanguinem conficere, & carnem  
generare. Verum quoniam duplex in carne gene  
randa excrementum prouenit: alterum quidem  
crassius, alterum uerò tenuius: utrumque autem  
carnis generationem impedit, opus est medica  
B 2 mentis



mentis quæ & sordem detergant, & tenuem humiditatem exiccent: nec quibuslibet quidem, sed quæ mediocriter id præstent. Nam quæ ualentius siccant, non solum humoris redundantiam, sed & affluentem probum sanguinem ex quo caro generari debet, depascunt. Quæ uerò uehementius detergant, non solum sordem expurgant, sed & carnem ipsam erodunt & exedunt. Itaque medicamenta quæ generandæ carni sunt dicata, in primo ordine, ut Galenus interpretatur, tum siccare, tum detergere debent.

QVONIAM autē de his fatis diximus, de cancriosis tumoribus deinceps est disserendum: qui cum in omnibus corporis partibus fiunt, tum maxime in mulierum mammis, quæcunq; non amplius naturaliter purgantur: quod cum opportune fit, integra sanitate fruuntur. Omnes igitur huiusmodi tumores præter naturam ex atrebilis redūdantia gignūtur. de qua re in commentarijs de Virtutibus naturalibus disputatum est. Vbi docuimus fæcis uini in modum hunc humorem, dum in iecore sanguis conficitur, generari, repurgari uerò à liene. Ab hoc enim humore hoc uiscus ali solet. Cum igitur natua animalis temperies hunc humorem paucum generat, ad idq; confert uictus ratio, & lien ad se quod gignitur, ualenter trahit, nihil  
[eiusm]



eiusmodi recrementi in uenis colligitur.  
 Quod si contraria adsint, multa in uenis  
 aceruantur, ex quibus, quæ docebimus, ui-  
 tia cōtrahuntur. Contraria autem his, quæ  
 diximus, intelligo, iecur quidem, ad eiuf-  
 modi excrementi procreationem pronū,  
 uictus autem rationē ex ijs alimentis, quæ  
 sanguinem crassum ac fæculentum gene-  
 rare idonea sint: lienem uerò natura im-  
 becilliorē, ut qui ad se horum omnium  
 excrementorum prouētum attrahere nō  
 possit. In tali autem corpore turbulentus  
 crassusq; efficitur, qui in uenis continetur  
 sanguis. Et nonnunquam uenæ excernen-  
 di quod alienum est, facultate præditæ,  
 quemadmodum & omnes alię partes, hūc  
 humorem per mariscas effundunt: sæ-  
 pe uerò ad uarices demittunt: aliquando  
 autem ad uniuersam cutem. atque hæc  
 quidem est affectus origo, quem elephan-  
 ta uocant. Aliquando uerò & in alias cor-  
 poris partes, quæ quidem omnium maxi-  
 me sunt imbecillæ, eiusmodi succus fer-  
 tur, atq; in ea parte uenæ luculenter con-  
 spiciuntur atro & crasso sanguine plenæ.  
 Quod autem is crassior ac nigrior fuerit,  
 eò affectum parit deteriorem. In mammis  
 uerò tumorem sæpe uidimus cancro ani-  
 manti omnino similem. Nam quemadmo-  
 dum



dum ille ex utraq; corporis parte pedes, sic & hic affectus uenas præter naturam intumescētes exporrigit, effigiemq; cancro similem reddit.

Bilis atra, ut suprà memorauimus, triplex est. prima ad modum fecis uini in animantis corpore gignitur. Hæc dum probe repurgatur, nihil eius in uenas præter naturam colligitur. Repurgatur autem à liene hanc ex iecore attrahente, aut natura per hæmorrhoidas uel locos muliebres naturaliter propellente. Cum igitur natura animantis temperies hunc humorem paucum generat, ad idq; confert uictus ratio, & lien ad se quod gignitur, ualenter trahit, nihil eiusmodi recrementi in uenis colligitur. Contrà uerò pluri-  
ma congeruntur, si iecur ad eiusmodi excrementi procreationem sit pronum, uictus ratio crassum sæculentumq; sanguinem gignat, lien imbecillus attrahat, suppressæq; sint menses. Secunda ab hac fit, ubi amplius in aliquo loco calida efferbuerit, aut putruerit, aut alio quouis modo incaluerit. atque hæc longe malignior est, quàm prima: tantò quidem, quantò calidior fuerit, maioremq; acrimoniam contraxerit. Tertia uerò ex bile retorrida ortum habet, præsertim uitellina, quæ calfacta non minus, quàm hæc, est malefica. Ex primo genere nascuntur cancri, minime quidem ulcerati, quos & latentes uocant, si nondum acrimonia  
contra



contraxit, differentē pro humoris conditione curationem habentes. Nam ubi niger & crassus sanguis apparet, non sine chirurgia: ubi uero nō admodum crassus uidetur, sine hac curationem recipit. Vlcerati autem cancri ab atro humore fiunt, qui iā leuē quandam acrimoniam contraxerit, nondum tamen tantam, ut iam maleficus sit. Nam ex hoc nascuntur carbunculi, de quibus antē disceptauimus. Igitur cancer occupat cum reliquis corporis partes, tum maxime laxas. cuiusmodi sunt nares, labra, mammae feminarum, & id genus aliæ natura fungosæ & inanes, proindeq; humorem crassum recipere idoneæ. Circa hoc malum uenæ intumescunt, & expanduntur non aliter, atque cancri aquatilis pedes: unde & cancri nomen hoc uitium adoptauit.

H V N C affectum, incipientem quidem sæpe sanauimus. Vbi uerò in molem insignem creuit, citra chirurgiam non curabis. Itaq; uniuersæ chirurgiæ tumorem præter naturam excidētis scopus est, ut eiusmodi tumor qua sanis partibus coniungitur, totus circūcidatur. Verum propter uasorum magnitudinem, maximeq; articularum, statim profusionis sanguinis periculum imminet, quas si laqueis intercipias, consortij iure aliæ partes afficientur. Quòd si eius mali radices adurere in ani-



mo fit, neq; in hoc paruum erit periculū, si iuxta principes partes exustio fiat. Sed eiusmodi affectū recentem, ut diximus, sæpe curauimus, maxime ubi melācholicus humor non admodum crassus uidebatur. Hic enim purgantibus medicamentis propte cedit, unde fit curatio. Certum autem est quod quæ adhibentur medicamēta, uim uacuādiatri humoris habere debēt. quod frequenter faciendum est, donec pars ad naturalem statum omnino sit reducta, uictus etiam ratione obseruata quæ probū humorem generet. Itaq; in Alexādria pluri elephantiasis tum ob uictus rationē, tum regionis caliditatem, laborāt. In Germania uerò & Mysia rarissime affectus is grassari uisus est. Et apud lactipotas Scythas nunquam ferè apparet. Sed in Alexandria ob uictus rationem frequēter generatur. uescuntur enim pulte, lenticula, cochleis, multisq; salsamentis: nonnulli uero & asinina carne, & id genus alijs crassam ac atram bilem generātibus. Quemadmodum si ambiens aēr calidus sit, horum humorum impetus ad cutem fertur. Igitur huic affectui dictæ purgationes profunt. Quod si ætas & uires suaserint, sanguis prius mittendus est. Neq; uero in cācris, neq; in his, nisi quid prohibeat, inutile est



est uenam secare, deinde purgare, atq;  
 si mulieres sint, menses ciere, si quidem  
 quinquagesimum annum nondum attin-  
 gant. In affecta autem parte solani succus  
 imponatur, hoc enim medicamentum e-  
 iusmodi affectibus utilissimum est. Quod  
 si ægrotus tam liquidum medicamentum  
 imponi nolit, præsertim cum domo exi-  
 re, solitaq; opera exercere cogitur, medi-  
 camentum ex pompholige imponendum  
 est, quo & ad ulceratos cancros uti me ui-  
 disti: quod si in promptu non sit, nostrum  
 quod ex chalcite constat, est adhibendum.  
 Quatenus uero ad uictus rationem atti-  
 net, pleniore ptisanæ cremore, sero la-  
 ctis, & ex oleribus malua, atriplice, blito,  
 & cum per tempus licuerit, cucurbita u-  
 tendum est. Ex piscibus uero saxatiles, a-  
 uesq; omnes præter palustres, dare con-  
 uenit.

*Cancer recens & qui ex humore minus inue-  
 terato constat, minusq; tumentes uenas exerit,  
 curatione admittit. Nam medicamenti huiusmo-  
 di humor cedit. Itaq; uacuandus est, ut mox dice-  
 mus. Crassus uero non cedit, ideo sine chirurgia  
 non curatur: quæ cum sine ægrotantis periculo  
 ministrari non possit, temere adhibenda non est.  
 in eo curando scopus est, ut humor hoc uitium  
 procreans uacuetur, deinde affecto loco reme-*

B s dium



diū adhibeatur. A' uacuatione igitur nos auspi-  
cari oportet: primū sanguinē ducētes, quātū ipsa  
res efflagitat: deinde purgare, per initia quidem  
mitioribus, quale epithymū est, utētes: deinde ue-  
hemētioribus, paulatim uim eorū augētes. Nā  
si per initia medicamētū adhibeas, quod uehēmē-  
ter trahat, non sequēte atro crassoq; humore, san-  
guinē & carnes eliquabit, naturāq; iritabit. Sin-  
mite ac blādū, nullū naturæ negotiū faceſset, sed  
leniter trahet. itaq; blādis ac frequētibus purga-  
tionibus uti oportet, paulum, ut dixi, uim inau-  
gendo tantisper, dum restituta sanitas sit. Sic es-  
nim quod magna ui semel educi sine incommo-  
do non potest, sensim tutoq; uacuatur. Ceterum  
quibus suppressæ sunt solitæ excretionēs, prouo-  
centur. Imperanda quoq; uictus ratio est, quæ te-  
nuis sit boniq; succi. Quod si ob iecoris caliditas-  
tem, & siccitatem crassus in corpore sanguis gi-  
gnatur, cibis refrigerantibus & humectantibus  
est utendum. loco autem dolenti imponenda re-  
media sunt, quæ repellant & digerant, minime  
uerò iritent. Repellentia imponenda sunt & an-  
te purgationem, & purgationis tempore: dige-  
rentia uerò, ubi integrè corpus repurgatum est.  
ubi uerò mediocriter, mistum ex digerentibus  
& reprimentibus. Quæ autem imponuntur, ne-  
que imbecilliora sint, neq; ualentiora. Hæc enim  
quod in uenis tenuius est, digerunt ac repellunt:  
crassius uero nec euocant, nec reprimunt. Illa ue-  
rò ni



non nihil efficiunt. Igitur si uehementioribus per  
initia utaris, tumorem quidem minues, sed quod  
relinquitur, resolutioni contumax reddes. Qua-  
re mediocribus opus est, quæ nec ob imbecillita-  
tem uincantur, nec propter uehementiam suc-  
cum crassiores efficiant. Caterum nec hæc mor-  
deant, ne uitium iritent. itaque eiusmodi remedia  
uiribus sint mediocria, et qualitate minime mor-  
dacia, cuiusmodi sunt usta elotaque; metallica, i-  
tem solani succus, quo linteam duplicatum im-  
buitur, & loco affecto admouetur, superque mol-  
lis lana imponi debet, quæ eo succo subinde in-  
spersa est, ne siccescat. Plumbum itemustum  
& elotum, & alia id genus, ex quibus tempe-  
rantur medicamenta. ad hunc modum argenti  
spuma, & cerusa in plumbea pila cum oleo rosa-  
ceo in sole tantisper teruntur, dum plumbi colo-  
rem, quod ex his fit unguentum, nactum sit. A-  
liud quod habet plumbi usti & eloti, pompholy-  
gis, thuris, singulorum uncias quinque, absinthij  
unciam unam, olei rosacei selibram, cere se-  
scunciam, succi solani quod satis sit, ad unguenti cras-  
situdinem. Alia id genus sexcetera à Galeno, Pau-  
lo, & Celso ad hunc usum conscripta sunt. Si au-  
tem chirurgiam affectus postulat, à uacuatione,  
ut dictum est, curationem auspicabuntur. de-  
inde totum quod uitiatum est, prorsus excidemus  
sic, ut nulla supersit radix, patiemurque sanguinem  
effluere, ac pressis uicinis partibus crassum san-  
guinem



guinem effluere, ac pressis vicinis partibus crassum sanguinem exprimemus. Postea alijs ulceribus similiter curabimus, ut docet Galenus. Quod si periculum ex chirurgia timeamus, nec curari affectus aliter possit, sat fecerimus, si hunc augeri prohibeamus his, quæ supra diximus, medicamentis. Excidi autem ut plurimum non potest sine magna sanguinis eruptione, ubi uenæ arteriæq; amplæ sunt, quæ sanguinem immodicum recisæ effundunt. Has si arcendæ profusionis gratia, laqueo comprehendas, ingenti dolore afficitur. Sin eius mali radices exurere uelis, neq; hoc quidem sine graui iactura uicinarum partium fiet. Tutius igitur à uehementibus medicamentis abstinemus, solis lenibus & quasi ad blandientibus contenti, præcipue in ulceratis cæcris. In quibus si non aliud agamus, ut Galenus ait, saltem saniem abluamus.

IN elephantiasi uero uiperæ mira utilitate eduntur: eas uerò eodē modo, quo Marfos parare uidisti, quos (quia aspidibus & serpentibus uestiuntur) aspidotrophos & theriotrophos uocant, comesse oportet: primum quidem cauda & capite ad quaternum digitorum longitudinem abscissis. Deinde interaneis omnibus ac cute etiam exemptis, postea aqua abluto eorum corpore. Sed hactenus quidem, nec aliter sanè cum antidotum,



rum, ut uocant, theriacam temperantes facimus: cæterum dissimiliter coquimus. In theriaca quidem anethum & salis exiguum in aqua miscemus. In elephantiasi uero non aliter quam anguillas ex albo iure in olla paramus: quod ad hunc modum fit: Aqua large in ollam conijcitur, & olei exiguum, cum quo & anethum & porrū. Certum autem est carnes tantisper esse incoquendas, dum planè molles reddantur. Compositum autem ex his medicamentum, quod theriacam antidotum uocant, utiliter in eiusmodi affectu bibitur: atque etiam si lubuerit, cuti illinitur. Peractis enim omnibus his, aliquando squamma è cute, quemadmodum quæ senecta dicitur ex anguibus, resoluitur.

*Elephantiasis ab elephante animali nomen accepit ob affectionis magnitudinem, longitudinem, & cutis asperitatem. Longis enim morbis annumeratur, uixq; curationem admittit. contagione quoq; lædit, præcipue inueterata: siquidem putre quiddam exhalant ac expirant hac correpti: ambientem quoq; insciant aërem, atq; in eo uersantes. Fit autem eiusmodi affectus, quemadmodum cancer, ab atra bili, cuius originem antè prodidimus: sed cancer à parciore, partemq; aliquam solum occupante. Elephantiasis uero, à larga & per uniuersum corpus diffusa ortum habet.*



habet, ita ut spatium temporis ossa quoque vitiet. frequens est in Alexandria, ut paulo ante dictum est, ob victus rationem, & loci caliditatem. crassus enim cibus, ut pulvis, lenticula, cochleis, salsa mentis, nonnunquam & asinina carne Alexandrini utuntur. Ambientis vero aeris caliditas hunc humorem ad cutem evocat: unde malo huic est origo. In Germania & Mysia raro, apud Scythas qui lacte vescuntur, vix unquam apparuit: quoniam neque crassis cibus aluntur, neque ambiens aer in hisce locis calidus est. mares quam feminas, ex his qui crasso atque sanguine abundant, frequentius invadit. item & qui in nimio labore vitam agunt. Nam crassum retorridumque succum generat. Feminae autem mensuris purgationibus ab hoc se malo vindicant. Per initia autem cutis neque squammis exasperatur, neque exulceratur, neque crebris magnisque tumoribus inequalis efficitur: sed facies sola, ut Paulus ait, aliquanto deformior, nondum autem plane feda apparet: quaedam tamen scabies & fetor cutem occupat. Eodem tempore segnitie corporis adest, tarda ac difficilis spiratio, movendi difficultas. Morbo autem gliscente non solum haec signa augentur, sed alia quamplurima nascuntur quae illustriorem affectum reddunt. Cutis enim iam inequaliter crassa, tenuis, dura, mollisque redditur, ac crebros tumores crebrasque maculas obtinet, atque lentore  
quo



quodam oleoso uelut peruncta, si aqua perfundatur, apparet: piliq; decidunt, deinde uel tenues renascuntur, uel glabrum corpus remanet. Nasus resimus est, naresq; intus astrictæ, foris uerò amplæ ac uelut intortæ sunt. Musculi cum aliarum partium, tum maxime pollicis atrophiam absumuntur. Laxiores uerò corporis partes intumescunt, nempe humorem hunc facile recipientes: ut labra, supercilia, frons, maxillæ, mentum. Sub lingua uenæ nigricantes ac uaricosæ uisuntur, quæ simili constitutione iecur præditum esse testantur. Sub hacq; & auribus crebræ minutæq; uelut glandulæ, his similes quæ in porcis grandinis nomen habent, inueniuntur. In summa, facies aspectu horrenda est. Si paululum corpus incaluit, cutis acubus pungi uidetur: aut si refrigeratur, instar deplumis anseris exasperatur. rubor paulatim in atrum mutatur, colorisq; uigor demoritur. Raucam uocem quasi de nare edunt. Quod si magis adhuc morbus auctus sit, tumores crebriores ac maiores in tota cute oriuntur, ita ut digiti in manibus pedibusq; sepe sub his condantur. Grauis odor ex ore spiratur, & è toto corpore fetor exhalatur. Magna ex parte cutis sensu priuatur, exulceratur: & sanguis si ex uenis mittatur, cinerulentus apparet. Turbulenti insomnia sunt, mens subdola, uitam ut amittere metuunt, sic generoso animo affectum ferre non possunt, nec hominum consortia. Multa alia id genus



genus signa affectum hunc comitantur: quæ  
qui atræ bilis mores norit, facile depræher-  
det. Eius mali curandi ratio hæc est: iecur, si  
eius occasione vitium hoc sit ortum, ad nativam  
temperiem reducendum est: & humor, qui totū  
corpus obsidet, uacuandus. Quoniam autem ie-  
coris curationem is impedit, à uacuatione auspi-  
cabimur. At cum succus hic non solum uenosum  
genus, sed uniuersum corporis habitum occupat,  
non uno uacuandi genere utemur, sed sectis in cu-  
bitis uenis, reſeratis hæmorrhoidibus, prouocatis  
mēſibus, purgationibus, uomitionibus, errhinis,  
diamaſſematis, cucurbitulis, lauactionib⁹, frictio-  
nibus, exercitationibus, illitis medicamētis. Pro-  
tinus igitur inter initia si morbus deploratus nō  
est, & uires ualide sunt, sanguis mitti debet: pri-  
mū ex cubiti dextri, deinde sinistri uena, nō affa-  
tim, ne malū sanguinē exhauriendo, bonū quoq;  
detrahas. In multo enim inutili, benigni exigua  
est portio: proinde adhibēdus in uacuādo modus  
est. Paulatim igitur iterata uenæ sectiōe sanguis  
ducēdus est, præcipueq; in uere: quo tēpore is ma-  
gis abūdat, morbusq; & fit & augetur. Deinde  
mariscæ si manare consueuerunt, euocāde sunt:  
sin minus, hirudines his admouende. Ex eiusmo-  
di enim uenis crassus fæculentusq; humor ma-  
gis effluit. Et si mulier est, quæ patiat, ciendi  
mensēs sunt, nisi ætas prohibeat. Natura enim  
post humorem commode uacuatum, morbo supe-  
riori



rior euadit, calorq; qui ab eius copia suffocabitur, uelut reuiuiscit, morbiq; reliquias potentius abigit. Post sanguinis uacuationē interpositis aliquot diebus, nepe uel nouē, uel decem, ut Paulus scribit, ut in his natura recreetur, uiresq; resummat, medicamentis quæ atrā bilē ducant, utendū est. Primū quidem leuioribus, ut in cancro diximus: deinde ualentioribus. Itaq; iteranda sepe purgatio est. Opportuna igitur huic morbo sunt epithymum, polypodium, & quam senam uulgo dicunt, ueratrum, colocynthis, hiera, tum Rusi, tum Logadij, catapotia quoq; ex fumo terræ, & alia multa id genus medicamenta. Solent recentiores ex fumo terræ, buglosso, scolopendrio, seri, polypodio, epythimo, sena, agarico sirupum, ut Arabes uocant, conficere: quo subinde inter initia correptos hoc morbo purgāt. quibus peractis uomitus ciendus est: deinde elicienda per os & nares pituita. Paulus leues cucurbitulas ori uentris, & hypochondrijs adinuendas esse iubet, in potuq; cedriam ex aceto & crude brassicæ succo mane & uespere adhibendam esse, scillam quoq; torrefactam ex mulsa uel melle uel butyro elecmetis modo. Item cyrenaicum liquorem cum melle & butyro & alia id genus, quæ libro quarto idem autor scribit. Sunt qui ad tuendam faciei pulchritudinem aut candente ferro, aut exedenti medicamento caput exulcerēt. Sudor euocandus siccis sudationibus est. Frictio adhiben

C

hiben



hibenda: post quam litu qui ab alto ad cutem  
euocet, ac digerat, metasyncriticon appellant, u-  
tendum: postea resiccantibus ac astringentibus.  
Multa eiusmodi Aëtius commentario decimo-  
tertio docet. In summa per omnes corporis vias,  
quibus quidem commodè fieri poterit, eliciendus  
humor est. Cæterū ex omnibus quæ in hoc mor-  
bo conscripta sunt, maxime iuuant tum uiperis  
næ carnes in esu, tum ex his composita medica-  
menta, siue intrò sumpta, siue foris admota. Sūt  
enim cum alijs plurimis, tum maxime huic affe-  
ctui saluberrima. similitudine enim substantiæ  
humorem hunc tanquam uenenosum trahunt,  
scilicet media inter ipsum & corpus curandum.  
Nam si ueneno propinquiora essent, ueneni ritu  
Lederent. Sin curando corpori similia, non at-  
traherent, sed in substantiam corporis mutaren-  
tur, proinde nihil iuuarent. Moderata quoq; in  
quantitate esse debent, ne largius sumpta gra-  
uiter ledāt, parcius uerò adhibita à ueneno uin-  
cantur. Quantitatem dico nō solum molem quæ  
adhibetur, sed & adhibitionū numerū. Eadem  
ratione sal & pastilli theriaci adhibendi sunt.  
quorum omnium componendorum rationem &  
usum Galenus docet in eo libro, cui titulus est  
de Antidotis. Vbi uerò morbus iam confirma-  
tus est, manum admonere non licet. At quoniam  
plurimum incidunt periculosa symptomata: uer-  
bi gratia, spirandi difficultas, suffocatio, atq; ut  
semel



femel finiam, ingens excrementorum prouentus, purgare per interualla licebit: non autem sanguinem mittere, nisi cū sponte & naturaliter fluit, aut per mariscas, aut locos muliebres.

ALIORVM autem tumorum præter naturam nullius curandi rationem per chirurgiam ad te scribendam esse duxi, cum tu probatissima medicamenta à nobis acceperis. Ad strumas quidem quæ repellere, exiccare, & pus mouere queant.

Struma, inflammatio est glādularum in scirrhum mutatarum, quocirca curationem agrè admittit. Curatur autem, ut aliarum partium scirrhi, quatenus ad uitium ipsum attinet. Quatenus uerò ad ipsius partis naturam spectat, aliam curandi rationem desiderat. Cum enim glandule aliæ corpori omnino sint necessariae, alia minorem usum præstent: quæ corpori sunt necessariae, eximi citra magnum incommodum nō possunt: cuiusmodi sunt quæ lac, saliuam, quæq; pituitosum quendam humorem in faucibus & larynge generāt, & in quas uenæ ac arteriæ perueniunt. harum partium inflammatio aliarum modo curatur: nempe inter initia, astringētibus & exiccantibus, ut quæ quod influit, repellant, & quod iam locum obsidet, uacuet, affectamq; partem roborent: quemadmodum antè declaratum est. Quòd si totus humor is uacuari non possit, maturantibus est utendum. At ubi iam in-

C 2 dur.



duruerunt, non aliter quàm aliarum partium scirrhi curantur: nempe emolliendi & digerendi ratione, quæ suprà monstrata est. Quæ uerò non magnum usum animantibus præbent glandule, hoc est, quæ in uasorum medio locatæ sunt, qua parte in ramos diducuntur, sine magno incommodo demi possunt, ubi iam in scirrhi sunt mutatæ: ideo aut ferro excidere, aut medicamentis exedere oportet. Quibus autem remedijs hæc fiant, ex Pauli Aeginetæ libro quarto petendum est.

A D meliceridas uerò, quæ & has digerant, & pus discutiant.

In abscessuum genere tria, ut prius indicauimus, sunt frequētissima: nempe Steatoma, Atheroma, & Meliceris: à similitudine contentorum in his corporū dicta, ut Galenus docet. In steatoma enim seuo, in atheromate pulticula, in meliceride uerò melli similis materia cōtinetur. quibus omnibus commune est, ut quod continetur, uel digeratur, uel putre reddatur, uel ferro excidatur. Steatoma enim ob contentæ materiæ duritiem neq; digeri, neq; putrescere potest, sed tantum excidi: Atheroma autē & excidi & putre reddi: Meliceris uerò digeri, putrescere, & excidi. Putrefacere dicuntur, non quæ substantiam cū foetore corrumpunt, sed quæ sine hoc sineq; dolore, aut saltem non cum uehementi adurunt, eliquant, absumunt, & corrumpunt. quale est apud



pud Paulum Aeginetam libro quarto, quod capit aluminis scissilis, sandarachæ, singulorum denarium quatuor, squamina æris denarium unum, auripigmenti tantundem.

E T quemadmodum aqua in scroto & abdomine, cæterosq; hydropas curare oporteat, didicisti.

Morbus intercus, quem Græci hydropa vocant, non contingit, nisi ex improspera sanguinis generatione. Hæc autem fit iecore uel primario uel aliarum partium consensu affecto. Primario quidem, dum uehementer id refrigeratur, seu in inflammatione, seu obstructione, seu scirrho obfesus, aut alia occasione tam interna quàm externa calorem natium uel extinguente, uel suffocante, uel dissipante. Refrigerare enim nunc dicimus tum propriè, ut frigida potionem qua sua qualitate frigiditatem inducit: tum impropiè, ut inflammationem, scirrhum, obstructionem, & similes affectus, qui natiui caloris substantiam demoliuntur. Consensu uerò afficitur, dum alijs partibus eodem modo afflictis consentit. Nam si lienis occasione, ut docet Galenus, uel uentriculi, uel intestinorum cum aliorum omnium, tum maxime ieiuni in meseraicis uenis firmata sit intemperies hæc, cum simis iecoris partibus primum, deinde toto uiscere communicabitur. Similiter autem si uel pulmo, uel septum transversum, uel renes intemperie laborent, hanc pri-



num gibba eius partes, deinde totum iecur contrahet, unde tandem sanguinis conficiendi dote frustrabitur. Ad eundem modum, si immodicè fluant mariscæ, uenter, nares, & in mulieribus menses, aut solitæ excretiones omnino suppressæ, uel largo uictu uel crapula usus sit, idem malum accidet, siquidem superflua uacuatio calorem natium dissipat, uniuersumq; corporis habitum refrigerat. Retentio uerò & immodica plenitudo calorem hunc uelut suffocat. Similiter autem longæ febres aliq; diutini affectus uires resoluunt. Quocirca non solum iecur, sed & uenter, & genus uenosum male suo munere funguntur. Vnde hydrops nascitur. In summa, affectus hic morbis omnibus succedit, qui corporis habitum corrumpunt. Igitur iocinore uenisq; non rite munus suum obeuntibus uitiosus sanguis alendoq; corpori inutilis procreatur: nonnūquam in tota corporis mole, ut Paulus ait, nonnunquā in ipso iccore, à quo nunc in uniuersum corpus fertur, nunc in spatium, quod peritono clauditur. Cum enim uenæ & renes per imbecillitatem non attrahunt, & iecur non expellit, sed nec continet, apertis poris eius, in uentris cauum humor elabitur. Attrahentibus uerò illis, & iocinore expellente, in uniuersum corpus distribuitur. Cum igitur uniuersum corporis habitum occupat, eam hydropis speciem generat, quæ à Græcis leucophlegmatias, uel hypofarcidios,



cidios, uel anasarca dicitur. Cum uerò intra pe-  
ritonæū & subiectas partes collectus est, si qui-  
dem multus sit, ac flatus paucus, eam quæ ab us-  
tris similitudine ascites dicitur, procreat. Si ue-  
rò humor paucus, flatus uerò multus contineas-  
tur, à tympani sonitu quem percussus edit, tym-  
panites appellatur. Cui nisi succurratur, denses-  
cente in aquam uapore, in ascitem transit. In os-  
mnibus autem his affectibus corporis coloris de-  
cor amittitur. non enim aliter atq; in mortuis  
impallescit ob caloris natini penuriam, cuius ab-  
sentia corporis uigor ac robur omne elanguescit.  
In ascite semper, in tympanite non semper pedes  
intumescere solent. Raro autem in utroq; affe-  
ctu manus, ut in phtoë & longis affectibus. Hu-  
morem enim languidior uirtus in ascite suo pon-  
dere declinem continere nequit, nec ubi iam in  
partem aliquam deuolutus est, moderari. Igitur  
tumor uelut edematosus efficitur, scilicet aquo-  
so humore in uaporem conuerso ob caloris imbe-  
cillitatem. Nascitur ex hoc malo & cibi fasti-  
diū: nisi cū frigida qualitas malū hoc attulit. Si-  
tis quoq; uehemēter urget, nimirū stomacho sal-  
sa ac putri sanie imbuto. Urina pauca redditur,  
quòd uel in spatiū peritoneo subiectū, uel in cor-  
poris habitū trāsmissa sit. unde & spirādi diffi-  
cultas sequitur. Peculiariter autem in anasar-  
ca corpus uniuersum intumescit, ceditq; premen-  
tibus digitis sic, ut locus post pressum cauus re-



dum in elephantiasi dicebamus. Sin scirrhus, aut aliquis ex comprahensis affectibus hūc morbum procrearit, omīssa uenæ sectione ad purgationem ueniendum erit, quæ omni hydropis speciei communis est. Hæc autem sit medicamentis aquas trahentibus, non semel ac affatim data, sed subinde ac sensim repetita, ne unius medicamenti uehementia natura ledatur. A simplici igitur hiera picra purgationem auspicabimur, ut quæ sine ui potenter exiccet, detergat, roburq; uentri. & uisceribus inserat. Deinde ad ualentiora transeundum est, qualis radicis uicos succus, &, ut Paulus docet, ebuli radicis in uino decoctæ ius, & cucumeris syluestris in uino austero macerati dilutum ciathi mensura in potu datum: item sambuci radicis succus. Eadem utilitate datur titymalus, nisi quod uehementius remedium est. Cauendum autem ab omni ueneno to medicamento, ut quod iecoris affectum augeat, ut scammonium. Alia id genus multa Paulus, Aëtius, & Alexander scripserūt. Postea urinas prouocare oportet nardo, cumino, casia, dulci radice, hyperico, asaro, dauco, pipere, seseli, & alijs id genus multis, siue per se singulis, siue ex his aliquibus, siue simul omnibus adhibitis, ut Paulus docet. Facit & ad hoc, medicamentum ex amygdalis, cuius compositio hæc est: Anisi seminis, apij, asari, absinthij, amygdalarum amararum, singulorum pondo denarium quatuor, ex aqua



aqua pastilli finguntur, singuli singulorum denariū, datur ex mulsa febricitantibus: ex mulso, si nō adest febris. Cū enim febris, urinas & obstructiones delēt. Venter quoq; acribus siccātibusq; clysteribus sollicitandus est, qualis est ex muria. Locis mulierum pessī ad menses euocandos indendi sunt, quales Paulus ad hunc modum describit, Anisi, cardami, cumini, nitri, aristolochiæ, fienigræci, pulegi, ficuum, interioris pares portiones excipiuntur oleo susino, id est quod ex alijs confectum est. Posthæc aquarum sponte nascentium aut similibus arte factarum usus frequens salutaris est, aliarum uerò inutilis. Sudor quoq; euocandus est non exercitatione tantum, ut Celsus ait, sed etiam in harena calida, uel lusconico, uel clibano, similibusq; alijs. Venti quoque imponuntur quæ uel humorem desiccant, uel uiscus roborent. Desiccant bubulus fimus in sole arefactus, tritus, & ex aceto coctus, addita sulphuris quarta parte. Eadem utilitate pollet fimus columbinus & caprinus. Itē emplastrū ex fermento, aridis funibus, calce, nitro, iride, sulphure, uino, lauri baccis, ammoniaco. Ad idē facit quod habet lapidis pyritæ, sulphuris, uini, ammoniaci, nitri, singulorum pondo denariū duodecim, cumini pondo denariū sedecim, excipiuntur cera & terebinthina, inducāq; corio toti uentri imponuntur. Ex absinthio uerò, fœnogræco & polenta fit cataplasma, quod iecori robur restit



restituit, multa id genus medicamenta Paulus, Aëtius, & Alexander scripserunt: quæ referre longius esset. Satis enim est Galeni methodum explicare. Vacuato autem aliqua ex parte humore ad uitiatum iocinoris aut partis quæ huic malo occasionem præbet, affectum curandum uidendum est: nempe scirrhum & alias prius commemoratas causas, quarum curandarum rationem partim supra commemorauimus, partim in libris Methodi medendi Galenus tradit. Victus ratio desiccat, ac urinam prouocet sic, ut iecur non offendat. Itaque uinum austerum, sed quam tenuissimum, ut Celsus ait, utiliter adhibetur. Exiccat enim ac urinas mouet, roburque uisceris seruat. sed parce id sumendum est, neque enim id ultra dandum, quam ut uitam seruet. Eiusmodi uirtutis cibi dandi sunt, qualis est panis probe fermentatus. Inter aues, perdices, gallinacei, turtures, turdi, merulae. Ex piscibus saxatiles, & id genus alia per multa, quæ ex Galeni de Alimentis libris petenda sunt.

\*

FINIS.



INDEX EORVM QVAE  
hoc in libro notatu digna  
continentur.

<b>A</b> bscessus notæ	226
<b>A</b> bscessus unde	352
<b>A</b> bscessus curatio	354
<b>A</b> bscessu materia i uarias corrupti formas	352
<b>A</b> bscessus in pus uersi notæ	380
<b>A</b> ccidētia necessario inflammationē sequētia	248
<b>A</b> cceſſionum diuersitatis causa	81
<b>A</b> ccidentium diuisio	248
<b>A</b> copum quid 344.	<b>A</b> ctiones 29
<b>A</b> ēr attractus quomodo uitictur	163
<b>A</b> equali excessu contrarius excessus pellitur	14
<b>A</b> equinoctium 109.	<b>A</b> ëtius 402
<b>A</b> ffectus rheumatici	310
<b>A</b> liter docendum, aliter opera tractanda	8
<b>A</b> lui excrementorum notæ	226
<b>A</b> nasarca	299
<b>A</b> nimi mores temperamentum patefaciunt	32
<b>A</b> nimi curæ febrem gignunt	36
<b>A</b> nimi deliquium ab utero	176
<b>A</b> nimi defectus à syncope quo differat	161
<b>A</b> nimi emotiones quæ quas affectiones relinquant 57.	<b>A</b> nimi motus 52
<b>A</b> nimose facultatis motus quomodo fiant	57
<b>A</b> nimi deliquij curationis modi uarij	170
<b>A</b> ndronis pastillus 276.	<b>A</b> nodyna uere 344
<b>A</b> notioribus ad ignotiora ars procedit	33
	<b>A</b> poste



# INDEX.

Apoſtēma ſeu abſceſſus quid	352
Aqua febrī qua febris eſt perpetuo conuenit	149
A quibus curatio auſpicanda	10
Ariſtoteles	210
Arteriarum pulſus naturæ index	32
Artuum muſculorumq; inflatorū curatio	344
Aſcites	407
Aſtringentia ſiccitati inimica	189
Aſtologia quatenus Medico neceſſaria	220
Atheroma	404
Atrabilis ſemper deorſum educendā, niſi aliō feratur	141
Atræ bilis repurgandæ ratio	390
Auerſionis ſpecies 170. Auicennæ error	301
Auicenna 143. Aurora	111
<b>B</b> Arbara emplaſtra	366
Balneum diariæ utile	48
Balnei dulcis aquæ uis	125
Balneum diarijſ febrībus commodiſſimum	38
Balnea quibus conducant, quibus non	173
Bilis commoda uacuatīo quæ	117
Bilis atra triplex	390
Bulimus unde, & eius curatio	184
Bubo quid & unde 67. Bubonum cauſe	37
Bubonis curatio 270. Bulimos	162
<b>C</b> Acoëthe ulcus quid	278
Calor natiuus duplex	232
Calor febrilis	34
Calor febrilis in diuerſis partibus diuerſas gi- gnit	



# INDEX.

Cognit februm differentias	34
Calor tertianæ 85. Calor naturā indicat	31
Cancrī genus quod curetur, quod non	393
Cancer sine ulcere & cum ulcere unde	243
Cancrorum ortus	390
Capitis dolentis curatio	203
Caput quomodo afficiatur	201
Carbūculus unde, & eius natura curatioq;	280
Carbo pestilēs unde 143. Carbūcul' unde 241. et	280
Carni generandæ idonea med.	388
Carne replentia	360
Cataplasma ad inflāmationes 260. Cavitas	28
Causis infestātibus contraria apponenda reme- dia 74. Causæ sanitatem seruantes	29
Cavitas oculorum	60
Causæ in affectus resoluuntur	25
Celsus	277. & 295
Celeris & frequentis pulsus causæ	53
Cerebrū rationis principium 57. Cirrha	367
Chirurgia in cancris temere nō adhibenda	393
Clyster 125. Coctio et cruditas qd promittāt	108
Cognoscere communem & minus communem omnium hominum naturam	7
Cognitio morbi, eius curationem præcedit	231
Color temperaturam ostēdit 31. Cōmunia	23
Communis omnium hominum natura	6
Consuetudo quid.	155
Consuetudo naturæ proprietatem docet	32
Cōtinuitatē quæ soluat 195. Cōtraria quæ	290
Contra	



# INDEX.

Contrariae positione partes quæ	294
Convulsio quomodo fiat	152
Cor tanquam rex in corpore	214
Cor animosæ facultatis principium	57
Corporis partiũ diuisio, earumq; affectus	219
Corporis habitudo eandem uim habet	31
Craſſus humor multiplex	242
Craſſa ac uiſcoſa medicamenta motu pigra ſunt 13.	Criſis quando ſalubris 221
Criſis quãdo bona, & quando contrà expectan da 221.	Criſis ſigna prognostica 206
Criſis quid 105.	Crustã à partibus ſoluẽtia 387
Cructorũ excrementorum quatuor ſpecies	197
Cucurbitule uis	289
Cur communia tantum ſcribat	21
Curarum accidentia 60.	Curandi ordo 10
Cutis rhacodes unde	380
Cutis denſitas quid & unde	64
Cyrenaicũ medicamentum	141
<b>D</b> efectionis ex ſupꝛuacuo calore curatio	185
Defectionis ob ingentem inflammationẽ curatio	186
Defectionis ex uehemẽti refrigeratiõe curatio	184
Deliquij animi ab obſtructione inſignis partis curatio	190
Deliquij animi à crudis humoribus curatio	175
Deliquiũ animi ab immoderata intẽperie	165
Deliquij animi uariæ deinceps recitãtur cauſæ, & curatio 191.	De natura motu 220
	Delig



# INDEX.

Deligaturæ in sinu ratio	372
Derivatione quando utendum	290
Diariæ febres facillime curantur	38. & 40
Dies decretorij	216
Diariæ malis accidentibus carent	50
Diariæ cur simplicissimæ	35
Diatritos febrinutilis	38
Dierum decretoriorum singulorum vis	212. &
eorundem ratio	210
Diospoliticon 140. Divisionis error	26
Divisio πολυσημία in sua signifi.	26
Divisio accidentis in subiecta	26
Digerentia molliendo	331
Dividendi ratio ad curationem perneceßaria	30
Divisio subiecti in accidentia	26
Diurnæ febris signa	102
Doloris differentiæ, ac qualitates unde sumantur	101
Doloris causæ. 194. Dolor quomodo sedetur	353
Dolor trifariam sedatur	344
<b>E</b> ffectus in suas causas resolvitur	25
Elementa quomodo misceantur	211
Elephantiasis 398. & 400. Emmotum quid	366
Emplastrum quid 366. Εμπλαστῆρ 195	
Εμπλαστῆρ quid 354. Epigoni emplastrum	366
Erysipelatis curatio 267. Erysipelas duplex	139
Erysipelas exquisitum duplex	240
Ερυσίπelas & unde	237
Evacuandi ratio pro temporis constitutione & consuetudine instituenda	154

D Exed



# INDEX.

Exedentis herpetis curatio	275
Exemplum de quodam adolescente	109
Ex utero quomodo reuocandum	297
Ex utero quomodo deriuandum	297
Ex oculis animi mores deprehenduntur	56
Excrementa 19. Exemplum ex Galeno	248
Externum calorem quid uocet	76
Exemplum de progressionem, quis cuiusq; partis cula sit usus	247
<b>F</b> ebbris substantia	33. 42
Febres ex bubone quæ mites	37
Febris assidue notæ	115
Febrium principes notæ ex quibus desumatur	42
Febris ex cutis densitate	66
Febris continua quomodo fiat	78
Febris intermittens quomodo fiat	78
Febris cur cognoscenda	79
Febris diariæ ex bubone accidentia	68
Febris quotidianæ causæ	143
Febris ex lassitudine	62
Febres ex bubone quæ malæ	37
Febris putris notæ	49
Febrium quæ ex humoribus accenduntur diuer se species 35. Fermenti natura	356
Figura 18. Finis in sua media	25
Fistula quid, eiusq; curandi ratio	376
Fluxio quomodo impediatur 255. Flauus color	65
Fluxionis in aliquâ partem affectâ curatio	279
Flatus causa 343. Fluxionis causæ	255
	Flux



# INDEX.

Fluxio quomodo fiat	178
Fluxionis differentie unde sumantur	291
Forma instrumēti 18. Frigus cutem claudit 37	
Frig <sup>9</sup> 82. Frictiōis uis 190. Frigide facultas 170	
Furor febrem generat 36. Furoris accidētia 60	
<b>G</b> Angrana, eiusq; curatio	382
<b>G</b> Genus in species diuiditur	14
Glandulæ cur facillime fluxiones recipiant	235
Glandularum natura	321
<b>H</b> Aemorrhoidarum notæ	226
<b>H</b> Hecticæ febris differentie	35
Herpetis utriusq; curatio 274. Hippocrates 305	
Hispanica scabies 278. Horror	82
Hypothesis de folle	91
Hypothesis de febricitate cum symptomate	150
<b>I</b> Ecur concupiscentie est principium	57
<b>I</b> Iecoris scirrhusi curatio	337
Iecur uehemētia uti liē medicamēta nō fert	337
Iecoris scirrhus inueteratus insanabilis	337
Imbecillitas quid	180
Imbecillitas frigus refugit	182
Inchoandum semper à lenioribus	326
In curis & cogitationibus corporis habitus minus exiccatur	56
Incognita propria ægroti natura ad commune confugiendum	23
Indicatio à rebus secundum naturam	29
Indicationes à quatuor generibus	283
Indicatio à temperie partis	181



# INDEX.

In diarijs nulla pulsus inequalitas	47
In diuersis indicationibus urgentiori primum consulendum	158
Indicatio à sensus acumine & hebetudine	317
Indicatio à partis facultate	314
Indicatio à partis formatione	285
Indicatio à rebus præter naturam	30
Indicatio à partis robore	316
Indicatio à partis situ	288. & 310
Indicatio omnium morborum communis	320
Insensilis transpiratio	49
Inflammationis causæ quædam & curatio	264
Intemperantiæ octo	180
Innumera hominum particulares naturæ	7
Inequale incrementum quando appareat	101
Instrumentorum fabrica quibus absoluantur	28
Inequalitatis sensus causa	50
Intermittentium februm curatio	103
In omni inflammatione pulsus est serrans	46
Intemperantiæ diuisio	30
Inflammationis diuisio prima	232
Incisurarum diuisio 358. Inflammationis species	230
Inflammationum causæ & curatio	333
Indicationes unde petendæ	160
Inequalis pulsus causæ 53. Intercutis origo	405
Intemperierum quatuor curatio	278
Inflammationis causa	234
Inflammati erysipelatodes & erysipelas phle- gmonode quid, & eorum curatio	268
	Irac.



# INDEX.

<i>Iracundia febrē gignit</i>	36.	<i>Iracūdia pulsus</i>	32
<i>Kαργὸς</i>	18.	<i>Kαργὸς ὀφθαλμῶν</i>	16
<b>L</b> <i>Abrorum ulceris uitiatorum curatio</i>			279
<i>Lasitudinis sensus febrem facit</i>			36
<i>Lesbiū uinum</i>	172.	<i>Leucophlegmatias</i>	407
<i>Licnis flatuosi curatio</i>			335
<i>Lienis scirrhusi curatio</i>			334
<i>Longitudo quomodo depræhendatur</i>			117
<i>Locus cui adhibetur remediū formā medicamēti docet</i>	17.	<i>Lunæ in morbis imperium</i>	218
<i>Lunæ uarij effectus pro figurarū uarietate</i>			217
<i>Lunæ lucis ratio</i>			214
<b>M</b> <i>Ador</i>	49.	<i>Māsuētissimæ febris signa</i>	50
<i>Mala febris accidentia</i>			50
<i>Magnitudinem quæ indicent</i>			118
<i>Magna inter diarias cognatio</i>			40
<i>Magni pulsus cause</i>	53.	<i>Methodus uniuersalis</i>	9
<i>Medicamenta elephantiasi accommoda</i>			401
<i>Medicamentū dolorem citra noxā leuans</i>			258
<i>Medicamenti ex cōbusta charta compositio</i>			365
<i>Medicamenti ex chalcite compositio</i>			261
<i>Mensis reuolutionis</i>	218.	<i>Meliceris</i>	404
<i>Mensis medius qui &amp; criticus, unde</i>			219
<i>Mēstū notæ</i>	226.	<i>Mēsis illuminationis quid</i>	217
<i>Miliaris unde</i>	238.	<i>Miliaris herpetis curatio</i>	275
<i>Mæror febrem parit</i>			36
<i>Mæstitiæ &amp; curæ signa differunt</i>			55
<i>Modus cibādi unde sumat</i>	72.	<i>Morbi diuifio</i>	30
<i>Morbi spēs, mores et magnitudo unde noscat</i>			248



# INDEX.

Morborum differentie unde	244
Morborum mutatio	205
Morbi salutaris aut contrà, notæ	217
Morbi diuturni. paribus dieb <sup>9</sup> indicari solēt	216
Morbus	6
Morborū succicla recēſio, atq; curatiōis ratio	320
Muse paſtillus 276. Macharionis emplaſtrū	366
Mulſa uarie coquitur	175
<b>N</b> Arcoticum quid	354
Natiui in corpore uarij colores	316
Natura ſanguinis & carnis genitrix	387
Necroſis 382. Natiuus calor quomodo ſeruet	76
Natiuum calorem perdentia	382
Natura quomodo ad ſuā reducatuſ tēperie	130
Natura iuuāda 126. Naturalis urina qualis	66
Natura aſcitiua 6. Natura	6
Natura ſc ad incunda explicat	171
Nature motus qualis eſſe debeat	226
Natiuus calor duplex	33
Natura intra certos elemētōrū fines cōtinetur	6
Natura ſubitas mutationes non ſuſtinet	17
Non in omnibus diarijs eodem modo nec eiſdem balnei partibus, nec eadem uictus ratione u- tendum 71. Notæ à pulſibus	90
Notæ febris minus certæ	42
Nominum ratio uaria	244
Nouem modis elementa miſcentur	28
Nouē ſymmetrie 28. Nouē hominis nature	7
Notæ caliditatis	93
Nutri	



# INDEX.

Nutritum quomodo deficiat	163
<b>O</b> bscura signa 41.	Occasio 17
Oedematis natura eiusq; quatenus sym-	
ptoma est curatio	323
Oedematis duplex curatio	325
Olea repellentia 240.	Opora 123
<b>P</b> artes principes corporis	190
Paulus Aegineta	275
Partium corporis naturæ, actionis & usus cogni-	
tio morbo cognoscendo necessaria	245
Pastionis pastillus	276
Partium diuisio duplex; eiusq; intellectus	313
Particulares naturæ sub artem non coguntur	8
Partes quæ præcipue febre obsidentur	42
Pallidus color	65
Partis formatio medicamenti quantitatem præ-	
scribit 16.	Partitio 26
Parni pulsus causæ 53.	Partis conditio 15
Petrus Brissous	294
Peculiare quoddam remedium tum locus, tum	
affectus desiderat	13
Pertinacia affectus medicamenti quantitatem	
uariat 15.	Peculiare naturæ cogno. & c. 8
Phæa 367. Phyma qd 244. Phygethli curatio	271
Physis 6.	Phymatis curatio 271
Piper triplex	139
Polychreston medicamentum 361.	Poma 123
Post lauationem ad solitā uictus rationē aeger est	
relegandus 38.	Polyida pastillus 276



# INDEX.

Privata naturæ medicamēti modum variat	15
Primæ qualitates	12
Prima diariæ accessio quomō intelligi debeat	48
Primum caloris naturalis genus	33
Propria cuiusq; natura	7
Pus inuentia 365. Putredinē auferentia	384
Putredo quid, & eius causa, ex Aristotelis sentētia 76. Pulsus quotidianarū febriū	98
Purgantia blande	133
Pulsus inæqualitas in diuersis arteriæ partibus 47. Pulsus dicrotus	46
Pulsus in inflammatione idem perpetuo non manet	46
Pulsus tertianarum omnium intermittentiū celerissimi 91. Pulsus iracundiæ & furoris	54
Pulsus in animi affectibus quales	52
Pulsus tertianæ, aliāq; eius accidentia	85
Pulsus causæ	53
Pulsuum inæqualitas duplex	191
Putrefactionis idem modus apud medicos & philosophos	77
Putrescētū in animātis corpore partiū ordo	77
Putredo quomō fiat 75. Purgationis effectus	289
Pyritis lapidis uel molaris ministratio	333
Quando ad propinqua, quando ad longinqua reuocandū 306. Quartanæ signa	89
Quartanæ febres uagis ferè succedunt	83
Quartanæ uictus ratio	138
Quartana febris	105

Quad



# INDEX.

Quadrangulis maxima vis inest.	216
Quartane signa præcipua	89. 94
Quantitas 14. Quartane curatio	136
Quando in diaria cibandum	51
Quando in hydropè purgandum	410
Quantitas morbi quid	117
Quatuor instrumenti sanitatis differentie	28
Qualitates sensiles	29
Quartane signa minus præcipua	94
Quæ primas sequantur qualitates	12
Quæ ex ambabus nascantur qualitatibus	12
Quæ propriæ cuiusq; naturæ cognitionem sug- gerant	31
Quæ substantiæ concrementum sequantur	12
Quæ remedia efflagitent	18
Quibus notis post compositos animi motus fe- bris deprehendatur	54
Quid in curatione magis urget	10
Quibus signis febris mores deprehendantur	47
Quibus uniuersalis methodus constet	12
Quot modis elementa miscentur, totidem natu- ras esse 6. Quotidianæ accidentia	144
Quotidiana febris	104
Quotidianarum signa	98
<b>R</b> Arus pulsus	89
Ratio adhibendorum purgantium medica- mini 13. Ratio adhibendarum qualitatũ	12
Recessus à iusto tẽperamento ad amussim non deprehenditur	8

D 5 Refri



# INDEX.

Refrigerantia medicamenta	167
Remedia uariantur pro partium affectarum di- uersitate	283
Remediorum opportuna tempora ex quibus su- mantur	18
Remediorum tempora particulatim ex quibus petantur 19.	Repellendi ratio 255
Res præter naturam	29
Respiratio quomodo prohibeatur	161
Retractione quando utendum	290
Retractionis ad propinqua ratio	316
Renocantia ad longinqua, propinqua, & ad u- traq; 196.	Rigor quid 82
Robur unde noscatur 118.	Rufus color 65
<b>S</b> alsamentum quid	139
<b>S</b> aliuæ ratio in pleuritide	251
Sanguinis missionis in pleuritide ratio	300
Sanguinis missio in costarum inferiorum pleuriti- de an utilis 306.	Sanguinem sistentia 173
Sanguis quando mittendus	147
Sanguinis missio, uehemensq; purgatio in ter- tianis exquisitis parum probatur Galeno	116
Sanguinis è naribus fluxuri notæ	226
Sanguis quando in hydrope mittendus	409
Sanguinis missionis in inflammatione ratio	293
Sanguinis missionis ratio in uteri affectu	299
Sanitatis effectus	29
Scarificationis & hirudinum uis	290
Scirrhi qui incurabiles	331
	Scir



# INDEX.

Scirrhus quid, & eius curatio	330
Secundum caloris naturalis genus	34
Secundi generis naturalis caloris differentia	34
Secundæ partes	34
Sectionis uenæ effectus	189
Sensus frigoris, horroris & rigoris in balneo cau- se 50. Sēforijs quæ grata, quæ ingrata	177
Sexus temperatura index est	32
Siccitatis uarij modi	187
Signa minus præcipua unde sumantur	94
Sinuum differentia	371
Signa præcipua unde sumantur	41. & 93
Signorum cognitio ad morbi curationem perne- cessaria 22. Signa ab urinis	99
Signa intermittentium febrium	101
Signa alia præcipua, alia minus præcipua	93
Sinus quid, eiusq; curatio	365
Sine naturæ tam communis quàm priuata co- gnitione recta curatio non fit	8
Sinus altarum partium coitionis notæ	375
Simplici uacuatione quando utendum	290
Sitis unde	87
Situs & societas partium uariandi remedij ra- tionem obtinent	16
Solis ardor quibus modis spiritum accēdat	37
Sol omnis luminis fons	213
Solutionis modus speciem febris declarat	48
Sphragis pastill <sup>9</sup> ali <sup>9</sup> Polyida 276. Sphacelos	382
Spiritus quibus de causis pereat	362
Spir	



# INDEX.

Spiritus resolutionis cause	163
Spuriarum febrium uictus ratio & curatio	131
Steatoma 404. Stomachi imbecilli curatio	181
Stomachus unde magis laboret	181
Stomachi ac uentris humore uitioso uexati curatio	202.
Struma curatio	403
Sub diuisione quæ contineantur	24
Succi alij alias generant febres	81
Sudor blandus unde	68
Summe spurie signa	113.
Sudor	49
Summonendoru quæ præter naturam sunt trisplex est scopus	299.
Sudoris nota	226
Syderatio	372
Symptomata rationem cause obtinentia	150
Syncope quid	161.
Symptomatis diuifio	150
Syndrome plethorica	192
Symptomata affectum prodentia	150
Symptomata duplicia	147
Syncopæ à siccitate curatio	188
<b>T</b> ardus pulsus	89
Temperata natura duplex	7
Tendonis scirrholi curatio	332
Tenuia medicamenta celeriter in corpus feruntur	13.
Temulentia febrem efficit	36
Tertianæ exquisitæ finitio, & quomodo fiat	106
Tertianæ febris duo extrema	113
Tertiana & aliarum uictus	104
Tertiana febris	104
Tertiana exquisitæ signa	113
Ter	



# INDEX.

Tertianæ exquisitæ uictus ratio curatioq;	112
Tetrapharmaci compositio	263
Timoris pulsus	53. & 54
Topica remedia	173
Tristitiæ pulsus	53. & 54
Tussim excreatio non semper sequitur	251
Tympanites	407
<b>V</b> acuandi ratio à corporis habitu	156
Vacuationem quæ dissuadeant	148
Vacuationē quæ renuant, & quæ admittāt	156
Vacuatio quomodo fiat	163
Vacuandi ratio in conuulsis	152
Vacuandi ratio in uehementibus uigilijs & doloribus	153
Vacuandi ratio ab ætate	157
Vacuatio uiribus respondere debet	148
Vacuatio omni hydropi communis	409
Vacuandi modus in hydrope	166
Vaga & erratica febris	84
Vapor	49
Varia corporis partium temperamenta	34
Varia uictus ratio pro uarijs affectuum generibus	145
Ubi nihil urget à causis. curationis ordo est pendendus	11
Venarum in cruribus continuitas	195
Vena humorem melancholicum uacuans	137
Ventre profluente alia supersedendum uacuatione.	151
Venæ	



# INDEX.

<i>Vene secunde locus, &amp; uacuationis differentia</i>	
<i>unde sumantur</i>	291
<i>Vena interna utero respondet</i>	297
<i>Venarum textura</i>	294
<i>Ventris inflati curatio</i>	344
<i>Vergilia</i>	109
<i>Vere solida substantia</i>	35
<i>Via per quam humor educitur</i>	16
<i>Virtutum trium imbecillitatis notæ</i>	196
<i>Vires quibus seruentur aut corrumpantur</i>	162
<i>Vigiles sensus otiosi non sunt</i>	37
<i>Vires in morbo quando ualentiores</i>	19
<i>Virium augendarum ratio</i>	130
<i>Virium substantia</i>	162
<i>Virgilius</i>	212
<i>Victus humidus omnibus febribus perpetuo</i>	
<i>confert</i>	130
<i>Vires corpus nostrum gubernantes</i>	162
<i>Virtutes naturales quatuor</i>	321
<i>Vino quando utendum, quando non</i>	171
<i>Vinum frigidum quando propinandum</i>	174
<i>Vinum quibus dandum</i>	73
<i>Vigiliæ cruditatem pariunt</i>	59
<i>Vires</i>	28
<i>Vires suis actionibus cognoscuntur</i>	31
<i>Vinum calidum quando propinandum</i>	172
<i>Vigiliarum accidentia</i>	59
<i>Vitæ genus naturam ostendit</i>	31
<i>Vires quid</i>	117
	<i>Vibra</i>



# INDEX.

<i>Vibrati pulsus causæ</i>	53
<i>Vinum celerrime reficit</i>	183
<i>Virtus semper seruanda &amp; quomodo</i>	283
<i>Virtutes communes, earumq; origo</i>	313
<i>Vinculorum effectus</i>	170
<i>Vinculorum vis</i>	290
<i>Vlcerà uariantur pro humoris qualitate</i>	238
<i>Vnde appellationem sortiantur qualitates</i>	12
<i>Vnde vis purgatoria</i>	ibid.
<i>Vnica diariarum forma</i>	35
<i>Vomitùs notæ</i>	225
<i>Vomitùs commoda prouocatio</i>	182
<i>Vomitùs per quâ utilis inueteratis febribus</i>	133
<i>Vomitio</i>	125
<i>Vrinæ mouendæ ratio</i>	126
<i>Vrinæ in febris diariæ declinatione quales</i>	49
<i>Vrinarum notæ</i>	226
<i>Vrinæ secundum naturam quales</i>	47
<i>Vtendi medicamenti modus ac ratio</i>	16
<i>Vteri suffocationis causæ</i>	164
<i>Vulnerata pars quomodo collocanda</i>	170

FINIS.



Εἰς τὸν Γαληνοῦ τὸν πρὸς Γλάυκωνα  
θεραπευτικῶν ἐξηγητὴν, Ια-  
κώβου Τουσάνου.

\*

Σμικρῆς μὲν σελίσιν ταύτης, κρυφίης δὲ Γαληνός  
τὴν καθόλου μάριφας πῶς ξερᾷ, ἀνεσορίην.  
Ὅψι γὰρ Ανάκλειος λαμπραῖς, ὡς ἄλλῃ Ἀπόλλων,  
Ἀκτίσι σοφιστὸν τὸ σκότῃ ἐσκέδασεν.

ANTHONII GALLI,  
Doctoris Medici, ad Marti-  
num Acaciam de-  
castichon.

\*

In trinijs quondam solitus dubitare viator,  
Stare loco, cœptam nescius ire viam.  
At Maia genitus fesso succurrit, & illi  
Quod erat in votis indice se exhibuit.  
Quid nunc Martinus solus monstrator? in arte  
Nempe. dei partes gessit, & unus habet.  
Quod cernens stupuit deus, aligero pede terram  
Succutiens cœlos euolat, hæc & ait:  
Perge alijs monstrare viam, iamq; ipse faceßo:  
Nam medicina tuo deniat haud digito.



